






M

14-2810

89.68




APOLOGETICVS

EORVM QVI HOLLANDIÆ
VVESTFRISIÆ QVE ET VICINIS
quibusdam nationibus ex legibus præ-
fuerunt ante mutationem quæ evenit
anno CIO IO CXVIII.

SCRIPTVS

AB HVGONE GROTIO I. C.
*antehac Fisci Hollandici, Zelandici, Vvestfrifici
advocato, ac post adfessore oppidi Rotterodamensis,
& inter curatores reipublicæ Hollandicæ ac
Vvestfrificæ delegato.*

Cum refutatione eorum quæ adversus ipsum, atque
aliôs acta ac iudicata sunt.



PARISIIS,

Sumptibus NICOLAI BVON, via Iacobæa sub signis
sancti Claudij, & Hominis Siluestris.

M. DCXXII.

CVM PRIVILEGIO REGIS.





HOLLANDIÆ.

V V E S T F R I S I Æ

V I C I N A R V M Q V E N A -

tionum rectoribus superioris at-
que inferioris gradus, populoque
omni



H V G O G R O T I V S S A L V T E M .



*ET V S hoc dictum à maioribus
nostris ad nos devēnit : menda-
dadium utcūque celeres cur-
sus habeat, tandem tamen à veritate de-
prehendi: cui consentit illa Græcorum sen-
tentia , veritatem Temporis esse filiam.
Quamobrem nihil est quod miretur quis-
quam, si defensio innocentiae nostræ quar-
to demum anno prœdit post mutatam apud*

â ij

nos rempublicam, nosque per iniuriam con-
demnatos. Iure proditum est, impedito tem-
pora causis fatalia non labi. Ego quo mi-
nus iusta mea in lucem proferrem impedi-
tus varie fui: primum Hagæ per menses
novem, dum omni hominum aditu inter-
cludor: deinde Lupesteinensi custodia, quæ
ut dominantibus libitum intendebatur,
etiam supra quam aut sententia ferebat,
aut federatorum procerum decreta. Post-
quam his vinculis divina me beneficentia
exsolvit, tempore opus fuit ad ea conqui-
rēda quorum subsidio causa non tam mea,
cuius nihil nisi ministerium fuerat, quam
eorum quorum sub potestate fueram, in-
digebat. Adde iam quod quæ vitia efficiunt
ut acta & sententia ipso iure nulla sint,
atque ea præsertim quæ iuri publico ad-
versantur (cuius generis multa admodum
indicabuntur) quovis tempore, dum trice-
simum intra annum, detegi possunt, ita ut
nec provocatio desideretur, sed ea satis sit
ad eorum, quorum interest, notitiam per-

duci: quod factum videmus in causa Vuil-
helmi Arausionensium Principis, Comi-
tumque Egmondani & Hornani. Iam
verò & hoc apparet ademtam nobis fuis-
se provocandi libertatem, quando iudi-
ces dati sunt in nos ab iis quibus dandi ius
non fuit & quorum res agebatur. Pres-
criptio fori qua remitti postulabamus aut
ad Procures Hollandiæ & Vvestfrisiæ,
ut summas nostras potestates, aut ad
proprios cuiusque iudices secundum patriæ
oppidorumque leges, admissa non fuit:
sed & inanis erat reddita, deiectis con-
tra leges illis, quibus nos actuum nostro-
rum rationem reddere & ius & æquum
fuerat. illæ igitur viæ cum nobis sine facto
nostro obseptæ sint, restat hæc quam ini-
mus unica ad veritatem iis omnibus ape-
riendam qui sub affectibus animû non ha-
bent, etiam post futuris. Ea vero hæc est.
Inter doctores eius religionis qua Refor-
matæ nomen obtinet, tum apud nos tum
alibi sententiarum quadam varietas fuit,

super prædestinatione divina, gratia am-
plitudine atque efficaciæ modo & de per-
severandi certitudine, quod editis libris
manifestum fit. Eorum numerus qui præ-
destinationem certa sub lege, Gratiam
universitati hominum expositam, effica-
ciam non ineluctabilem, & perseverandi
certitudinem non sine conditione aliqua
statuunt, cum aliqui pridem fuissent Tra-
iecti, Goudæ, Hornæ, atque alibi, inqui-
rendi studio sumsit incrementa: his oppo-
suerunt se alij prædicantes eam opinionem
cum verbo Dei & consensus formulis pu-
gnare, atque illos pastoralis munere deice-
re, aliisque censuræ Ecclesiasticæ notis inu-
rere aggressi sunt. tum qui accusabantur,
premebanturque verbis se defendere. Hol-
landiæ & Westfrisiæ procures secuti con-
siliū, primū superioris iudicium apud se
confessus, deinde etiam Britannia Regis,
ore enuntiātum perscriptumque, cum satis
appareret, siqua super illis controversiis ex
plurium pastorum sententia definitio fieret,

*non abituram rem sine divortio, corpus ipsum Reformatæ religionis ipsamque rempublicam non modice afflicturo, multosque magistratum, ut iam de civibus privatis compluribus virtutis & patriæ amanti-
bus nihil dicam, animo esse ita propenso in eam quæ accusabatur sententiam, ut eius damnationem salva religione neque probare possent, neque ei potestatis suæ vim accommodare, optimum factu iudicarunt edicere pastoribus, ut in iis controversiis alter alterum ferrent, neque tractarent id argumentum nisi temperatè & quatenus ad pietatem conducere, manente fraternæ caritatis inter ipsos vinculo. Utque abrupta omnia illarum questionum vitarentur, neque novis pateret aditus, alia atque alia deinceps facta sunt decreta, quæ viris pie doctis, domi forisque compluribus placuere. Sed enim pastorum aliqui cum certam ex definitione victoriam animo præcepissent, neque ad eam via legitima pervenire possent, intercedentibus de-*

crepitis quæ dixi, clandestinis cætibus atque
arcano inter se federe plebem ad secessio-
nem Ecclesiasticam suscitarent, atque, ut
ei auctoritatem adderent, apud oppida
quædam & nonnullas nationes vicinas
in id laborarunt ut res deduceretur ad
communem Synodum, quam ipsi, quasi
septem fœderatæ nationes una natio fo-
rent, vocant nationalem, quod nolenti-
bus erat Hollandiæ rectoribus plerisque,
Traiectinis quoque & Transisalanis &
parti Geldriæ, metu malorum quæ ex
definitionibus nasci solent. Eidem ita cen-
sebant, ab eis nationibus quas ista con-
troversia minus occupabant cogi se non
posse, ut tali ad definiendas quæstiones
conventui indicendo accederent, quan-
do singulæ nationes etiam post fedus Tra-
iectinum inter ipsas initum, quomodo cæ-
tera supremi imperij, ita etiam ius ordi-
dinandi Ecclesiam & sacra publica sibi
exceperant, testante id federe ipso,
actisque posterioribus & more ad ulti-

ma hæc tempora continuo. Neque eo minus testabantur velle se perstare in religione reformata, hac lege ut in istis controversiis dissentiendi libertas permitteretur: cui sine turbis populi que motu cum modo usurpandæ conditiones variæ proponebantur. Sed pendente hæc deliberatione qui paci mutæ adversabantur aliquot in locis templa invasere, alibi iciecere dissidentes, quin & ius illud oppugnarunt quod in Hollandia æque ut apud populos vicinos magistratus exercuerant antiquitus & ad id tempus exercebant, veniendi in partem suffragiorum, quoties de sacro munere mandando agitur. Fuere & qui acerbis declamationibus & libellis famam attentantibus rectores plebis obicerent odio, atque etiam vim in eos facerent. Mauritius Arausionensium Princeps cum diu se quietum in his controversiis continuisset, arcanis quorundam artibus in Oldenbar-

barneveldium *Hollandia* assessorem (advocatum vocat) florentissima pridem apud conventum auctoritatis, à quo olim cum inducia fierent, dissenserat, magis magisque concitatur: Simul de forma reipublicae, cui minus se immiscuerat haecenus restrictus negotiis militaribus ea docetur quae neque cum legibus, neque cum moribus congruebant. Tandem igitur quae pro ferenda sententiarum diversitate ab *Hollandia* proceribus decreta erant, improbare incipit, desertisque templis publicis aggregare se iis qui secesserant: Etiam proceribus *Hollandia* ignaris praecepta dedit ordinariis militibus ne se moverent in negotiis quae ex eis controversis orirentur, cum aliter sentirent *Hollandia* procures, suis nimirum decretis obsequium à milite deberi & tutelam oppidorum rectoribus, locisque publicis adversus vim qualemcunque ac seditionem. Ea re moti magistratus nonnulli oppidorum ubi aut nulla, aut suspecta rectoribus, ob ea quae dixi, praesidia erant,

ex decreto procerum Hollandiæ custodias oppidi sui auxere atque ordinavere, quo iure & antehac usi sæpius fuerant nihil contradicentibus proceribus Federatis aut præfecto qui idem ordinariorum militum est magister. Fecerunt idem in sua terra proceres Traiectini: tamque hi quam illi professi sunt habituros se hunc militem suis impendiis extra communia rei bellicæ onera. Sub idem tempus duo iudicum, ad quos ab oppidis provocatio est, confessus, incipiunt contra decreta procerum Hollandiæ decernere iis literis quibus quos visum in ius vocabant. id vero Hollandiæ proceres non iure factum & iudiciariæ potestatis terminos excedi, pronuntiant, ut & ante hæc tempora sæpius. Nationes nonnullæ à Principe Mauritio aliisque impelluntur ut communem Synodum quam nationalem vocari diximus conventus Fæderatorum nomine indicant, & militares oppidorum custodias dissolvant. Opponunt se huic molitioni tum Hollandi, tum Tra-

iectini proceres , testati non licere Federatis ex maioris partis sententia sese intercedentibus iis in rebus quicquam constituere. Pergunt illi Synodum indicere, vocatis etiam aliarum gentium Theologis, nec aliis tamen quam quos constaret accedere illis placitis quibus victoria destinabatur. Reiectæ conditiones quas Hollandi aliique ferebant ad res placide transigendas. Atque interim Princeps Mauritius cum nonnullis ex conventu federatorum legatis Traiectum proficiscitur , invitisque eius nationis primoribus custodiam exarmat : quod ne fieret, legati ab Hollandia frustra laboraverant quibus à suis proceribus iniunctum erat , ut Traiectinis primoribus pro virili adessent, & si res exigeret , ordinarium militem sibi merentem monerent nequid invitis proceribus Traiectinis per vim attentaret in rebus ad internum eius nationis regimen eiusque securitatem pertinentibus ut quæ nationes seorsum singulæ penes se retinuissent. Rex

Galliae intellectis amicorum diffidiis, Bossizium ad ipsos allegat, qui consequenter his quae per Mauregium eiusdem Regis ordinarium legatum acta haecenus fuerat, auctor esset omnium quae ad concordiam spectabant: eiusque spe adducti oppidorum in Hollandia rectores, ut custodias dimitterent. Vix id factum erat cum octo homines procerum Federatorum nomine assumpto à quibus mādatum ad eam rem non habebant, capi iubent Oldenbarneveldium (quem Hollandiae proceres non multo ante in tutela sua fidem receperant) Hogerbetiumque & me. Adversum id Hollandiae proceres & nostrorum oppidorum rectores querelas exponunt. Cum diu detenti in carcere & interrogati subinde essemus, tandem nomine Federatorum procerū iudices in nos dantur. neq; profuit nobis ex patriis legibus moribusq; docere nullā Federatis primoribus in eos esse iurisdictionē, ipsosq; iudices multis de causis suspectos esse. Pergitur in proposito, neq; data nobis re-

cognoscendi quæ in quaestione perscripta erant, neque iusta nostra patefaciendi, neque probandi facta ad defensionem pertinentia, neque testes refellendi, neque aliorum consilio utendi potestate, fertur sententia mortis quidem in Oldenbarneveldium, perpetui vero carceris in nos, in universos bonorum publicationis. Anno post, inauditis nobis, secuta est sententia interpretatio qua in Maiestatem peccasse pronuntiamur. Vere profiteri possum in sententia contra me multa posita extra verum, multa quæ disertè à me negata sunt, quædam quorum plane ignarus eram, quædam de quibus nec interrogatus sum, tantum abest ut auditus me defenderim. Et hoc & alia multa liquidò apparerent, si quæ ad interrogationes singulas in quaestione respondi ea integra atque sincera in lucem proferrentur, quod ut fiat obnixè postulo. Ante nos captos Traiecti nobiles virisque rectores, dum capti detinemur per Hollandiam decuriones, consules, oppidani

74. 917
iudices tempore non suo destituuntur, suffectis aliis contra leges sanctissimas ipsis quondam Hollandiæ Comitibus iuratas & per multa secula piè cultas. Antequam haberetur damq; habetur Synodus quam Nationalem vocabant, multi pastores qui Prædestinationem docebāt conditione subnixam (Remonstrantes appellari mos erat) munere suo deiciuntur. Ex iisdem alij ad Synodum vocati iubentur causam dicere apud adversarios qui iam ante secessione, declamationibus in templo, Synodoque, libris etiam scriptis ipsos prædemnaverant, neque tamen permittitur ipsis suam tueri & contrariam sententiam oppugnare amplius quam Synodo, id est adversariis, æquum videretur. Eiecti Synodo damnantur, sequitur edictorum sævitia adversum damnatæ iam sententiæ cœtus, stipisque collectionem ad alendos pastores qui patria expulsi aut relegati si redeant, perpetuo carceri mancipantur, illectis per præmia delatoribus. Discutiantur cœtus

inclementius etiam quam ferunt edicta, vi
sape non incruentâ, magno cum dolore in-
gentis numeri optimorum virorum Chri-
stianæ pietatis patriæque amantium. Ita
se habet res gestâ. profiteor nunc ego non
posse à me probari spectam ferendi se mu-
tuo æquitatem procerum Hollandiæ decre-
tis definitam, pastorumque condemnatio-
nem & quæ eam sequuntur. Quæ omnia
æquis agendi rationibus præverti arbitror
fuisse rectius, cum illa utilia publico Prin-
cipique Mauritio esse non possint, quorum
salus ac gloria, in fallor, in prona civium
voluntate consistit, eorum maxime qui
Patriæ devoti addictique sunt, quales esse
iudico eos qui magistratu sunt demoti,
multaque millia triumphatæ nunc senten-
tiæ. Attamen in omnibus eis quorum ac-
cusor nihil actum à me est privato studio,
sed iussu tum Hollandiæ procerum, tum
rektorum oppidi Rotterodami, quibus ego,
non Federatis proceribus, non alij morta-
lium cuiquam sacramentum dixeram:

Quibus

Quibus proinde cum parui nulla à me læ-
sa est Maieſtas, ſed ſummis inferioribus-
que poteſtatibus id tributum quod natura
& muneris neceſſitas exigebant. Si quis
habere ſe putabat quod de eis quæ ut alio-
rum miniſter feceram quereretur, non ego
eram conveniendus, ſed quibus in me erat
imperium: Quod ſi etiam feciſſem aliquid
privato auſu (quod ita non eſt) tamen non
ab adverſariis eram iudicandus, neque à
conquiſitis in me iudicibus, nec à quoquam
qui à Federatis proceribus accepiſſet iudi-
candi poteſtatem, ſed à perpetuis meiſque
iudicibus ut iubent communes patriæ &
oppidorum propriæ leges pro quibus armæ
olim ſumſimus. Animum meum quod at-
tinet, coram Deo & humano genere teſtor
non alium eum fuiſſe, quam legitimam rei-
publicæ formam ſub qua natus educatus-
que eram tueri, & Eccleſiæ unitatem pro-
curare amica, & cum præceptis divinis non
pugnante compoſitione, quam ad rem mul-
ta à me ſunt propoſita, multa etiam tum in

parato habita cū in carcerem abducerer.
Qui de proposito meo secus iudicant, iniuri-
am mihi faciunt, neque ulla iusta ratione
nituntur. Vita mea labe notaque caruit.
Qui meae functionis tempore oppido Rot-
terodamo praefuerūt, sciunt quam pro eius
oppidi salute & commodis laboraverim.
Curatores fisci testari possunt quam acri-
ter & sine gratia ac metu rem fiscalem de-
fenderim. Confessibus iudicum Hollandiae
nota est integritas mea in persequendis de-
lictis. Qui me in conventu procerum Hol-
landiae & in confessu curatorum reipubli-
cae Hollandica vidēre, meminisse possunt
quis labor meus fuerit ut per parsimoniam
& vectigalium augmenta aerario succur-
reretur. Neque ignorat Princeps Mauri-
tius quam ipsius desideriis satisfecerim in
privatis negotiis quae mihi committenda
iudicavit. Etiam qui in Federatorum con-
ventu mecum unā fuere rogantur animo
repetant quam à me collata sint omnia
quae pertinere poterant ad collocandam in

tuto rem contra vim hostium, ad prove-
henda commercia per Indiam, Americam-
que, ad amicitiam recte colendam cum re-
gibus aliisque sociis ac federatis. Quam
cordi mihi fuerit gloria reipublicæ & eo-
rum quæ pro republica fortiter sunt facta,
peculiariter etiam Principis Mauritijs laus
atque fama, testari possunt libri partim à
me vulgati, partim quos necdum editos
amicis videre contigit. Pro his officiis si
præmium expectassem, fuerat id quidem
non sine exemplo. Sed nunquam eo respe-
xi, contentus meo salario & honesti nomi-
nis mercede. Quæ vero mihi gratia repen-
sa est? Quod per menses novem cum mor-
bis gravissimis tenerer in arctissima custo-
dia habitus sum ita ut nec coniugem, nec
amicos semel conspicere liceret: Quod rei
habitu in id auditorium deductus sum in
quo iuris publici dignitas me tuente stete-
rat. Quod uni deinde cubiculo inclusus &
militum copiis circumseptus sum etiam
uxori erepta interdum procedendi liberta-

te: Quod facultates exigua, & si vlla cuiusquam in omni populo honestè parta mihi & quinque liberis adempta sunt: Quibus cunctis unum est gravius quod popularium exterorumque aures impletæ sunt falso rumore, quasi prava adversus patriam consilia suscepissem, quia plerique adduci non possunt, ut credant ita quenquam tractari qui quæ egit, bona fide egerit. Neque intra me stat iniuria: sed ad propinquos atque affines immeriti odij ac calumniæ pars redundat, qui tanquam hostes publici ac proditores non uno in loco dictis ac factis impetuntur. Contra hæc omnia solatium mihi in Deo positum est & in bona conscientia, & in exemplo plurimum optimorum civium qui nullius peccati, sed solidæ virtutis ergo similia pertulerunt. Prodiit nuper incogniti scriptoris Latinus liber qui ait me ob acceptas iniurias si non corpore at animo cum Rege Hispaniæ futurum. Longe id à vero abest. scio omnem ultionis cupiditatem Christia-

nis interdictam. Regi Hispania, nec debeo
quicquam, nec debere desidero. Corpore in
Gallia ago: atque dam ibi agam fidem Regi
atque obedientiã ut par est, præstabo: patria
interim, quæ Regis amicitia præcipuè opus
habet, servabo eum quem antehac ani-
mum, sollicitum pro ipsius salute, libertate
atque commodis, paratumque operam ei
navare si qua futura sit utilis. Pro quò
affectu nihil expeto, nisi ut vos omnes, qui-
qui estis cuiuscunq; ordinis ac gradus (ne-
que enim ignoro etiam in rectoribus multos
esse quibus vera eorum quæ in causa nostra
gesta sunt, notitia pravis aliorum artibus
subducta est) exutis præiudiciis de meis
aliorumque factis ita iudicetis, ut de ve-
stris iudicari ipsi velletis: Eamque ob rem
Deum supplex veneror, ut mentem vobis
illustret, quo veritatem conspiciatis, &
singuli pro suis partibus id faciat quod
ius & æquum postulant, præsertim verò
ut rationes inveniatis concordia, quæ,
si unquam, hoc tempore maximè necessa-

ria est. Eos vero qui aliter quam ego &
mihi impositæ potestates senserunt ante-
hac, amicè oro atque obsecro quæ à me
dicentur ne in suam iniuriam dicta in-
terpretentur (quem animum à me abesse
aperte testatum cupio) sed tanquam par-
tem necessariam defensionis quam à me
res ipsa extorquet. Quos intra fines tam
anxie me continui, ut multa nec levis mo-
menti neque, lucem exiguam huic causæ
allatura in tempus præsens omiserim, quod
ea proferri non possent, nisi quidam qui
ceteris multum exstant designatius tan-
gerentur.

CAPITA LIBRI.

DE summo imperio quod penes quamque^{I.}
nationem est in Belgicogermania. pag. 1.

Quod ius summis potestatibus circa sacra com-^{II.}
petit id in Belgicogermania esse penes nationis
cuiusque procures. pag. 23.

Qualem sacrorum reformationem tueri pro-^{III.}
positum fuerit proceribus Hollandia & Vestfri-
sia. pag. 50.

An mutuo se ferre in controversiis de prade-^{III.}
stinatione dissidentes fas fuerit, fierine id ipsum
potuerit & an ex usu fuerit. pag. 64.

Convocationem Synodi ad definiendas contro-^{V.}
versas non modo illegitimam fuisse, sed & tran-
quillitati procuranda inidoneam. pag. 88

Quibus modis Hollandia & Vestfria vi-^{VI.}
cinarumque nationum procures componenda cen-
suerint Ecclesia dissidia & qua consilia in eam
rem sint data. pag. 98

De usu legis Ecclesiastica anni CIO IOXCI^{VII.}
pag. 136

De iure maioris partis in conventu Hollan-^{VIII.}
dia. pag. 155

De his quae acta sunt contra pacem mutuam^{IX.}
in Ecclesia eiusque suasores ut ad mutandum
reipublica regimen perveniretur. pag. 163

- x. De oppidorum custodiis. pag. 191
- xi. De sacramento ducum & militum qui continentur in Notitia militari Federatorum. pa. 211
- xii. De his controversiis quae cum iudicum confessionibus inciderunt. pag. 226
- xiii. De his quae vitio aut inique gesta sunt circa nostram capturam. pag. 240
- xiiii. De his quae vitio aut inique gesta sunt post nos captos ante datos iudices. pag. 253
- xv. De his quae vitio aut inique acta sunt in damnis iudicibus. pag. 259
- xvi. De his quae vitio aut inique sunt acta post datos iudices. pag. 282
- xvii. De his quae vitio aut inique gesta sunt circa ipsam sententiam. pag. 292
- xviii. De his quae vitio aut inique in nos acta sunt post sententiam. pag. 297
- xix. Nota ad sententiam in me pronuntiatam cum indicatione multorum quae ibi dicta contra veritatem. pag. 310
- xx. De mea notitia cum aliis pariter damnatis. 515

APOLOGETICVS



APOLOGETICVS

EORVM QVI HOLLANDIÆ
VVESTERISIÆQVE ET VICINIS
quibusdam nationibus ex legibus
præfuerunt ante mutationem quæ
evenit anno CIO IOCXVIII.

C A P V T I.

*De summo imperio quod penes quamque
nationem est in Belgico germania.*



QVI res novare instituunt ad
consilij exitum pervenire
non possunt, nisi a motiscivi-
bus qui præsentem statum
tuentur: quod ipsum specio-
sè fieri nequit, nisi aliquid ipsis obiectetur;
at verò quoties vita eorum civium probro
caret (quod genus ferme præsentibus ma-
xime contentum est, quod ipsis obijciatur
reperiri haud facile potest extra ea quæ in

republica acta sunt: quæ ipsa criminis colorem vt recipiant, asserendum est alium fuisse civitatis statum quam revera fuit. Ita Hispani, & eorum clientes cum Belgico-germaniam externo dominatu vellent opprimere, persuasum ibant hominibus, antiquitus ea loca fuisse sub libero & incustodito vnius imperio, cum contra Principum potestas inibi devincta semper fuisset legibus, & procerum potestate. Atque hoc falso obtentu peractum est, vt legum defensores per delegatos iudices (qui exinde sanguinarij confessus nomen accepere) damnarentur Maiestatis. Falli sæpè hac in re multos haud mirum est adeo, cum ad pernoscendum civitatis cuiusque statum, penitus opus sit eius populi iura ac mores tenere. Polybius summi iudicij scriptor tradidit sua ætate Græcis alijsque gentibus externis creditum Romæ summam fuisse Senatus potestatem, quod apud Senatum audirentur legati, atque ab eo responsum acciperet. Quare mirandum non est, si nunc ab extraneis quibusdam creditur Belgico-germanicæ nationibus legatos nationum, quibus Federatorum procerum nomen est, summo iure præesse quod in eo Federatorum conventu audiuntur legati, responsaque accipiunt: quodque nomine Fe-

deratorum maxime ad Reges, Principes, atque civitates literæ perſcribuntur. Sed quemadmodum Polybius oftendit penes populum, non penes Senatum fuiſſe ſummam imperij Romæ, ita apud nos vere dicitur ſummum imperium non penes illos eſſe legatos nationum qui Federati proceres dicuntur, ſed penes cuiuſque nationis primores, quæ quidem nationes ad opem mutuam federe connectuntur; ita ut in Federatorum procerum poteſtate ea ſint omnia quæ ad communem deſenſionem pertinent, aut quæ nominatim ex federis formula, aut conſenſu peculiari ad eum conventum deferuntur : manentibus rebus cæteris penes ſingularum nationum primores. Multi de Helvetiis putarunt omnes ſub vno imperio contineri : itidem de Rhetis. Sed rerum gnari Bodinus, Simle-
rus atque alij nos docent cuique pago ius Bod. lib 1.
in ſe ſummum eſſe, ſed ipſos inter ſe pagos c 3.
arcto federe devinciri. Atque hoc diſcrimen vnius civitatis quæ multas ſub ſe partes complectitur, ut Gallia Normanniam, Britanniam Armoricam, Campaniam, aliâſque, & plurium civitatum inter ſe federatarum, ut apprimè neceſſarium ad diiudicandum imperij cuiuſque ſtatum, nobis commendatur ab iis omnibus qui de

Sig.
de
ãtiq.
jur.
Ital.
lib. 1.
c. 1. li.
II, c.
II 4.

republica scripserunt. Exemplo sint magnæ vrbes Græciæ, puta Athenæ, Thebæ, Corinthus : iis singulis in se plenum erat imperium : neque tamen eo minus aduersus vim Persarum inter se colligabantur : atque ad communia federis negotia institutus erat Amphictyonum conventus. Itaque plerique Italiæ populi Regum Romanorum ævo jus in se summum habebant : sed inter se atque cum populo Romano federe erant devincti. Neque aliter rem se habuisse apud nostros populos tum Principum tempore, tum post sumpta pro libertate arma, & credidi semper, & iam anni sunt duodecim cum publice sum professus in libro cui nomen feci de antiquitate reipublicæ Bataviæ, pro quo Hollandiæ procures eo tempore gratias mihi habuerunt, addito & munere: neque Federati primores vllum offensi animi signum dedere. Quanquam verò totus is quem dixi liber id quod dixi me sensisse apertissime testatur, vnum tamen locum præ cæteris insignem apponam : *Ordinum autem federatorum conventus cum senatu, per quos, salva cuiusque populi maiestate, ea quæ ex federe sunt communia explicantur, Amphictyónico conventui ad amussim respondet.* Verè testari & hoc possum, quandiu conventui Hollandiæ

interfui, semper poni extra controversiam
audivisse me ius summum cuiusque na-
tionis, nulla inter eius conventus membra
hac super re orta dissensione, nisi mense
vno aut altero priusquam nos caperemur,
quo tempore delegati nonnulli oppido-
rum Hollandiæ, & Vestfrisiæ, postquam
clam & iniussu eorum à quibus delegati
erant cum aliis nationibus coierant, ab illa
vetere sententia nonnihil discesserunt.
Argumenta quæ me aliósque impulerunt,
vt plane ita quemadmodum dixi sentire-
mus, ista sunt.

Principio notû est, nationes quæ nunc in
vno sunt federe, antiquitus non sub vnus
Principis fuisse imperio, nisi quod Hollan-
dia & Zelandia eosdem semper Principes
habuere. Nā Geldria suos habuit Tutores
primùm, deinde Comites, postremò Du-
ces: quorum ius, controversum tamen, à
Carolo Burgundo emtum cum esset, non
mansit penes eius posteros, sed tandem
multorum iura certaue possessio ad Ca-
rolum Imperatorem eius nominis quin-
tum pervenerunt. Idem ab Episcopis Tra-
iectinis indeptus est civile regimen Traie-
ctinæ & Transisalanæ. Frisij tum qui intra
Lavicam, tum qui ultra Lavicam sūt, libe-
ram olim rempublicam sine Principe ha-

buère:donec illi Saxonem præfecti hæreditarij vocabulo, hi Comites primū Transamasiæ,deinde Geldrum,Principes accepere, quorum ius idem ille Carolus Quintus vt sibi trāscriberetur effecit: tamque ipse, quàm filius eius Philippus apud nationes singulas solemniter in principatus possessionem introducti sunt, & in leges cuiusque nationis iurarunt,& à singulis vicissim obsequij sacramentum accepere. Ipse Carolus Imperator cum anno CIO IO LV principatu abiret in allocutione ad nationum legatos dixit: *Quanquam ea essent diuersa atque si parata* (hæc ipsa sunt verba) *ab ijs tamen vnum constitui corpus, atque eius corporis membra debere opem inter se ferre mutuam. Nam absque tali concordia atque conspiratione partium, promptum hostibus fore ipsas invadere; quod si manerent inter se colligata, & alia alijs auxilio, experimentis compertum quid possent in externa vi repellenda.* Acta publica & annales nos docēt circa annum CIO CCCCXLI ab Hollandis adversus civitates ad mare Balthicum proprium susceptum esse bellum, cum interea Brabanti, Flandri, atque alij eisdem Principibus domus Burgundicę parentes populi cum ijsdem illis civitatibus pacem haberent.

Neque mutavit res ex quo pro libertate

qui Hollandiæ præfuerunt. 7

parentes nostri arma ceperunt. Neque enim initio sumpta sunt ea arma decreto omnium Belgicogermaniæ nationum in conventu communi, sed Hollandorum ac Zelandorum, quibus pauci ex vicinis socios se addiderant, cum Geldri interim, Traiectina, Frisia cis Lavicam, Transisalana, Frisia trans Lavicam manerent sub præfectis Hispanicis. Hollandiæ autem & Zelandiæ primores, cum anno CIO IO LXXIII scriberent ad primores Belgicogermaniæ totius non aliter quàm amicos atque fratres eos salutant. Ac sub idem tempus in literis ad Regem Hispaniæ disertè scribunt : *Nationes hæc, cum olim diversis Principibus regerentur, matrimonijs, pactis, hereditatibus venisse sub domum Burgundicam primores, deinde per nuptias Austriacæ familiæ, ac potentissimo Hispaniarum regno connexas : sed dicta semper lege ut quaque natio sua iura, legeq; & proprium regimen ita ut antiquitus retinerent.* Post anno CIO IO LXXVI Hollandiæ Zelandiæque primores & eorum socij, quo tempore cum primoribus aliarum Belgicogermaniæ nationum fœdus inibant, cui nomen est paci Gandavenfi: caverunt ut *Vilhelmus Princeps Arausionensis Hollandiæ Zelandiæque & sociorum terris imperaret uti imperabat, id est ne subef-*

set præfecto communi: *item ne qua edicta, præcepta in ius vocandi, vocationeſq; in ius valerent, ni Princeps Arauſionenſis, aut conſeſſus iudicum, magiſtratûſue locorum auctores fierent.* Proinde cum poſtea aliæ nationes Matthiam Auſtriacum præfectum feciſſent, eiſque addidiſſent conſilium, Hollandi tamen & Zelandi decreverunt ſe ipſius Matthiæ conſilijve iuſſibus non parituros: ſicut & teneri ſe negarunt eis nominibus quæ illis temporibus facta ſunt à communi Belgicogermaniæ conventu: tantum abeſt vt ad id tempus Hollandiæ rectores ſummum imperium contribuere voluerint cum cæteris nationibus.

Neque vero Traiectino federe quod factum eſt anno CIO IO LXXIX de ſummo nationis cuiuſque imperio quæquam imminutum eſt. Quanquam enim fert fedus, nationes omnes inter ſe vinciri colligariſque ac ſi vna natio eſſent, hoc ipſum tamen quouſque ſe porrigat, ſequentia indicant, ne ſcilicet diuellantur à ſe invicem, ſed auxilio ſint alia alij. Neutiquam verò id fuiſſe propoſitum, vt miſceretur ſumma imperij; primùm ex ipſa voce liquet federis inibi uſurpata. (eſt enim fedus multorum ſummo imperio vtentium pactio) deinde ex eo quod non omnes nationes deinceps

vna natio futuræ dicantur, sed iunctæ velut si vna natio essent: quæ comparationis verba ostendunt rem ipsam aliter se habere cum nihil sibi ipsi compareretur. Idque ipsum clariùs multo intelligi potest, si conferas verba primi federis iacti inter Hollandos Zelandosque anno CIO ID LXXVI ubi dicitur rem belli inter federatos dirigendam ea concordia atq; consensione, quasi ea nationes atque oppida vnius duntaxat oppidi respublica essent. Evincūt idē verba eius capitis quod primū est in Federe illo Traiectino: *quod tamē sine fraude sit legum, libertatis, iuris & morū cuiusque nationis, oppidi, partium singularum, ac civium: quæ federati sanguine, facultatibus, opeque omni defendent ac propugnabunt adversus vim à quocunque illatam.* Cū enim probatum sit inter iura nationis cuiusque fuisse summum intra fines suos imperium, sequitur sub iuris, morumque vocabulo, hoc etiam comprehensum: ac proinde ad eius tutelam nationes alias alijs obligari: tantum abest, vt sub communi federatorum nomine iustē quicquam attentari posset adversus supremam singularum nationum potestatem, sequens vsus idem edocuit: nam cum Agrippinensi colloquio actum nihil esset, promiserunt Hollandi & Zelandi opem se aliis nationibus laturos, quemcunque illæ

Principem legissent, dum ipsæ manerent quo erant statu. Post id nationes nonnullæ sine aliorum assensu cum Duce Andino egerūt, eique regimen sui detulerunt. Edicto anni CIO IO LXXX quo Rex Hispaniæ pronuntiatur principatu Belgicogermaniæ excidisse, primùm discriminantur res communis regiminis à rebus imperij civilis, iudiciorumque, & aliarum rerum ad nationem quamque spectantium: additūque in rebus ad nationis cuiusque proprium regimen pertinentibus vtendum titulò ac sigillo cuiusque nationis: in iis verò quæ communis essent regiminis rursus discrimen statuitur inter Hollandos Zelandosque & inter cæteros: dicitūque per Hollandiam ac Zelandiam præscribendum actis nomen Principis Arausionensis, ac procerum Hollandiæ & Zelandiæ vsque dum Senatus institutus esset: per cæteras autem terras in rebus eiusmodi præscribendum nomen Ordinum federatorum. Federe quod cū Duce Andino fuit initum continebatur, vt Hollandi Zelandique manerent in quo erant statu, quod & peculiari cautione propius explicatum. Et quanquam illico sub id tempus Senatus est institutus, Hollandi nihilominus & Zelandi testati sunt se ei Senatui vltcrius sub-

ijci noīle, quam in tributis communibus & re militari. Eidemque populi seorsim à cæteris Vvillhelmo Principi Arausionensi sub vocabulo summi magistratus ius quasi dictatorium detulere, qua super re iusiurandum ab ipsis, & Principe Vvillhelmo præstitum est coram primoribus federatis. Dux quoque Andinus edicta & iussa omnia à se suove consilio profecta mittere ad Vvillhelmum Principem solebat ut per Hollandiā Zelandiamq; sub eius nomine publica rentur. Amplius dicam: anno cio io lxxxiii Hollandiæ & Zeladiæ primores sine nationibus cæteris cum Vvillhelmo Principe egerunt de Comitis potestate ipsi deferenda certis sub legibus: cumque aliæ nationes ægrius id ferrent, Hollandi literis suis datis vi Maij anni eiusdem notum fecerunt, & ius suum & rationes cur id aggressi essent. Deinde verò postquam cum Regina Angliæ pactiones initæ erant, & nationis cuiusq; sigillis firmatæ, postquam itidem sub Comitissæ Licestrij præfectura super reipublicæ administratione graves ortæ erant controversiæ: Hollandiæ proceres anno cio io lxxxvii edictum opera Francisci Franconis, qui tum Gaudanorum magistratum agebat adsessorem conscripserunt, multa in eo differentes de

summi imperij potestate, quæ & olim, & nunc quoque penes ipsos esset : orationes quoque eodem tempore multas habuere iuris nationum singularum tuendi ergo, de quibus infra agendi erit copia : Quin & federis priores in oratione quâ xxx Augusti anni c10 10 LXXXVII ad Comitum Licestrum habuerunt, aiunt ita sibi videri *utendum sigillis federatorum procerum in rebus ad nationes universas pertinentibus : in ijs vero quæ singularum essent propria, utendum nomine & sigillis nationis cuiusque.* Post Licestrij abitum, vsurpatum semper ut qui conventum Hollandiæ ingrediuntur, *iurent se iura, libertatem, leges, morésque Hollandiæ defensuros, imperijs atque decretis procerum Hollandiæ pro viribus parituros.* Sic & quæsitores, & iudices sacramentum dicunt Comitatu Hollandiæ, nulla federatorum procerum adiecta mentione. Oppidani quoque magistratus & corporati armigeri, cæterique municipes in verba iurant procerum Hollandiæ & Vestfrisiæ. Exemplo sint quadragintaviri (id curatoribus oppidi nomen est) Lugdunenses : *Iurant ei fidem se servaturos Comitatu, summoque magistratu Hollandiæ Zelandiæ & Vestfrisiæ, eiisdemque nationibus atque oppido suo, eidem Comitatu, summo magistratu, nationibus atque oppido sese*

parituros. Sunt oppida alia, vbi adduntur hæc verba, & *cæteris qui cum ipsis fedus habent*: Sed id accessionis vim habet, postquam proceres Hollandiæ atque Zelandiæ suis nominibus speciatim primo loco sunt nuncupati. Insignia etiam Hollandiæ procerum, vt & aliarum nationum corona ornantur, qualis esse solet neminem superiorem se agnoscentium. Quod si animo repetere libeat partes omnes atque indicia summæ potestatis quæ statuunt rerum civilium periti, videbimus ea quoque penes singulas reperiri nationes.

Principio enim à proceribus nationis cuiusque, leges conduntur & edicta super omni negotio civili, inconsultis primoribus Federatis, quod innumeris exemplis liquet. At contra quæ leges à Federatis procedunt, ad nationum singularum primores diriguntur nō iure imperij, sed cum rogatu vt eas publicari sinant. Si quid nuper aliter fieri cæptatum est, vt scilicet præcepta aliqua aut tributorum postulata, omiſſis primoribus populi cuiusque, ad oppida mitterentur, novum id sane est, & inter novatæ reipublicæ argumēta habendū.

Ad iudicia vt veniam, olim ante Caroli Burgundi tempora, suprema iudicia intra vnamquamque erant nationem, post con-

sensu nationum institutus est Machliniensis iudicum confessus, ad quem perferri lites civiles solebant ex aliis populis per appellationem, ex aliis vero via supplicationis, prout singuli pepigerant. Post sumpta verò arma, etiam post pacem Gandavensem ius eius confessus per Hollandiam Zelandiamque, desiit. atque eius in locum successus est confessus magni nomine, qui iudicia vltima per Hollandiam & Zelandiam regit. Eius confessus iudices, ut & iudices antiquioris confessus qui nunc sub illo magno est, sed itidem per omnem Hollandiam Zelandiamque ius dicit, iuramentum dicunt proceribus Hollandiæ ac Zelandiæ, mandatisque iubentur eorundem edictis atque præceptis parere, in quibus mandatis federatorum procerum nulla mentio exstat. At Geldri, Traiectini, Frisij Cislavicani, Transisalani, & Translavicani suprema iudicia seorsim quique penes se habent, ac si quibus rebus iudicatis læsum se putat primoribus nationis suæ supplicat: neque ullus hætenus communis inter federatos confessus iudicum fuit constitutus. Iidem illi iudices ius reddunt nomine ac vice summæ potestatis, non nationum univrsarum, sed eius nationis nationumve à qua quibusve constituti sunt, quod

certum signum est, procères federatos ab eis vt summam potestatem non agnosci.

Criminum indulgentiæ, & quæ alia beneficiorum nomine veniunt à nationis cuiusque primoribus dantur, aut à præfectis, sed nomine primorum & potestate ab eis concessa.

Tum verò Hollandiæ Vvestfrisiæque primores fiscum habent peculiarem, cuius procuratio est penes Rationales qui Comitatus Hollandiæ soli iureiurando obligantur. Par vsus apud ceteras nationes. Sic & nummi cudendi penes singulas ius.

Accedit nominis indicium. nam Federatæ nationes vocantur. in qua appellatione primum illud intelligitur plures esse reipsa nationes, non vnam in partes multas distributam : federatarum verò vox indicat arcto federe eas inter se nexas: quomodo & Germaniæ federati Principes dicuntur. Proinde in pactis quoque induciarum continetur, haberi ab Archiducibus Federatas nationes pro liberis nationibus atque proceribus. Libertatis autem nomine certum est designari ius imperandi summum. Nunc quoque primores nationum singularum ubi ad Federis primores scribunt, socios se vocant, non autem subditos, vt solent oppidani magistratus, quoties nationis suæ re-

illud pertinet, ne omnia quidem federis Trajectini capita cenferi vim habere obligandi, sed ea demum quæ à nationū proceribus sunt approbata: vt inter cætera apparet exemplo capitis quinti de paribus oneribus vbique suscipiendis: quod observatum nunquam est.

Contra verò nunquam discessisse nationes à libero sacrorum arbitrio, tam clarè, vt nihil vel in speciem possit contradici, apparere mihi videtur ex mandatis sub quibus Principi Mauritio anno cto 10 xc præfectura Trajectensis delata est, quarum initium ita habet. *Primum Princeps per oppida agrosque Trajectinos defendito, defendique curato veram Christianam Evangelicam religionem, secundum leges quas proceres Trajectini fecerunt, facturive sunt: quando ea est procerum sententia, arbitrium sacrorum ex decimotertio federis Trajectini capite ad se pertinere. Ita tamen ne in cuiusquam animum inquiratur, neve scrutari domos liceat, nisi signariis volentibusque proceribus, aut eorum delegatis: neve sua de re sacrorum persuasionis ergo (siquidem Dei ea dono conceditur) cuiquam injuria molestiæve inferatur.* Data sunt hæc mandata consciis approbantibusque proceribus federatis, atque etiam peculiariter Hollandiæ primoribus, addita

Collegia : Zelandia vnum duntaxat. Par Hollandiæ privilegium datum est. in societate Americana. Compara jam quam iniqua futura sit proportio in summo imperio si id Federatorum conventui permittatur. Hollandia & Vvestfrisia, quæ multo plus dimidio in commune confidunt, ibi sententiam vnam duntaxat dicent iuxta nationes minimas etiam illas quæ sanguine atque opibus Hollandicis ad fedus reductæ sunt. Vt igitur ad conventum talem alia deferantur, quam quæ ad tutandos communiter fines spectant, ab omni æquitate abit. Qui divitijs polent apud nos si cum pauperibus nuptias faciant, non sine pactis ad eas veniunt, ne scilicet Hollandici mores bonorum introducant communionem. Sic ergo Hollandi quoque fuerant facturi, si cum nationibus cæteris regiminis inire voluissent societatem. Atque vel hinc facile est animadversu, quo animo erga Hollandiam sint affecti, qui cū nati sint extranei, Hollandos de possessione dejecerunt, vt se pro Hollandis venditarent.

Neque tamen aliæ nationes quarum hoc commento gratia captatur, blandiri sibi debent quasi longum ex hac mutatione commodum ipsas maneret. Non

Federatis proceribus pro responso datum est, summum imperium ac potestatem Federatarum nationum extra cōtroversiam esse penes ipsos Federatos proceres, & penes proceres cuiusq; nationis. Sicut verò iuris notissimi est non posse duos eiusdem rei dominos esse in solidū, ita & hoc constat iisdē in locis plures siue homines seorsim sumtos, siue cētus non posse habere ius imperij summum, quia ea summi natura est vt nihil illud non modo superet, sed & exæquet. Quare si imperium supremum est penes proceres nationis cuiusque, fatente ipso Federatorum conventu, non potest idem imperium propriè esse penes Federatos proceres: sed, tantum ius vt diximus ordinandi res, quæ ex federis formula aut consensione speciali communi conventui attribuuntur: ita vt quæcunque illis attributa nominatim non reperiuntur in iis ius summum maneat penes nationes singulas iure ipso civili quod nunquam mutationem pro facta habet ni probetur, præsertim in iis quæ regalia vocantur circa quæ verba quantumvis generalia effectū carent nisi specialis nominatio accesserit, omniaque ea recepta intelliguntur quæ non apparent translata.

Ad id quod à nonnullis dici audio , firmiorem fore rempublicam, si nationes vni summo imperio subessent : responsum in promptu est , de summa potestate iudicandum, non ex eo quod privatus quisque utilissimum iudicat, qua super re sæpe discrepant hominum sententiæ , sed ex legibus moribusque. Nusquam verò quisquam reperiet à nationum singularum apud nos primoribus, ius imperij summum aut abdicatum, aut cum aliis communicatum. Quod si etiam id utile videretur (qua super re multa tum in quæstione iuris ipsius, tum ex prudentiæ regulis essent consideranda) faciendum certè id esset libero consensu, non per vim oppressis iis qui præsentem statum vt bonos cives decet, tuentur, eique obedientiam exhibent.

Prudentiæ auctores nos docent non statim mutandas leges , præsertim quæ de imperio sunt , etiamsi in melius itura sit mutatio, quia vt post Aristotelem & Thucydidem apud Dionem Augustus monet, non tantum prodesse correctio potest, quantum nocet innouatio auctoritatem detrahens, quæ ævo radices agit. *Consuetudinis mutatio*, inquit Augustinus, *quantum utilitate adiuvat, tantum novitate perturbat.*

Sunt qui putant utile futurum si totus

orbis, præsertim Christianus, vni potestati pareat. Sed ridentur ab aliis talia commenta. Nam perfectum in re quaque intelligi debet, non nuda contemplatione, sed inspecto quid materia ferat, aut recuset. Plato cum vnum ei in quaque re optimum videretur, omnia voluit efficere communia : sed reprehendit eum Aristoteles, ostenditque vnum illud ab ipso ultra modum intendi. Carolus Imperator, princeps adeo præpotens, operam dedit (vt nonnulli narrant) quo tota Belgicogermania in vnam imperij formam coiret etiam sub iisdem legibus, nummis, mensuris, ponderibus, rebusque aliiseiusmodi: quale erat quod olim Aratus in diversis Græciæ urbibus effecerat. Sed hic diversitas situs, ingenii, aliæque circumstantiæ id vetabant. Certè nec ille, nec filius eius Philippus (qui Albanicæ præfecturæ temporibus idem egisse dicitur) ad exitum perducere id consilium potuerunt : ac proinde dubitare licet, an conantibus rem tantorum Regum viribus superiorem, negotium melius sit successurum. Etiam Isthmum, siue Achaicum, siue Arabicum perfodere res præclara videbatur, sed qui aggressi id sunt in conatu suo defecere. Natura vim sibi inferri non patitur. In


civilibus negotiis optima est magistra experientia. Ea docuit imperio manente penes nationes singulas, & belli arbitrio penes Federatos, nationes sibi tuendis sufficere. Si qua inter nationes cōtroversa exoriuntur, multæ sunt componēdi rationes siue iudiciis ordinariis eius nationis unde petitur, siue compromisso facto in nationes quas negotium non tangit, aut in præfectos quoties ipsi quoque partes nō fecerūt, siue in cōmunes amicos atque socios quorum refert rem publicam salvam esse.

Instituta verò hæc mutatio sine maximo damno Hollandiæ & Zelandiæ abire non potest, quæ magnitudine terrarum, oppidorum, atque hominum numero, & tributorum modo cæteras vniversas æquant: imò superant: quamobrem æquum semper visum est, vt in his quæ communicata sunt, nationi Hollandicæ semper jus aliquod eximium daretur. Nam in Federis Senatu habet hæc natio tres senatores, præter quod & curator ærarij & quæstor hætenus indidem fuerunt: cū alię nationes habeant binos, aliæ singulos. Ad res maritimas regendas habent Hollandi tres confessus, Zelandi & Frisii singulos, alii populi nullos. In rerum Indicanarum dispositu Hollandia habet tria

qui Hollandia præfuerunt. 21

Collegia : Zelandia vnum duntaxat. Par Hollandiæ privilegium datum est in societate Americana. Compara jam quam iniqua futura sit proportio in summo imperio si id Federatorum conventui permittatur. Hollandia & Vvestfrisia, quæ multo plus dimidio in commune conferunt, ibi sententiam vnam duntaxat dicent iuxta nationes minimas etiam illas quæ sanguine atque opibus Hollandicis ad fedus reductæ sunt. Vt igitur ad conventum talem alia deferantur, quam quæ ad tutandos communiter fines spectant, ab omni æquitate abit. Qui divitijs polent apud nos si cum pauperibus nuptias faciant, non sine pactis ad eas veniunt, ne scilicet Hollandici mores bonorum introducant communionem. Sic ergo Hollandi quoque fuerant facturi, si cum nationibus cæteris regiminis inire voluissent societatem. Atque vel hinc facile est animadversu, quo animo erga Hollandiam sint affecti, qui cū nati sint extranei, Hollandos de possessione dejecerunt, vt se pro Hollandis venditarent.

Neque tamen aliæ nationes quarum hoc commento gratia captatur, blandiri sibi debent quasi longum ex hac mutatione commodum ipsas maneret. Non



eo tendunt istorum hominum studia. sed legitimis magistratibus ius suum eripi oportuit, ut deinde nationi eriperetur. Sic & nationes singulæ jure suo spoliandæ fuerunt, ut res quæ in federatorum conventu tractari solebant, ad paucos pertraheretur, & sæpe eos ad quos ex legibus id minimè pertinebat, qui in ciues optimos Principis animum exasperantes, cuncta sibi vindicant, ignaris sæpe proceribus Federatis, proceribus nationum, & magistratibus. Diu ne id mansurum sit scit Deus. sed tale regimen nostris non congruere ingeniis. anno MD LXXXVI & anno MD LXXXVIII solidis argumentis à proceribus demonstratum est.

Hoc defendere, non est fedus disrumpere, sed fedus religiosè observare. Videant an fedus non disrumpant illi qui non stant federis legibus, quas inter prima est nationum singularum ius tueri, in quo iure præcipuum est summum arbitrium in res cuiusque nationis. Non est initum fedus ut iura confunderentur: sed ut inviolata melius defenderentur communi auxilio. Hollandi veteres dicere solebant cuique suum ad pacis tutelam esse optimum: & iniquo commercio amicitias dissolvi.

C A P V T II.

Quod ius summis potestatibus circa sacra competit, id in Belgicogermania esse penes nationis cuiusque procures.

QVi de republica scripserunt omnes, sacrorum arbitrium inter præcipuas partes numerant supremæ potestatis. Quare cùm probatum sit summum imperandi ius penes vnamquamque esse nostrarum nationum, sequitur penes easdem seorsum esse ius de religione publica statuendi, vt quæ pars non sit communis defensionis: quippe cum innumera existent exempla Principum ac civitatum, quos ad mutuam opem fedus iunxerit, cùm opinionibus ac ritibus sacrorum dissiderent: quomodo & nunc fedus est inter Venetos, & nostras federatas nationes vniversas. Quanquam ergo probandi onus nõ nos spectat qui id asserimus quod communis ratio iuris exigit, sed eos qui contrarium defendunt, tamen vt cumulatè satisfiat legentium desiderio, probabimus verum esse id quod nos dicimus.

Hollandiæ & Zelandiæ procures sum-

B iiij

tis pro libertate armis, simul templa publica aperuerunt his qui religionē sequebantur, quæ Reformatæ nomen obtinet: Atque adeo in Federe quod inter ipsos initum est anno CIO IO LXXV perscripserunt, vt Princeps Vvilhelmus tanquam earum nationum præfectus, *ius haberet de consensu procerum super usu religionis statuendi id quod pro temporum ratione oppidorumque ingenio ad tranquillitatem publicam & populi commoda optimum indicaret, sine diuini nominis detrimento.*

Post pacem Gandavensem idem ille Princeps Vvilhelmus rogatus à nationibus aliis vt in Hollandia Zelandiaque in Romanensium gratiam aliquid constitueret, respondit semper nihil se eius rei posse nisi volentibus Hollandiæ & Zelandiæ proceribus. Sic & vniversæ Belgico-germaniæ proceres in literis ad Atrebates & Hainauios scriptis circa annum CIO IO LXXIX plus semel professi sunt nihil ad se pertinere, quam sacris legem Atrebates & Hainauij intra fines suos ponerent.

Iam verò quid federe Traiectino anno CIO IO LXXIX hac de re cautum sit, satis vulgo notum est: verba sic habent. *De religione Hollandi & Zelandi id faciunto quod ipsis videbitur. Ceteris nationibus liberum esto*

qui Hollandiæ præfuerunt. 25

sequi pacem religionis, uti antehac concepta est, aut ita constituere scorsim aut universim ut ad quietem ac salutem nationum, oppidorum, partiumque singularum, & tutelam iuris eius quod cuique tum sacerdotum tum aliorum competit, pertinere arbitrarentur: neque alijs nationibus alias hac in re impedire fas esto: hac tamen lege ut privatis singulis maneat religionis sue libertas: neque in quemquem eo nomine inquisitio accusatiove sit, prout pace Gand:vensi constitutum est. Manifesta sunt verba quæ Hollandis Zelandisque liberrimum de religione arbitrium, neque aliarum nationum voluntati obnoxium addicunt.

Qui ad hæc dicunt, quanquam verba ita sunt concepta, mentem tamen fuisse cavendi Reformatæ religioni tantum, iniuriam faciunt eis qui federi concipiendo adfuerunt, quasi minus ex fide actum ab eis esset. Neque verum esse quod aiunt, vel hinc liquidò apparet, quod post fedus factū Federati peculiari interpretatione, quæ scripta est Calēdis Februarij anni MDLXXIX testati sunt etiā illis nationibus federi liberū esse adscribi, quæ solā Romanensem tutari vellēt religionē, & quidem hac adhibita ratione: *Quia neutiquam ea mens sit paciscentium, ut nationi oppidove alteri ius sit se immiscere negotio ac sacro alterius, quo*

*scilicet major concordia inter nationes servetur,
& præcipua auferatur dissidiorum materia.*
Quo argumento apparet quicquid post id
tempus à nationibus in causa sacrorum est
constitutum, id non profectum esse ex
alicuius antecedentis obligationis neces-
sitate, sed ex liberrimo ipsarum jure.

Quod ipsum docetur federe post id
tempus inito cum Duce Andino, cuius ca-
put XII. ita Imperat. *Spondeat Dux sacra, pa-
cemque religionis habiturum se quo nunc sunt
statu, aut ita quomodo posthac cuiusque nationis
proceres constituturi sunt.*

Sunt qui cavillantur intelligenda hæc
de iure totius religionis alicuius puta Ro-
manensis, aut reformatæ recipiendæ, non
de iure constituendi super controversiis
in hac vel illa religione orituris: quod pla-
ne absurdum est, cum non possit non ius
in partes habere, cui in rem totā ius com-
petit: neque ratio patiatur quod minus
est ei negari, cui quod maius est permit-
titur.

Dicunt alii post fedus Trajectinum mu-
tationem hac in re factam. At prompta est
responsio, non doceri quidquam ea in re
novatum à nationum proceribus: sine
quorum speciali consensu nemo natio-
nes potuit obstringere. Quam ad rem &

illud pertinet, ne omnia quidem federis Trajectini capita cenferi vim habere obligandi, sed ea demum quæ à nationū proceribus sunt approbata: ut inter cætera apparet exemplo capitis quinti de paribus oneribus ubique suscipiendis: quod observatum nunquam est.

Contra verò nunquam discessisse nationes à libero sacrorum arbitrio, tam clarè, ut nihil vel in speciem possit contradici, apparere mihi videtur ex mandatis sub quibus Principi Mauritio anno c10 10 xc præfectura Trajectensis delata est, quarum initium ita habet. *Primum Princeps per oppida agrosque Trajectinos defendito, defendique curato veram Christianam Evangelicam religionem, secundum leges quas proceres Trajectini fecerunt, facturive sunt: quando ea est procerum sententia, arbitrium sacrorum ex decimotertio federis Trajectini capite ad se pertinere. Ita tamen ne in cuiusquam animum inquiratur, neve scrutari domos liceat, nisi gnaris volentibusque proceribus, aut eorum delegatis: neve sua de re sacrarum persuasionis ergo (siquidem Dei ea dono conceditur) cuiquam injuria molestiæve inferatur.* Data sunt hæc mandata consciis approbantibusque proceribus federatis, atque etiam peculiariter Hollandiæ primoribus, addita

promissione proceres Traiectinos eis in rebus tutandi : vnde apparet omnes eos, ipsumque Principem ita tum sensisse ad id tempus , ad annum scilicet c10 10 xc, ius sacrorum ex federe mansisse penes nationis cuiusque proceres , quo ipso corruant necesse est argumenta omnia quæ petuntur ex actis gestisque ante annum, c10 10 xc : vt quæ, iudicibus proceribus federatis, proceribus Hollandiæ & Traiectinis eam vim habere nequeant vt de eo quod dixi nationum iure quicquam imminuerint.

Quin anno quoque c10 10 xcv, cum proceres nationum partis Hispanicæ Liffeldium & Masium misissent, sciscitatu-
 ros in quas leges cum Federatis nationibus conveniri posset, responsum eis est per Principem Mauritium: *Ius de sacris statuendi mansurum penes nationes singulas, ita vt alia se ei negotio non ingererent*, quod repetitum est in literis quas Federati proceres anno c10 10 cii scripsere.

Pastoribus in quaque natione annuæ mercedes solvuntur ex ærario suæ nationis, non ex communi ærario federatorum; in Zelandia etiam obedientiam iuramento promittunt primoribus Zelandiæ,

Adde quod de Ecclesiis, & Ecclesiarum

negotiis leges ferre eorum sit, qui religionis publicæ habeant arbitrium, cum alterum ex altero pendeat, atque ab eadem potestate originem ducat. Hollandiæ proceres non consultis nationibus aliis pridem mandata dederunt conscribendi leges Ecclesiasticas: quæ cura renovata est anno CIO IO XCI. Etiam Traiectini proceres eius argumenti leges concepère. In Zelandia anno CIO IO XCI leges eiusmodi plane confectæ publicatæque sunt, pugnantes (quod notandum est maximè) in rebus non paucis cum canonibus Synodi communis ex terris Federatorum quæ Hagæ coierat, nationalis nomine. Etiam Translavitici primores anno CIO IO XCV eadem de materia leges ediderunt, quæ facta sunt omnia ne consultis quidem nationibus cæteris.

Anno CIO IO XCVII pleræque nationes in communis Synodi evocationem consenserant: sed cum nationes nonnullæ, ac postremo Traiectini soli dissentirent, ne tentatum quidem est decernere quicquam ex maioris partis sententia, quia scilicet hæc res in earum esset numero quæ ad commune federis non pertinerent, nisi ex speciali

nationum consensu, quomodo res omnes quas nationes sibi receperunt, ad communem deliberationem referri possunt sine ullo juris detrimento. De statu publico religionis inter proceres federatos, aliud quam quod jam dixi consultatum, didicisse non memini. Id certum habeo nullum posse adferri exemplum decreti antehac facti in negotiis eius generis ex sententia partis majoris. Proinde dicere non potest conventus federatorum se jus aliquod his in rebus velut possidere, cum per ea quæ liberè fiunt, nemini possessio acquiratur, quod iuris est minimè controversi.

Amstelodamenses, & aliorum aliquot oppidorum in Hollandia rectores, quibus sæpe cum nobilitate, & aliis Hollandiæ rectoribus disconveniebat: super ordinandis hisce Ecclesiæ controversiis, nunquam tamen in Hollandiæ conventu dixerunt hanc rem non ad Hollandiam, sed ad commune federis spectare ante postrema tempora, cum ab hominibus illis qui ex his controversiis quæstum facere & voluerunt, & fecerunt, & facere ne nunc quidem desinunt, quæsi sunt colores ad pingendum novum hoc, neque auditum antehac commentum.

qui Hollandiæ præfuerunt. 31

Ex oppido Amstelodamo delecti aliquot ad præscribenda ea quę consideranda viderentur super oratione apud ipsos habita mandatu procerum Hollandiæ, disputant an summis potestatibus in negotio religionis imperare aliquid liceat sine pastorum consensu: ac proinde controversiam movent generalem super iure summarum potestatum, non definitam, an proceres Hollandiæ hac in re ius summarum potestatum obtinerent. Non motam ab Amstelodamensibus eo tempore proceribus Hollandiæ controversiam de sacrorum arbitrio, certum indicium est, quod dilecti illi in eo scripto ajunt, ea regula prius posita (de iure scilicet summarum potestatum) videre se facile vix villo colore oppugnari posse decreta, quę de rebus Ecclesiasticis aut essent facta aut posthac possent fieri. Si tunc id sensissent Amstelodamenses, arbitrium sacrorum penes nationes esse vniversas, certè etiam illa regula concessa rectè potuerant decretis contradicere, vt factis ab iis qui in ea re summum imperium non haberent.

Ex quo fuere qui rem hanc aliò voluerunt deflectere, adferri eam in rem cæpit primum caput deliberationis Iunio anni C13. 10. LXXXIII. perscriptum ab aliquot

nationum legatis, quo proponitur an non ex usu sit decimumtertium Federis Traiectini caput ita mutare, ut nationes habeant perstandum in Evangelica Reformata religione, nec mutandum in ea quicquam nisi de communi Federatorum consensu. Ex quo capite id primum apparet, ex formula Traiectini federis licuisse nationibus singulis etiam citra sociorum consensum mutare aliquid in negotio religionis: & eo quidem magis, quia dicitur in eo capite deliberationis *verba federis ita concepta, ut quæ tum nationes Romana sacra sectabatur jus haberent ab eis discedendi, si id ipse è re sua esse arbitrarentur.* Ipsæ inquam, non aliæ: jus autem quod ipsæ habebant, id aliis denegare non poterant, cum fedus illud sit æquale. Additur super hac deliberatione factum à proceribus Hollandiæ decretum. Sed principio, non hoc decreto dicitur omnino approbatum quod proponebatur: sed hoc tantum: *ut Evangelica Reformata religio, cuius publicè usus erat permissus receptusque & quæ tum publicè in usu erat, ubique intra Federatorum fines defenderetur, neque publicè docendi aut sacra faciendi secundum religionem aliam ius permetteretur: tum verò ut etiam aliter sentientes adscribi federari possent, uti verba habebant capitis propositi.*

Sed

Sed nationes aliæ super hac re sæpius ampliarunt, ita vt constitutum nihil sit. Proinde non potest hæc ab Hollandis dicta sententia ipsos obligare, cum nihil super eo contractum sit. Atqui, instant nonnulli, quæ tum mens Hollandorum fuerit apparet. At mens sua neminem obstringit, & ob iustas rationes rectè mutatur. Olim mēs fuit Hollandiæ proceribus manere in sola religione Romanensi: non tamen devinxerunt se ne inde abscedere liceret. Adde quod multum differt habere animum religionem aliquam tutandi ope communi, & animum habere iudicium omne atque arbitrium super ea religione aut abdicandi, aut cum alijs communicādi. Nam quomodo id cuiquam fiat probabile, proceres Hollandiæ qui hoc ipso tempore iudicabant in fedus recipiendas nationes non Reformatæ religionis, ademtum sibi jus voluisse quod alijs concedebant? Quatenus autē mens primorum Hollandiæ fuerit Reformatam religionem defendere, infra dissertandi erit locus.

Adfertur & consilium perscriptum de novo Senatu instituendo, quo contineatur vt is qui tum erat instituendus senatus curaret vt *Federata nationes manerent, atque continerentur in mutua consensione atque ami-*

citiatum in iis quæ federibus ante factis continebantur, tum in rebus aliis: imprimis verò nequid concordie noxium oriretur in negotio Reformatæ Evangelicæ religionis à nationibus singulis receptæ: atque ea in re nequid senatui imperare liceret, aut imperari novariue aliquid permittere. Additur placuisse hoc proceribus Federatis. Sed primò notandum est, dici hîc Reformatam religionem à nationibus singulis receptam, quæ vox distribuentis significationis satis ostendit nihil ea in re communiter factum, sed ex proprio cuiusque iure: deinde cum proceres Federati ad id certè tempus nihil pro potestatis suæ iure ea in re possent decernere, quicquid eius à Federatis approbatum est, non alio animo esse approbatum, quam si & nationes auctores fierent. Iam verò nationes neque id consilium, neque cum senatum ratum habuerunt: ac proinde totum hoc mansit effectu vacuum. Plane autem à iuris ratione abhorret vim tribuere accessioni, cum principale non subsistit. Fac etiam vim habuisse, fuisset tamen hoc mandatum à nationibus consentientibus senatui datum: non contractus inter nationes: cui consequens est id mandatum non diutius vim obligandi fuisse habiturum quam mandanti-

bus placeret, quæ omnium mandatorum natura est. Neque vero senatui ius permittitur imperandi nationibus: imo iure imperandi ipsis adempto sola cura atque inspectio ipsis permittitur, quæ hortando, consulendo, suadendo, sine ullo imperij maioris iure expediri potest.

Hoc consilium cum evanuisset, consultatum est de senatu instituendo trium nationum Hollandiæ Zelandiæ & Traiectinæ in cuius senatus mandatis, caput etiam de religione factum est, in quo illud de singulis nationibus repetitum est, neque tamē hoc caput tam latè patet quàm illud de quo iam egimus. Ait enim *dandā à senatu operam ut in negotio Evāgelicæ Reformationis concordia retineretur*. Solvendo huic argumento & hoc facit, cū ipso senatu extincta esse mandata ut quæ dissoluto eo cœtu subsistere nequirent: atque in eius locum subrogatum esse eum qui nunc quoque est senatus: cuius mandata post graves turbas Licestrianorum temporum concepta sunt relectis diligenter mandatis veteribus, ac de industria omissum est negotium religionis, quia nationes singulæ senatui commune federis referenti arbitrium ea de re nollent permittere: illud quoque repetitū volo quod

paulo ante dixi, etiam si mansisset is cœtus, tamen mandatis cœtui datis non constri-ctos mādatores nequid immutarent: cum nihil sit certius quam multa cōfessuum mandata multis in partibus immutata: de- inde curam etiam ei commendari posse, cui nullum concedatur imperium.

Etiam hoc adfertur, post initum fedus Traiectinū, Reformatam religionē con- corditer admissam. sed hoc ad rem non facit. Multi enim qui summum in terris suis imperium latos aut angustos intra fi- nes obtinēt, possunt eiusdem esse religio- nis, sine vlla tamen obligatione quę impe- dimento sit quominus super sacrorum re seorsim sine aliorum cōsensu quod visum est, constituent. Quotquot Reges Refor- mata sacra amplexi sunt antè Romanæ religionis fuere, mutarunt tamen sacra si- ne cōsensu eorum qui eiusdem Romanę erant religionis. Elector Palatinus, ac post eum Brandeburgicus, alijque plures cum antea idem sensissent, quod alij qui Augu- stana dogmata profitētur, propiorem quæ dicitur reformationem in terras suas in- duxere. Protestantes Germaniæ Principes qui se eiusdem dicunt religionis, singuli tamen vt visum ipsis, edūt professionis suæ formulas. Etiā Helueticorū pagi Protestā-

tes vnius sunt religionis. neq; tamē eo minus Bernates super cōtroverſia prædeſtinationis ex vſu ſuo ſtatuērunt. Quod ſi iſti argumento viſ aliqua eſſet, ſequeretur Regi Magnæ Britanniæ aliſque Principibus qui reformati habentur, ius non eſſe in religione immutandi quicquam ſine conſenſu Federatorum procerum Belgicogermaniæ, Helvetiorum, Genevenſium, atque aliorum.

In formula quæ concepta eſt anno c10 10 LXXXIII pactiōis cum Andino renovandæ inſertum fuit, à Duce ſtipulandum, ne ipſe, neve qui in ipſius eſſent miniſterio quicquam innovarent in re religionis, quod ipſum trāſlatum eſt in pacta quæ anno c10 10 LXXXIV concepta erant, vt fierent cum Galliæ rege: ſed hinc inferri non poteſt à nationibus ius aliquod communi federis tributum, imo contra cenſeri debet id fuiſſe conſilium, poteſtatem hanc, atque libertatem penes eos relinquere, penes quos fuerat hæcenus.

In federe cum Anglia (quod & ipſum à nōnullis in hanc rem adduci memini) nulla inveniuntur verba quæ aut Federatos proceres, aut nationes ſingulas aliquaten⁹ obſtringant: ſed hoc cavetur vt Anglicani auxiliij præfectus eſſet Reformatæ reli-

gionis: vt præsidiorū rectores iurarent verā Christianam religionem se defensuros: vt Angli qui pars futuri essent senatus Federatorum, veræ Christianæ essent religionis, per quæ omnia ius aliquod proceribus Federatis in Anglos quæsitum est, non alijs in proceres Federatos, aut nationum singularum primores. Imo contra ibi dicitur neque præfecto neque senatui jus fore mutandi quicquam in fraudem Christianæ religionis, aut juris, legum, morum ac constitutionum quas proceres aut singularum nationum aut vniuersarum facturi essent: vnde liquet summum imperium in religionem, non minus quam in rempublicam mansisse vbi fuisset, ac proinde penes nationes singulas.

Quæ pacta ac federa facta sunt cū principibus externis de ope mutua: si quis religionis ergo vim perpeteretur (nam & hoc argumento vsos quosdam memini) nemini cōtrahentium arbitrium sacrorum adiungunt, imo verò tenetur Princeps quisque sibi seruare hoc ius, quod ne priuati quidem abdicare aut transferre possunt, acceptandi semper veritatem quæ ipsi ex diuinis oraculis demonstrari possit. Germaniæ Principes Protestantes tam Smalcaldico quam Naumburgico federe inter

se colligati sunt: attamen imperium de sacris sibi quisque retinuit. Nunc quoque Evangelici Germaniæ Principes cū proceribus patriæ nostræ Federatis societate certam inierunt. Sed quis est eorum Principum qui concessurus sit liberum se non esse in negotio religionis, sed obstrictum nequid ea in re faciat nolentibus proceribus Federatis Belgicogermaniæ?

Quod in iuramento præfectorum aliorumque militari potestate fungentium positum est, fidem ut præstent communibus proceribus penes fedus & tutelam veræ Christianæ religionis (aut ut aliæ formulæ habent reformatæ) manentibus, eo spectat ut in voce communium procerum ambiguitas vitaretur, quia id nomen sibi præscriberent, qui Hispanicarum erant partium, qui nullo certiore signo dignosci poterāt, quam publicæ religionis, quæ hîc atque illic in usu erat, quatenus scilicet Reformata religio conspectu ipso à Romana discerni poterat, puta eo quod imaginibus aliisque multis cæremoniis careat. At sub cuius imperio sit publicus religionis status, ac cui ius sit interpretari, quæ dogmata ad religionem reformatam pertineant, hinc certè colligi non potest.

Neque cum his quæ defēdimus pugnat,

quod bello superatis oppidis nōnullis imposita est necessitas acceptandi Reformatam religionem: quippe id non aliunde est profectum quam ex belli iure quo validior quisque aliis quas vult leges præscribit. Quanquam vero captā quoque loca postea in partem venerunt publicæ libertatis, notum tamen est in ipsa pactione imponi ipsis potuisse conditiones quæ ab aliis exigī, neque ius, neque ratio pateretur. Et iusta hac in re Hollandis querendi data est occasio, quod ipsi qui in aliis ad fedus retrahendis præcipui fuerunt, ita retractis æquiparantur.

Omnia verò quæ iam adferri in contrarium diximus argumenta non earum esse virium ut probent nationibus summum ius in religionem non competere, ipsi Zelandi agnoverunt. Nam cum in causa Conradi Vorstij ad Hollandiæ primores literas scriberent, testabantur non esse sibi propositum quicquam ipsis præscribere, aut se ingerere in alienam rempublicam, sed amicis amicum consilium dare. Deinde verò oratione ea quæ ipsorum nomine est habita mense Maio anni MD CXVII, qua legati ipsorum dicūt toto animo optatum ab ipsis, ut primores Hollandiæ mutua inter se consensione rationes invenis-

sent componendorum Ecclesiæ motuum: testantes iterum nolle se curiosos esse in vicinorum republica, sed eam, permittere sapientiæ ac prudentiæ procerum Hollandiæ: sed quòd facerent, id à se fieri tanquam ab amicis consultoribus. Adferebant etiam peculiaria federa inter Hollandos Zelandosque inita quæ omnino neque nationes ceteras, neque ius Federatorum contingebant; nullam mentionem facientes federis Traiectini, aut ullius iuris Federatorum. Neque verò proceres Federati vnquam contradixerunt tot decretis quæ ab anno CIO IOCVII ad annum CIO IO CXVII Hollandiæ proceres fecerunt: neque constitutioni quam proceres Traiectini ex Synodi sui cōsilio fecerunt, neque edicto publicato à primoribus Trāsisalanæ, neque interdicto facto in Geldria. Imo tantum id abest, vt cum Noviomagenfes conquestum venissent apud proceres Federatos de his quæ in rebus Ecclesiæ apud se non rectè, neque ordine facta essent, Geldriæ legati qui in conventu erant Federatorum, dixerint negotium hoc ad suam nationem pertinere; quo dicto remissionem negotij obtinuerūt. Noranthæc omnia Zelandi, ac propterea, ante indictionem Synodi communis nuper

habitæ, proceribus Hollandiæ obtulerunt cautionem eam rem iuri ipsorum fraudi nō fore. Princeps Mauritius, Comes Vvilhelmus, & nationum legati idem à se intelligi fatis ostenderunt, cum etiam post Synodum indictam commendarunt nationibus recognitionem Federis Traiectini, atque in eo capitis decimitertij ad religionem spectantis. Quicum & illud convenit, quod legati nationum complures indictmentem Synodi non ex jure suo defenderunt, sed à necessitate quæsi-verunt patrocinium : quæ tamen imaginaria necessitas facilè alijs legitimis & benignis rationibus evitari potuit, vt infrà patefiet.

Reperti sunt homines tam improvidi qui hoc non dixêre tantùm, sed tanquam firmum argumentum protulerunt, fædus Trajectinum fundari in religione plane contra XIII caput, & secutam eius interpretationem, cuius ante meminimus. Ali-ter longe loquebantur Hollandiæ proce-res anno MDCLXXVI cum Amsteloda-men-sibus scriberent : *in religione quidem inter nos, vosque aliquid est discriminis : sed non eius momenti hæc res est, vt propterea de re summa qua regimen, jura, libertatem, leges, salutem-que publicam complectitur, dissidere debeamus : eoque minus eam professi simus, semper atque*

qui Hollandiæ præfuerunt. 43

etiamnum profiteamur arma à nobis religionis causa sumpta non esse. Atque post id tempus, rectores Lugduni Batavorum in oratione perscripta anno CIO IO LXXXII: *non in hoc inter se devinctas nationes ut unam certam religionem solam foverent.* Quæ belli causa est, ea sit necesse est & federis causa, cum non in aliud initum sit fedus, quàm ut communi ope id defenderetur cuius ergo susceptum erat bellum. Bello autem quæsita fuit tutela regiminis Belgicogermanici iuxta leges moresque avitos aduersus novum dominatum Hispanicum, simulque liberum ius Deum colendi ex animi sententia, in quo haud dubiè præcipue comprehenditur religionis Reformatæ libertas. Verum hoc esse apparet ex supplicatione nobilium, apologetico Principis Vvilhelmi aduersus accusationem procuratoris regij qui prodijt anno CIO IO LXVIII, edicto Principis eiusdẽ explicante causas ob quas arma sumfisset, mādatis quæ idem multis hominibus dedit ad opem sollicitandam, apologetico eiusdem pro expeditione anni CIO IO LXXII, decreto procerum Hollandiæ facto mense Iulio anni eiusdem ad arcendam vim Albani, literis quas proceres eidem anno CIO IO LXXIII proceribus Federatis scripsere, & literis sal-

teris quas dicti Princeps & proceres ad Regem Hispaniæ misere, postulatis eorundem procerum, Zelandorumque, & Principis in colloquio Bredano anni c10 10 LXXV, pace Gandavenfi, apologetico quo Regina Angliæ defendit auxilia à se lata Belgicogermanis anno c10 10 LXXVII, pace religionis constituta anno c10 10 LXXVIII, consilio Senatus dato XIII Ianuarij anni c10 10 LXXIX, apologetico dicti Principis anni c10 10 LXXX, edicto anni c10 10 LXXXI quo Rex Hispaniæ pronuntiatur iure in Belgicogermaniam excidisse: altero apologetico qui à Regina editus est anno c10 10 LXXXV, responso quod proceres Federati dedere Archiduci Ernesto anno c10 10 XCV multisque alijs actis, decretis, literis, quæ memorare longum foret: quæ nimis disertè causam armorum nos docet, ac proinde & initi federis, quam ut aliud hominibus rerum intelligentibus possit persuaderi: quod tamen nunc sunt qui conantur homines alioqui vitæ tenore ac moribus satis patefacientes, quam parum ipsis cordi sit religio, id est Dei reverentia & Christiani hominis officium: conantur autem maximo reipublicæ malo: nam id cum dicunt, quid dicunt aliud, quam ingentem terras nostras habitantium partem, ut

pote alienam à receptis in publicum ritibus, nulla de causa ferre onera quæ ferenda sunt, neque eorum quicquam interesse salvam esse rempublicam.

Instatur tamen, firmum esse vinculum religionis unitatem: sed præterquam quod iam ante diximus regendam rempublicam non ex cuiusque opinionibus de eo quod optimum atque utilissimum videatur, sed ex legibus publicis, notandum & hoc est, in vita humana ad id quod optimum est, sæpe non posse perveniri. Optimum haud dubiè foret non in Belgicogermania tantum, sed in vniuerso orbe vnā duntaxat esse religionem, eam scilicet quam sospitator noster de cœlo detulit: Sed humana infirmitas erroribus, consuetudine, affectibus abrepta facile hinc exorbitat: quod cum commonstrare alij volunt, cum superinducto ab initio sic non erat, eos tum differre vt rerum novarum studiosos, turbatores quietis publicæ, pestes populi, factu id quidem proclive est: sed supra quod iniqua est ea agendi ratio, à nostris damnata sæpius, sæpe ad bonum publicum nihil ea via proficitur, quod experientia quidem abundè docuisse nos debet. Vir bonus ac sapiens Camerarius ait mendose dici diversas de rebus divinis sententias

turbamenta esse reipublicæ, cum ea inde potius nasci soleant, cum quis suæ sententiæ libertate non contentus alijs negotium facessit. Vvilhelmus Princeps Arausionensis olim Frãcisçi Balduini Iurisconsulti nobilis opera libellum conscribifecit, qui & rationibus & exemplis probatconsistere posse quietem publicam etiam vbi sacra sunt diversa. Id verò nunc quæritur (vt jam seposita juris quæstione, quod vtile est tantum spectemus) quoties sententiarum discrepantia inter magistros, plebemque exoritur (quod sæpe humana ope impediri nequit, siue quia vult Deus veritatem in lucem perducere, siue quia humana duritia monstratæ veritati cedere contumaciter recusat) potiusne tum sit nationes vbi orta est ea dissensio, omnino cogi se aptare ad normam nationum cæterarum, magno populi sui cum incommodo, cum labe cõmerciorum atque opificiorum, cum vulneratione animorum, an verò sit rectius procures cuiusque nationis (qui optime sciunt quà se calceus vrgeat) quantum lex diuina permittit, quieti publicæ consulere, & ad oppidorum, locorumque ingenia jus temperare, vt jubet mandata Principi Vvilhelmo data belli initio, & fedus factum sub idem tempus.

Eos qui supremo vtuntur imperio, quales sunt nationes Belgicogermaniæ singulæ, cum alijs pari jure vtētibus arbitrium rerum diuinarum communicasse non reperio: illud contra reperio sæpe summorum potestatum beneficio minoribus potestatibus indultam sacrorum libertatem. Ita Romani populo Iudæo, Imperator Carolus V. cum Germaniæ conuentu Electoribus, Principibus, ac civitatibus liberis, Rex Galliæ oppidis nonnullis & nobilibus in vniversum, id iuris concessit.

Præterquam verò quòd Belgicogermaniæ nationum singularum ob rem ipsam refert plurimum, vt arbitrium religionis penes se retineant eo animo, vt eo nihil minus præstent quod Deo debent obsequium, & sociis quam dederunt fidem: ita momentum hoc habet etiam ad aliarum rerum consequentiam. Est enim summum imperium, quod coronæ comparari, eaque imagine depingi solet, eius naturæ, vt parte amissa substantiam suam amittat. De præcipiti loco qui cadit, non in medio hæret, sed subito de summo in infimum decedit. Rem autem hanc non esse sine consequentiis ipsæ minores nationes satis perviderunt. Nā cum novi Hollandiæ rectores mēse Novēb. anni cio io cxviii,

ne plane ius patriæ proijcere viderentur, postularunt vt Hollandiæ legati qui ad communem nationum Synodum erāt ituri, ob ingentem numerum Ecclesiarum Hollandiæ (nam ad quingentas is exit,) ius haberent trium aut certè duarum sententiarum, recusatum id est à nationibus alijs propter exemplum, quia (sic habent acta) in negotiis ad conventum federatorum spectantibus, nationi cuique non nisi ius vnius sententiæ esset. Magna illis gratia debetur, qui olim, cū institueretur Senatus federis, confessus de rebus maritimis, alijsque, curam gesserunt vt Hollandiæ pro sua magnitudine ratio haberetur, neque se illo colore quem nunc adhibitum diximus, passi sunt eludi. Cui digitum concedis, sæpe manum attrahet.

Vltra dicitur, si libertas sacrorum vnicuique nationi permittatur multa inde incommoda sequi. Sed vetus, verumque verbum est: aliud esse incommoda ostendere, aliud refellere argumenta. Nam res humanæ ac præsertim publicæ eiusmodi sūt, vt vix quicquam statui possit, quod incommodis omni ex parte careat. Ex maioris partis sententia inter nationes constituere quicquam in religionis negotio, magnis hoc quoque incommodis non caret:

ret: ut iam ante demonstratum est, & ipso rerum experimento certius fortè cōstabit.

At si relinquas libertatem, proceres nationis cuiusque etiamsi socijs obstricti non sint, non desinunt obstricti esse Dei verbo, rationi & utilitati publicæ, sicut & in aliis rebus civilis imperij non sociis, sed legibus patriæ & bono publico obligantur.

Quin etsi nulla orta esset aut expectari posset de religione controversia, tamen ad honorem spectat procerum cuiusque nationis ut quam tuerentur religionem, eam noscantur tueri non aliorum imperio aut metu, sed sua sponte. Neque verò tanto functionis suæ tempore ita se gesserunt, ut aut pro contemtoribus pietatis, aut pro inimicis boni publici haberi mereantur.

Etiam Licestrianis temporibus peregrini quidam præ se tulere ardentius studium religionis, quasi genuini legitimique rectores eam rem frigidius curarent: sed res docuit ambitionis & avaritiæ id fuisse obtentus. Suo contentum esse non exigua veræ pietatis pars est.

CAPVT III.

*Qualem sacrorum reformationem tueri
propositum fuerit proceribus Hollan-
diæ & Vvestfrisiæ.*

ET olim, & temporibus nostris vbique
ferme terrarum magnum discrimen
annotari potuit inter eos qui in republica,
& eos qui in sacris muneribus occupantur
circa controversias de rebus divinis. Nam
hi quidem magni eas omnes solent pen-
dere, vt in quibus ars ipsorum & quicquid
supra cæteros eximium habent, consistat.
Illi contra intēti in quietem civitatis, pu-
tant in rebus eius generis sæpe incolumi
lege divina, esse æquitati & concessioni
mutuæ locum, vnde sæpe accidit, vt à sa-
crorum professoribus magistratus tradu-
cantur tãquam quibus divina veritas non
satis cordi sit : contra sacrorum magistri à
magistratibus tanquam duri, & intracta-
biles.

Hoc ipsum discrimen iam ab initio bel-
lorum in Hollandia se aperuit. Princeps
Vvilhelmus & Hollandiæ rectores non

qui Hollandiæ præfuerunt. 51

tantum inquisitionem in hominum animos, & sanguinaria edicta exhorruerunt, sed cum iam ante centum pluresque annos pii doctique plures animadversis erroribus, quos longi temporis incuria in Christianitatem invexerat, reformationem desiderassent, id est emendationem, repositionemque rei in statum pristinum, & ipsi animo in id propenso fuere: sic tamen ut non arctè nimis se alligarent sententiis in quibus inter eos ipsos qui reformationem urgebant, disconveniebat. At pastores studio in præceptores suos quorum voce aut libris profecerant, annitebantur eorum dogmatis quantum possent auctoritatis circumdare. Hæc intentionis diversitas non parum augmenti inde accepit, quod rectorum plerique cognitionem errorum qui se in sacra insinuaverat, Erasmi Rotterodamensis scriptis debebāt, qui ad pacem & æquitatem totus ferebatur. Pastores contra institutionem suam maximè hauserant è scriptis Calvinii, & aliorum sua placita animosiùs defendentium. Huic rei id consequens fuit ut reformationis aut Reformatæ religionis vox aliter à reipublicæ moderatoribus, aliter à pastoribus Ecclesiæ sumeretur, nam hi quidem eo nomine intelligebant consensionem

cum magistris suis circa dogmata quævis: illi verò Dei cultum à mendis gravioribus purgatum, & in sensu super controversis placitis non nimis angustis finibus restrictum. Cui ambiguitati vitandæ sæpe reipublicæ rectores Christianam religionem aut Evangelicam dicere maluerunt, aut certè Reformatae vocabulum addita voce Evangelicæ explicare, ut qui religionem alligare soli Evangelio, id est Christi dogmatibus vellent, non multis adscitiis interpretamentis. Ita videmus in federe quod Hollandi & Zelandi anno MDCLXXVI fecere agi de tuendo usu Reformatae Evangelicæ religionis, & inhibendo usu sacrorum Evangelio pugnantium, hac tamen lege ne cui ob animi sui sententiam, negotium exhiberetur. Idem conspicere est in legibus sub quibus Principi Vvilhelmo anno MDCLXXXI potestas quædam quasi dictatoria delata est. In federe quod cum Anglia initum est anno MDCLXXXI mentio est veræ Christianæ religionis: quæ verba etiam in sacramento militis navalis reperiuntur: & in mandatis præfecturæ Hollandicæ datis Principi Mauritio.

Quantum Principi Vvilhelmo displicuerit pastorum quorundam nimius rigor,

qui *Hollandiæ præfuerunt.* 53

inter cætera intelligi potest ex literis quas Aldegondius, inter Principis amicos id temporis gratia & consilio primus, belli primordio scripsit: ubi sic ait. *Princeps certè partim suo, partim Ordinum nomine mecum exposulavit, quasi id agatur ut imperium Ecclesiastici sibi in conscientias arrogant, & suis legibus ac institutis subijcere sibi reliquos studeant, laudavitque dictum monachi qui nuper fuit, excipientis ad ea quæ tum sibi obijciebantur, haud æque nostrorum ollam calefactam fuisse, atque illorum quos tantopere incessemus: videre se plane antequam per seculorum labatur, parem utrobique imperij Ecclesiastici fore rationem.* Idem ille Princeps cum annotasset ea quæ durè ac rigide acta erant in Synodo Middelburgensi anni *CIO IO LXXXI*, & secutam inde animorum offensionem, Hollandiæ primoribus denunciavit, ni in tempore obviam irent, prævidere se & religionis reformatæ & reipublicæ exitium, quæ ipsa verba inserta sunt primis mandatis quæ Hollandiæ proceres dederunt à se delegatis ad concipiendas leges super negotiis Ecclesiarum, in quibus & hoc additur: *Spektandum hoc in ijs legibus ut incolumis esset Christiana libertas, & ne decretis atque constitutionibus materia ca-*

*lumnia, ac dissidia tum in religione tum alibi
orirentur.*

Princeps idem religionem ex formula Augustana, quę Lutherana dici solet, eandē cū Reformata esse iudicavit, cū tamen inter utriusque doctores cōtroversias esse non nesciret. Itaque tum in Apologetico, tum in aliis ab eo scriptis sepe invenies, vbi profiteatur reformatę se esse religionis, & rursus vbi dicat se eius esse religionis cuius pater fuerat, quem Augustanę formulę sectatorem fuisse constat. Rursus is ipse Princeps, fraterque eius Ludovicus & Brederodius sæpe hortati sunt magistros familię Reformatę, vt nomine ac titulo formulę Augustanę se commēdarēt. Etiam oppido Vvordano Princeps vsum religionis publicum ex ea formula concessit. Et cōm anno MD LXXVIII par religionum constituta est, Romanensem tantum & Reformatam religionem admittens, Bruxellę, Antuerpię, atque alibi data sunt, templa formulam Augustanam sequentibus, tanquam qui & ipsi sub Reformato nomine comprehenderentur: sicut & in colloquio Agrippinensi postulata est libertas publica sacrorum non minus pro Augustanę disciplinę cētibus, quā pro aliis Reformatos se vocantibus.

Rectores Lugduni Batavorum in oratione quadam sua ad verba Synodi Middelburgensis, *Qui religionem Reformatam profitentur*, quærunt an sub Reformatæ nomine intelligant religionem cum Synodi placitis in omnibus partibus consentientē: quæ mens si esset, aiunt se quidē graves habere causas, cur id admittere nō possēt.

In dicto iam federe cum Anglia, Christiana religio ita circumscribitur: *Quomodo nunc ea in Anglia, & terris Belgicogermaniæ Federatis in usu est*: cū tamen nemini ignotum esse possit Ecclesias Angliæ à Belgicogermaniæ Ecclesiis differre non ritibus tantū, & gubernandi modo, sed & opinionibus quibusdam, ut de descensu ad inferos. Vnde apparet manifestè, neutiquam eam mentem proceribus nostris fuisse, ut discrepantia sententiarum super quæstionibus inter eruditos controversis, aliam constitueret religionem.

Ut propius veniamus ad cōtroversias de Prædestinatione quā alij purā, alij cōditione subnixā volunt: primū hoc discrimen à Principe Vvillhelmo non magni nimis æstimatum ex eo apparet, quod cum conditiones proposuit in quas Reformati (qui distinctè sic appellantur) cum Lutheranis coirent, cæ omnes ad quæstionem de Eu-

charistia pertinebant, quasi ea composita nihil restaret, quòd dissidio causam præbere posset, cùm tamen satis constet à Lutheranis defendi prædestinationem conditione subnixam.

Quamquam verò pars maior pastorum patriæ nostræ ex magistrorum suorum institutione amplexi sunt dogma puræ Prædestinationis, certum tamen est ab ipso belli initio, pastorum nonnullos, magistratum multos, de plebe verò innumeros concessisse in alteram sententiam: Neque verò se res aliter habere poterat cum tanta esset his in locis auctoritas libris Erasmi, tanta gratia Decadibus Bulingeri, & locis communibus Melanchthonis, item libello cui titulum Laicorum ductori fecit Anastasius Velyanus in ipso Reformationis initio quem librum Geldriæ proceribus dedicavit: sicut & proximè nostra tempora in Frisia Gellius Snecanus libros nonnullos fecit, partim etiam Frisicæ primoribus inscripsit, in quibus defendit dogma de Prædestinatione quæ conditionem in se contineat, non tantum Dei verbo esse consentaneum, sed novitatis accusari nullo iure posse: qui quidem libri nunquã à potestatibus publicis damnati sunt, neque scriptori aut iniusta Ec-

clesiasticæ censuræ nota, aut aliud exhibitum negotium : qui omnes cum id quòd dico defendant dogma Prædestinationis certa lege factæ, vel ex hoc vno satis intelligi potest, quàm malè eius dogmatis natales ad Iacobum Arminium referantur. Sunt qui de Melanchthone, & Bulingero negant eos istius fuisse sententiæ, sed id verè est contradicere rei omnibus qui sine affectu eorum libros legunt manifestissimè apparenti.

De mente procerum Hollandiæ in hac re testimonium illustre præbet oppidum Gouda, vbi perpetuo neque vnquam interrupto vsu viguit dogma de Prædestinatione conditionem in se continente: quod testari possunt & veteres magistratus, & plebs tota. Ac quanquam pastorum nonnulli impedire id aggressi sunt, tamen & pastores eius dogmatis ab oppidi magistratibus, & magistratus à proceribus Hollandiæ, & Principe Vvilhelmo in hac causa defensi sunt, ita vt quod in Federe Hollandiæ & Zelandiæ, item in legibus quasi dictatoriæ potestatis dictum fuerat, de ordinandis rebus religionis pro oppidorum ingenio ad maximam tranquillitatem, id vsu interprete ita explicatum fuerit, vt extra publicam religionem exclu-

fum non fuerit dogma de Prædestinatione conditionem complectente.

In oppido Hornæ Clemens Martini filius discipulus Hardenbergij, qui Hardenbergius Melanchthonem habuerat præceptorem, & Cornelius Menardi publicè etiam scriptis editis testati sunt, adhærere se mollibus Bulingeri explicationibus, neque tam sublime sapere se audere, quam saperent alij : atque ita porrò sententiam suam explicarunt, vt quotquot Prædestinationem sub conditione docent, ei libenter sint subscripturi. Etiam hi in munere suo defensi sunt : quanquam à pastoribus vrgerentur satis inclementer, atque accusarentur.

Viguit sententia eadem Medemelacæ, atque ad eam formam docuit Taco Si-brandi: quem contra, cum rigidæ censuræ vis intenderetur, decreverunt Hollandiæ procures, ne Synodus ultra de eius ad pastorale munus vocatione controversiam moveret: vtque Ecclesia dum res plenius cognosceretur, quicquam adversus Taconem agere abstineret.

In Lugdunensem Academiam ante Arminij tempora accitus fuit Holmannus rerum divinarum interpres, plane Melanchthoni consentiens, quod omnes testan-

tur qui eum noverunt, nec quisquam ad hoc tempus ausus est inficiari.

Sed & alijs in locis multis, pastores fuisse qui Prædestinationem docerent conditione suffultam volentibus magistratibus, sæpe affirmatum antehac fuit, & oblata probatio per testium turbas.

Quod de Hollandiæ proceribus dictum est, ad Trajectinos quoque porrigi debet, notum enim est in oppido Trajectino Hubertum fuisse qui iam ab anno CIO IO LXVII docuerit sub conditione factam Prædestinationem, atque ea in re contra Ecclesiæ censuram à minoribus majoribusque potestatibus defensus fuerit.

Plebs eum audiens (ita aiunt Trajectini vrbis rectores in litteris anni CIO IO LXXI ad Principem Vvilhelmum) magno erat numero & vrbis flos ipse. Dignum quoque notatu est dogma istud, cum in publico vsu fuisset deiectum inde à Comite Licestrio eo ipso tempore quo vis ibi data est actis Synodi habitæ anno CIO IO LXXXVI, & civium potissimi de republica patriaque ejecti, cum Leoninus Geldriæ Cancellarius, non incommodè dixit hoc agi à novis (id est ferventioribus) Protestantibus, vt veteres (id est moderatores) expellerent. Post verò restituta re-

publica etiam dogma illud in vsum redijt: atque in vſu erat cum Principi Mauritio data eſt eius nationis præfectura cum ea lege quam iam ante diximus, *tutandi veram Chriſtianam Evangelicam religionem* (ita verba habēt nullo addito alio cognomento quo ea religio diſcriminetur) *ſecundum leges quas proceres Traiectini feciſſent, facturi ve eſſent, quando ea eſſet procerum ſententia arbitrium ſacrorum ex decimo tertio federis Traiectini capite ad ſe pertinere.* Quæ lex præfecturæ addita directè cavebat ei libertati quæ Traiecti ab initio fuerat, & à Comite Licelſtrio concuſſa republica ſimul fuerat concuſſa. In eadem terra Traiectina paſtorale munus obiit is quem dico Taco Sibrandi, cui permiſſum eſt docere ex præſcripto Helveticæ antiquioris, ſive Tigurinæ formulæ ad quam Remonſtrantes (ita appellantur qui nunc docent Prædeſtinationem ſub certa conditione) ſæpe provocant.

Sed & hoc notatu dignum nunquam formulam illā quæ profeſſio vocatur Belgicogermanicarum Eccleſiarum publico imperio ab Hollandiæ primoribus approbatam: cuius rei ego non aliam puto reddi poſſe rationem, quàm quod viderent proceres id agi, vt poſt religionem ea for-

mula circumscriptam, ipsa deinde formula angustius circumscriberetur interpretamentis, quæ res oneri erat futura multorum animis. Cui incommodo vitando Hollandiæ procures anno c10 10 xcvii adfenserunt in indictionem Synodi communis è nationibus ea lege, vt formula illa ibi revocaretur ad examen, videreturque qua ratione optimè consuli posset vnitati Ecclesiarum. Sperabant enim procures in ea recognitione datum iri operam vt omnibus super eius formulæ sensu anxijis satisfaceret ea via quæ à definitionibus non necessarijs se temperaret. Post quod tempus & aliæ nationes in communem Synodum consenserunt lege eadem vt inibi illa formula, simulque institutio puerorum, quam Cathechesin vocant, relegeretur: cui legi adscriptæ pastores plerique se opposuère, qui ita aiebant in Synodo ea scripta recognosci non debere omnino, sed posse, atque ita demum si ipsi Synodo ita videretur: in quo mirari subit ab illis non concessum Federatis proceribus jus id imperandi quod licere nec ipsi negabant: Ex quibus actis alijsque pluribus apparuit quanto alia mens veteribus reipublicæ moderatoribus, alia non paucis Ecclesiæ pastoribus fuerit, cum hi semper ad defi-

nitionem contenderent, illi ad æquitatem, quæ præcipuè in ferendis placidè dissidentibus consistit: hi arctum facere velent in Ecclesiam aditum multis septis effatorum super rebus controversis: illi aperire Ecclesiam quantum fieri eis poterat, Christianis omnibus, quorum vita probro vacaret.

Adferuntur in contrarium notæ censoriæ in Casparem Colhasium, & Cornelium Vviggeri, additurque probatas eas ab Hollandiæ proceribus. Colhasium quod attinet, multa cum eo erant disputata ad hanc rem non pertinentia etiam de vitæ disciplina: Ac tamen quæ in eum sunt constituta, à proceribus Hollandiæ probata non sunt: sed id dictum est duntaxat, ut inspectores Ecclesiæ in censura ita pergerent, ut Dei verbo consentaneum esse existimarent: quod revera nihil erat aliud quam rem ipsorum religioni commendare. Quid verò tam Princeps Vvilhelmus, quam proceres Hollandiæ existimaverint de actis Synodi Middelburgensis anni 1610 LXXXI. (nam in ea Synodo res Colhasij tractata est) satis intelligi potest ex verbis quæ iam adduximus è mandatis delegatorum ad concipiendas leges de negotijs Ecclesiasticis. Etiã res Cornelij Vviggeri

exibat fines negotij quo de agimus, nam professores rerum divinarum in Academia Lugdunensi ei obiectabant, quod libertatem volendi doceret nulla addita divinæ opitulationis mentione: atque altera ex parte quod diceret plane extinctā in homine divinitatis imaginem: quod ipsum, illis iudicibus, homini suppeditabat excusandi se materiam de omnibus delictis. Didericum verò Volqueri Cornhartium quantum attinet (cuius libri suppressi à proceribus Hollandiæ dicuntur pastorum instinctu) quod maximam ei invidiam concitabat, hoc erat quod originariam labem negare & omnes cætus Christianorum improbare diceretur. Quare ne hoc quidem exemplum subvertit id quod asseruimus, neutiquam proceribus id fuisse animi, religionem Reformatam tam arctis limitibus circumscribere, ut qui sub conditione Prædestinationem docent, ab ea arcerentur.

CAP V T IIII.

*An mutuo se ferre in controversiis de
Prædestinatione dissidentes fas fuerit,
fieri ne id ipsum potuerit, & an
ex usu fuerit.*

SVper controversiis exortis de Præde-
stinatione, & quæ ei cohærent, Hol-
landiæ & Vvestfrisiæ procures aut omni-
bus aut pluribus sententiis eo semper pro-
penderunt, vt dissidentes ferrentur, non
sub eodem imperio tantùm, sed & in Ec-
clesia, ita scilicet vt relicta sic vel aliter
sentiendi libertate, & præscripta docendi
moderatè ratione quæ ad pietatem con-
duceret, vtriusque sententiæ tum pasto-
res, tum cæteri servarent Ecclesiæ pacem
sub earundem potestatum civilium tute-
la. At alij ad definitionem perducere ne-
gotium laborarunt, existimantes in omni-
bus quæstionibus eiusmodi certi aliquid
constituendum, sicut inter litigatores fer-
tur sententia cui stare pars vtraque tene-
tur sive rectè, sive perperam est iudica-
tum. Sed non respondet hæc comparatio,
nam

nam sententiæ iudicium feruntur super rebus quæ nostri sunt dominij ac iuris, de quibus quod iudicatum est, ut maximè iniquum sit, ei tamen sine vlla officij prætermissione pareri potest de re sua cedendo: sed hoc non procedit ubi veritatis res agitur. Nam etiamsi de humanis tantum, non de divinis rebus ageretur, non posset quisquam obstrictum se credere eorum dicto quos falli posse autumat, aut ut contra credat quam se rei habet veritas, aut ut eam silentio plane sepeliat præsertim si eam utilem existimet humanæ universitati. Exemplum sume in quæstionibus de Medicina, de sapientia naturalium rerum, in arte mensuræ, numeri, ponderis. Et si talibus super rebus in quamvis specioso cœtu aliquid pronunciaretur, non eo tamen interfecta esset quæstio: sed quivis liberum sibi existimaret aut rationum ductu aut experimentis de veritate periculum facere & repertam in lucem producere. Sed ne disceptationes eiusmodi agitentur cum convitiis aut iniuria graviore obtineri id certè potest. Genevenses in anteloquio editi à se concentus formularum, Harmoniam confessionum vocant, Britanniarum Rex in epistola quam Cardinali Perronio scripsit per Isaacum Ca-

faubonum, pluresque alij censent quam
 paucissima esse definienda: quod ipsum
 eidem Britanniarum Regi placuerat in
 colloquio Hamptoniensi, cum postularēt
 nonnulli ut capita quædam de Prædesti-
 natione concepta Anglicano Symbolo
 annecterentur. Reperti sanè sunt homi-
 nes tam feri qui dicerent Ecclesiasticam
 unitatem retinere velle cum illis qui circa
 dogmata aliqua dissiderent, id verò esse
 Christum miscere Beliali. sed contra nos
 docet vox à Deo inspirata Rom. xiv. 1.
 Philipp. ii. 4. iii. 5. i. Cor. ix. 19. xiii. 4.
 ii. Tim. ii. 22. & mos Christianorum per
 omnia tempora terrasque diffusus, nō om-
 ni dogmatum discrepantia communionis
 Ecclesiasticæ fedus abrumpi, sed eis de-
 mum quæ ad religionis fundamentum
 propriè pertinent, id est quibus divina
 constitutione æternum illud bonum ita
 annexum est, ut nemo nisi illis assentiens
 id possit adipisci. Augustini est; *Sunt in qui-
 bus inter se aliquando etiam doctissimi atque
 optimi regule Catholica defensores salva fidei
 cōpage non cōsonant.* Cui cōgruit illud Vin-
 centij Lirinensis: *Antiqua sanctorū Patrum
 consensus non in omnibus divina legis questun-
 culis, sed solum ceriè precipuè, in fidei regula ma-
 gno nobis studio & investiganda est, & sequen-*

da. Ita videmus Christianos veteres, neque idem sensisse neque docuisse super animarum origine ac statu post mortem antequam corpora resurgant, alijsque de rebus, non abrupto tamen ob hæc fraternitatis vinculo. Hanc mutuo se ferendi æquitatem non posse tantum, sed & debere fervari docent Calvinus Institutione 4. cap. 1. lect. 12. Perquinzius ad Galatas capite 1. commate secundo, & cap. 111. commate 15. Etiam in symbolo suo Helvetij cum ita loquuntur: *Abunde pia vetustate satis erat mutuus ille in præcipuis fidei dogmatibus, inque sensu Orthodoxo, & charitate fraterna consensus.* Elector quoque Palatinus cum elogio ultimo liberis suis mandat, *ut sibi quàm diligentissimè à turbulentis tam Ecclesiarum, quàm scholarum ministris caveant, qui nunc in religionis & fidei negotijs, & omnis generis contentiones, logomachias, ac exitiales condemnationes in pias Ecclesias & Scholas, quæ tamen in fundamento & præcipuis Christianæ religionis capitibus consentiunt, & salutem suam una nobiscum in unicum nostrum Servatorem Iesum Christum collocant, introducere conantur.* Ait insuper, *ex ea re & in Politia & in Ecclesiastica gubernatione distractiones sequi & utriusque gubernationis perturbationem: ideoque debere principes summopere à turbulenti*

istis hominibus, & pacis ac tranquillitatis publica inimicis sibi cavere. Docet id ipsum Paræus locis pluribus, capite ad primam ad Corinthios tertio commate duodecimo, & latius in libro de vnione Evangelicorum : *Qui in fundamento conveniunt, ait, in bona conscientia coitionem facere possunt, & debent : quamvis in minus principalibus aliqui nimium scientiosi ab alijs rudioribus differenter sentiant. Si enim omnes per omnia consentire possent, quorum hortaretur Apostolus ut alij alios tolerent, ut firmi fide infirmos suscipiant, ut alij aliorum onera portent, ut si quis quid aliter sentit à Deo revelationem petat, & expectet ? Optandus quidem erat plenus in omnibus consensus, verum in tanta rerum humanarum fragilitate vix unquam Ecclesia datus fuit, vixque speranda videtur talis felicitas.* Exemplo ad hanc rem nobis esse potest labor piorum Principum, atque pastorum infumtus ad recomponendos cum Lutheranis Reformatos alios quantumvis in Eucharistiæ controuersia dissidentes. nam de Prædestinatione (quanquam etiâ de ea cōtroversia sunt inter ipsos) nulla facta est mētio, cum pro certo haberetur eā vnitati ipsorū impedimēto esse nō posse. Hæc cōglutinatio interlocutione illustriū virorum confecta fuit anno CIO IO XXIX

& CIO IOXXXVII inter ipsum Lutherum
& Helvetios pastores: postea anno CIO IO
LXX in conventu Sendomiriensi Polonię
inter sectatores formulę Augustanę Bo-
hemicę & Helveticę qui omnes polliciti
sunt, quanquam de Eucharistia sententiis
discreparent, habituros se invicem pro piis
cœtibus & mutuam vnitatem servaturos
tam in audiendis sacris exhortationibus,
quam in sacrorum rituum participatione.
Factum idem anno CIO IO LXXV in Bo-
hemia inter Augustanę formulę profes-
sores, & eos qui Hussitę, quique Valden-
ses dicuntur. Eodem allaboratum est an-
no CIO IO LXXVII à legatis Reginę An-
glię, multorumque Principum qui tum
Francofurtum venerant, ab Ecclesiis Bel-
gicogermanicis libro quem ea de re edi-
derunt anno CIO IO LXXIX: à Synodo
Hollandię Austrinę anni CIO IO CV, ab
Electore Palatino qui nuper vixit literis
scriptis ad Palatinum Neuburgicum, &
aliis literis quas anno CIO IO CVII scripsit
ad regem Britanniarum, & primores no-
strę patrię Federatos: ab Electore Bran-
deburgico nuper editis in eam remedi-
ctis, ab Vrsino, Ivello, Danæo, Vvithakero
in libris suis, à Molinæo in consilio quo-
dam quod Gallicè scripsit hoc de argu-

mento, à Paræo in eo quem iam laudavimus libro. Cui consequens est Ecclesiasticam unitatem & posse, & debere retineri cum ijs doctoribus qui super Eucharistia consentientes, cum Lutheranis commune tantum habent dogma de prædestinatione quæ conditionem in se habet. Semper enim quod majus est, in se continet id quod eo est minus.

Vt rem propiùs commonstremus, legatur præfatio Calvinii ad Gallicè à se versos locos communes Melanchthonis, vbi Melanchthonem summis extollit laudibus, cum tamen fateatur se in Prædestinationis negotio ab eo discrepare. Perquinzius inter controversias quæ fundamentum salutis nostræ inuiolatum relinquunt, ponit dogma de Gratia vniuersali, & de libero arbitrio. Pareus etiam inter conclusiones quæ ad necessaria capita non pertinent, recenset eas quæ sunt de Prædestinatione, eius causis, atque effectiõibus, de liberi arbitrij natura: additque si Euangelici doctores attendere vellent ad hoc discrimen capitum, multo minus rixæ in Ecclesijs fore, & sanando vulnere, sarciendæque paci remedia haud longè futura. Idem Regi Britanniarum visum est, qui cum legisset indiculum quæstionum, quæ de Præ-

qui Hollandiæ præfuerunt. 71

destinatione , & annexis capitibus apud nos exortę erant, literis scriptis sexto Martij anni cto 10 cxiii. pronuntiavit , non ita inter se distare sententias , quin cum Christiana veritate & salute animarum possent consistere. Molineus eo de quo loqui cępi consilio quęstionibus illis quas in communi symbolo concipiendo prætermitti posse existimat , ac sine quarum notitia hominem ait posse ad salutem perpetuam peruenire, accenset ea quę ab Arminio essent proposita de libero arbitrio, perseveratione piorum, & prædestinatione. Quę Arminij super his rebus sententia esset, notũ satis erat Amstelodami, cum inde dimitteretur in Academiam Lugdunensem iturus : neque eo minus Ecclesia Amstelodamensis discedenti Arminio dedit præclarum testimonium dogmatum ac vitę. In Academia cum aliquoties hac de re colloquia essent instituta, testati sunt Gomarus, Trelcatius, Arminius, Cuchlinus inter se nullas esse controversias ad fundamentum pertinentes. Superioris confessus in Hollandia iudices , qui cętus si vnquam tunc certę viros ingenij iudicii-que summi habuit , vt satis omnibus notum est, controversiis hisce apud se disceptatis, iudicarunt non aliud præsentius

esse remedium quam in se invicem ferendi æquitate. In eo colloquio quod coram Hollandiæ conventu habitum est anno MD CVII collocutores se mutuò fratres salutarunt : neque contradixerunt quicquam procerum hortamentis pacem ipsis commendantium. imo multo post tēpore perstiterunt in Ecclesiastica communione. Quibusdam in locis vt Lugduni etiam pactiones ea de re sunt confectæ. Synodus Gallicarum in Belgicogermania Ecclesiarum anno MD CXII & MD CXIII testata ac pollicita est, quominus fraternitatis iura cum pastoribus sui corporis servarent controversias istas non obstituras. Etiam Plessæus, & alij viri sapientes non minus quam eruditi ad retinendam inter dissidentes pacem hortatores fuerunt.

Excipitur alias fuisse controversias quæ notis quinque capitibus non continerentur : & earum in numero nonnullas ad fundamenta religionis pertinentes. Sed respondeo, nullam esse causam ea de re conquerendi quando Hollandiæ proceres decreta de ferendis dissidentibus semper adstrinxerunt ad quinque illa capita, in cæteris nihil constituentes novi, vt videre est in decreto quod factum est vice-

ſimo menſis Maij anni c10 10 cxi, in eo quod factum eſt anno c10 10 cxiv, in alio facto die decimotertio Decembris anni c10 10 cxv, in alijs quæ facta ſunt, alterum decimo octavo Martij, alterum vicesimo octavo Aprilis anni c10 10 cxvi: item in edicto quod proceres eidem ediderunt quinto Auguſti c10 10 cxvii, in reſponſo dato legatis Zelandiæ, aliisque actis pluribus. Proinde ſi qui putabant extra quinque capita factum à quoquam quod alios meritò offenderet, eis liberum fuerit exſerere aciem Eccleſiaſticę cęſuræ. Sed inſtatur non potuiſſe adverſus tales agi, quod Synodi non haberentur. ſed ruruſum parata eſt reſponſio has cauſas non directè ad Synodum pertinuiſſe, ſed primum ad præſbyteria loci, deinde ad conventus vicinales quos claſſes vocant: quod ſi ab ijs provocatum eſſet, tum demum tempus fuiſſe veniendi ad Synodum Hollãdicam, quàm convocare Hollãdiæ proceres parati ſemper fuère, dummodo ſuper quinque capitibus decretis de pace colenda factis paretur, vt videre eſt in eorum decreto quod factum eſt iv Decembris anni c10 10 cix. Multi ſolent oggerere colloquium Delphis Batavorum habitum quaſi in quo Remonſtrantes, id eſt paſtores qui ſub condi-

tione prædestinationem docebant, recu-
fasset mentis suæ sensa aperire de magni
momenti rebus. Sed res est, obtulisse ipsos
aperturos se sua sensa, modo prius alij de
ferendo in ipsis quinque capitibus dog-
mate professionem edidissent. Deinde
semper apud nos etiam à proceribus, magi-
stratibusque id iuris habitum est in causa
religionis, accusatione, non inquisitione
grassandum: probationes foris adferendas,
non petendas de reo. Si præsto erant do-
cumenta culpæ circa dogmata commissæ,
cur silebat censura? Si non erant, quid at-
tinebat in suspicionem vocare homines
integræ famæ?

Objicitur vltcrius in ipso argumento
Prædestinationis, & eorum quæ inde pen-
dent eousque potuisse de via deflecti, vt
læderentur fundamenta, atque ideo illicita
esset pax mutua. Sed & hoc perfacilè
soluitur. Antiquitus enim ab ea parte quæ
sub conditione Prædestinationem statuit,
vnus tantum scopulus formidatus est: ea
scilicet sententia quæ docet posse homi-
nem aliquid boni salutaris perficere, aut
certè incipere sine interna diuinæ bonita-
tis operatione, ac proinde talem opem ho-
mini non esse necessariam. legantur atten-
tè omnia quæ in Conciliis Carthaginien-

sibus, Milevitano, & Affricano contra Pelagium & eos qui Pelagij reliquiæ dicebantur, constituta sunt, apparebit omnia in id quod dixi, redire. Atqui huic malo obviam itū est illorū quinque capitū capite 3. ita vt nemo qui illis capitibus assentitur, suspectus esse possit Pelagiani aut Semi-pelagiani erroris. Sed & proceres Hollandiæ decreto anni c10 10 cxiv huic periculo præcaverunt, iubentes doceri principium, progressum, & consummationem humanæ salutis, ipsamque salutiferam persuasionem non nativis hominum viribus aut factis, sed soli neque promeritæ Dei ob Iesum Christum Servatorem nostrum benignitati ascribi debere, contraque doceri vetantes id vnde quod his contrarium est sequeretur, hoc scopulo vitato, nihil ultra in dogmate de Prædestinatione, quæ conditionem sibi innexam habet, rebusque consectaneis cogitari potest, vnde metus sit ne fundamenta convellantur.

Ad id quod præterea dicitur non debuisse de ferenda discrepantia sententiarum decretum fieri nisi rebus bene exploratis: vnde porro inferunt nonnulli prius convocandam fuisse Synodum, considerandum est neque Synodos à proceribus Hollandiæ omnino fuisse reprobatas (vt

partim iam ostensum est, partim infra ostēdetur) sed eas demum quæ ad decisionem controversiarum ducerent. Tum verò potestas summa (cuius officium est non necessarijs Ecclesiæ scissuris intercedere) etiam absque Synodo instrui potest de natura controversiarum, hætenus saltem an tolerabiles sint: ex partiū scilicet contentendentium confessione: quomodo hīc ex his quæ vtrique dicta erant in colloquio anni cīō 15 cxi promptum erat colligere quæ inibi disceptata erant, non excedere terminos intra quos ferre alter alterum possent: aut etiam veteris Ecclesiæ iudicio, quæ certè minus ponderis apud nos habere non debet, quam nostrorum temporum Ecclesia: quomodo in hoc argumento Concilia habita adversus Pelagium & Pelagij reliquias satis ostendunt, totam tūc de Prædestinatione controversiam habitam esse tolerabilem, & quæ definitionis non egeret: quo & illa spectant Cælestini Romæ Episcopi hac de re scribentis verba: *Profundiore verò difficilioreque partes intercurrentium questionum sicut non audemus contemnere, ita non necesse habemus adstruere.* Conspicua etiam sunt in rem eandem exempla veteris Ecclesiæ. Neque enim negari potest dogma Prædestinatio-

nis conditionem complectentis magno consensu & creditum fuisse, & traditum ab omnibus tractatoribus ante Augustini ætatem, & post id tempus à Græcis omnibus, qui tamen in eadem fuerunt communionem. Imo Hieronymus & Augustinus, qui eodem ævo vixere, & ambo Pelagium scriptis oppugnarūt, & communionis eiusdem fuerunt,prehenduntur super his rebus sententiis dissidere, cum Hieronymus ubique etiam in libris novissimis Prædestinationem doceat sub conditione, quam sine conditione ab Augustino doceri plerique credunt.

Cum igitur probatum sit nefas non fuisse ferre se invicem pastores in hisce controversiis, ita ut diximus circumscriptis, videndum restat, an id ipsum fieri etiam potuerit. Ad cuius quæstionis explicationem, primùm rationes & argumenta pertinent iam ante prolata, quæ scilicet non hoc tantum docent fas esse ut in his & similibus rebus feratur opinandi diversitas, sed etiam id ipsum fieri oportere. quicquid autem fieri oportet id prius tale sit necesse est, ut fieri possit. Pertinet eodē mulrarū Ecclesiarū exēpla: neque multū hîc refert, sint ne cæ pluribus, an pauciorib⁹ vitiis inquinatæ: quia id ipsum spectandum

effret si ab earum auctoritate duceretur argumentum, non ubi per exemplum duntaxat ostenditur quid fieri possit. Quis mos fuerit veteris Christianitatis tam in hisce quam in aliis controversiis, iam ante commonstratum est. In Romanensi Ecclesia quæstiones sunt plures centum, quæ salva vnitatem, inter eruditos disceptantur: inter quas est & illa de Prædestinatione, quanquam de libertate consensus humani, & piorum perseveratione idem inter se sentiunt. Etiam in Lutherænorum cætib; qui æquiores sunt super controversia, an ubique sit Christi corpus, ferunt alij alios. Habent & qui Reformati peculiariter dicuntur inter se controversias, manente tamen pace fraterna, qualis est quæstio de obedientia Christi quæ in agendo, quæque in perpetiando consistit, vtra scilicet sit ob quam Deus nobis peccata condonet, ac pro innocentibus nos habeat, qua de re non tantum cum Piscatore actum est placidè, sed & inter Tilenum & Molinæum interloquente Plessæo, atque aliis citra definitionem transactum est. De regimine Ecclesiæ, de sacris ritibus à Christo institutis, sunt quæ ventilantur quæstiones vnitatem incolumi. Ut propius ad negotium nostrum accedamus,

videmus, pridemque vidimus inter eos qui puram defendunt Prædestinationem, esse qui ponant eam ante spectatam Adami ruinam, esse qui eandem ruinam ei substernant, at ne hoc quidem vnitatem abrumpit. Dubitari tamen non immeritò posset, an non illi alter ab altero tantum differant, quantum ab vtrisque hi qui sub conditione, Prædestinationem tradunt. Verum quidem est, illos utrosque adversum tertios in eo consentire quod decretum de salute cuiusque hominis factum ponunt ante consideratam assensionem Evangelio præbitam: sed rursus tertiis cum secundo ordine id commune est adversum primos, quod putant non decrevisse Deum hominis cuiusquam perniciem æternam, ac ne potuisse quidem decernere, nisi eum ut fontem intueretur. Si fieri potest & sit re ipsa, ut isti alij alios ferant retinentes unitatis compagem, cur non & isti simul tertios ferre possent? Sed & hoc fieri posse iudicavit Hollandica Synodus Harlemi habita anno MDLXXXII in qua deliberatum est quatenus tolerari possent, qui Prædestinationis dogma probare non possent.

Sunt qui putant hanc mutuò se ferentium pacem consistere non posse, nisi ubi

pars altera docet, altera quod sentit silentio premit. sed scripta, tum veterum, tum eorum qui nunc sunt in Romanensi Ecclesia, Lutheranorum quoque & Reformatorum contrà nos docent, sententias discrepantes & doceri, & defendi sine pacis ruptura. Vetus dictum est, incolumi amicitia posse amicos seorsim sentire, & quod sentiant, modeste rationibus munire: quod non in divinis tantum, sed & in humanis rebus usu venit.

Alij posse id fieri existimant, si dissidentes in diversis sint locis, vthic illud, ibi aliud doceatur pace incolumi, non si in vno loco munere suo fungantur. Quæ subtilitas primum valde aliena est à natura Ecclesiæ Christianæ quæ ubique diffusa vnum corpus facit, ita vt dogmata quod attinet, nihil hic necessarium esse possit, quin simul ubique sit necessarium. Deinde libertas illa Prophetarum Apostolo memorata quæ in veteri Ecclesia Christiana vixit, satis ostendit posse in vna Ecclesia diversas sententias proponi illæsa fraternitatis concordia. Etiam testibus evincere possem, ex eodem suggestu nostris in terris sine offensa propositas fuisse sententias diversas, etiam de argumento cuius ante me mini pertinere ad causam ob quam Deus
culpæ

culpæ nostris ignoscit : quod sunt qui putant maximi esse momenti. Imo in his ipsis de quibus agimus controversiis diu vidimus non vno in oppido sine vllis incommodis pacem cultam inter sententiis dissidentes , donec secessio de industria omnibus modis promota est. Et qui credibile est, cū Reformati Lutheranos invitarent ad Ecclesiæ vnitatem, id eos sensisse non posse concordiam retineri , vbi tum fit, tum illi essent in eodem oppido ? Imo contra recte etiam iisdem in locis manere posse inter diversa sentientes fraternitatis consortium, docet adductum modo Poloniæ exemplum. Sed & eorum qui apud nos sæpe in vna Academia, aut Ecclesia alij Prædestinationem Adami culpæ præviam , alij eidem culpæ consecutaneam docuerunt.

Qua propter alij propius in rem intuentes aiunt non negandum quin fieri possit, vt diversæ sententiæ proponantur, dum id fiat æqua ac placida ratione : Sed vbi per illationum gradus alter alteri odiosa placita impingit, nō posse tum quietem & pacem retineri , quod sine accurata distinctione transmittendum non est. Nam in privata veri indagatione eam argumentandirationem prohibere velle, quæ ostendit

ditur ex adversaria positione absurda sequi, id vero foret absurdissimum, cum omnes qui disputandi artem tradiderunt, nos doceant eam docendi rationem facillimam esse cōprehensū: non quod æquum sit quenquam onerare quasi omne id sentiat, quod ex ipsius sensu per legitimas consequentias deduci potest (sæpe enim accidit, ut is ipse eam consequentiæ necessitatem non videat, ac potius quam id quod infertur concedat, effatum suum sit deferaturus) sed ut horrore eius quod ipsius assertio secum trahit, connexionē rectē expensa, ab errore abducatur, quod ipsum tamen in colloquijs etiam privatis ita fieri debet, ut evitetur quicquid asperare animos potest, vereque appareat non ruborem alterius, sed emendationem queri. Sed publicas allocutiones quod attinet, sapientissimum mihi videtur eorum consilium qui putant ea, quæ absurda cum sint, defensorem habent neminem, refelli quidem posse, sed ita ne simul significetur ea sequi ex sententia aliorum in eadem communione viventium, ut scilicet mos generetur plebis infirmitati quæ per orationem eiusmodi incendi animis divellique posset. Verum putate ideo unitatem retineri animo nequire, quia alter alterius senten-

tiam incommodis premat, extra rationem est, & exemplis refutatur. Reformati Lutheranis, hi illis vicissim multis in libris absurda multa sæpe, nec sine ludibrio obicere tanquam quod ex sententia ipsorum fluere: non eo minus Principes, doctoresque iam ante nominati, etiam Beza in Montipellicardesi Colloquio pacem fraternam Lutheranis obtulerunt. Qui apud nos Prædestinationem puram considerationi humani generis in crimen lapsi anteponunt, ab alijs qui eandem Prædestinationem super communi culpa ædificant, Deum aiunt statui improvidum. Hi contra aiunt ab illis Deo manifestam iniustitiam assignari: neque tamen ideo rumpitur vnitatis compages. Idem in Romanensi Ecclesia videre est inter diversa docentes de quæstione an citra originariam labem concepta sit, quæ futura erat Domini nostri mater, de Prædestinatione etiam, rebusque aliis. In disputationis certamine arripit quisque, & vrget quod sibi vsui putat: sed non ideo communionis nexus dissolvitur.

Ego verò semper existimavi in publicis allocutionibus facile cum posse modum reperiri qui non modò animos non exasperaret (quod multi ad tranquillitatem

plebis retinendam satis esse existimant, & extra controversiam exempla habet, tum in antiqua Christianitate, tum sæculo nostro) sed talis etiam esset, ut in docendo disparitas, aut esset nulla, aut non appareret. Et hac quidem in causa eo facilius, quia hi qui puram docent Prædestinationem, & Contraremonstrantes appellatur (utinam ignota essent illa partium nomina) in Colloquio Hagienſi fassi sæpe sunt quædam suorum dogmatum non nisi adductè & temperate proponi debere. Beza ipse in Montipellicardensi Colloquio dicebat incōsultum esse de iis quæ ipse tuebatur placitis apud populum certare, quod ea res plures offensus, quam instructura esset. De reiectione hominum Contraremonstrantes in eodem illo Hagienſi Colloquio ne agerent, deprecati sunt invidiæ declinandę ergo. Multi eorum gregis & hoc dicunt, quoties ad vsum res confertur, dogma suum de Prædestinatione non esse proponendum nisi ab imo sursum, quæ docēdi ratio plane cum Remonstrantium docendi ratione consentit, vtrunque sententiæ discrepant. Legere memini inter Zanchium & Marbachium, qui pariter in Argentinensi schola iuventutem sacris disciplinis informabant, in eum modum

conventionem factam. Quin & apud nos curatores reipublicę Geldriæ & Zutphanix concordix formulam in modum eundem conscripserant quæ mihi impensè placuit : vt & consilium ab eximijs Zelandiæ (ni fallor) pastoribus missum ad Principem Mauritium , quod mihi monstratum, vt ad publicam tranquillitatem valde faciens commendaui. Etiam in allocutione ad rectores oppidi Amstelodamensis quædam aperueram quę huc pertinere mihi videbantur, ac serius etiam ex libris partis vtriusque ea excerpseram in quibus quam proximè alij ad alios accedere videbantur, vt inde hauriri posset bene temperata docendi præscriptio quę nullius animum læderet. Comperi & Rotterodami, cum ibi primum agitari cæperant controversiæ de proponendis dogmatibus initam conventionem, quæ & placidè observata est, dum ibi fuit Colonius. Postea quoque cum iam me rectores eius oppidi vterentur, à pastoribus publicis conditiones quædam latæ sunt his qui ab Ecclesia discesserant tam equæ, vt eas repudiandi causa me certè iudice, nulla esset. Neque aliorum spectant tot monita Hollandiæ procerum quę in omnibus ferme decretis apparent, vt de his capitibus doceretur ad plebis in-

stitutionem, ad Dei gloriam, ad salutem publicam, ad Ecclesiarum incrementum, ut fraterna & Christiana charitate se mutuò foverent, cunctaque dirigerent ad quietem & pacem, ad introducendam retinendamque charitatem, ut sacra scripta modestè explicarent, ut ad Christianum amorem, unitatem, & bona exempla componerent sese, pluraque alia eius sensus quæ in ipsis decretis videre est, ad quæ accessit quod mense Februario anni MD CXVII procures Hollandiæ testati sunt sibi non displicere, *ut benignis suasionibus & peccatorum hominum consilio prorsus negotium expenderetur, concipereturque formula aliqua pravis ante decretorum interpretationibus vitandis, & regendo eorum usui, secundum quam orationes ad populum à pastoribus dissentientibus animo non reluctante haberi possent ad pacem simul, emendationemque populi.* Sic & in Edicto quod divulgatum est mense Augusto MD CXVII, aiunt procures eidem *semper suam mentem fuisse, ne controversa placita nisi modestè & ad bonam plebis frugem tractarentur.* Si quid adversus hæc peccatum fuisset, id omne imperio publico coerceri poterat si de re principali, hoc est de retinenda inter dissentientes unitate, convenisset. Certo mihi constat penes nobiles & maiorem

oppidorum partem non stetisse quominus acerbitatibus cunctis obviam iretur.

Quod si fas erat, fierique poterat ut se ferrent mutuo dissidentes, certè quin id expedierit, vtiliusque fuerit quàm decidi controversias, puto neminem sani iudicii dubitaturum. Ita certè senserūt non Hollandiæ tantum procures qui hoc nomine non rectè accusantur: sed & iudices superioris confessus. Quid decisio sibi præmiserit, quid post se traxerit videre est operæpretium. Pij pastores magno numero finibus sunt expulsi cōtra proclamatam semper à nostris animorum libertatem: dejecti sunt suis muneribus legitimi magistratus, suffecti alij extra ordinem, & contra leges, pro quibus legibus, & illa quam dixi animorum libertate sumpta, arma semper professi sumus: anxietate, ac mœrore premuntur multa civium millia qui studiosissimi semper fuerunt publicæ salutis: interim præsidia ad fines tuendos necessaria absumuntur in eorum iniuriam quorum sumtu sustentantur. Quæ verò plura adhuc sequi hinc possint mala, Deum quæso ut propitius avertat. Ex adverso recepta admonitione ferendi se invicem, primum disputandi libido, quæ initijs accerrima est, refrixisset paulatim: respublica con-

cordibus animis fuisset gubernata, cives vixissent in pace ac charitate mutua, rectorum amantes, ac reverentes. Hæc quæ expectanda erant hinc bona, mala inde non à me tantum, sed & ab aliis mecum legatis (quos inter fuit Hugo Musius quæsitore Dordrechtanus) rectoribus oppidi Amstelodami accuratè satis commonstrata fuerunt; quod si tum ipsis libuisset diligentius ad rationes nostras attendere, & rogatu nostro venire ad colloquia propiora, multa incommoda quæ Hollandiæ, ac proinde & oppido Amstelodamo supervenerunt iam, aut supervenire adhuc possunt, in tempore potuerant anteverti.

CAPVT V.

Convocationem Synodi ad definiendas controversias non modò illegitimam fuisse, sed & tranquillitati publicæ procurandæ inidoneam.

EX eo quod demonstratum est hætenus, nationis cuiusque Proceribus, non autem Federatis communiter, deberi arbitrium religionis, rerumque Ecclesiasti-

carum, evidenti necessitate sequitur non potuisse communem Synodum convocari nisi ex nationum omnium consensu, quando Synodos indicere summi est imperij, ut tum alibi ostenditur, tum in libro qui dicitur *Recognitio Synodi Tridentinæ* libro tertio, septimo capite. Quod cum viderent quidam, ius convocationis eius de qua controversia est, deducere voluerunt ex consensu quem Hollandia præbuit anno *MDXCVII*. Sed cum is consensus adnexam haberet legem, ut in litteris indictorijs infereretur præceptum recognoscendæ formulæ quæ *Confessio belgica* appellatur, certè manifesti est iuris ea conditione cessante pro non concessio habendum, quod non nisi sub ea conditione concessum fuerat. Præterea notum est, omnes assensiones cuiusmodi, quamdiu res est integra, neque in contractum itum est, revocari posse, præsertim mutata rerum causa, sicut in Hollandia per secutam secessionem, multaque alia rem valde mutatam negari non potest. Iam verò hoc tempore Hollandiæ primores & nationes aliæ professæ sunt se hoc rerum statu in Synodalis indictionem assentiri non posse.

Sed & hoc inquirendū, dicine possit indictio talis Synodi ad cōtroversias definiēdas

(vnde non poterat non sequi Ecclesiastici corporis divulsio) facta ex sententia maioris partis nationum. Nam Hollandos & Traiectinos vsque ad mutatam rempublicam intercessisse nemo ignorat? Mandatum Geldrix legatis datum pertinebat ad vitandam scissionem: quam ob causam è legatis non pauci, quod vltiora mandata non haberent, dixerunt sibi non placere quicquam decerni ex maioris partis sententia. Quin post etiam, mense scilicet Martio anni MD CXXVIII in conventu Geldrix constitutum est *sua sionibus id agendum, ut discrepantes nationes in convocationem Synodi assentirentur.* Transsalana verò natio quo tempore decreta fuit Synodi indictio, constituerat inductioni intercedere: quanquam postea inducta est ut consentiret, sed in has leges modumque: *Cum Princeps Arausianensis connixè postulaverit à nobilitate atque oppidis Transsalana, ut indicenda Synodo assensum suum accommodarent: certo ipsis affirmans atque promittens non alio animo eam indici, neque aliò tendere, quam ut placide componerentur Ecclesiastica dissidia, & religionis controversie ad pacem atque concordiam nationum, quod quidem futurum esset abque detrimento iuris, legum, atque imperij tum nationis cuiusque*

tum eius partium, atque ita etiam ne religionis
causæ cuiquam noceretur : super qua & hoc à
Principe affirmatum est, æquis rationibus ac
persuasione nationes dissentientes eodem per-
motum iri, ut cuncta concorditer sine ulla natio-
num diuulsione peragantur : neque verò ratum
habitum iri quod Synodus definisset, nisi natio-
nes singula auctores fierent, sub his legibus ac
pollicitatione Principis, nobilitas & oppida
Transisalana assenserunt, ut eum in modum con-
vocetur Synodus, ad pacem scilicet atque con-
cordiam nationum, & placidam transactionem
dissidiorum Ecclesiæ, & controversiarum in reli-
gione : hoc addito, ut capita perscripta antehac
de modo atque ordine agendorum in Synodo
communi consilio expenderebantur, & emendaren-
tur quoque, si ita opus esse iudicaretur.

At verò legatis nationum aliarum (le-
gatos nomino quia de ipsis nationum pro-
ceribus idem affirmare non ausim cum
sciam primoribus Zelandiæ semper visum
divisioni Ecclesiæ omnibus æquis modis
obuiam eundum) sed ut dicere cæperam
legatis aliarum nationum, id fuisse propo-
situm, rem perducere ad controversiarum
definitionem, apparet ex oratione legato-
rum Zelandiæ ad Hollandiæ primores
anno c10 10 cxvii, qua rogatur Hollandi
(nam de iure decernendi quicquam ex

sententia maioris partis nationum nihil
 dum cuiquam in mentem venerat) *cum na-*
tionibus aliis quam citiſſimè indicere commu-
nem legitimam Synodum, in qua ea quæ erant
controverſa, expenderentur, atque definirentur.
 Ac poſt iterum loquuntur *de expectanda*
decifione. Sic & Friſiæ cis & vls Lavicam
 legati ad eoſdem Hollandiæ proceres aie-
 bant, *nullum ſe remedium invenire melius de-*
ſinitione per Synodum communem. Ea mens
 apertiùs etiam inde detegitur, quod trium
 illarum nationum legati paſſi nunquam
 ſunt in actis indicendæ Synodi mentio-
 nem fieri tolerandæ ſententiarum diver-
 ſitatis. Sed & eventu idem comprobatum
 eſt: nam ad componendas amicè contro-
 verſias nihil actum in Synodo eſt, ſed ad
 diffamandos, damnandosque Remōſtran-
 tes inſtituta omnia.

Definitione tali nō potuiſſe pacari ani-
 mos ſatis inde intelligi poterat, quod ab iis
 fiebat definitio qui in hac cauſa partes
 fecerant. Nam indigenarum paſtorum
 præcipui quique Remonſtrantes qua vo-
 ce, qua ſcriptis prædemnaverant: partim
 & exemplo ſuo ad ſeceſſionem præiverāt,
 aut etiam de ea promovenda in arcano
 coiërant. Extranei autem quorum maxi-
 mus eſſe debuerat uſus in pace concilian-

da ex partium altera erant conquisiti. Neque enim Ecclesias tantum Augustanæ professionis quibus fraternitas toties oblata hac super re auditæ non sunt, sed & in alias Germaniæ Ecclesias inquisitum, an eius essent sententiæ cuius victoriæ studebatur, priusquam inde peterentur legati. Amplius constitutum fuisse ne quis cum Remonstrantibus sentiens in Synodum admitteretur, ex sententia in me lata apparet, quæ mihi vertit vitio quod operam dederim, ut ad Synodum venirent nonnulli, qui novis dogmatibus (ita Remonstrantium dogmata appellantur) non erant contrarij. Ipsa mandata externis data damnationem Remonstrantium præ se ferebant, ut & orationes habitæ ante causam cognitam. Ad hoc sunt qui regerunt exceptionem hanc aduersus iudices alteri partium addictos in civilibus negotiis valere, non in Ecclesiasticis, quod satis mirari nequeo; cum origo eius exceptionis ex naturali æquitate descendat, quæ in negotijs omnibus valere debet. De Ecclesiasticis negotijs loquebatur Optatus Milevitanus, cum diceret: *non possumus facere quod non fecit Deus, qui in iudicio suo personas separare dignatus est: nec eundem voluit esse accusatorem, & iudicem.* Et alibi idem: *Querendi*

sunt iudices, de utraque parte dari non possunt, quia studiis veritas impeditur. Ecclesiastica erant negotia de quibus agebat Conciliū Constantinopolitanū cū diceret natura nos doceri vitandos esse iudices suspectos. Athanasius, Cæsareensem, Maximus Patriarcha Hierosolymitanus, Antiochenam, Occidentis Episcopi, Smyrnensem, Paulinus, Mediolanensem recusarūt, quod qui eo mittebantur iniqui in ipsos essent: qua in re factum ipsorum communi sapientum iudicio probatur. Compara ea quæ à Protestantibus dicta sunt contra Synodum Tridentinam: Dixerunt non modo Romanum Pontificem, sed omnes Episcopos ipsi parentes, eo quod in partibus essent iudices, esse non posse. Vide recognitionem Concilij Tridentini libro primo, capite tertio, & quarto: addiderunt id eo esse iustius quod Pontifex ipsos iam prædamnasset. Inspice ad hanc rem scriptum Federis Smalcaldici, factum anno MDLXXXVIII, item dictam modò recognitionem libr. I. cap. 5.

Quæ ineundæ sunt viæ quoties aperta sunt studia, imo iam rumpi vnitas cæpit, non imprudenter ostendit eiusdem recognitionis scriptor ita loquens: *veniendum ad aliquam viarum quas iam monstravimus:*

qui *Hollandia* præfuerunt. 95

nempe ut aut Christianæ potestatis indices dent partim ex civili, partim ex Ecclesiastico ordine pari numero de parte utraque, aut ut amica instituaturs colliatio cum pio pacis desiderio. Deinde porro agens de tali conventu non ad definiendas, sed ad componendas controversias, adiicit. Hæc libertas in eo quod convocatur concilio tum apprimè necessaria est cum magnus est numerus; sic atque aliter credentium, cuiusque iam in partes itum est, & sententia vindices habent gentes totas aut nationes: addit deinde, ita cum se res habent, censura ac damnatione partis alterius res non indiget: nam per illa nil profici exitus ostendis veniendum ad benigniora, ad colloquia amica, ad transactiones, & quæ ibi sequuntur plura. Rursum interrogans quis iudex sit futurus provectarum eousque controversiarum, non, ait, accusatores, nec qui accusantur: & quo se ei magis ingerunt, quo magis se reddunt suspectos atque ejurabiles. Vnde intelligi satis potest, si quis in hac causa dicat ius possidendi stare ab hac aut illa parte; aut hanc illa esse validiorem, eo negotium non expediri. nam ubi de ijs quæ credenda sunt, agitur, possessionis vix ullum est privilegium: neque possunt qui pauciores sunt in hac re aliorum qui plures sunt, dominatu premi nisi per vim, ut multis ostenderunt Protestantes temporibus

Synodi Tridentinæ.

Quod si etiam spectare libeat eum qui in Synodo propositus erat agendi modum, nihil boni inde sperari poterat. Nam nimium manifesto apparuit quæsitos obtentus quo ius sententiæ dicendæ adimere-tur Remonstrantibus qui eius dicendæ ius habebant : cum tamen ut hi ipsi non nisi pauci esse possent, iam ante provisum fuisset ejectis per iniqua iudicia in Synodo cuiusque nationis quotquot eiici poterant, & ubi qui superfuerant appositæ illis æmula Ecclesia: deinde quo qui citati adven- rant, è conventu eijcerentur, nequis exter- norum (inter quos etiam nonnullis per lit- teras domo scriptas incussus est metus) eor- um argumentis moveretur, atque ut ita condemnatio iis absentibus quorum res agebatur facilius procederet. Neque verò Remonstrantibus dum in Synodo fuere libertas concessa est, quam Protestantibus in Synodo Tridentina negatam non me- mini, proferendi citra impedimentum ar- gumenta quibus sententiam contrariam oppugnandam censebant (quanquam in- dictionis litteræ id continebant) sed tan- tum quatenus id Synodo, quæ ex adversa parte constabat, videretur: planè adversus æquitatem naturalem, cum in disputando

tam

tam opponendi aliena quàm sua tuendi par esse libertas debeat : quippe etiam impares cætera hac in parte pares se faciant oportet quoties rationum pōderibus examinanda est veritas, etiam præter iudicum omnium morē qui nunquam litigatoribus præscribunt quem ad modum sive in oppugnando, siue defendendo causam suā acturi sunt, quia argumenta in partium debent esse libertate, non in arbitrio iudicis.

Iustam libertatem huic Synodo abfuisse etiam apparet ex manus iniectione in Remonstrantes pastores facta Dordrecht, tanto rigore vt in summa necessitate, nec vxores, nec liberos adire ipsis licuerit.

Quæcunque definitiones vnquam factæ sunt rebus ita præstructis ad obtinendam maiorem sententiarum partem, nullius vnquam bonæ frugis fuisse apparebit. Multa huius rei exempla attulimus in oratione habita Amstelodami mandatu procerum Hollandiæ.

Præterquam verò quod hæc Synodus malis internis mederi non poterat, aliud & ipsa malum attulit, cum spes omnis redeundi in vnum corpus cum illis qui Augustanam formulam sequuntur per hanc Synodum sublata sit, quia eius formulæ sectatores plane exhorrescunt quædam pla-

cita quæ huius Synodi definitionibus, tanquam communia Reformatarum Ecclesiarum dogmata, ostentantur.

Accedebat quod istud definiendi propositum ad mutationem rectorum contra leges spectabat ne scilicet bruta essent Synodi fulmina. Synodus communis nationum alia quæ celebrata est anno c10 10 LXXXVI apud Traiectinos similes effectus produxerat, quæ sola ratio sufficiebat ut civilium rerum gnari & præsentis status amantes, & rebus novis adversi à tali Synodo abhorrerent.

C A P V T VI.

Quibus modis Hollandia & Vestfrisia, vicinarumque nationum procures componenda censuerint Ecclesie dissidia, & quæ consilia in eam rem sint data.

CVra primum innotescere controversiæ cœperunt, atque Hollandiæ procures de earum natura colloquio præcipuorum è pastoribus edoceri voluerunt, peracto eo colloquio xx Maij anni c10 10 CXI ipsorum decreto iniunctum est pasto-

qui Hollandiæ præfuerunt. 99

ribus, ut alij alios Christiano atque fraterno amore amplecterentur, resque cunctas ad pacem ac tranquillitatem dirigerent, atque eius rei ergo plebem quantum possent maxime de ipsorum procerum proposito commonefacerent, & in allocutionibus ad populum de hisce capitibus ita adductè temperateque agerēt quemadmodum pax & emendatio populi exigercnt, neque alij aliorum se victores aut crederent aut iactarent. Hic discernendi modus (quanquam calidos obrectatores habuit) plane convenit, cum eo consilio quod iam ante à superiore iudicum confessu datum fuerat, ita ut si proceres hoc suo decreto dicantur aluisse diffidia, idem de illis iudiciis dicendum sit. Reperiuntur in Hollandia antiqua exempla similium constitutionum. Nam anno cio io lxxv præfecta Belgicogermaniæ ad asceteria ita scribebat. *Carissimi nobis: plane compertum nobis est errores qui nunc plebem distinent, fluxisse ac fluere maxime ex inconsideratis tum ascetarum tum aliorum allocutionibus ad populum: cui rei ut eatur obviam visum nobis est ne quem posthac ad docendum populum mittatis, neve quem intra cœtus vestros docere permittatis, nisi cui adsit iudicium, prudentia, & castigati mores, quique in docenda plebe rectè sit exercitatus: utque eum qui populum allocuturus est, præmoneatis, ut temperet offendere populum*

fabulosis narrationibus, ut nimium sepe iam fatitatum est: neque verò aut Martini Lutheri meminere, aut olim damnata dogmata recitet, addita comminatione si quis secus faxit in eum animadversum iri interdictione fungendi muneris ac re ipsa etiam delinquentibus adimatis ius plebis docende. Anno vero MDCCCXXXIX confessus iudicum Hollandiæ (cui tum & in rempublicam mandata erat inspectio) ita scripsit magistratibus. *Carissimi nobis. Cum ex diverso modo populum docendi, & quia ipsi qui docent sepe difficilia atque ardua & populi captum effugientia argumenta tractant, nonnunquam etiam de suggestu alij in alios declamant, populus graviter commovetur: nos ei rei occursum volentes, iubemus atque precipimus vobis Imperatoris nomine, ut interdicatis pastoribus omnibus, eorumque vicariis, & aliis qui intra fines vestros populum compellant, caueant sibi ne imprudenter in suis allocutionibus tractent obscura argumenta, aut quibus offendi populus posset, aut unde materiam sumere posset obtrectandi magistratibus suis alijsve, sed ut assignatam sectionem Evangelij exponant secundum receptas doctorum interpretationes cum severa criminum inspectione: abstineant etiam alij in alios declamare: sed si quid à quibusdam dictum intellexerint quod à veris dogmatibus exorbitet, aut merito quenquam posset offendere eum solum*

qui Hollandiæ præfuerunt. 101

ea de re convenient, aut quæſitori, noſtrove confeſſui indicium faciant, ut conſtituatur quod è re erit. Keckermannus, qui in Systemate Politico, regulas congeſſit laudatas à peritis rerû civilium, inter cætera ſic ait; *In diſſenſionibus de religione non patiatur Princeps certamina publica nimis invaleſcere præſertim pro ſuggeſtu & apud populum, ſed diſputationes de religione ſubtiliores in' eat proponi & diſputari in Academijs & Scholis inter viros doctos & intelligentes ac capaces ſubtilium controuerſiarum.* Episcopus Elienſis ante, nunc Vintonienſis inter ea quæ ad officium ſummæ poteſtatis pertinent ponit, obviam ire Eccleſiæ ſeceſſionibus. Neque aliò ſpectat conſilium quod Rex Britanniarum anno c. 515 ex legatis Federatorum voce, anno autem c. 515 cxii. Hollandiæ proceribus ſcripto dedit: *ut controuerſias publico imperio ſedarent, interdicientes paſtoribus ne eiufmodi diſputationes ad ſuggeſtum & populum perferrent, cum præcepto pacem colendi & ferendi placide diſſidentes, ſaltem donec percognita re propius aliquid imperio publico conſtitueretur.* Obiici ſolet conſilium hoc ab his qui inter nos erant præparatum ac poſtulatatum fuiſſe. Fac ita eſſe. Tamen certo ſcio etiam ipſius Regis profeſſione, controuerſias ab ipſo diligenter expenſas, & quia eas ad

fundamentum religionis non pertinere compererat , ideo hoc consilium datum fuisse. In præfatione quæ actis Synodi Dordrechtanæ anteposita est , dicor ego composuisse indicem controversiarum Regi exhibitum, & Regi subrepisse, vt literas impetrarem. Falsum est vtrumque. Nam indicem ne videram quidem antequam Regi is fuit traditus, qui & literas scripserat priusquam ego in Britanniam venirem, sine vlla mea ad hanc illamve rem opera. Non nego aliquot post annis ab eodem Rege diversum consilium datum esse super indicenda Synodo communi , sed & hoc certum est persuasum tunc Regi fuisse propositum esse Hollandiæ proceribus placita quædam tueri à receptis vniversim dogmatibus aliena. An non etiam suspicio Regi injecta fuerit , in republica aliquid agitatum in ipsius iniuriam (cùm tamen res ita se non haberet) nolo nunc anxie inquirere. Non longè ab hac forma discedit interdictum factum à confesso iudicum Geldriæ & edictum procerum Transisalanorum.

Tendebant eodem exhortationes plurimæ quæ Regis Galliæ nomine tum à Maurerio legato perpetuo , tum à Bossizio extra ordinem missæ factæ sunt , & ad

Federatos proceres, & ad proceres Hollandiæ. Item oratio quàm Scyttus legatus Regis Sueonum habuit in Hollandiæ conventu.

Eiusdem argumenti est, eodemque spectat decretum ab Hollandiæ proceribus factum atque editum anno CIO IO CXIV: tantum ad vitandam calumniam quasi sine fine omnia dogmata circa has quæstiones tolerare propositum esset, scopuli quidam vtrunque sunt indicati quos vitari oporteret. Mens enim Hollandiæ primorum neque erat, neque verò esse debebat, tolerare in Ecclesiis suis aut dogma quod gratuitam Dei opem abnegaret, aut illud quo Deus constitueretur peccandi causa, sed illam docendi rationem quæ ab istis præcipitiis sibi cavens quod in medio restaret discriminis super capitibus controversis id charitate velaret. Eum in finem memorato iam decreto hæc docendi ratio sufficere iudicatur. *A Deo Domino omnipotente ab aeterno placito suo quod quidem in servatore ac sospitatore nostro Iesu Christo fundatum esset, ad perpetuam salutem electos eos qui gratuito atque incommerito Dei beneficio & Spiritus sancti operatione in Dominum Iesum Christum fiduciam suam reponerent, atque in ea fiducia pervim similis incomme-*

riti beneficij ad exitum usque perstarent: reiectos vero ad damnationem qui Iesu Christo non confiderent, atque increduli permanerent. Quæ docendi forma illis verbis tradita non est, ut quidam existimant, Remonstrantium propria, sed Remonstrantibus, Contraremonstrantibusque inter se communis. Fateretur enim pars utraque qui suo tempore Deo confidunt atque in eo perseverant eosdem ab æterno electos, incredulos vero rejectos esse. Præceptum de cauendis præcipitijs quod attinet, Remonstrantes nunquam recusarunt parere parti ad se maximè pertinenti, cavendum scilicet dogma quod secum ferret nativis hominum viribus aut factis æternam salutem parari. Sed & Contraremonstrantium non pauci paratos se ostenderunt vitare de quo ipsi monerentur. Quin & Dordrechtii rectores re cum pastoribus suis communicata decreti istius formulam receperunt, & eius oppidi quæsitore Hugo Musius Holitanus pariter mecum apud rectores Amstelodamenses eam formulam defendit. Sed pauci homines alios contra hoc decretum concitarunt proferentes res à ratione alienas & inter se pugnantes. Nunc enim clamabant Ecclesiam iniuria per eius decreti verba accusari: nunc verò

prohibere decreto id doceri quod divinæ
paginae veritas testaretur.

Prius illud quod attinet, tantum abest
ut procures Ecclesias notare voluerint
quasi culpæ talium præcipitiorum affines,
ut etiam Contraremonstrantes qui pars
tantum Ecclesiæ erant ab ea culpa immu-
nes censuerint. Quid ergo attinebat, dicit
aliquis, ista præcipitia indicari? quia scri-
ptores nonnulli improvido certâdi calore
in vltima quæque abrepti, aut eadem illa
aut tantundem valentia defenderant,
quod si opus sit, ostendi potest clarius sole
meridiano. Sicut ergo monentur Remon-
strantes ut à Pelagij veneno sibi caveant,
ita Contraremonstrantes monentur vita-
re errorem eorum quos Prædestinianos
appellabat antiquitas. Neque illud firmitus
est quod in alteram partem dicitur divinæ
veritati illo decreto silentium imponi. Ve-
ritas enim divina etiam Heidelbergensi
Catechesi testata hæc est, creatum à Deo
hominem ut ipsi serviat & cum eo perpe-
tuum vivat: item nolle Deum id quod
perverse sit, neque aliunde quam ab ho-
mine esse hominis exitium, ut tradit etiam
Belgicogermanicæ professionis formula,
tum vero quos Deus ad felicitatem æter-
nam invitat eos ab ipso serio invitari, quia

scilicet hominis obedientia ac salus ipsi placeant, neque ullum ab eo præiudicium factum sit adversus hominem sine culpæ intuitu. Multis locis colloquij Hagienſis demonstratum est hæc omnia à Contra-remonſtrantibus concedi. Quid igitur hîc est quod ipsos oneret ? Aiunt quidam ita tamen exponi poſſe decreti verba, quaſi ipſorum ſententia illis notetur. Certè in pravum ſenſum detorqueri omnia poſſunt, etiam ſacri codicis effata. Sed qui pacem amant, ad pacem interpretantur omnia. Prava eſt ſubrilitas, ſummarum poſtatarum leges extra mentem ipſarum ad-verſus ſemet exponere, vt imperia earum detrectandi prætextus quærat. Alij probant rem decreto contentam, non decernendi modum, quia ea de re conſtitui oportuerit ex ſententia Eccleſiaſtici cœtus. Atqui in Traiectina terra id factum iam erat. Nam res eadem continetur regulis Synodi Traiectinæ quæ & conſenſu paſtorum & procerum imperio ſunt probatæ. Neque tamen id ſuffecit, ſed hoc quoque opus mutatis rectoribus everſum eſt. Tum verò ad hanc obiectionem reſponſum eſt in oratione quæ habita eſt Amſtelodami, requiri conventum Eccleſiaſticum, vel vt ſuppleatur quod iuri ſum-

qui *Hollandiæ præfuerunt.* 107

mæ potestatis deest, vel ut re plene cognita aliquid statuatur. De iure, omnium Protestantium perpetua est sententia iuris satis esse penes summam potestatem iubendi omnia quæ vero bono & æquo congruunt. Edoceri verò de eo quod faciendum esset, poterant procures non minus ex antiquis quam ex novis Synodis, tam ex Traiectina quam ex Hollandica Synodo, tam ex ipsorum in Hagienſi collo- catione collocutorum scriptis ac verbis, quam aliunde. Antequam editum est hoc decretum, opera Isaaci Casauboni Regi Britanniarum, & insignibus Theologis aliquot ostensum est: responsumque in hunc modum. *De edicto Illustrissimorum Ordinum, quod nuper misisti, egi accuratè cum Rege Serenissimo, cum D. Archiepiscopo, cum alijs præstantis doctrinæ Presulibus. & Rex & omnes qui legerunt, consilium vehementer & probarunt & laudarunt. Interest enim religionis Christianæ, & ad Protestantium existimationem vel maxime pertinet curiosis hominibus fibulam imponi, ut desinant tandem φρονοῦντες περὶ ὁδοῦ φρονεῖν, pacē Ecclesiarum turbare, & suā illaudabili πολυπραγμοσύνην infamiam ἀρχαῖα καὶ νέα & νεωτεροποιῖας, apud veritatis hostes Reformationem profitentibus inurere. Summa igitur laude Illustrissimorum Ordinum*

prudencia digna est quæ huius sui Edicti publicatione, & curiosas hominum mentes, Deo æptis favente, in officio continebit, & sui Imperij Ecclesiæ publicam reddet tranquillitatem. Faxit Dominus Iesus ille unicus Ecclesiæ auctor & conservator, ut quem boni sperant fructum ex hoc saluberrimo consilio, Illustrissimi Ordines pericipiant, & nos pro stabilitate inter Ecclesias vestras tranquillitate occasionem ipsis gratulandi brevi habeamus. Neque vero consilium duntaxat Rex εὐσεβέστατος, & a iij viri gravissimi probarunt, sed & formulam quoque ipsam, iussu Ordinum conceptam. Apparet enim id esse actam, ut à duobus scopulis in hac doctrina æque periculosis, hinc Manicheorum, inde Pelagianorum populi avertantur, & in ea doctrina confirmantur, quæ salutis nostræ proram & puppim, principum inquam, progressum, & τελείωσιν vni Deo adscribens, contemptum tamen bonorum operum non inducit. XIII Kalendas Iunii MDCCXIV.

Sed ut undique omnia amoverentur quæ offendere quenquam poterant, sæpe in conventu Hollandiæ lata est conditio, si quid in decreto esset praviæ interpretationi obnoxium, id ipsum commoda interpretatione ab eo periculo liberandi: tandemque XXI Februarii die anni MDCCXVII pars maior placere sibi ostendit,

qui *Hollandiæ præfuerunt.* 109
congruenter ei consilio quod iam ante
protulimus ex recognitione Synodi Tri-
dentinæ , *Vt certo numero diligerentur viri*
eruditi placidi, & rerum sacrarum periti, tum
qui in civilibus, tum qui in Ecclesiasticis mune-
ribus versarentur, qui primum hortamentis ac
suasionebus adhibitis apud pastores qui collo-
quio interfuerant, aut quomodo idipsum
utilissimè confieri posset, audito etiam si opus
esset aliorum aquorum hominum consilio de
toto negotio propius viderent, certamque re-
gulam conciperent, non tantum vitandis
decreti pravis interpretationibus, sed &
usui eius ordinando in certum modum, quem
pastores utriusque sententiæ in allocutioni-
bus ad populum salva animi sui religione
ad pacem & tranquillitatem populi sequi
possent, cunctaque dogmata cum Reformatæ
Ecclesiæ placitis pugnantia ritè arceri, quæ
regula primum exhiberetur Principi Mau-
ritio, & post eius sententiam intellectam re-
ferretur ad conventum Hollandiæ, ut re ex-
pensa id statueretur quod ad Dei honorem,
salutem populi, & prosperum Ecclesiæ sta-
tum conducere. Prima huius consilij mentio
facta erat ab Enchusanis: etiam à quibus-
dam Amstelodamensium, ego cum spe-
rarem futurum, ut ipsorum oppida ei con-
silio acquiescerent, & nobis auxilio essent

ad res placidè componendas, eos qui opera mea utebantur, aliosque eodem laboravi perducere: rogatusque ab Oldenbarneveldio, conventus Hollandiæ adfessore (Advocatum vocant) scripto eam rem complexus sum. Optima fide profiteri possum huic consilio promovendo datam à me operam, quòd id imprimis utile iudicarem sanandis animis qui iam erant exulcerati, & procurandæ quieti quod vnum mihi propositum erat in hoc negotio. Si rectè memini oppidis, quæ à nobis dissenferant hætenus, concessum eoufque est, vt cùm numero essent perpauca, tamen in facienda ad hanc causam delegatione cum oppidis cæteris æquarentur, hac lege, vt à nobilibus suprà numerum aliqui delegarentur, eo quòd dicerent nobiles nolle se haberi in partibus, vt qui nunquam huic aut illi de controversiis sententiæ accessissent, sed tantùm ferendi se mutuo auctores vtrisque fuisset. Etiam hoc additum erat, vt delegati rem hanc tractarent communicatis cum Principe Mauritio consiliis. Negari sanè non potest quin interventio virorum in civilibus imperiis versantium multum sæpè contulerit ad componendas Ecclesiæ controversias: eademque via pridem ini-

ta fuerat à proceribus Hollandiæ in causa Harmanni Herberti, Cornelij Vvigeri atque aliorum.

- Synodos singulare esse remedium diffidiis sanandis nunquam intelligere potui, gnarus multis olim controversiis impostum finem aut colloquio, aut arbitrio publicarum potestatum bonis consiliis vtentium: quin & nostro sæculo à Regibus, Principibus atque aliis potestatibus colloquia instituta ad resarciendam Christianitatis concordiam (quod sæpè in Germania tentatum inter Romanenses & Protestantes, etiam in Gallia Possiaci, sæpè & à Reformatis oblatum Lutheranis tanquam optimum ad pacem reconciliandam) interim & à potestatibus vsurpatam in rebus eiusmodi vim imperij: neque tantum in recipienda Reformatione vniversa sed postea quoque in Palatinatu, in Hassia, Brandoburgica, Borussia,
- ac speciatim de controversiis super Prædestinatione apud Bernates. Attamen nequid intentatum relinqueretur, vnde spes pacis appareret, ne Synodos quidem omnino recusarunt Hollandiæ & Vvestfrisiæ primores: sed & huic consilio aptarunt sese (quanquam non exigua impedimēta

ob animum versabantur) verum hoc proposito vt negotium omne ad ferendam sententiarum diversitatem, non ad partium alteram damnandam dirigeretur, in quem finem omnia consilia, latæque ab ipsis conditiones spectabant.

Iam anno *CIO IO CIX* antequam super his controversiis certi aliquid decretum esset, postquam Gomarus & Arminius hac de re in conventu auditi fuerant, placuerat Hollandiæ & Vvestfrisæ proceribus certamen hoc deferri ad Hollandicam Synodum modis legitimis indicendam, atque congregandam. Causam curialis Synodi indictio non processerit, ipsi proceres in decreto diei quartæ Decembris hanc proferunt, quod conventus Ecclesiasticus tractus Alcmariani designatis pastoribus negotium facere cœperat quæstione super hisce capitibus instituta, hoc proposito, vt qui ab ipsis discrepare invenirentur eos pastoralis munere arcerent, quod causæ toti præiudicabat: quodque hac de re & ob postulatam novo more subsignationem symboli Belgicogermanici, & Catecheseos à proceribus admoniti ab hac rerum innovatione (quæ pendente deliberatione super re principali attentari non debuerat) absistere nolissent.

luisſent. Pollicebantur vero proceres decreto eodem indiſturos ſe ex Hollandia Eccleſiaſticum cœtum ſimulatque conventus ille tractus Alcmariani paruiſſet, ut moris eſt antequam de re principali quicquam ſtatuatur imperare ea reſtitui quæ ſunt innovata, ut res partium in integro ſit.

Menſe Maio anni crio iocx ad conſilia convocandæ Hollandicæ Synodi reditum eſt. Procerum pars major, quo certius ad pacem negotium regeretur per homines equos & extra ſtudia poſitos deligi à ſuo conventu optaverant eos qui ad Synodum mittendi eſſent, non ſine exemplo: nam & olim ab ipſo Constantino in cauſa Donatiſtarum dilecti erant arbitri: ut & à Bernatibus in hac ipſa Prædeſtinationis controverſia. Sed oppida nonnulla non quod hanc rem per ſe inconfultam ducerent, ſed quod metuerent ne id in offenſam paſtorum pateret, petierunt Synodo convocandę ad tempus ſuperfederi. In hac deliberatione eam retinentes iuris publici Amſtelodamenſes fuere, ut cenſerēt ab Eccleſiaſticis conventibus tractus cuiusque nominandos complures, unde nonnulli ad Synodum ituri ab oppidis maioribus legerentur, & ab ipſo procerum

conventu acciperent rei agendæ potestatem.

Cum de Synodo silentium aliquamdiu posthæc fuisset, quia spes erat decretum aliquod in ipso procerum cœtu consensione vnanimi institui posse quod omnibus placeret (quo pertinuerant tot formulæ super ratione mutuo se ferendi partim ante à nobis cominemorata) memoria recolo, cum ab Amstelodamensibus semper Synodum vrgeri animadverterem, cum eius oppidi legatis locutum me, vt intelligerem an propositum ipsis esset eo laborare in Synodo, vt dissidentes alij alios tolerarent. Cuius rei facta spe cum Pavone magistratuum eius oppidi assessore, Oldēbarneveldium adij, eique permultas rationes auctor fui vt repetito illo, quod iam aliquamdiu quieverat, consilio rem ad Synodum perduceret: sed ita vt prius animi acceptando huic remedio rectè parerentur. Quod cum ipsi videretur non absolum à temporum ratione, in formula decreti concepta XXI Februarij anni MDCCXVII, cuius meminimus ante, quæque de viris ex ordine ciuili atque Ecclesiastico delegandis ad vitanda prava interpretamenta decreti alterius facti anno MDCCXIV agebat, adscriptum est: *sperari post*

quam isto modo suspensiones amote , certamina imminuta , animi mitigati essent, & Ecclesia conventusque Ecclesiastici tractuum nunc divulsi ad unitatem redissent, etiam eo negotium perducì posse ut cum spe bonæ frugis æqua & legitima Synodus convocaretur.

Sed cum conventus Hollandiæ partes concordare super deligendi modo non potuissent (instigatu maximè eorum pastorum qui æquitatem ferendi alteros adversabantur) eodem anno cio io cxvii alia lata est conditio de æqua & legitima Synodo indicenda, Hollandica scilicet ab ipsis proceribus gubernanda, hac lege ut prius quæ morbo leniendo erant, adhiberentur : quorsum concepta est epistola quæ à proceribus mittenda esset ad tractus cuiusque conventus Ecclesiastici continens pollicitationem Synodi, & pastoribus iniungens, ut capita in colloquio Hagienfi tractata, quantum ferrent explicanda sacri codicis loca, devitarent, & si qua ea attingendi necessitas incumberet, facerent id prudenter, modeste, atque temperate, continentes se inter loquendi modos in divinis verbis usitatos, ac ne in alios super eisdem capitibus à se dissidentes acerbè aut contumeliasè invaderentur, sed cives qui reformatæ essent religionis salutaribus præceptis

imbuerent hortarenturque, tum ad mutuam charitatem atque amicitiam & vita emendationem, tum ad obsequia & reuerentiam legitimis rectoribus debitam, quando presentia tempora id vel maximè exigent. Nam ad eam formam ad conciliandas sententias in epistolæ modum mutatum atque mitigatum est quod ante conceptum erat vt edicti publicandi pars. Quod attinet fugam controversiarum quātum eius fieri posset, id congruebat cum consilio à Zelandis quibusdam pastoribus dato, cuius iam ante facta est à nobis mentio. Siqua vrgeret necessitas, ne alia tamen loquendi genera vsurparètur, quam ex ipso sacro codice ad verbum deprompta, consilium Zanchij est, qui in quarti præcepti divini explicatione ait, *quandiu libera Synodus haberi non potest, debere Principem mādare, vt utraque pars contenta sit simplici locutione Christi: item ne altera pars alteram publicè damnet.* Quod interdictionem convitiandi & alios criminandi attinet, sæpe ad eam rem prolatum est exemplum insigne Casimiri qui Palatinum tentorio nomine rexit, atque inibi dissidentes de Eucharistia pastores prohibuit mutuo se insectari: quod nuper imitati sunt Bohemiæ proceres, & Elector Brandenburgicus, ita vt in hoc omni præpa-

ramento nihil esset quod iuste à quoquam obtrectari posset. quod vero proponebatur decernēdam primum Synodum Hollandicam, non vero simul communem omnium nationum, quod volebant alij, evidens erat eius consilij ratio. Nam simul decreta Synodo communi, ex Hollandica nihil exspectari poterat, cum hi qui condemnandi libidine tenebantur, certi essēt per communem Synodum consequendi quod optabant, cum contra decreta tantum Hollandica Synodo spes esset auctoritate procerum, qui per legatos suos Synodum erant gubernaturi, facile rem perducī posse ad æquam transactionem, quæ deinde etiam communis Synodi iudicio potuerat approbari. Memini Lugduni Batavorum colloqui me cum viris eruditionis eximix inter Contraremonstrantes (erat inter illos & Fraxinus quī nunc obiit) atque vnanimem eorum fuisse sententiam à communi Synodo præter condemnationem nihil posse exspectari, ex Hollandica vero componendi negotij spem dari aliquam. Iam olim anno cio 10 lxxxii in Hollandica Synodo tractatum est quousque tolerari possent pastores de Prædestinatione dissidentes: manifesto argumento in Synodo Hollandiæ solius disceptari

hoc negotium ritè posse. In ea epistola quam conceptam modò retulimus, id quoque affirmabatur, quod & alibi affirmatum fuerat sæpius, procerum mentem non esse vltèrius quam ad quinque capita proferre mutuam tolerationem: sed liberum Ecclesiis fore censura vti adversus eos qui quicquam proponerent vniversalibus dogmatibus contrarium: & si Ecclesiasticus cœtus maior quàm ex tractibus singulis Hollandiæ cõire solet, requireretur, ipsos proceres aut dilectos reipublicæ curatores ei rei provisuros. Formula edicti eodem tempore concepti præterea verbat libellos, & scripta omnia aut dicta quæ ipsos proceres, Principem Mauritium, magistratus aut iura ipsorum læderent. In conscribendo tam edicto quam epistola mea opera vsus fuit: vereque testari possum arbitratum me idoneam esse hanc rationem mitigandis animis atque ita muniendæ viæ ad placidam conventionem. Quid contradictum sit ab animosis quibusdam pastoribus & rectoribus oppidi Amstelodami sit traditum, videndi cuius copia est quando id publicatum exstat. Ego æquis omnibus iudicium permitto. Verum istis quæ ad præparamenta

Synodi suadebantur reiectis ab Amstelodamenſibus & aliis quibuſdam , tantum adhuc penes Hollandiæ proceres ſtudio pacis fuit, vt nihilominus de Synodo Hollandica cogitarent , hoc magis ſolliciti de dilectu eorum qui Synodo erant adfuturi, deque huius habendæ modo ac gubernatione , quod illis rebus repudiatis quæ ad leniendum morbum valituræ fuerant, difficilior facta eſſet ad pacem via. Cumque profeſſi ſæpe eſſent Amſtelodamenſes paratos ſe in Synodo omne illud ius proceribus Hollandiæ tribuere quo maxima Chriſtianæ poteſtates ullæ vterentur, propositum eſt, vt ſecundum ea quæ à Marſilio Patavino, Evangelicis in Germania atque aliis ſcripta erant ſuper hoc argumento, magiſtratibus locorum injungeretur, adeſſent dilectui mittendorum ad Synodum, operamque darent, vt qui placido eſſent ingenio eo mitterentur : (videat ad hanc rem, cui otium eſt, in recognitione Synodi Tridentinæ quæ leguntur libro tertio capite decimo.) Addebatur , vt ſi eos recusandi nulla eſſet iuſta ratio, ab ipſo procerum conventu , qui dilecti eſſent, ius poteſtatemque acciperent : alij inſuper viri eruditi atque iſtis negotiis tra-

Etandis idonei ab ipso conventu procerum adiungerentur cæteris: utque Synodi regimen ac principatus penes ipsos proceres esset, quo turbida & iniqua omnia rectius vitarentur. Obiectum est abire hæc à veteri more: sed responsum est quæ ante Licestrica tempora habitæ sunt Synodi, non imperio publico procerum, sed ipsis dissimulantibus celebratas: neque confirmata Synodorum acta: eam vero quæ sub Licestrio habitæ esset, communem Synodum proceribus extortam, qui & post habitam Synodum ostendissent eam sibi displicere. Sed enim præterquam quod oppida à cætero conventu dissentientia, de modo Synodi habendæ movebant controversiam, etiam in eo perstabant non decernendam Synodum Hollandicam, nisi communis nationum Synodus simul decerneretur, quæ via certo ducebat ad partis alterius condemnationem, cui vni maximoque periculo, si qua ratione occursum fuisset, nobiles atque oppidorum pars maior quantum poterant de modo habendæ Synodi cæteris concessissent, ut non semel testatum fecerunt.

Neque hac stetit procerum benigna æquitas: sed fine anni cix cxv propositum est, ut decerneretur *Hollandia & Vvest-*

frisia Synodus in qua pio animo ad sensum divini codicis expenderentur, atque explorarentur quinque controversa capita, operaque daretur constituenda Christiana paci illaesa veritate salvaque unitate cum his qui eiusdem Reformatæ religionis participes essent: simulque ab *Hollandia* & *Westfrisia* proceribus per literas edocerentur vicinarum nationum proceres quo loco ac tempore, & quorsum *Hollandica* illa Synodus celebranda esset, & quo in ea Synodo cuncta cum consilio atque consensione pastorum ex vicinis nationibus transigi possent, rogarentur dicti proceres pios, eruditos, & pacis cupidos è suis pastores suorum Ecclesiasticorum conventuum bona cum gratia ad Synodum mittere, qui ad pacem constituendam, opem, consilia, sententiamque contribuerent.

Sine ullo certè periculo tentari hæc via poterat, præsertim cum constaret sæpe antehac usitatum, ut ad unius nationis Synodum vicini auxilio vocarentur. Mihi vero & hoc liquebat, hunc agendi modum apud nationes nonnullas, tum civilis, tum Ecclesiastici ordinis præcipuis gratissimum fore. Sed calor pastorum qui per impenso ad eam rem labores Synodum communem, & quod per eam Synodum sperabant certo sibi pollicebantur (quod ipsum in litteris jactabant quæ in lucem pro-

dierunt) tantillum æquitatis à se imperari passus non est. Ego verò cum vehementer perhorrescerem mala quæ rigor oppidorum quorundam apud nos, obfirmantibus iam cum maximè eorum animum legatis sociarum nationum, minabatur, animo revolvens quicquid ad sedamen pertineret, & repetens memoria ex literis Casauboni intellexisse me non displiciturum Regi Britanniarum vniuersalem è Reformatis conventum Ecclesiasticum indici, vbi & de reconciliandis Lutheranis ageretur, (quorsum spectabant Paræi Irenicum, consilium Molinæi, Plessæi atque aliorum pridem labor, & eiusdem argumenti liber à Polonicis Ecclesiis editus anno c10 10 cx) persuadere mihi non potui externas Ecclesias benè edoctas de natura controversiarum, deque impensa ad pacem cōstituendam opera, rigidius quicquā definituras quam olim Pelagij tēporibus & statim post illa definitum fuerat (quod ipsum me iudice contendentibus apud nos partibus sufficere poterat, atque debebat) ac propterea suasi in conventu, vt primum per Hollandicam Synodum paci studeretur, quæ si contra quam sperandum videbatur nō evenisset, vt definitio vniuersali Synodo servaretur, quippe multo vtilius sic fa-

cienda, quod rationibus & exemplis demonstrabatur: Interim vero post Hollandicam convocaretur communis Synodus è Federatis nationibus non vt ibi definiretur quicquã (apparebat enim non nisi iniquum iudicium fore) sed vt per colloquia res ad vniversalem Synodum præpararentur. Iam ante huius consilii mentio aliqua facta fuerat in edicto quod Hollandiæ procures euulgauerant mense Augusto anni cio io cxvii vbi cum actum esset de Synodo Hollandica convocanda ad inveniendas pacis rationes additum fuit: *Si post eam Synodum deprehenderentur capita quedam decisionis agere id negotium per Synodũ communem è Federatis nationibus ad vniversale deferretur, quæ non tãtum de veritate, sed & de necessitate eorũ capitum ex verbo Dei cognosceret: atque Hollandiæ procures paratos esse eo conferre quicquid suæ esset opis.* Hoc consiliũ congruẽs cum iis quæ ipsi Contraremonstrantes in colloquio Hagiẽsi dixerãt, salubre esse, ipsa etiam alterius sententiæ oppida fatebãtur: sed rem aiebant in longum duci: cum tamẽ intra idem tempus nec maioribus impensis vniversalis Synodus potuerit convocari intra quod tot legati ex tam dissitis terris petiti sũt. Id tantũ intererat, quod ad vniversalem Synodum qui vêturi fuerant

mandata attulissent ab Ecclesiis & earum nomine dixissent sententiam. Sed qui hoc consilium defugerunt, considerabant id si fieret, primùm Ecclesiis patefacienda fuisse quæ acta erant ad id tempus, vnde credibile erat secutura ad pacem conciliandam mandata, deinde in Synodo quæ vniversalis titulum prætulisset Synodum è federatis nationibus constantem, vt partem vnā illius corporis faciliè aliorum sententiis superari potuisse, cum nunc Synodus è Federatis nationibus composita externis duntaxat adsidentibus totius cœtus pars esset maxima: quin etiam, prout res ferret, externorum sententiæ aut cœteris accenseri possent pari iure definienti, aut duntaxat æstimari in vicem consilij dati ita vt planè, certus esset qui destinabatur eventus, condemnatio scilicet Remonstrantium, & sub ea latens reipublicæ mutatio.

Anno ciro 10 cxviii cū diligenter apud animum expendissem quæ difficultates consensum vtrinque morarentur, quæ sitis anxie rebus omnibus quæ ad conciliandas procerum sententias facere videbantur, per viros graves partim in publicis dignitatibus constitutos, partim pastores partis Contraremonstrantium Principi

qui *Hollandia* præfuerunt. 125

Mauritio & Comiti Vvilhelmo copiam feci consilij quod apud me excogitaveram : quod & perscriptum postea quo intelligeretur rectius ut Principi traderetur, effeci, id autem sic habet.

Ad pracidendas contentiones ulteriores testabantur proceres Hollandia nolle se extra controversias quinque capitibus comprehensas alias ullas moveri nisi in conventu omnium Reformatarum Ecclesiarum : sed cupere se ut pastores omnes in ceteris doceant convenienter iis quæ per Reformatas Ecclesias hactenus credita ac tradita fuere , atque apud nos consignata symbolo Belgicogermanico, & Catechesi Heidelbergensi. Contra si quis fecit , faxitve in eum agatur censuris Ecclesiasticis , etiam publici imperij potestate si res exigat : rogabunturq; proceres aliarum nationum ut idem de se testentur : ac proinde pro hoc tempore supersedebitur recognitioni eius symboli atque Catecheseos.

Quamprimum sub ductu procerum Hollandiæ & Vvestfrisiæ habebitur Synodus nationis eiusdem, cui adsidebunt interpretes sacrarum literarum qui sunt in Academia Lugdunensi & bini rerum sacrarum magistri ex quaque nationum vicinarum.

Poterunt pastores etiam qui à tractus sui conventibus Ecclesiasticis dilecti non erunt accedere ad Synodum, & quæ videbuntur aperire ac rationibus firmare.

Inibi amica institutione ex scriptis divinis dabitur opera, ut perveniri queat ad consensum super questionibus quinque capitum.

Id si non succedat, ex divina regula inquiretur quid insit illis questionibus ad fundamenta religionis pertinens, quid non, & in iis quæ ad fundamenta non pertinere deprehendantur, quæ ratio ferendi se invicem, aut aliqui transigendi negotium cum bono Ecclesiarum iniri servari-que possit.

Consilia aut consentientia, aut seorsim partis utriusque, perferentur ad communem Synodum nationibus Federatis.

Ei fini communis illa Synodus concordibus nationum sententijs decernetur, confecta prius testatione nihil imminutum iri hoc facto summum cuiusque nationis ius in res Ecclesiasticas.

Ex nationibus singulis aliqui delegabuntur, qui modum habendæ Synodi perscribant, quique videant de numero eorum qui ex quaque natione iuxta proportionis modum ad Synodum regendam constituendi sunt, de adsciscendis ad opem ferendam exteris, deque aliis negotiis ad Synodi conformationem pertinentibus.

In ea communi Federatorum Synodo dabitur opera per amicam ex verbis divinis institutionem ut ad consensum perveniatur super iis questionibus quæ in conventibus Ecclesiasticis nationis cuiusque controversa manserint.

qui *Hollandia* praefuerunt. 127

Quod si id nequeat obtineri, tum legentur, & ad divinam regulam expendentur meditationes traditae in Synodo nationis cuiusque de iis quae in quinque capitibus ad fundamenta pietatis aut pertinere, aut non pertinere iudicata fuerint, cum consiliis de modo ferendi se mutuo, aut aliter negotium transigendi, ut si fieri posset de communi sententia concorditer aliquid statuatur: Ceterum ne citra communem consensum Synodo isti liceat definire quicquam, aut pro parte altera inve partem alteram pronuntiare de questionibus quinque capitum.

Si verò in eo cœtu res ad consensum unanimem perducere nequeat, tum insumatur opera ad convocandam Synodum generalem Reformatarum Ecclesiarum, ubi omnia peragantur quae ad servandam inter eas Ecclesias in dogmatibus unitatem necessaria atque utilia censebuntur: atque etiam ex divina lege pronuntiatur quanam quæstiones quinque capitibus involute habende sint ad fundamenta pietatis pertinere: & super his quae eo pertinere non iudicabuntur, quae transigendi via bono Ecclesiarum iniri servarique possit.

Atque ut interim animi ad pacem & quietem rectius parentur, edictum statim publicabitur, severeque observabitur adversus seditiosos & famosos libellos atque sermones etiam adversus scripta has controversias tractantia.

Interim quoque res Ecclesiæ mancant quo sunt statu.

Serio monebuntur pastores ne alter alterum probris proscindant, aut condemnent, aut odiosis consequentijs traducant, deque hisce controversijs, si loca divina pagine id omnino exegerint, loquantur non alio modo quam loquuntur ipsi libri divini, aut certe symbola Reformatarum Ecclesiarum.

Vbi dogmata Ecclesiarum per conventum è nationibus aut generalem, aut alio quovis modo ad concordiam perducta erunt, consultabitur de adijciendo ad Fœdus Trajectinum pacto de religione.

Quo factò auditis consilijs eruditorum civilis atque Ecclesiastici ordinis ex communi nationum consensu sub nomine procerum Federatorum concipietur, ac publicabitur communis lex super negotijs Ecclesiasticis, ut tollantur dissidia quæ de regimine Ecclesiarum suborta sunt.

Sed Princeps Mauritius, & Comes Vvilhelmus ab alijs, quibus nihil minus quam pax erat propositum, ut satis apparuit, averfi sunt à consilijs eiusmodi : ita ut nationum legati pergere voluerint in cœpta convocatione Synodi communis ad definitionem faciendam sprete intercessionem Hollandiæ atque aliarum nationum. Quo tempore proceres Hollandiæ magno numero

mero accedentes ad conventum Federatorum ut eos ad æquiora perducerent, voce Oldenbarneveldij dixerunt: *Quantum sibi constaret in dogmatibus non aliam esse controversiam quam de Prædestinatione & quæ ei coherent quinque notis capitibus comprehensa: quando semper ipsi voluissent atque edixissent, nunc etiam vellent atque edixissent, ut in cæteris omnibus pastores plebem Christianam instituerent congruenter sacris literis & ei formæ quæ hæcenus in his terris recepta esset, summamque comprehenderetur Symbolo Belgicogermanico & Heidelbergensi Catechesi, tanquam concordia tesseris quas par esset iuxta divini codicis normam intelligi: atque ut qui contra facerent Ecclesiastica censura, & si opus esset publica animadversioni essent obnoxij. Præterea verò paratos se suo ductu convocare ac celebrari facere Synodum Hollandicam & Vvestfriscam intra menses tres proximos, & ad eam suis impensis rogare nationes vicinas, ut ex iis qui apud ipsas essent pastoribus, pios eruditos & pacis cupidos allegarent qui Synodo adessent, consilium darent, etiam sententiam dicerent pari cum cæteris iure. Quod si intra mensem aut sesquimestre tempus post inchoatum negotium res ad expectatam pacem, transactionem Christianam, aut mutuo se ferendi rationem, saltem per interdicti modum perducı nequeat,*

metropolitam vocant certamen dirimebat. Bulingerus libro secundo de Episcoporum ordinatione atque institutione sic loquitur: *Vtrum totius Ecclesiæ comitijs, an paucorum suffragijs Episcopum designari melius sit, nulla potest certa præscribi omnibus Ecclesijs constitutio. Sunt enim alijs regionibus alia iura, alij ritus & instituta. Si qui abutuntur per tyrannidem, cogantur in ordinem à sancto magistratu, vel transferatur ab eis ius designandi ministros. satius enim est eligendi munere seniores aliquot ex Regis, vel magistratus iussu defungi, advocatis consultisque illis qui norunt qualis sit functio Episcopi, quæ eius populi aut Ecclesiæ ratio, cui aliquis præficiendus est, qui item possint de ingenijs, eruditione, & moribus cuiusque iudicare.* Bucerus amplius ait, *formam electionis à pjs principibus præscriptam.* Qui historias temporum eorū ex quo Imperatores ac Reges Christo nomen dederunt cognitæ habēt, non ignorant sæpe à Principibus super hoc negotio non modo leges constitutas ex Synodorum cōsilio, aut etiam citra Synodos: sed & ab ipsis factas sæpe electiones, ita tamen vt explorandi electos atque probandi ius (quod manū impositione significatur) penes inspectores esset Ecclesiæ & libertas obijciēdi crimina, si qua ad impugnandā electionē valerēt penes populū. nā electiones

nem externam internamque, nec libertatem animorum ad sola publicè recepta dogmata astringi. Scio contra adferri exempla eorum qui pastoralis munere moti aut oppidis eiectioni sint: sed nunquam id factum est aut ob opinionem solam aut etiam ob eius prolationem. Imo vero manifestum est in omnibus Hollandiæ oppidis, etiam Rotterodami, Colonij tempore dogma Contraremonstrantium publicè fuisse permissum atque defensum. Sed quod eius factum est plane idem est ei quod in Palatinatu, Paræus iure ac merito Lutheranis quibusdam accidisse memorat, & quidem eo in libro in quo Lutheranos ad pacem invitatur. *Ad concionatores quod attinet, ait, turbulenti quidam, stentores annis abhinc xxv in Palatinatu Electorali dimissi fuerunt quod mandato Principis pio & aequissimo de non calumniando, sed de Evangelio ad edificationem prædicando, sine acerbitate deque controversijs modestè & absque virulentia ad populum tractandis obtemperare recusarent.* Nihil tale Simoni Goulartio obijci poterat, cum Gallicanæ Ecclesiæ pastoratu moveretur non alio obtentu quam quod contradixisset placito dicentiū quosdam Christianorum liberos intra infantia tempora morientes ad æterna supplicia reiectos esse: cum tamen para-

tum semper se ostēderet cū collegis pacem colere, quin & illud rogaret, si quid ipsi excidisset durius benigne ignosceretur: offerens etiam non aliter se docturum quam docuisset Melanchthon. Verum & hoc est, quibusdam in oppidis interdictos conventus segreges. Sed maius est quod factum olim est à Bernæ magistratibus cum cives quidam ob prædestinationis controversiam Genevam irent ad Eucharistiæ communionem: quod illi sub magnis pœnis vetuerunt, laudati eam ob rem à Beza. At illud vel maximè notandum est adjunctum semper à nostris magistratibus, paratos se ad publicum docendi ius admittere pastores sententiæ alterius qui cum Remonstrantibus fraternitatem colere vel lent, quod Roterodami & Brilæ etiam publicatum est. Regerent fortè nonnulli libertati animorum hac re non factum satis, quod scilicet ipsis dicter animus fas non esse cū Remonstratibus hanc inire societatem. Sed in promptu responsio est, haud facile credi id posse de ijs qui Lutheranis eandem sententiam tuentibus pacem fraternam semper obtulerūt. adde quod verba, scripta, facta illorum satis monstrabant aliquid in republica illos movere. Sed fac sola animi religione actos, poterat ea ex-

pleri alijs in locis. nam loco religionem non offendi apertissimum est. Qui Schopenhovix erant, iis liberum erat sacrorum causa convenire in ipso pomærio. Roterodamenses & qui agrum Scianum colunt in Delphorumportu, vico Transciano, & Scidami, postea & Rotterodami. Sed enim ad res novas eos spectasse qui cætus hos segreges sectabatur, vel inde apparet quod qui domi sacrorum usum habebant ex voto, ut Lugduni & Scidami, magnis catervis ad vicos agri Rhenani & Sciani veniebant, ut eiusmodi cætibus interessent. Tum verò oppidorum rectores qui intra fines suos secessionem talem probare non poterant, semper dixerunt etiam illis qui secesserant paratos se præstare indulgentiâ, dummodo aliquid in cômune & vtrique parti æquum cõstitueretur: quanquã simul profitebantur nihil futurû sibi gratius quã ut vtriusque opinionis cives in eadẽ manerent sacrorum cõmunitate. At qua fronte audet obloqui huic curæ insumptæ ad servandam pacẽ ferendo se invicem, cui Remonstrantes semper se aptaverat, quorum facto Remonstrantes, qui ut tolerarentur cû id vellent, vnicè non obtinuerunt, adversariorû iudiciis ejecti ex Ecclesia, privatos quoque extra tẽpla cætus, quib^a religioni

animi sui satisfaciant, nullo in loco Fœdè-
ratorum imperij habere permittuntur: sed
pastores perpetuis addicuntur carceribus,
interdicto vxorum quoque & liberum
conspèctu, ceteri vero vexantur acerbè
sæpe etiam non citra sanguinem, idque eo
in solo, vbi arma tam ab illis ipsis qui nunc
tam duriter habentur, quam ab alijs sum-
pta sunt prolegibus & religionis libertate:
sub qua ex sensu & more Christianorum
omnium etiam sacrorum vsus compre-
henditur?

CAPVT VII.

De vsu legis Ecclesiasticæ anni

CIC IO XCI.

INter controversias de religione, etiam
alia exorta est de gubernatione Ecclesiæ,
& nominatim de collatione Ecclesiasti-
corum munerum. Huius contentionis
culpam sunt qui magistratibus assignent,
quasi qui occasionem disputationum de
dogmatibus arripuerint ad intendendam
vim potentix suæ: alij vero illos de Eccle-
siastico ordine accusant, qui postquam

obtentu studij pro vero, ac repudiata ferendi se mutuo æquitate magistratuum concordiam ruperant, & reverentiam in eos exuerant, ius Ecclesiæ, quod vocant, ad excludendos ab ea cura Magistratus multo quam ante confidentius & asserere cæperunt, & in rem conferre. Nunc quid eius apud nos verum sit, videamus.

Pastores cum de hoc argumento agitur, provocare solent ad legem divinam: unde inferunt ius electionis ad Ecclesiastica munera deberi Ecclesiasticis hominibus, id est sibi & senioribus quos plerunque sibi addictos habent. Sed præter quod Seniorum illud genus in multis reformatis Ecclesijs vsitatum divinæ legi ignotum est (quanquam non eo volo evincere ratione sua caruisse hanc institutionem, præsertim si prima Reformationis tempora inspiciantur) etiam præceptum nullum (ut à viris sacrorum peritis commonstratum est) reperitur, unde appareat penes quem talis electio esse debeat necessario atque incommutabili iure. Nam exempla aut consuetudines omnes in legem vertere iniquum sit, præsertim cum appareat in primæ ætatis Ecclesia, munera quædam fuisse (puta Diaconissarum) etiam mores qui nunc vix vsquam observantur: ita ut regula vnica

huius rei esse videatur, faciendâ omnia ritè atque ordine, & vt maximè expedit pro temporum ac locorum ratione. Proinde sentiunt veteres viventibus Apostolis plerunque collata munera Ecclesiastica indicio Spiritus sancti. Absentibus illis aut mortuis videtur electio facta plerunque popularibus suffragijs, quomodo & civilia munera per Asiæ ac Græciæ civitates mandabantur. Sed hoc in defuetudinem multis postea in locis abiit, ac postremo interdictum est à Synodo Laodicensi quæ vniversalis Synodi iudicio cōprobata est. Igitur antequâ potestates Christianismum sunt professæ plerunque Episcopi Presbyteros delegerunt, sed ita vt eorum nomina proponerent, hortantes populum vt si quis quid haberet criminis probaret manifestis rebus, vt Lampridius in vita Alexandri Severi loquitur, cuius moris aperta apud Cyprianum indicia sunt. Circa electionem ad Episcopi dignitatem itidem discrepavit consuetudo. Nam quibusdam in locis electio facta est à Presbyteris & Diaconis (Diaconos intèllige qui Ecclesiæ ministerio in omnem vitam se addixerant) alibi ab eisdem sed consciâ plebe, aut de plebe præcipuis: quod si qua incideret controversia fermè Episcopus vrbis matricis quæ

metropolitam vocant certamen dirimebat. Bulingerus libro secundo de Episcoporum ordinatione atque institutione sic loquitur: *Præterea totius Ecclesiæ comitijs, an paucorum suffragijs Episcopum designari melius sit, nulla potest certa præscribi omnibus Ecclesijs constitutio. Sunt enim alijs regionibus alia iura, alij ritus & instituta. Si qui abutuntur per tyrannidem, cogantur in ordinem à sancto magistratu, vel transferatur ab eis ius designandi ministros. satius enim est eligendi munere seniores aliquot ex Regis, vel magistratus iussu defungi, advocatis consultisque illis qui norunt qualis sit functio Episcopi, quæ eius populi aut Ecclesiæ ratio, cui aliquis præficiendus est, qui item possunt de ingenij eruditione & moribus cuiusque indicare.* Bucerus amplius ait. *formam electionis à pijs principibus præscriptam.* Qui historias temporum eorū ex quo Imperatores ac Reges Christo nomen dederūt cognititas habēt, nō ignorāt sæpe à Principibus super hoc negotio nō modo leges constitutas ex Synodorū cōsilio, aut etiā citra Synodos: sed & ab ipsis factas sæpe electiones, ita tamen ut explorādi electos atque probādi ius (quod manuū impositione significatur) penes inspectores esset Ecclesiæ & libertas obijciēdi crimina, si qua ad impugnādā electionē valerēt penes populū. nā electiones

quæ eam libertatem non relinquunt, merito sunt antiquitus improbatæ. Ita Theodosius Nectarium elegit ad pontificium Constantinopolitanæ Ecclesiæ. Multaque alia exempla in eam rem tum ab aliis, tum à nobis quoque antehac sunt prolata. Nam in Occidentis partibus, puta Italia, Germania, Gallia, Anglia, Hispania, Hungaria tam ante quam post Caroli Magni tempora, tam sæpe id factitatum est, ut plena sint eius rei acta publica & annales. Ipsi Antistites apud Reges precibus monitisque contendunt eo iure ut rectè utantur. Pugnare hunc morem cum lege divina Episcopi illorum temporum non crediderunt: neque magis Marsilius Patavinus cum ita loquitur: *Non est lege divina prohibitus legislator aut Princeps ab officiorum Ecclesiasticorum institutione, collatione, seu distributione.* Interdum quoque Imperatores ac Reges satis habuerunt alijs permittere electionem, ita ut eius aut confirmandæ aut rescindendæ ius sibi retinerent. Notant annalium conditores ab Imperatoribus amissam partem imperij, alteram postquam eo iure exciderunt. Thomas Bilsonus Vintoniensis Episcopus in libro quem de gubernatione Ecclesiæ scripsit, disertè ait: *Nullam eligendi formam divino iure præscriptam: quinque*

Principes populi sui sint capita; & divino atque humano iure omnis externa & publica administrationis curam tam in sacris quam in civilibus causis creditam sibi habeant, has rationes necessario evincere electiones eorum fidei committi debere, saltem si onus illud in se suscipere voluerint. Eiusdem hæc sunt verba: Luce clarius apparet alios etiam Principes præter Romanos Imperatores à prima Christiana fidei professione non solum summam potestatem in electionibus Episcoporum habuisse: sed quos dignos eo honore indicarunt non expectatis populi aut cleri suffragijs propria auctoritate constituisse. Apparent & passim exempla Archimandritarum, pastorum, Diaconorum quos Principes, potestatesque alię constituerint: quæ non ideo adferimus, ut mos ille ubi receptus non est, introducatur, sed ut pateat semper ita fuisse iudicatum, liberum esse hac in re cuique genti arbitrium. Musculi effatum est: Pastorem Christianum de vocatione sua sollicitum esse non debere, neque ambigere quin Christiana ac legitima sua sit vocatio, ubi ad Evangelium predicandum à pio Magistratu aut Principe vocatus est. In Palatinatu curę pastorales conferuntur arbitrio Senatus, qui mandato & nomine Electoris Ecclesiis præsidet. In ditione Basileensi Ecclesiarum extra urbem in pastore eli-

gendo potestas nulla. quem magistratus
urbis ad pascendum illas mittit etiam si
docentem nunquam audierint, reveren-
ter accipiunt.

In patria nostra Vvithelmo Principi
Arausionensium id videtur fuisse propo-
situm, ut pastorum electiones omnino ad
magistratus pertinerent, ut videre est in
formula quadam legis ipsius iussu conce-
pta & rationibus atque exemplis defensa.
Eandem fuisse procerum sententiam do-
cent nos mandata quæ ab ipsis ei quem di-
ximus Principi super præfecturæ suæ ad-
ministratione data fuerunt anno CIO IO
LXXXV in quibus hoc est caput: *Ne ullis in
oppidis, locis,ve instituantur collegia aut consisto-
ria nisi de consilio nominatione, atque institutio-
ne aut conventus procerum aut Magistratum.*
Longè alia mens non paucis eorum, qui
in Ecclesiasticis muneribus versabatur. hi
enim id semper egerunt ut ius hoc omne
ad se pertraherent: quod conspiciere est
tum in Synodis aliis, tum in illa communi
nationum Synodo quæ Hagæ celebrata
est anno CIO IO LXXXVI temporibus Lice-
sticis, ubi totum hoc negotium Ecclesiasti-
cis hominibus permittitur, nulla re magi-
stratibus relicta, nisi hoc solo, posse ab ipsis
exquiri, numquam iustam haberent cau-

ſam contradicendi quæ electi vitam con-
verſationemque ſpectaret. Quod quidem
nihil amplius magiſtratibus concedere eſt
quam minimo de plebe Quiriti debetur.
Nam ei quoque liberum eſt adferre quod
in electi vita culpandum exiſtimat, quor-
um ſpectat electorum prædicatio. Huic
Synodico decreto proceres Holladiæ de-
cretum contrarium ſuo in conventu fece-
rūt anno eodem: *Tam ſibi, tum nobilibus, at-
que oppidorum rectoribus ſalvum fore ius ac mo-
rem eligendi, deſtituendique paſtores, hac tamen
cautione ne qui paſtores reciperentur niſi qui poſt
diligentem explorationem viſæ ac dogmatum
inculpati in utraque reperirentur.* Eo verò iu-
ſtius fuit hoc decretum, quod ante belli
tempora Comites Hollandiæ, quorum ad
ipſos ius devenerat, eo iure uſi fuerant. ut
Epiſcopos nominarent, quemadmodum à
cōfeſſu iudicium Hollandiæ annotatū eſt
inter animadverſa ad Conciliū Tridenti-
nū, ſicut & rectores oppidorū locorumque
aliorum uſi fuerant iure legendi paſtores.
Sed nec Zeladiæ proceribus placuit illud
Synodi Hagiēſis decretū. nam ipſi pro ſua
potestate anno c15 10 xci Synodū peculia-
rē indixerūt, in qua conſtitutū eſt, ut magi-
ſtratus rogarētur quosdā ſui ordinis qui in
Eccleſiæ publicæ cōmunionē eſſēt legare

qui simul cum presbyterio consultarent de eligendo pastore.

Ad Hollandiam ut redeamus ibi, nedum hinc procures & magistratus, inde Ecclesiastici ferram reciprocarent (quamquam non obscurum est equis hominibus utrius potius officium sit concedere ne in negotiis quas lex divina non definit) omnia conturbarentur, tantum de iure suo decesserunt procures anno CIO IO XCI, ut delegatis ex publico & sacro ordine viris primariis de gubernatione Ecclesiæ leges iusserint concipi, quæ leges ius electionis ita partiuntur, ut de magistratuum numero quatuor; de Ecclesia (id est de presbyterio in oppidis, de conventu vicinali per agros) totidem electionem peragerent eamque factam offerrent magistratibus ut probaretur: quod si illi eam probare defugerent, nova institueretur electio: qui agendi modus idem ferme est cum eo quæ præscribunt Romana iura quæ apud nos quoque auctoritatem habent quoties loci certa consuetudo non exstat. Iustinianus enim novellis quas vocant constitutionibus ius eligendi defert tum Ecclesiasticis, tum primoribus urbium. Concepta eo tempore formula utrique concessi iudicium per Hollandiam probata est:
sed

sed quominus perrogaretur oppida quædam intercesserunt existimantia magistratibus non satis potestatis per eam tribui. Aiunt Amstelodamenses sibi fuisse mandatum non assentiri in eam legem nisi prius in Synodo legitima expensa fuisset ad legem divinam: quod ipsum tamen in actis non invenitur. Sed ut ita sit propria, vnius oppidi ea fuit sententia. Quamquam verò formula hæc ob ea quæ diximus impedimenta perrogata non fuit, ut vim habere posset legis publicæ cui parere omnes tenerentur, censendi tamen sūt & proceres & magistratus non dereliquisse possessionem iuris pristini in pastorebus instituendis, ut habet decretum anni CIO IO LXXXVI: ac proinde etiam ius fuit magistratibus sequendi formulam anno CIO IO XCI conceptam, ut quæ non magistratibus sed Ecclesiastici ordinis hominibus plus tribuat quam proceres, quorum erat leges dare, ante eum quem dixi annum CIO IO XCI deberi ipsis existimaverant. Cui consequens est, nullam cuiquam à proceribus factam iniuriam, nullum de sua possessione deiectum, cum anno CIO IO CXV & sequentibus pronuntiarent posse rectores oppidorum vicorumque quibus id ex usu videretur eam for-

mulam sequi atque ipsos in eo publico imperio tuendos. Præsertim cum & Harlemenses, & alij manifestum fecerint etiam post annum c10 10 xci vsurpatum à se ius maius quam ferret illa formula, nempe vt pastores ipsi eligerent de consilio presbyterij. Quod si etiam alicubi non in vim legis, sed consensu peculiari quicquam concessum foret, id cum metæ sit facultatis ad possessionem evincendam, præsertim adversas publicas potestates, valere non posset. Quòd ultra dicitur nihil hoc de negotio debuisse decerni antequam compositæ fuissent religionis controversiæ, speciem veri haberet, si ad componendas eas controversias per mutuo se ferendi æquitatem opera communiter data fuisset: & si interim Ecclesiastici ordinis homines non laborassent magistratus de iure suo deijcere. Nam sine eo cum quotidie multa munera Ecclesiæ vacua fierent, omnem de electionibus normam tenere in incerto, id verò nihil fuerat aliud quam summam inducere rerum confusionem. quod mihi tam clarum videtur, vt æquos omnes facile mihi assensuros non dubitem. Sunt qui dicant hac formula plus aliquanto tribui magistratibus quam Ecclesiastici

ordinis hominibus, ius scilicet electos recusandi. Sed observandum contra est Ecclesiastico ordini tātundem, aut plus etiam tribui per examen & impositionem manuum: deinde verò ius illud potestatum publicarum in recusando tam esse manifestum in vsu omnium gentium & ante & post institutam reformationē, vt de eo dubitare nullius sit, nisi qui dubiæ sit sanitatis.

Ab hoc iure quòd potestatibus publicis, qua tales sunt, competit, veniamus ad ius quod patronatus dici solet iis concessum initio qui ære suo ædificassent sacras domos. Pastorum quidam adversus hoc ius libros scripsere, præcipuè apud Frisios Translavicanos, vbi ius hoc in vsu viget. Sed vbi venit ad probationem, potestatem hanc scilicet quæ designationem solum continet eorum qui pastoralis muneri destinantur, in quos tamen, & Ecclesiastico ordini explorandi curam & dogmata. ius est & plebi causas adferendi ob quam recipi non debeant, hanc inquam potestatem cum lege divina pugnare, subsidunt argumenta, vt ab Episcopo Vintoniensi late probatum est, vbi & hoc quærit quæ ratio, quæ auctoritas nos cogat talem potestatem senioribus qui vocantur

deferre potius quam viris eminentibus quales esse solent quibus competitus patronatus. Neque verò in Anglia tantum, sed & in Palatinatu id ius in usu est, credito scilicet illis in locis per reformationem Ecclesiæ nulli ius suum adimi, quod sane nulli religioni (quocunque tandem nomine ea appelletur) licere debet. Sed neque novitium hoc commentum est, nec ut quidam contra historiæ fidem prodiderunt à Pontificibus Romanis inventum. Nam circa annum 1041 Iustinianus, circa annum 1045 Synodus Toletana ac post Carolus Magnus ius hoc suis constitutionibus confirmarunt. Quanti autem apud nos hoc ius æstimatum antiquitus fuerit multis documentis apparet. In legibus concessis oppido Lugduno Batavorum ita loquitur Vvillhelmus Hainavius Comes Hollandiæ: *Præterea cum ius patronatus Ecclesiæ de Leiden ad me pertineat plenitudo, atque consanguineus noster Comes Florentius, cuius animam Deus habeat, bona fide pollicitus sit & promiserit quod cedente vel decedente magistro Gerardo iam dictæ Ecclesiæ rectore duos presbyteros idoneos successive & perpetuo ad dictam Ecclesiam presentaret: & quæ sequuntur. In pace facta cum Vvestrisiis anno 1100 CC XCIX ex-*

stat hoc caput. *Collationes omnium Ecclesiarum in Vvestfrisia ad nos & successores nostros perpetuo pertinebunt nisi quatenus Episcopus Traiectinus & Abbas Egmondanus probare poterunt sibi id ius deberi. Eiusdem ævi aut antiquiora etiam sunt documenta quæ ostendunt idem ius in Zelandia valuisse ut Middelburgi, Ziriczæ, Gæsa. Inter cætera anno ciro ccc xxviii Comes ita loquitur. Cum collatio Ecclesiæ Vvestmonasteriensis in oppido Middelburgo nostra sit, ubi ea Ecclesia vacabit nostrumque oppidum & oppidani Middelburgenses precibus suis nobis commendabunt virum probum & placidum si nobis videbitur eum Ecclesiæ & oppidanis utilem fore, ita ut animi nostri religioni in eo promovendo satis possimus facere libenter amore Dei, & ad preces oppidanorum Ecclesiam ei conferemus.* Vvilhelmus Baioariæ Dux in accusatione sua adversus Abbatem Middelburgensem hoc etiam ponit. *Quamvis multe Ecclesiæ sitæ sint intra officium multorum officiatorum, quapropter collatio dictarum Ecclesiarum ad eos officiatos spectat, quod ipsum conferendi ius Abbas Oliverus & alij ante eum Abbates non attentatum officiatas reliquerunt, acceptantes eos qui præsentabantur, cum præsentarentur, hic tamen Abbas*

id recusavit & ei iuri contradixit, unde lites & controversie multe ortæ sunt, quin etiam homicidium: quæ res ad nostri & officiorum fraudem pertinent. Verba Philippi de Leidis qui in Hollandia natus iurisprudentiam in Gallia professus est quo tempore Vvilhelmus & Adelbertus Baioarij Hollandiam regerant antehac in alio opere à nobis producta sunt. Inter iura Comitatus in rerum fiscalium inventario, invenitur notitia Ecclesiarum in quas Comes haberet jus patronatus. Anno c15 15 xxiv Carolus Imperator vt Hollandiæ Comes edictum edidit, quo imperabat omnibus qui in Ecclesiis ius aliquod conferendi sibi vindicarēt, eius iuris documenta exhibere cum comminatione, ni id fieret, se in eas Ecclesias conferendi iure vsurum. Et cum filio Philippo principatum Belgicogermaniæ transcriberet inter cætera principatus iura commemoravit iura patronatus. Quinquaginta & amplius nobiles in Hollandia familiaræ intra iurisdictionis suæ terminos hoc iure in Investituris suis comprehēso gaudent: sicut & oppida multa id ius legibus Comitum sibi donatum obtinent. In ijs quæ ad Synodum Tridentinam ab antiquo confesso iudicum Hollandiæ observata sunt, etiam locus quidam ex eius Sy-

nodi actis obelo. notatur pugnans cum iure patronatus: atque eam maximè ob causam multæ nationes oppida atque Collegia eius Synodi actis publicandis intercesserunt: quæ res Philippum Principem movit, ut publicari acta iuberet ascripta legene ius suum aut suorum subditorum eo deterius esset. Hoc ergo ius patronatus (quod in nonnullis reformationem profitentibus populis plenam suam vim obtinet) per formulam quam diximus anni c10 10 xci cum in modum constrictum est, ut Patronus qui dicitur non per se pastorem (ut olim) offerre possit, sed ad electionem peragendam quatuor viros deleget, quos alioqui quæsitores, & loci iudices delegaturi fuerant.

Amoliendis scrupulis omnibus, cum formula iam sæpe memorata dicat generaliter à magistratibus, aut patronis delegandos viros quatuor quos idoneos iudicaverint, procures Hollandiæ Amstelodamensibus dici iusserunt, atque etiam in edicto quod publicatum est mense Augusto anni c10 10 cxvii clarè testati sunt, eos idoneos maximè intelligi qui saluti Ecclesiæ quam optimè consultum vellēt. Iudicium iam cui libet permitto an iniquum fuerit interim dum certius aliquid constitueretur. regu-

id recusavit & ei iuri contradixit, unde lites & controversie multe ortæ sunt, quinetiam homicidium: quæ res ad nostri & officiorum fraudem pertinent. Verba Philippi de Leidis qui in Hollandia natus iurisprudentiam in Gallia professus est quo tempore Vvilhelmus & Adelbertus Baioarij Hollandiam regerant antehac in alio opere à nobis producta sunt. Inter iura Comitatus in rerum fiscalium inventario, invenitur notitia Ecclesiarum in quas Comes haberet jus patronatus. Anno c15 15 xxiv Carolus Imperator vt Hollandiæ Comes edictum edidit, quo imperabat omnibus qui in Ecclesias ius aliquod conferendi sibi vindicarēt, eius iuris documenta exhibere cum comminatione, ni id fieret, se in eas Ecclesias conferendi iure vsurum. Et cum filio Philippo principatum Belgicogermaniæ transcriberet inter cætera principatus iura commemoravit iura patronatus. Quinquaginta & amplius nobiles in Hollandia familiæ intra iurisdictionis suæ terminos hoc iure in Investituris suis comprehēso gaudent: sicut & oppida multa id ius legibus Comitum sibi donatum obtinent. In ijs quæ ad Synodum Tridentinam ab antiquo confesso iudicium Hollandiæ observata sunt, etiam locus quidam ex eius Sy-

nodi actis obelo. notatur pugnans cum iure patronatus: atque eam maximè ob causam multæ nationes oppida atque Collegia eius Synodi actis publicandis intercesserunt: quæ res Philippum Principem movit, ut publicari acta iuberet ascripta legene ius suum aut suorum subditorum eo deterius esset. Hoc ergo ius patronatus (quod in nonnullis reformationem profitentibus populis plenam suam vim obtinet) per formulam quam diximus anni 1610 xci cum in modum constrixtum est, ut Patronus qui dicitur non per se pastorem (ut olim) offerre possit, sed ad electionem peragendam quatuor viros deleget, quos alioqui quæstor, & loci iudices delegaturi fuerant.

Amoliendis scrupulis omnibus, cum formula iam sæpe memorata dicat generaliter à magistratibus, aut patronis delegandos viros quatuor quos idoneos iudicaverint, proceres Hollandiæ Amstelodamensibus dici iusserunt, atque etiam in edicto quod publicatum est mense Augusto anni 1610 c xvii clarè testati sunt, eos idoneos maximè intelligi qui saluti Ecclesiæ quam optimè consultum vellēt. Iudicium iam cui libet permitto an iniquum fuerit interrim dum certius aliquid constitueretur regu-

lam adeo temperatam in exercendo magistratum & patronorum iure observari.

Quod verò ex eadem formula anni 10 xci tralatum est, licere magistratibus de suo numero mittere qui adessent Ecclesiasticis conventibus, novum non erat, quando antiquitus potestatum legati interfuere Synodis, neque vero inter Synodos & cœtus minores Ecclesiasticos vlla ad substantiam rei pertinens differentia possit recitari. Adde quod Enchusæ & alijs nōnullis in locis à belli initio ita vsurpatum fuerat : & aliis vero magistratibus liberū fuerat idem facere, ita vt nulla contrarij iuris possessio adversum eos allegari posset. Neque vero hæc delegatorum præsentia eo pertinebat, vt Ecclesiastici ordinis hominibus ius censendi liberum adimeretur : sed nequid inibi tentaretur quo perturbari posset reipublicæ & oppidorum quies, quod vt caveretur iustas fuisse causas, inferius docebitur.

Si quis scire avet quid spectaverint qui æquum modum ne pro tempore quidem recipere voluerunt, non difficilis erit coniectura. Acronius librum conscripserat contra ius patronatus, Adrianus pastor Harlemi, Mænius in Geldria & alij scriptores librorum nomina nō præferētium,

totidem Synodi anteambulones, potestates publicas, vt profanas, ab inspectione Ecclesiæ, & electione ad munera Ecclesiastica arcebant penitus. Plus dicam. Harlemi secessio, cū de dogmatibus non dissentiretur, orta est ex eo tantum quod magistratus in electionis partem veniret, quāquā eousque concesserant vt profiterentur à se delegatos suffragium laturos tanquam Ecclesiæ cives. Etiam coitiones scriptæ ac signatæ fuere de abstinēdo ab eorum communione qui illam anni ciro 10 xci formulam probarent, aut sequerentur, vt mox narrabitur. Bene hunc animum perspexerant Trāslavici proceres cū ad formulā continentem mandata dāda delegatis qui ituri erāt ad Dordrechtanam Synodū dixerunt: *Non permissores se vt in Synodo illud examinaretur an iura patronatus & que alia apud ipsos erant, divine legi essent consentanea nec ne:* quod ipsum in acta referri voluerūt. Qui antea quanquā sæpe admoniti hoc nō consideraverant, certè nūc saltē agnoscere id debēt conspectis canonibus quos Synodus Dordrechtana fecit de Ecclesiæ gubernatione, qui tales sunt, vt nō tantū complures viri eruditi è gētibus exteris eos sibi displicere ostenderint, sed & nationum pars maxima eosdem recuset approbare,

aut certè multa in ijs inueniat quod vt iuri
 summarum inferiorumque potestatum
 nocens mutationis egeat, quæ ipsa muta-
 tio alicubi sic facta est, vt re ipsa conue-
 niat cum illa formula anni cto 10 xci. Op-
 tem sane harum nationum proceres, sicut
 hac in re quod sui est officij faciunt, ita
 etiam propius intendant aciem, videant-
 que annon ijdem illi qui potestatum ius
 multis in partibus læserunt, etiam Dei ho-
 norem alicubi violauerint, revocantes sibi
 in memoriam illam Reformatorum vo-
 cem ad Regem Hispaniæ tunc Hollandiæ
 Comitem : *Tuum est clementissime Domine,
 de negotio cognoscere vt te erroribus opponas,
 quantumvis multo ævoradices egerint, & pre-
 ces eorundem Reformatorum ad eos qui
 tum proceres erant, ne diutius ministri es-
 sent, ac satellites iudiciorum & censura-
 rum Ecclesiastici ordinis, cum potestatum
 publicarum manus esset de istis rebus co-
 gnoscere : quibus hæc addebantur verba :
 Cum Deus Iosuum const. tueret populi sui ducto-
 rem atque Principem, vetuit ne legis liber vn-
 quam ab oculis manibusque eius discedat : vnde
 inferunt, iniquum esse potestates publicas
 ab vsu legis arceri qui in dijudicandis se-
 cundū legem dogmatibus consistit. Quod
 delegati procerum qui Synodo Dordre-*

chtanæ interfuerunt acta Synodi non probarunt, sed tantum quid se præsentibus gestum esset, testati sunt, haud equidem miror: sed illud magis, quod potestates adeo non certæ intra animum suum Synodi decreta divinis edictis congruere, super illis tamen decretis exstruunt edicta tam dura, quorum ius sæpe ad sanguinem quoque extenditur.

C A P V T V I I I.

*De iure maioris partis in conventu
Hollandiæ.*

NON mos tantum omnium gentium quæ sub civilibus institutis vivunt, sed & ipsa natura docet ubi penes cœtum est potestas aliqua, veniendum ad illud legitimum: hæc pars major videtur: Nam neque rerum in deliberationem venientium difficultas, neque humanarum mentium varietas permittit, ut super re quaque eadem singulis placeant, tum verò res multæ nihil agendo fiunt deteriores: & ut pars maior minori cedat manifestam habet iniquitatem. Iuris periti qui hoc argumentum pertractarunt, distinguunt inter

ea quæ communia sunt, vt singulis, quale est fundus cuius cohæredes quatuor singuli quartam partem in dominio habēt, & ea quæ communia sunt vt vniverſis, quomodo basilica est civitatis. Itaque in prioris generis rebus negant ius aliquod præcipuū esse partis maioris, exceptis dūtaxat negotijs quibusdam in quibus lex civilis ius tale constituit: at in ijs quæ corporis alicuius sunt, sive vniverſitatis, majori parti idē esse ius quod toti vniverſitati, nisi si quod negotium lex civilis speciatim exceperit. Huc illud pertinet Plinianum: *Singulos integra re dissentire fas esse: peracta quod pluribus placuisset cunctis tuendum*: Et Livianum illud: *Dicendi aut suadendi quod quisque aut velit, aut optimum putet occasio est priusquam quicquam decernamus: ubi semel decretum erit, omnibus id, etiam quibus ante displicuerit, pro bono atque utili defendendum*. Quibus similia apud Demosthenem, Dionysium Halicarnassæum & Dionem Cassium existant. Religionem quod attinet, certum est liberam electionem penes vnūquemque esse iure proprio. at arbitrium de sacrorum statu publico haud dubiè ad summam potestatem pertinet, sive ea est vnus homo, sive corpus aliquod ex iuris præscripto personę vicem sustinens. Proinde in procerū impe-

rio penes procures id ius est, & quod sequitur, quod maiori parti placuit, sequendum est, cum alioqui nullus possit negotiorum exitus reperiri. Ita apud Helvetios atque alibi conspectum est sacra publica ordinari prout visum fuerat parti maiori. Quod si apud Venetos huius generis controversia aliqua oriretur, nihil posset constitui nisi ex parte maiore sententiarum. Apud nos notum est per *Hollandiam* & *Zelandiam*, deinde & apud nationes alias mutatum esse religionis statum arbitrio partis maioris in qua; natione. Sic & in *Zelandia* & alibi leges de Ecclesie gubernatione conditæ sunt, ut visum parti maiori. Anno cio io lxxxii in *Hollandia* conventu lex scripta est de modo habendi conventus & rerum ibi agendarum hoc continens: *In negotijs omnibus decretum faciendum ex sententia partis maioris: ac proinde dinumerandas sententias ut antiquitus in omnibus deliberationibus ad rempublicam spectantibus: atque ita facto decreto vim suam fore in omnibus, dempto quod maior pars minorem vincere non debeat in tributis & oneribus instituendis, in pace aut bello faciendo, in mutanda Reipublicæ forma. Teneri verò & nobiles & oppidorum maiorum minorumque rectores sequi & curare ut effecta reddantur, quod ad ipsos & sub regimine suo habitantes attinet, leges*

omnes atque decreta hoc modo ritè & consilio publico facta de omnibus quæ in consultationem venient negotiis sine ullo renisu seu directo, seu per obliquum. Iam vero ex iure notum est verba soni vniversalis vt illa in omnibus nihil excipere: tum vero additis exceptionibus (quales hic tres reperiuntur) hanc esse vim, vt in iis omnibus quæ excepta nō sunt, regulam confirment. Si quis dicat arbitrium religionis, ac sacrarum rerum non minoris esse momenti quam quæ excepta sunt ac proinde hoc quoque censerī debere positum extra ius partis maioris, obstabit ei ius illud quod docet à paritate quam quis mente sua concipit non esse confingendas exceptiones alias aduersus legem exceptiones disertè continentem. Sed nec procedit illa quæ fingitur paritas. nam tributa, pax, bellum, reipublicæ mutatio in vniversum decreta partes singulas comuni subiiciunt necessitati, cum publicis sacris in hunc vel illum modum constitutis, quilibet tamen incolumem retinet libertatem alio modo Deum colendi, si id ad salutem suam referre existimet.

Illā vero obiectio, in conventu Hollandiæ pugnatum pro iure partis maioris, in Federatorum vero conventu ei iuri contradictum, facillimè ab alicuius sensu ho-

mine solvi potest ex his quæ iam diximus. Non enim hoc quærebat, an in Federatorum conventu valere deberet quod parti maiori placuisset in negotijs quæ vniuersitati Federatorum attributa sunt, (id enim omni controversia caret) sed an de sacris imperium Federatorum corpori delatum sit. Negamus id nos, & dicimus si quando in Federatorum cœtu actum ea de re est, id factum non ex iure antecedente, sed ex peculiari nationum omnium consensu, ut pote cum res ea non corporis illius, sed partium & quidem partitim propria esset.

Aiunt alij, cum inter Hollandiæ membra non conveniret abstinere à decernendo debuisse, ut factum esset antehac aliquoties. Ego vero fateor conventum (etsi iure summo id facere non obligetur) rectè tamē facere si se partibus suis attemperet, & sustineat se in rebus moram ferentibus. Sed & in hoc negotio suasiones plurimæ, etiam legationes eum in finem decretæ sunt, ut concors sententia eliceretur. Sed cum ortæ essent de religione cōtroversie, abstinere procures non poterant quin modum eis ponerent non definiendo, sed pacem conciliando, quod potestatum summarum officium esse civilium rerum periti sciscunt.

Similiter in tanto pastorum quorundam conatu ad deiiciendos magistratus de iure electionis ad munera Ecclesiastica, quiescere proceres non poterant quin magistratus infra se positos, præsertim id postulantes, tuerentur in eo iure modo quodā benè temperato, saltem dum plenius aliquid statueretur: præsertim cùm omnes qui in conventum veniunt iurare soleant, curæ sibi fore ut iura leges moresque defendantur: primumque fedus factum inter Hollandos & Zelandos contineat magistratus alios alijs ope atque auxilio pro virili adfuturos. Neque verò in negotio hoc vna, aut altera sententia pars minor superata est: sed cùm constet conventus ex nobilitate (cuius semper in Hollàdia summa fuit auctoritas) & oppidis octodecim, plerunque nobilitas assensum habuit quatuordecim aut tredecim oppidorum neque vnquam minus duabus tertijs partibus.

Adde iam quod omnem obiectionem elidit, semper à conventu dictitatum non eam sibi mentem esse, ut oppida aliter sententia cogeret decretis suis obtemperare atque ea effecta apud se dare, quod tamen summo iure maiori parti licet. Itaque cum mitteretur ad magistratus formula anni

CIO IO XCI,

qui Hollandiæ præfuerunt. 161

MDIO XCI, dictum simul est : Si qui rectores oppidorum vicorumve Hollandiæ & Westfrisiæ in eligendis pastoribus, & habendis conventibus Ecclesiasticis vicinalibus eam formulam sequi vellent id ipsis fas ac ius futurum, atque eos publico imperio tenendos. Sic & decreta facta mēſibus Martio & Aprili anni MDIO CXVI, aiunt, decretis anni MDIO CXI & MDIO CXIV per oppida vicosque omnes quorum rectoribus utilia aut necessaria videantur paritum iri : non autem eam esse procerum mentem ut consules rectoresque, & decariones oppidorum qui ea decreta aut se necessaria non existimarent ijs decretis uti compellerentur.

Ipsi Amstelodamenses circa initia æquū hoc iudicarunt. nam in ordine oppidi sui constituerunt, & mandatum dederunt legatis suis ad conventum euntibus dicendi, sibi probari non posse ut in suo oppido decreta illa ad effectum perducerentur : quod multum abest ab eo quod dici cœpit postea, decreta ista pro legitimis non habenda.

Notandum & hoc, non hic actum de nova religione introducenda, (quod facere nulli rectorum in animo fuit) sed tantum de ponendo modo controversijs quæ inter Reformatos doctores alibi plus, alibi minus ab initio fuissent agitatz : Atque

apud nos semper ex usu visum ius attemperare ad oppidorum locorumque ingenia, ut Goudani oppidi exemplo iam ante ostensum est. Anno c15 15 LXXVI proceres Hollandiæ, & Zelandiæ Vilhelmo Principi Arausionensi (qui ad id tempus Regis Hispaniæ, ut Comitæ Hollandiæ vicarium se ferebat) *mandarunt, ut supervisu Evangelicæ religionis statueret id quod pro temporum ratione oppidorumque ingenio ad tranquillitatem publicam & populi commoda optimum factu iudicaret, sine divini nominis detrimento:* Talia mandata post id tempus data sunt nemini ac proinde post eiuratum Regis Hispaniæ principatum penes ipsos proceres mansit ea potestas.

Illud vero nullum habet colorem quo defendi possit, oppida scilicet & vicos quibus ius dicendæ in conventu sententiæ non est aliud quicquã sequi debere quam quod visum sit parti maiori, præsertim ubi maioris partis decreta ipsis etiam locorum magistratibus utilia & apta rebus videntur.

Meminerint Amstelodamenses, Enchufani, atque alij sæpe in rebus longè maximis suam quoque sententiam ad vincendos alios valuisse, & quidem eousque ut (quod hic factum non est) qui sensisset

aliter sequi decreta cogerentur. Non æquum est pati legem quam tuleris quaque usus fueris in alios.

Imo ipsa illa oppida in conventum adferebant sententias quas domi ex maioris partis placito perrogaverant, & quidem ita ut sæpe duo tresve tantum consentium plures essent in parte victrice. Et talibus sententiis impedire volebant ne in conventu perrogaretur quod maiori parti visum esset, quisquamne ab affectu vacuus id probet atque defendat?

CAPVT IX.

De his quæ acta sunt contra pacem mutuatam in Ecclesia eiusque suasores ut ad mutandum reipublicæ regimen perveniretur.

HAud dubiè omnibus quos non abripuit partium æstus mirum videri debet, quod cum Lutherani super his controversijs à Contraremonstrantibus dissentiant, atque eorum dogmata earundem consequentiarum absurditate impugnent, præterea vero & alias cum eis controver-

fias habeant, multi tamen Contraremonstrantium quam illæsa (vt aiunt) animi sui religione Lutheranis offerunt vnitatem,eam cum Remonstrantibus eadem religione salva (vt aiunt) colere posse se negant. Quæ res fecit, vt dubitarent multi an religionis hoc negotium fuerit apud eos præsertim qui cæterorum incentores erāt, an studium potius factionis res in statu publico novas molientis. quod vt rectè dijudicetur, nosci convenit quæ in hoc negotio succedentibus sibi temporibus gesta sunt

Neque minus mirandum quod cum Reformati, tam in Anglia quam in Germania, summis potestatibus plenam liberamque concedant ad munera Ecclesiastica electionem, quin & eorum magistri morem hunc libris editis probent atque defendant, tamen nostris in locis Reformati ab Ecclesiâ secesserunt ea sola de causa quod magistratus sibi in electione tali ius non nisi dimidiatum vindicarent.

Certè si quis attenderit ad ea quæ Iunius, Paræus, multi que alij scripsere, is facile advertet ex dogmate Reformationum cœtuum multo graviores causas requiri antequam rectè atque piè ab Ecclesiâ aliqua divortium fieri possit.

Res ipsa experimento docuit, vbi pauci erant peregrini (vt in oppido Roterodamo) ibi paucos etiam fuisse quibus secessio allubesceret, & quidem eius fermè notæ qui ad publica munera aditum sperare vix possent, quod alij multi ad ea aptiores eos præcederent, Contra vero Harlemi atque Lugduni (quæ oppida magnam advenarum multitudinem receperunt, cum oppida alia id recusarent) vidimus magnos divertentium greges atque in eis partem multo minimam indigenas.

Neque vero sponte sua natum est, atque processit divortium, sed testimonijs paruit venisse aliunde pastores qui tranquillis in locis turbas concitarent, & collecto exiguo quamvis numero Presbyterium novum, id est altare contra altare, exstrueret, vt perpetuam atque mansuram segregi Ecclesiæ formam darèt: vt inter alia à Samuele Borrio Schonhoviæ factum apparuit. Sic & vicinales conventus diu quieti, vt in tractu Vorenensi, & Putteno, alijs instigantibus rupti sunt.

Sed cum ne sic quidem pro lubricine impellentium satis procederet ruptura, libri multi conscripti sunt qui plebem distraherent, etiam conventus instituti annis cio io cxii, cio io cxiii, cio io cxiv, cio io cxv

vbi concepta sunt capita quædam tum ad excludendas potestates superiores atque inferiores ab omni Ecclesiarum cura, tum contra pacis inter dissidentes studium, qualia illa fuerunt quæ caloris initio conscripta sunt Scidami, scriptæ & literæ ad absterrendos eos qui ad pacem proniores videbantur, & procerum edicta pro pace publicis libris refutata. Post quæ anno c10 10 cxvii Amstelodami clam cætus est habitus, vbi pastores quidam ac seniores, huius rei primarij auctores vt exemplo suo atque auctoritate cæteros ad divortium impellerent, professi sunt, *rectè facere fratres eos qui se subducerent à consortio Remonstrantium quos perturbatores & vexatores Ecclesiæ vocant. Quin imo habendos Remonstrantes eo loco ut cum quibus fas non esset communes habere cætus neque agnoscendos eos ut membra concorpora, sed faciendum ab eis plenum divortium donec à dogmate suo absisterent*: Simul rogabant, *fratres cunctos secum eiusdem sententia participes, ut idem subscriptione sua firmarent, quo in hunc modum ad finem bonum* (vt loqui ipsis lubet) *inter se colligerentur*. Cum vero in multis conventibus vicinalibus viri probi idem cum illis de dogmatibus sentientes tamen istud divortij *Chirographum* (nam id nomen chartæ

ipsi dederant) signare cunctarentur, missi sunt à signatoribus primis qui ad signandum cæteros vrgerent, & qui pro afflictis Ecclesijs, (id est segregibus) stipem colligerent. Secutus deinde est inter se sociatorum conventus clandestinus Hagæ, atque ibi decretum est, *cum illis tanquam cum fidis minimeque suspectis fratribus colendum propius commercium qui Remonstrantes & eis adherentes alios profalsis doctõribus haberent tantumque Synodum è nationibus expectarent, cuius nunc magna spes esset* (ita loquuntur) *ut ibi secessio à Remonstrantibus ritè ex iudicio Ecclesiæ ad exitum perduceretur: promitterentque, ut si ea Synodus propediem non indiceretur se cum fratribus cæteris qui iam secesserant* (quod huius instrumenti scriptores iustis atque sufficientibus de causis factum pronuntiant) *consultaturos se modo ac via qua res perducipossit ad plenum atque unanime divertium.* Apparet hinc quorsum communis nationum Synodus postulata fuerit, nimirum ut iam penitus constituta ruptura plus inde acciperet auctoritatis. Eodem tetendit conventus alius qui Scidami habitus est mense Ianuario anni crio io cxviii & alij cætus eius generis. Dicitur ad hoc solet etiam à Remonstrantibus cætus habitos & perscripta quædam ac fa-

Etum id vt se subtraherent à consortio pacem secum colere cupiētium dictum non est, tantum abest vt probatum sit.

Qui vero hunc in modum discessionem fecerant, contenti non fuerunt ex vetere Christianorum exemplo pietatis cultu intra privata tecta, sed ausu privato publica templa occuparunt, partim dum publicum divortium introducunt in ea loca in quibus servata vnitas fuerat, novumque Presbyterium & cōmunionem peculiarem instituunt, neque vero id saltem permittunt vt docente pastore Contraremonstrante pastor sententiæ Remonstrantium intra septa federet, quæ Veteribus aquis acciderunt, partim dum pastores novos non ritè atque ordine in cathedra locant, vt Husde, partim dum per minas magistratui templum extorquent, vt Brilæ, vbi secessores rumorem sparserant invasuros se templum quicumque tandem futurus esset exitus, partim etiam dum reipsa invadūt templa, sicut plebs segrex Hagienſis cum primum Nosocomij sacellum obtinuiſſet sub pollicitatione presbyterium novum se nō erecturos, ea fide violata mox templum clauſtrale nondum benè ad sacros vsus paratum irrupere, allatis eo suggestu & subfellijs, atque ibi concio habita est, ne con-

fultis quidem aut proceribus Hollandiæ (quorum erat & solum & superficies) aut magistratibus Hagienſibus, adeo ſine eorum conſenſu: quin & maiore cum contemptu procerum Henrico Roſæo (quem proceres munere fungendo interdixerāt) ibi uſi ſunt paſtore. Excusant hæc nonnulli dicentes templa plebis eſſe, quod ita acceptum & eo modo ad rem perductum, non poteſt non magnis ſeditionibus ac tumultibus cauſam præbere. Nam in plebe, id eſt inter eos qui ſub vno imperio vivunt, multæ ſunt diverſi inſtituti familiæ, ut Romanenſes, Lutherani, Mennonitę atque alij. Si iam partes hæ ſingulæ plebis nomine ſibi publicas ædes vindicarent, quid inde aliud quam cruenta collifio ſequeretur? Propterea penes quem publica templa eſſe debeant, ſummæ poteſtatis arbitrium eſt, ſicut & Romanæ leges inter iuris publici partes ſacra & ſacerdotia cæremoniaſque commemorant. Aliter quicquid fit ab omnibus rei publicæ moderandæ & legum peritis illegitimum cēſebitur.

Iā vero ubi Contraremoſtrantes hoc aut illo modo in partem templorum venerant eo non contenti fuerunt, ſed quacunque poterant id egerunt, ut Remoſtrantes inde vi depellerent, ut apparuit in dicto

iam oppido Veteribus aquis, vbi missum pastorem qui Poppij vicibus fungeretur, privati à cathedra abstinerunt dictitantes cum magistratibus nihil sibi esse negotij: ipse quoque Poppius qui magistratum accitu venerat hominibus armatis impeditus est officium facere, quanquam comitatus veniebat quæsitore, consulibus oppidique iudicibus cumque cōsulum vnus diceret, quod res erat, Poppium à proceribus ad se missum per ludibrium illi respondere, à vestris scilicet proceribus.

Quid vero actum vbi Contraremonstrantes soli publica templa insidebant, vt Amstelodami post motum loco Simonem Goulartium? An ibi secuti sūt certissimam naturalis equitatis regulam, quod tibi fieri non vis, alteri ne feceris, nihil minus. Nam tantum cum suspicio infedisset Remonstrantium cœtum haberi in domo Remi Episcopi, qui civis erat notissimæ probitatis fœx ipsa vulgi (quo impulsu scit Deus, sed & homines quidam non ignorant) furore incredibili clara luce domum involarunt ac diripuerunt, inaudito hætenus per Hollandiam exemplo, non impredientibus illis quorum ad officium id spectabat, sed contra adventum suum

differentibus donec, barbaricum fatellitium impleffet destinata. Neque vero de tanto scelere, quod ad summam oppidi Amstelodami & patriæ infamiam spectabat, ius dictum est. Pauci de tanto numero capti sunt, & dimissi.

Si qua res est aliena à Christiani nominis professione, ea vero est libellos vulgare qui existimationem cuiusquam vulneret: quod & ex Romanis legibus capital censetur merito sane: cum eo modo quisque odio publico obijci possit, neque habere ubi se defendat incognito accusatore qui eo mentitur impudentius quod ad probanda crimina sciat se cogi non posse. Quantoperè Contraremonstrantium pastores nonnulli & eiusdem partis alij hoc modo rem suam promoverint ex ipsis scriptis apparet. Multis enim libris nobiles & oppidorum magistratus tum vniversim, tum singulatim non pauci contumeliosè traducti sunt. Oldēbarneveldius convenrus Hollandiæ adseffor, qui grave illud onus per annos iam quadraginta tam fortiter pertulerat, atque hanc tempestatem iam bis exhauserat, prius sub Licestrio (cum eadem omnia ipsi obijcerentur) deinde cum induciæ fierent, denuo in ætate vltima innumeris mendacijs (quæ

nemo in iudicio defendere audeat) atrocissima accipit famæ vulnera , imo Marchioni Anchoritano confertur , vt omnino appareret quid harum rerum incitatores de illo fieri vellent. O sanguinaria ingenia ! Adversus gliscentem licentiâ sæpè de remedijs in conventu actum est. Conceptum quoque edictum , in quo honori Principis, iudicum Hollandiæ, Ecclesiastici quoque ordinis non minus quam ipso- rum procerum , nobiliũ , ac magistratuura consulebatur. Iussio in nihil aliud quam adversum libellos tales & sermones, vulgi turbamenta, concepta erat : etiam speciatim contra scripta quædam quibus Amstelodamenses iniuriam sibi factam conquerebantur. Tamen legati oppidi Amstelodami atque alij , ne id fieret, obstiterunt. Dicebantur esse leges veteres. Sed nonne vsitatum est antehac tanta grassante licētia renovare leges, & temporibus aptare ? Tandem cum anno c13 13 cxviii ab Amstelodamo æquiores legati ad conventum venissent, perrogatũ quidem est edictum, sed multis in oppidis sine vi irritum mansit , in quibusdam ne promulgatum quidem est , magno cum despectu procerum Hollandiæ, quorum illa tantis Dei beneficiis tamdiu educata auctoritas hoc

hoc modo fædè proculcabatur. Etiam postquam capti eramus scribere cuique in nos permissum est. qui id non vetuerunt, imo per autoratos sibi scriptores rerum gestarum id ipsum prædicant, satis ostendunt nos eo tempore in legitimorum iudicum manu non fuisse, cum qui in verorum iudicum sunt manu, simul in eorum sint fide ac tutela adversus noxam omnem quæ extra ius inferri ipsis possit.

A verbis ad res venit. Ab armorum initio duo hominum genera fuerunt in rempublicam res novas molientium: alij studio suorum dogmatum, ut pastores nonnulli (in quo ordine fuerunt & qui maiora insuper congiaria, & dignitatis augmentum inde sperarunt) alij ut ad honores percurrerent, ad quos alioquin obseptum sibi aditum videbant, ut externi, aut ceteroqui impares aliis quoad eas quæ in mandandis muneribus spectari solent qualitates. Nam antiquissimæ Hollandiæ leges continent, ne quis extra Hollandiam natus honores capiat, quanquam postea proceribus placuit eo iure non uti nisi adversum nationes quæ par ius in Hollandos usurparent. Alia oppida ius habent specialius ne quem admittant nisi genitum certos intra fines, ut intra Mosam

& Zypam. Quanquam verò externi satis habere debuerant quod placidam vitam in solo nostro degerent, & contracta indigenarum affinitate exspectare, ut liberi sui in Hollandia nati iuxta alios honorum participes fierent, apud nos tamen non minus quam apud gentes alias experimento compertum est, eius generis hominum ingenia moræ impatientia magnas sæpe turbis causas aut alimentum dedisse, cum talia molientibus nunquam desit quo præsentem reipublicæ statum obtreñtent. Similiter animatos videre semper fuit quosdam indigenas quidem sed ortu, divitiis, peritia rerum non inter primos quos leges nostræ cæteris in honoribus anteponi volunt. Dudum est quod hic morbus aperire se cœpit. Incipiente primulum bello pastores fuere qui proceribus nomen imponerent Caudicum. Cùm maximè ferreret dura illa & in omnis ævi memoriam tradenda Lugduni obsidio, veriti non sunt pastores de suggesto apud populum magistratus suos (quorum prudentia atque constantia secundum Deum eo tempore non oppido tantum sed patriæ saluti fuit) incusare quod in nummis qui per argenti penuriam charta cudebantur, scripsissent pati se ista libertatis ergo, cum

vellent pastores dictum, tolerari ista Reformatæ religionis ergo, quasi non sub communi libertatis nomine etiam religionis libertas cōtineretur, aut quasi non alij quoque extra Reformatos odio inquisitionis in animos & Hispanici dominatus fortiter pro patria fecissent. Sed hæc licentia in magnum malum erumpere non poterat, quamdiu Hollandia ex Hollandia constabat. At postquam perditis Brabatiæ, & Flandriæ rebus, magna inde multitudo nostri moris ac reipublicæ non satis gnara nobis se infuderat, Princeps Vvillhelmus Arausionensis extremo vitæ proceres monuit ad eam rem intentos esse, & severe occurrere sermonibus turbidis. Eo Principe mortuo, cum Comes Licestrius qui nec leges nec ingenia nostri populi perdidiscerat) præfecturâ accepisset, omnes quibus præsentia displicebant rei faciendæ tempus sibi advenisse existimarāt. Hinc factum, vt legitimi rectores traducerentur non modo vt irreligiosi homines (quia scilicet hominum commentis quibusdam arctè nimis alligari se non patiebantur) verum etiam vt fidei incertæ, imo in Hispanum propendentes. His consequenter peregrini in terra Traiectina ad honores producti, extrusis qui ex legibus

eos honores possederant, quod exemplum quominus ad Hollandiam penetraret, magistratum Lugduni, Amstelodami, Enchusæ atque aliorum sapiens vir-
tus prohibuit. Hæc affectio cum ab anno
CICIO LXXXVIII dormisset, resuscitata est
his nostris calamitosis temporibus. In cur-
ribus, navigiis, per vicos & compita palam
sermiones habiti de mutanda reipublicæ
forma eiusque rectoribus. Nec facta dis-
crepabant. Apparuit hoc in oppido Vete-
ribus aquis, vbi posteaquam rectores op-
pidi in ipsa basilica per vim oppugnati
coactique fuerant id facere quod aggres-
soribus placebat, inde armorum metu op-
pidi ordo adactus est legere consules, &
oppidi iudices ex arbitrio hominum regi
nescientium, qui iidem privato ausu cu-
stodias per oppidum disposuerunt, ac col-
legium instituerunt quasi alterum oppidi
consilium, qualis cœtus & Lugduni fuit
institutus ad regenda communia partis
tam calidæ negotia. Sic & Hufdæ con-
cursu facto electio magistratum, quæ fa-
cta erat ab oppidi præfecto vt arcis custo-
de & à quæsitore (secundum morem per
annos quadraginta servatum) rescissa est
& quæsitore nova extorta electio ad arbi-
trium seditiosæ turbæ. Delphis Batavorum
homo

qui Hollandia præfuerunt. 177

homo privatus, ac ne habitator quidem eius oppidi, invitis consulibus ac rectoribus corpus armatorum municipum coegit. Nautæ quoque edocti sunt in aplustribus ponere Principis Mauritij insignia cum hoc dicto: *Potius cum Arausionensi sub dio agere, quam Arminianos diutius perpeti.* Etiam in vulgus edita est notitia oppidorum & castellorum quæ Arminianis (id est Remonstrantibus) essent contraria:

Quod motu plebis facere impetus fuerat id postea persuasum est Principi per ipsum fieri debere ab his qui dicebant rectores legitimos infestos esse ipsius dignitati: cum tamen partim eidem essent qui Principi præfecturæ ius detulerant, quique ipsius labores consilio & sollicita aratrij cura sublevaverant: tum verò omnes procul abessent ab invidenda ei potestate quæ collata ipsi fuerat: quinimo paratissimi essent vicem referre meritis eius, quantum respublica pateretur, præsertim grata recordatione quod maximum benefactis pretium est. Quantopere verò hæc res legibus adversaretur ipsum Principem non latuit, qui in multis oppidis cum è consilio urbis alios arroveret, alios amotis sufficeret, consules quoque & oppidorum iudices legeret non suo tempore, neque è no-

M

minatis, testabatur facere se id *necessitatis imperio, sine detrimento iuris ac legum, atque eo animo neres in exemplum iret*. Ipsi novi hoc modo creati proceres idem se quoque intelligere ostenderunt in decreto quo ratum id factum habebant, in rem suam scilicet, sed metu ne in se recideret exēplum, addebant ea mente se id facere, vt nollent per id deteriora esse iura legum ac liberatis. An tali testatione, quæ rei contraria est, auferatur iuris detrimentum, iudicent sapientes. certè cum legibus, imo omnium legum fundamento id pugnare notissimū est. Nam in ordinem oppidi qui allegūtur, eorum perpetuum esse munus, aut certè dum municipes manēt, ab omni ævo vsurpatum est: vt & illud, in locum decedentium aut eligi, vt in plurimis oppidis, aut nominari numero maiore qui succedant. Cum primum hæ nationes sub Burgundicum imperium venēre, solliciti fuere proceres, vt ius hoc novis legibus confirmarēt. Notitia constitutionum oppidi Lugdunensis sic habet: *Vniversitatem oppidi Lugdunensis, ita vt antiquitus refert consilium & confessus quadraginta virū, quorum munus durat quādiu vivunt nec domicilium mutant. Deinde quadraginta viri cum quis de ip'orum numero vita excessit, domicilium mutavit, aut cetero*

qui *Hollandia* præfuerunt. 179

qui oppidum dereliquit in basilica congregati
maiore parte suffragiorum mortui aut digressi in
locum alium legunt de insignioribus quem intra
animum suum ei muneri aptum atque idoneum
iudicabunt. Lex quam Maria Burgundica
oppido Amstelodamo dedit anno c10 cccc
lxxvi sic ait : quod si accadat quemquam ex
triginta sex viris mori, aut municipatu exui cate-
ri eiusdem confessus superstites, ita ut officij ac iu-
risjurandi religio suadebit, alios sufficient viros
insignes ac probos, quæ verba repetuntur in
lege quam Carolus Imperator ipsis dedit
anno c10 10 xxv. Sic & in Schonhovix
archivis lex est quam rex Philippus anno
c10 10 l confirmavit ita habens. Si quando
ex viginti septem viris quisquam vita abeat, aut
ius municipatus amittat, qui de eò numero super-
sunt alij, aut pars eorum maior, unum aut tot
quot deficient novos eligent bonos, idoneos, insi-
gnes. Cæteris oppidis pares sunt leges. Iam
vero consulum & iudicum oppidanorum
munus præfinitum ad tempus durare, cer-
to quoque tempore faciendam surroga-
tionem, tum vero ius eligendi, aut nomi-
nandi penes oppidi ordinem esse aut pe-
nes eos quos leges eius rei compotes fa-
ciunt; aliter vero electionem ne à Princi-
pibus quidem fieri legitime posse norunt
Hollandi omnes. Documenta passim in

basilicis asservantur, quorum quædam exempli gratia recitabimus. Lex quam Philippus Burgundus oppido Lugduno dedit anno CIO CCCC XXXIV de consulum electione sic loquitur: *Quotannis pervigilio Martini quesitor, iudices & ordo oppidi Lugduni, qui tum erunt, eligunto quatuor consules ut leges antiquæ ipsis concessæ imperant. Et cum eius negotij ergo in basilicam convenient quesitor, iudices, & oppidi ordo, qui tum erit quesitor, compellato ac moneto ipsos iudices, oppidiq; decuriones, ut memores iurisiurandi quod nobis atque oppido præstiterunt integra animi religione eligant consules quatuor viros probos bonosque nobis & oppidana rei utiles. Et cui maiore suffragiorum parte obtigerit consulem creari, huic quesitor oppidi præito verba sacramenti, servaturū se nostra atque oppidi iura & bona oppidi dispensaturū ita ut usus exiget. Constitutionum notitia de iudicibus legendis sic ait: *Quadraginta viri quotannis xxiii Iulij, id est pridie pervigilium Iacobi, maiore suffragiorum numero in basilica eligunto viros sedecim, ex quibus iuxta oppidi leges & morem hucusque observatum octo iudices creantor. In lege anni CIO CCCC LXXIV quam Amstelodamēsis datam iam diximus, ita Princeps Maria loquitur: *Ab hoc die in perpetuum triginta sex viri, quos iam maioris minorisque***

qui *Hollandia* praesuerunt. 181

census *municipes oppidi Amstelodami* legerunt, ius habento eligendi concorditer, aut maiore suffragiorum parte, idque ex fide iurisiurandi quod eam in rem palam quaesitori oppidi, aut si is ab erit maximo natu consuli praestabunt, quotannis quinto die ante diem lustricum sacri puerperij, viros XIV ex opulentissimis, probissimis, nobilissimis & aequissimis *municipibus oppidi Amstelodami*, nemine per odium invidentiam aliamve similem ob causam excluso: quos deinde quotannis transmittendos habebunt nobis, nostrisve successoribus, aut Vicario & confessui indicum *Hollandiae*, ut ex eis nos nostrive successores aut vicarius cum dicto confesso eligant septem viros per eum annum ius dicturos, qui ipso die lustrico intra oppidum nostrum solemniter instituantur & iurent quomodo leges veteres, & mos exigunt. Dicta lex quam Maximilianus & Maria oppido *Roterodamo* dederunt, sic loquitur: *Quadraginta viri in posterum biduo ante diem kalendas Maij eligunto per fabas albas & nigras aut alio sortitionis genere quod optimū iudicabunt, septem homines sui cōfessui*: (is numerus legibus posterioribus in quinarium mutatus est) *Septem verò illi quos sors dixerit statim surgunto, & digitis ad celum erectis sancte iuranto verbis ijs quae consutum maior, aut si is absit minor, aut si neuter adsit iudicum maximus, cōcipient, neque gratia, neque offensa, neque*

odio, neque invidētia, neque vlla re alia abstinenti-
 ros se, quin sine mora neque cibo, neque potu, neq;
 colloquio cuiusquam interposito, octodecim viros
 idque maiori suffragiorum parte eligant, sic ta-
 men ut alius alium non eligant, sed alios extra
 numerum suum ex insignibus maxime probis ac
 placidis oppidi eius municipibus, quibus ætatis &
 cēsus satis sit, ex præscripto legum veterum, tam
 ex toto municipum corpore quam ex confesso XL
 virum, nemine excluso, quos ipsi quinque pro re-
 ligione sua ac iurisiurandi fide honestissimos &
 aptissimos indicabunt ut per eum annum fun-
 gantur publico munere. Eorum vero octodecim
 nomina septem illi statim nobis, aut si nos abesse
 contingat Vicario nostro & confessori iudicum
 Hollandiæ perscripta transmittant per eum quem
 de suo numero ad id negotium delegabunt: unde
 nos aut Vicarius cum confesso eligemus duos con-
 sules, iudices vero oppidi septem quos nos aut
 Vicarius cum confesso idoneos indicabimus gu-
 bernando oppido Roterodamo in annum unum
 nec ultra: quibus succedatur Kalendis Maij ut
 leges antiquæ iubent: hac tamen lege, ut consules
 eligi fas non sit nisi ex ipsis quadrāginta viris:
 Nos vero aut Vicarius noster cum confesso iudi-
 cum Hollandiæ eorum qui electi erunt continuo
 aut certe intra Kalendas Maij nomina perscrip-
 ta per eum qui ex oppido delegatus venerit, Ro-
 terodamum remitemus, ut Kalendis Maij ma-

gistratum incant, & solemnī iureiurando adigantur, ut vetera iura & leges exigunt: Quod si venerit à nobis, aut Vicario cum consensu iudicum *Hollandia* post transmissa nomina octodecim virorum non eligi intra diem quartum consules duos & iudices oppidanos septem, ita uti dictum est: tum duo primo loco nominati consules & septem primo loco nominati in eum annum oppidi iudices sunt: atque ij à quesitore maiore aut si is absit à quesitore minore, aut uterque si absit à maximo ex consule iureiurando adigentur ex more & legibus oppidi antiquis. Lex autem *Schonhovix* supra allegata hac de re sic præcipit: Qui vigintiseptem viri, postea quottannis quarto *Novembris* die concordibus suffragijs aut eorum parte maiore eligent quatuor viros probos insignes & idoneos, ut ex eis constituentur consules duo: & quatuordecim viros bonos & æquos, ut ex eis constituentur septem iudices oppidani: ac quatuor & quatuordecim sic electorū nomina nobis mittent, aut successoribus nostris Comitibus *Hollandia* maribus feminisve, si nos intra *Hollandiam* esse contingat: alioqui mittent eos Vicario & consensui iudicum *Hollandia*. Ex quibus tum quatuor, tum quatuordecim aut nos aut Vicarius cum consensu tenebimur constituere ex illis Consules duos, ex his iudices oppidanos septem atque eorum nomina perscripta mittere ad eum qui tum futurus est

*oppidi Schonhovæ quasitor octavo die mensis
 Novembris ut pervigilio Marini in possessionem
 honoris inducantur, nostraque vice oppi-
 dum, & oppidires regant, & cuilibet ius æquum
 dicant secundum leges & mores oppidi. Simi-
 les leges sunt penes alia Hollandiæ &
 Vvestfrisiæ oppida: quas quia non omnes
 habemus ad manum, sufficiet earum in lo-
 cum inferere hic ipsa procerum verba in
 edicto quod ipsorum nomine ac mandatu
 Franciscus Fræco tunc magistratum Gou-
 dæ adfessor, iudex postea factus in confes-
 su superiore, composuit, quodque anno
 cio 15 LXXXVII editum est ab ipsis proce-
 ribus, ut populus fundamenta reipublicæ
 (quæ iam tum quassari cœpta feliciter id
 temporis conservata sunt) quæ essent, in-
 telligeret. *Oppida* (inquiunt ibi proceres)
*ferme eundem in modum gubernantur ab ordine
 qui cōpositus est ex ipso flore municipum: Hiali-
 bi numero sunt XXXVI, alibi XXXII, XXVIII
 aut XX: atque ei cætus parem cum oppidis anti-
 quitatem obtinent, aut certe talem quæ omnem
 memoriam longe excedat. Semel electi honorem
 retinent quamdiu vitam ac municipatum. In
 eorum qui mortem oppetunt, aut municipatum
 deserunt, locum sufficiuntur alij ex municipum
 corpore arbitrato ordinis ipsius. Deinde; Ab
 his cætibz eliguntur quæ annis ordinarij ma-**

gistratus, quatuor scilicet tres aut duo consules, & septem pluresve indices oppidani, quibus honores annalis. Sed nonnullis in oppidis plene hæc electio peragitur, alibi maioris numeri nominatione, ex quibus vicarius eligit quos visum est ad iustum usque numerum. Quibus sanum est iudicium facile intelligent in perpetuitate honoris eorum qui cœtum ordinis participant, consistere regiminis firmitatem, quia permanet corpus imbutum rerum succedentium notitia, ex quo corpore omnia decreta omnesque potestates super communibus patrię aut propriis oppidi negotiis emanant: Tum verò in eo quod Consules nominandi aut eligendi sunt ab ipso ordine aut illis quos leges indicant, situm esse præsidium libertatis, quo perrupto tota respublica nihil sit futura nisi theatrum in quo gratia aulæ, quæ sæpe est apud peregrinos, cuique quam volet personam sit impositura. Huic rei provisum rectè est in formula iurisiurandi quod præstat Hollandiæ præfectus, inter cætera id continens, *ipsum nobilitati maiori minorique & rectoribus oppidorum Hollandiæ ac Westfrisiæ, ut qui nationis ordines referant, fidum & obsequentem fore*. Sed & mandata ad eandem præfecturam pertinentia imperant: *Ut præfectus aut per se, aut cum principe*

*confessus & ceteris iudicibus Hollandia Ze-
landia & Frisia quotannis renovet consules, iu-
dices, magistratus aliosque honoratos ita ut
oportet atque antiquitus secundum leges & mo-
res communes, ac proprios oppidi cuiusque facti-
tatum est: eosque honores conferat in bonos fi-
dosque cives patriæ amantes, & ad eam rem ma-
xime idoneos. Tenentur verò mēbra Hol-
landiæ ex primitivo federe, alia aliis pro
virili opem, auxilium ferre, consilio ac rei-
psa, pariterque tueri iura ac libertatem
publicam. Ex edicto eiurati principatus
& usu perpetuo nullum ius est Federatis
proceribus in civile regimen cuiusque na-
tionis: imo vero tenentur ipsi ex Traiecti-
no federe tum nationibus, tum oppidis in
suis legibus constitutionibus suaque li-
bertate non modo nihil damni aut noxæ
dare, sed eis quantum possunt maximè,
etiam vitæ & rerum (si opus sit) periculo,
opitulari ad tutelam iuris quod ipsis com-
petit. Vnde ergo potestas proficisci potuit
tam directè agendi adversum leges? Peri-
culosissimis belli temporibus proceres
Vvilhelmo Principi concesserant, Si ne-
cessitas aut publica securitas poscerent demove-
ri, aut mutari extra ordinē magistratus, aut ho-
noratos oppidorum, id ei facere ius ut esset re-
bus bene expensis, ac ac consensu maioris par-*

tis eorum qui ordinem constituerent, & oppidi universitatem referrent. Ecce erat ibi potestas illa non solum necessitati summæ sed & consensui maioris partis consilij publici adstricta: neque tamen Princeps (quanquã valde suspectis temporibus) vnquam vti extraordinario hoc iure voluit. At cum anno cío 10 LXXXIV cum eodem Principe ageretur de deferendo ipsi Comitatu Hollandiæ, in pactis tum conceptis ea potestas repetita non est: sed obligatus Princeps servare & curare, vt servarentur leges, atq; libertas tum nationis tum oppidorũ. Nationem Traiectinam quod attinet mandata eius præfecturæ vltima expresse hoc continent: Magistratus urbis atque oppidorũ Princeps Mauritius, si in urbe erit, constituet ex consilio atque consensu procerum vniuersorum aut eorum qui ad urbem erunt, quibusve ipsi id negotij dabunt, idque ex veteribus magistratibus & alijs quadraginta quos ipsi magistratus supra sui numerum nominabunt ac Principi tradent perscriptos: quod si at sit Princeps aut aliqua de causa ei non vacet intra urbem electioni magistratuum intendere, eidem proceres, aut qui ab ipsis eam ad rem specialiter delegati erũt, ex duplo nominatorum numero eligent viros quadraginta qui consules, iudices, quæstores & decuriones si t in annum incantem.

Quæ vero tandem causa tantæ nunc immutationis adferri potest? Num crimen aliquod cõmiserant veteres rectores? Cur igitur iudicium in ipsos peractum non est? id vero tantum abest, vt decreto quo confirmatur hæc destitutio dictum sit *demotis magistratibus honorem atque existimationem illibata seruari*. Necessitas obtrenditur. At quid erat quæso quod metui posset ab eis qui patriæ atque oppidis tanto tempore fidem suam probaverant, partim ipsi obsidiones oppidorum Harlemi, Lugduni, Alcmariæ toleraverant? De novo milite calebant querele quo de agemus postea. at is certe, hæc cum fierent, dimissus iam erat. Tum vero Amstelodami ea querela locum habere non poterat, vbi illi ipsi militem oppidanum auxerāt qui collegas suos honoribus pepulerunt, in quibus pulsus nonnulli erant tantæ probitatis ac fidei quantam vnquam tulit Hollandia. Quæ ergo illa necessitas? An illud dicent veteres magistratus non satis promptos futuros fuisse, vt Dordrechtanę Synodi decretis & consequentibus edictis vim suam commodarent? Sed ad hanc necessitatem nulla necessitas duxerat, cum vt mutuo ferrent se pastores, potuerit fieri, vtile insuper & æquum fuerit. Hoc quoque multis mirum

& exempli gravis visum est, quod post generalem illam mutationem aliarum quoque nonnullis in locis extra ordinem factæ sunt, quodque nuper adeo lecti sunt magistratus extra eos qui ad eam rem erant nominati, cum legum manifestissimo contemptu.

Conqueritur nobilitas quod in Hollandia, ubi ab initio belli ad ultima usque tempora nobiles ad conventum venire non solebant nisi à cœtu nobilium vocati, nunc post res novatas nonnulli aperte defendere cœperunt, *natalium iure sibi in conventum veniendi libertatem esse, neque se ullo colore inde posse arceri*: cum contra in Geldria & Trajectina natione, ubi nobiles venire ad conventum solebant proprio suo ac gentilitio jure, multi primariarum domuum inde amoti sint, substitutique alij, cum tamen mandata præfecturæ Trajectinæ diserte vetent, *alios nobiles ad conventum vocari quam qui intra annum proximum* (is erat annus C1C1D XC) *vocati fuerant, sine speciali adsensu procerum ac nominatim nobilium qui tum vocari solebant.* Sed & illud incusant multi quod in Hollandiæ conventum introducti sunt extra Hollandiæ fines geniti, cum olim Mariæ Burgundiæ temporibus proceres Hollandiæ Co-

mitem Nassavium, qui Leccæ & Polanæ toparcha erat, in conventum admittere recusaverint, quod ipsi locus natalium obstaret. Neque minus illud multos offendit, quod tot quæsitores, tot scribæ, tot alij quorum fides ac probitas longo tempore explorata est; non iudicio, non vlla probabili ex causa, sed sola imperii potestate tum in Hollandia tum alibi loco moti sunt, atque inter eos nonnulli quibus munus mandatum erat à toparchis, quos toparchas nemo antehac prohibuit vti quorum vellent opera, nisi per iudicii modum aliqui aut munere dejicerentur aut interdicerentur muneris functione.

Sane hac nova nèque audita hæctenus agendi ratione pasci potuit multorum aviditas honoribus inhiantium: simulque talium inventoribus propositum stipare se clientelis, quomodo Romanorum aliqui securitatem suam quæsiwere militibus in aliena prædia deductis. Verum hæc eadem domi forisque sinistris rumoribus differri, ac proinde non famæ tantum, sed & salutis ac tranquillitati reipublicæ periculosa esse, non est quod multis demonstremus. Sed & alia quæ super hac re prudentibus in mentem venire possunt consulto

nunc reticebuntur. Tantum omittere non possum quin adferam ipsa procerum Federatorum verba in epistola qua in Angliam missa quarto die Februarii anno CIO IO LXXXVII de iis quæ tum in republica gerebantur querelas exponunt. Multi, inquit, *mimi pietatis, tum indigenæ, tum exteri contra leges & æquum provec̃ti ad honores dignitatem ac gratiam per omnes nationes multa legibus & libertati contraria moliti sunt adversum civēs, spretis & in suspicionem adductis nationum atque oppidorum rectoribus. Quin & hoc perfec̃erunt, ut potestas atque auctoritas illis decederet, quibus ex jure debebatur, intrasis de plebe aliis qui neustquam muneribus sustinendis essent idonei: qui añsi sunt & reos facere defensores juris, libertatis, ac legum, atque eos quorum pro patria salute ac pace indefessum erat studium.*

CAPVT X.

De oppidorum custodiis.

ET sunt adhuc qui clamitant, quorsum oppidorum custodiæ? id ne vero interrogari? Omni tempore oppidis fui fuere conducti custodes, modo majore,

modo minore numero, quos hoc tempore auxerūt, ex peculiari decreto procerum Hollandiæ factō frequentē conuentu, nimirum quia & necessitas auxerat: primum vt templa publica defenderentur contra vim priuatam, ne vbique fieret quod Hagæ factum fuerat, & quantum conjecturis erat assequi alibi transire, non poterat sine tumultu graui, & cædis periculo: deinde vt tuti essent oppidani aduersus expilationem talem, ex odio religionis qualis Amstelodami fuerat conspecta: præterea vt legum seruetur sanctitas aduersus magistratum vitio creationem, qualis Veteribus aquis contigerat: Nam hæc exempla simulque sermonum & libellorum vulgi animos turbantium summa impunitas iusto metui causam dederat.

Obijcitur occurri his malis potuisse per militem ordinarium. Sane & militis ordinarij fuisse officium in rebus eiusmodi parere decretis procerum in quaque natione, ac magistratus tutari verum est, & infra argumētis certis probabitur. Sed primum multis in oppidis, vt Harlemi, Lugduni, Hornæ nullus erat ordinarius miles. Tum vero Princeps, cuius quanta sit apud milites reuerentia nemo nescit, concitatus in Holladiæ Proceres ab hominibus privata
sua

ta sua commoda spectantibus, aperte iam dicere cœperat, nolle se agere quicquam adversus eos qui Reformatæ essent religionis; quo nomine tum publice tum privatim solos appellabat Contraremonstrantes exclusis Remonstrantibus: quod & re ipsa confirmabat; cum se ipse subduceret Ecclesiasticis cœteribus quos tanto iam tempore post exortas controversias frequenter taverat, seque adiungeret gregi templi claustralis. Quo vero usque id procederet, quod negabat Princeps acturum se quicquam contra eos qui religionis essent Reformatæ, apparuit ex re nata Veteribus aquis. Nam quantumcunque laboratum est, ut post multa ibi licenter acta vna adhuc militum centuria in oppidum induceretur (quando quæ iam in oppido erat sufficere ad vim arcendam non videretur quoniam ea inspectante tanta insolentia & quidem diu regnaverat) Princeps tamen & alij nonnulli eo perduci nequiverunt. Sed & alij centuriones alijs in locis agitantes præsidium dixerunt aut voce aut scripto mandata se accepisse à Principe (inconscijs sane curatoribus rei publicæ Hollandiæ quibus iuxta Principem inspectio in militem data est) ne magistratibus parerent in negotijs ex religione ora-

tum ducentibus. Federati vero proceres, qui ex federe tenebantur procerum Hollandiæ, & magistratuum oppidanorum imperium tueri, hæc cum geri conspicerent, sermones seditiosos audirent, libellos eius argumenti legerent ipsi, tantum abest ut ultro socijs opem amicam obtulerint, mense Septembri anni CIO IO CXVII cum iam Veteribus a quibus multisque alijs in locis plurima per vim ac seditionem acta essent, rogati serio & ab Hollandiæ Vvestfrisiæque, & à Traiectinæ legatis, ut animum suum expromerent de tuenda potestate procerum per eas nationes, nobiliumque & oppidanorum magistratuum contra motus vulgi, ut id facerent permoveri non potuerunt impediens legatis quibusdam nationum, qui extra ordinem missi aduenerant. Mense Novembri iterum non Hollandiæ tantum, & Traiectinæ, sed & Transisalana nomine institutum est, saltem ut edicta relegerentur ac renovarentur coercendis adversus rempublicam rectoresque sermonibus: sed conatu irrito: quæ res ostendunt manifeste causas fuisse cur illæ quas diximus custodiæ conscriberentur. Comprobavit easdem suo testimonio exitus. nam simulatque oppida Hollandiæ (non sine pro-

missio post id factum cuncta in tranquillo fore) custodias illas dimiserant, secuta est contra leges magistratuum mutatio. Sic & in apologo lupi ovibus dicebant canes discordiæ causam esse; quibus ablegatis pacem fore.

Ad ius ut veniam; cum natio unaquæque, ut ostensum supra est, antiquitus ius summum habuerit imperij, in quo & armorum ius comprehenditur, neque vero per fedus id ius ademptum ipsis sit, sequitur adhuc singulis id ius manere. Prohibet quidem Fedus bellum suscipi nisi de communi consilio: sed longe est aliud bellum suscipere, aliud sese adversum vulgi motus tueri. Quanquam enim tenentur socij socijs ad eam rem opem ferre, nemo tamen ea re impeditur sibi suæque securitati prospicere; quod & alijs in locis eos qui communi federe devinciuntur, facere videmus quoties ita res postulat. Cum verò tum causæ, tum ius ipsum huius negotij perspicue admodum declarata sint in decreto quod mense Septembri anni cxcvii proceres Trajectini fecere; cum à Federatis essent moniti, ut custodias paribus cum Hollandia causis conscriptas dissolverent & ad Federatos transnittere, pretium erit operæ id ipsum huic loco inferre.

Traiectina nationis procures, visis & expensis cum cura quæ in cōventu suo die Veneris proxime actō à nobilibus claris atque eruditis viris Arnoldo Rantviceno Bemmelio, Cornelio Nicolaida Drilano Consulari Rotterodamensi, Marco Liclema Niholdio Iuriconsulto Quasitore partis Orientalis Stellincuervi, Georgio Apinario Toparcha, Albransuaria, illis senatoribus in senatu federis, hoc vero ararj communis curatore, mandatu procerum Federatorum, Principis Mauritijs, & senatus dicta fuere, ac die Saturni sequente perscripta ac tradita: primum testantur gratissima sibi esse magnoque in pretio haberi quæ nomine conventus Federatorum, Principis ac Senatus sibi offeruntur. Grates quoque se agere maximas pro officijs quæ eidem Federati procures Princeps ac Senatus anno CIOIO CX fecerunt ad restituendam rempublicam Traiectinam, cum spe ac fiducia si qua similis ingruit necessitas (quam Deus à natione atque urbe clementer avertat) eosdem yjdem officijs non abstituros. Sed & se vicissim paratos esse quoties res tulerit socijs per vim periclitantibus. præsto esse, & contra invasores commodare quicquid suæ esset opis. Sed cum res eiusmodi multis soleant difficultatibus implicari, ac tempore opus sit ad auxilia decernenda, & paranda quæ in eam rem sunt vsui: neque vero fieri non possit, ut incommoda interveniant quæ effectum impendant:

sicuti in hac terra visum est, quo tempore turba ac factiones à Comite Licestrio alebantur, interven-
tu proditiōis qua oppidum Daventriæ, & castel-
lum ad Zutphaniam hosti tradita sunt, restitu-
tionem reipublicæ per biennium retardatam, quo
demum exacto oppressi atque ejecti proceres Tra-
jectini post multas miseras damna & clades
tum publicas tum privatas quas alij & ipsi per-
senferant, Deo aspirante & juvantibus socijs
atque amicis rem effectam dedere: Rursum anno
CIC ID CX, quanquam multum operæ insum-
tum est, tamen in quartum mensem res exijt an-
tequam destituerentur vitio creati magistratus,
& restituerentur quibus leges eum honorem ad-
iudicabant: Imo nato interea bello Brandenbur-
gico res in periculum & incertum adducta fue-
rat, an effici posset: Tum vero prave molitiones
sepe per insidias repentinas procedunt, ut appa-
ruit in scelerato consilio cadis destinata in per-
vigilium Nicolai mense Decembri dicto anno
CIC ID CX: Adde iam quod motus tales non ita
sanantur, quin post se relinquant studia partium
quæ in hac natione ne nunc quidem intermortua
sunt: Has ob causas proceribus Trajectinis vi-
sum in tempore occurrere, ac prospicere saluti ac
tranquillitati publicæ suæ adversus vim atque
licentiam eiusmodi prauarum hominum, qui nec
quiescere ipsi possunt, nec alios pati. Quod ge-
nus turbarum summo suo cum dolore pridem vi-

derunt, ac nunc etiam vident alii atque augeri in oppidis & locis sociorum atque amicorum suorum, at verò per pœnas iustas aut alio modo medicinam ei malo adferri id vero non vident.

Quæ sola ratio præter alias in epistola scripta quinto huius mensis die comprehensas satis fuit, cur maluerint ipsi uti iure imperij quod intra suos fines sibi competit, ac legitimis modis incendium ac ruinam talem prævenire, quam resuscitata atque adulta peste socios (qui quod dolendum est singuli satis domi habent quod agant curentque) denuo ad opem ac remedia sollicitare, & ad labores sumtusque huius nationis ergo sustinendos impellere. Ius quippe illud imperij post abdicatum Regis Hispaniæ principatum semper à se servatum usurpatumque. Cumque pactiones omnes leges atque mandata ab ipsis quoque Federatis proceribus ad eam normam composita sint, neque vero vlla nationum, quantum ipsi credunt, ea de re consulta de iure illo imperij quicquam sit decessura, certum habent proceres Traiectini nemini fas esse quicquam adversum id ius attentare: ac nominatim adversus hanc conscriptionem custodia ad rempublicam & eius tranquillitatem tuendam, quod unum illa respicit citra noxam aut fraudem cuiusquam. Id vero facere proceribus nationis cuiusque quoties id ex usu indicat liberum est semperque fuit. Fecerunt id antehac nationum pro-

ceres & nunc quoque faciunt suo arbitratu: neque *Federati* proceres nationum proceribus ea in re unquam impedimento fuere. quin ex capite primo *federis* (cui fundamento ipsorum conventus innititur) tenentur ipsi nationum singularum proceribus oppidis atque membris adesse ope consilio, vitam quoque & fortunas impendere, ut mores ac iura ipsorum pertinentia ad vim summam imperij, cuius pars præcipua est securitatis publicæ tutela, defendant atque protegant. Proinde impedimentum adversus hanc rem, pugnaturum omnino esset cum illa iurata pactione. Quod ut faciant legati nationum ad conventum *federis* nullam accipere potuerunt legitimam potestatem, cum relatione ad nationes singulas facta aut perscriptis consultandi capitibus ea de re deliberatum nunquam sit. Et si ea de re deliberare placeat, quod tamen omnino inconsultum & utilitati publicæ adversum ab harum rerum gnaris indicabitur, in conventionibus nationum singularum, ad quarum consultationem res tanti momenti pertinent, perspicue demonstraretur à socijs citra controuersiam spectare hoc ad evertendam nationis cuiusque potestatem, libertatem, & pacem internam, ac proinde ad commune exitium. Princeps *Mauritius*, ut qui præfectus est *Trajectina*, tali impedimento quale diximus assentiri nec velle putandus est, nec iure posse, quandoquidem fide data voce ac

manu promissit ex praescripto mandatorum quae ipsi data sunt, legibus ac decretis, tam super religione quam super rebus alijs, quae iam facta essent, aut posthac fierent à Traiectinae proceribus, se vim daturum & ut detur effecturum: iussibus quoque & imperatis eorum pariturum, facturumque ut pareatur. Neque magis Senatus consentienter potestatis suae mandatis assentiri tali negotio posset, cum eorum mandatorum peculiari capite caueatur: neque procures Federatos, neque singularum nationum procures institutione eius Senatus abdicasse imperium, sed sibi excepisse in rebus omnibus quae mandatorum ambitu diserte non includerentur; imo & saluum sibi esse voluisse ius, quoties suae nationis oppidorum membrorumque res id exigent, eadem illa exequi quae senatui mandabantur. Iam vero illud manifestissimum est, res urbis, oppidorum, terraeque Traiectinae nulli quam ipsorum proceribus esse notiora, neque ab alijs certum posse dijudicari; satis quoque sollicitos esse ipsos ut se eximant oneribus non plane necessarijs. Sed quia modo sermonibus ac libellis multa in ipsorum regimen spargi audiebantur, modo ius ipsorum ac potestas alijs transcribebantur, tum vero nec deerant qui dicerent ac scriberent utcumque ipsi suae securitati consultum putarent brevi longe alium futurum rebus habitum, praeter alias maioris etiam momenti rationes, hac omnia in cau-

sa fuerunt cur custodia decernerentur, & rite conscriberentur. Neque vero existimant ipsi causas ullas esse iustas, cur ordinarius miles in urbe praesidium agitando agere id ferat, ut qui ipse ex sacramenti lege teneatur, quamdiu in urbe aut oppidis aut agro Traiectino agit, proceribus Traiectinis, & eorum imperatis obsequi. Mirum vero quod nunc adversus Traiectinos magis in crimen vocetur sacramenti diversitas, quam adversum alios apud quos ipse ordinarius miles qui in communes Federatorum rationes venit, mandatis peculiaribus ac sacramento peculiari adstringitur. Neque vero hoc modo perturbabuntur rationes onerum bellicorum, cum mens sit procerum Traiectinorum, supra has custodias, ad alendum militem communem quae promissa sunt tributa non minus quam caeterae nationes inferre. Quare confidunt Traiectini proceres, neque primores Federatos, neque Principem Mauritium, neque Senatum quicquam agere velle quod Traiectinorum iuri, imperio ac libertati detrimentum adferat: sed potius paratos eosdem Traiectinis opem ferre quam Federis pactio exigat. Rursum certo sese illud affirmare proceribus Federatis, Principi ac Senatui, à proceribus Traiectinis nihil ipsis expectandum, nisi quod ab optimis socijs optari ac desiderari posset: prout ab initio ostensum ab ipsis sit, & in qua fide decretam sit ipsis perpetuo persistere, procul à propo-

to quicquam agendi quo ius alterius violetur aut deterius fiat. Rogari vero legatos ut hæc omnia proceribus Federatis Principi ac Senatui benigne renuntient, & cum amica salute proceres Traiectinos ipsorum amicitia commendent. Actum Traiecti xvij Septēbris anni CIO IO CXVII. Subscriptum: iussu procerum Æg. Ledenbergius.

Caput illud è mandatis Senatui præscriptis cuius in hoc decreto mētio est, sic habet: Præterea ad servandum ius Belgicogermanicarum nationum univērsarum ac singularum declarant Federati proceres se hæc Senatus institutione nolle abdicatum ius quo possint aut ipsi univērsi aut seorsim nationis cuiusque primores quantum ad se attinet, ubi necessitas aut usus exegerit, imperare bono publico ijs de rebus quæ Senatus potestati permittuntur, & imperata ad effectum perducere, regendo negotia bellica quæ terra, quæ mari quæque inde pendent, censum agendo, disciplinam militarem conservando, puniendo delicta, alijsque modis. Declarant insuper res omnes ad civile regimen aut iudicia nationum oppidorumque pertinentes neque diserte Senatui attributæ manere debere penes Federatos proceres, primores cuiusque nationis, magistratus oppidorum, & alios rectores legitimos intra suæ iurisdictionis fines. Notandum vero est hæc mandata consulto ita concepta esse vitando certamini quod Licestricæ

præfecturæ temporibus inter Senatum nationesque inciderat. Si ergo nationes singulæ aliquam etiam rerum belli curam sibi receperunt, quis color efficiet, ut credamus abdicatum ab ijs ius se tuendi adversum seditiones vimque aliam? Ipsi Federati procures, Princeps & Senatus illo ipso anno c10 10 cxvii idem quod nos censuerunt. Nam in responso Federatorum ad illud quod recitavimus decretum Traiectinum, quod quidem responsum à Principe & Senatu præformatum erat, nationibus singulis de eo iure nulla movetur controversia. *Urgetis præcipue* (aiunt Federati ad Traiectinos) *summum imperium quod vobis intra fines vestros competat: eoque multum differitis de iure ac potestate Federatorum, Principis ac Senatus. Rogatos vos volumus expendere non id quæri: quemadmodum neque legati nostri mandatum habuerunt hac de re disputandi, ut nec fecisse eos confidimus. Hoc ergo unum queritur, an quod licet* (en verba satis expressa) *id recte & utiliter fieri semper possit.* Deinde in fine huius responsi orantur Traiectini novas custodias dimittere: *incolumi tamen iure suo & sine ulla eius fraude aut detrimento.* Qui eo tempore in conventu Federatorum fuere (mihi tum inter cæteros honos obtigit in eo cætu pro Hollandia loquendi) me-

minisse possunt inter legatos nationum ex occasione sermonum quorundam disseri cœpisse an contra fedus esset quod nationis cuiusque proceres securitati suæ etiam armis prospicerent, & ab omnibus iudicatum non esse, dum non eo minus promitterentur, ac persolverentur tributa ad communem nationū tutelam necessaria. Iam vero & Hollandiæ, & Trajectinæ proceres, tum in promittendis, quæ Princeps, & Senatus postulabant, tum in eisdem præstandis officio suo functi erant præter cæteros, & in utroque de aliis perpetuo erant conquesti. Tum vero legati nationum, & ij qui in conventum Hollandiæ venerant, similiter possunt meminisse, quod cum Hollandi ex suo conventu magno numero mense Iunio anni c10 10 cxviii in conventum Federatorum venissent, Hollandorum omnium ea erat sententia, nullum Federatis proceribus ius esse impediendi quominus Hollandiæ proceres, & eius nationis partes securitati suæ prospiceret quomodo necessarium iudicarent. Erat quidem inter Hollandiæ partes aliquid controversiæ super tolerandis sumtibus custodiarum: sed ea controversia facile transactione aut compromisso finiri poterat, neque vero ad iuris pertinebat quæ-

stionem quæ hoc loco à nobis tractatur. Quod vero dicitur laboratum, ut custodię istæ sumtibus Federatorum haberentur, falsum omnino est. Anno quidem cixio cxvi inter Hollandos consultatum fuit de milite subsidario conducendo: sed tum spes erat id ipsum cæteris nationibus placiturum, ac proinde dilectum illum, ut sæpe olim, fieri posse communiter concordi decreto atque impensa. At vero cum postea conscriptæ essent custodiæ peculiari Hollandiæ ac Traiectinæ decreto, nunquam tentatum fuit eas ascribere oneribus Federatorum: quin contra procures utriusque iam dictæ nationis testati sunt, suo dilectu nolle se augere Federis impendia, sed non eo minus se iuxta nationes cæteras implere velle quod ad sustinenda belli onera condixissent: quemadmodum videre est in recitato iam responso Traiectinorum: & ab Hollandiæ legatis sæpe aliarum nationum legatis significatum est.

Quod nonnulli absurdum existimant iisdem in locis milites esse diversi sacramenti, & diversis imperijs parêtes ex ignorantia moris ac reipublicæ nostræ proficitur. Nam cum rectores nationis cuiusq; & partium eius in verba adacti sint eius na-

tionis, nationes autem federe adstrictæ inter se, ipsique milites Federis teneantur proceribus cuiusque nationis & magistratibus obsequi, vt postea docebimus, sequitur inter iusiurandum quod Federatis, & id quod nationis cuiusque primoribus ac magistratibus dicitur nihil esse pugnæ. Contrà vidimus etiam aliis nationibus sæpe commodatam operam eorum quos ad sui tutelam alia natio aut oppidani magistratus conscripserant. Par ratio armatorum municipum qui solis magistratibus oppidi sui iureiurando tenentur, vnde nihil vnquam incommodi exortum est: imo sæpe vicini à vicinarum nationum municipibus sublevati adiutique sunt. Neque aliud discrimen inter armatos municipes & oppidorum custodias, hæc causam quod attinet, quam quod municipes gratis arma ferunt, custodiæ autem mercede conductæ sunt in supplementum ac levamen municipum.

Non nationes tantum iure summi imperij, sed & oppida iure naturalis tutelæ tam ante hoc bellum quam post id exortum vsa ministerio armatorum hominum, & vtendi ius habuisse, annales & acta nos docent, resque ipsa in recenti multorum memoria est. Nam Comitum tempore sole-

bant oppida Comitibus præsto esse certo armatorum numero quos impensis suis alebant. In actis oppidi Lugdunensis exstat testatum anno *cio cccc lxxxviii* conscriptos ab oppidi ordine custodes, viginti-quinque sub ductu quæsitōis, & sub ductu cuiusque consulis vīcenos, quorum opera Consules oppidum, & oppidanos tutarentur, portasque cluderent & recluderent. Anno *cio io lxxvi* Princeps Vvilhelmus Arausionensis, vt motus omnis intra Antuerpiam arceretur, magno eius oppidi consilio auctor fuit, vt mille ducentos milites suo ære conscriberent: quod tandem vrgente sæpius Principe factum est: atque horum custodum mētio est in pactis super religione Antuerpiæ factis secundo die Septembris anni *cio io lxxvi*, & alijs pactis quæ facta sunt quinto die Martij anno *cio io lxxvii*. Sic & rectores oppidi Amsteldami anno *cio io lxxvii* milites quadringentos in suum ministerium assumsere: quod cum ab ipsis primum suæ potestatis iure factum esset, à Principe Vvilhelmo probatum est postea, vt apparet in consilio eius quod datum est xxvi Martij anni eiusdem. Etiam ab vrbe Traiecto, & clero conscripti sunt octingenti primum, deinde plures numero milites, vt cognoscere

est ex defensione tum Cleri, tū procerum
 Trajectinorum in commune : qui milites
 nihil aliud quam vrbis tutelam iuraverant,
 vt ibidem videre est: neque verò illo tam
 sævo atque acerbo tempore id vrbis recto-
 ribus crimini datum est, quasi aduersum
 ius summæ potestatis quicquam fecissent.
 Id quidem didici in colloquio cum Am-
 stelodamensibus habito, Principem Vvil-
 helmum cum probare non posset, vt qui
 tum oppido præerant, ipsique multis de
 causis inuisi & suspecti erant, militem ha-
 berent ipsis parentem, & sacramento ad-
 dictum, inter cætera dixisse cōtrarium hoc
 mandatis quæ ipsi, vt Regis Vicario, & iu-
 dicum Hollandiæ confessui essent data,
 Sed nec minus verū est ex aduerso dictum
 ab Amstelodamensibus semper fuisse sibi
 in oppidi ministerio ad id tempus milites
 sexcentos, neque verò Vicarios Hispani-
 carum partium, Comitem Bossuium puta,
 Comitem Rochium, & Toparcham Hier-
 gium quicquam imperij sibi arrogasse in
 eos milites qui in duas centurias partiti
 erant. Verum & hoc est insuper, postquam
 id oppidum à probatæ fidei magistratibus
 regi cœpit, non tantum in eorum ministe-
 rio fuisse custodias oppidi, sed easdem re-
 latas in onera communia federis, quomodo

do, & custodias oppidorum Dordrecht
& Gorinchemi. Etiam oppida Hollandiae
ad Septentriones sita custodes plures aut
pauciores partim habuere, partim quasi
haberent Hollandiae imputarunt, eo quod
Federatorum vniversitas id oneris abnue-
ret agnoscere. Hoc ipso de quo nunc dis-
putatio est tempore Amstelodamenses suo-
rum numerum, qui ad quadringētos erat,
auxerant ad sexcentos inconsultis Federa-
tis proceribus, sed re duntaxat denunciata
reipublicae Hollandicae curatoribus qui
dixerūt liberum esse oppidis id facere suo
arbitratu dum suo sumtu id facerent. An-
no MDIO LXXXVII rectores oppidi Lugdu-
ni supra viginti quinque custodes quos ha-
bebant antea, centum alios suo stipendio
conduxere, idque ipsum vt factum ad tu-
telam oppidi vicinorumque oppidorum
& agri, proceribus Hollandiae (non proce-
ribus Federatis) significarunt, dictitantes
eius militis impendia à corpore Hollan-
diae agnoscenda. Eiusdem oppidi Magi-
stratus anno MDIO CI conceperunt atque
ediderunt leges impositas militi suo pecu-
liari, quarum primum caput sic habet:
*Cum necessarium sit iudicatum militem certo nu-
mero in oppidi Lugdunensis privato ministerio
haberi.* Forma autem sacramenti sic habet.

*Pollicemur ac iuramus nos probe modesteque vi-
cturos ex præscripto legum quæ iam nobis præle-
cta sunt, aut in futurum prælegentur ad disci-
plinam militarem pertinentes, ac cetera omnia
nos facturos quæ boni ducis, militisque officium
est facere. Qui alijs oppidis præfuerunt iti-
dem norunt in ijs oppidis custodias fuisse,
quarum intensus aut remissus sit numerus
consilij publici arbitrato. Magistratus Ro-
terodamenses mihi testati sunt, fuisse sibi
supra annos viginti, triginta & amplius
militum centuriam sub centurionis impe-
rio: qui & vexillo vsi semper essent quod
in basilica pendere vidi: interdum autem
pleni numeri fuisse centuriam, interdum
minutam ad sexaginta, interdum ultra ex-
crevisse: & cum per incuriam dilapsa esset,
restitutam vigori suo ac disciplinæ: eaque
omnia evenisse sine cuiusquam querela.*

Iudicent nunc omnes vtri res novarint,
rectores ne nationum singularum & op-
pidorum qui iuri antiquo institerunt: an
illi potius qui non modo nationibus & op-
pidis ea in re impedimēto fuere, sed etiam
pro crimine duxerunt, quod somniare non
potuerint quas ipsi rerum potiti leges ef-
sent condituri.

Manifestum indicium attentatę in rem-
publicam mutationis & hoc est, quod edi-

qui Hollandiæ præfuerunt. 211

ctum conceptum à Federatis proceribus de dimittendis custodiis, in Hollandia, imo in ipso Hollandiæ palatio, publicatum proscriptumque est cum ad ipsos Hollandiæ primores missum non esset. Ipsi nostri olim Principes solebant edicta sua non directe inde ubi agerent mittere publicanda, sed ea mittere ad iudices nationibus impositos, ut siquid esset adversum iuri nationum de eo docerentur, sin minus, tum ut publicatio accedente eorum iudicum auctoritate per pittacium testata rectè atque ordine procederet.

CAPVT XI.

De sacramento ducum & militum qui continentur in Notitia militari Federatorum.

Cùm militum vsus sit duplex; tum vtim externam à finibus propulsent, tum ut intus adsint magistratibus & eorum civilibus imperijs ut pareatur efficiant, apud nos vero rei militaris cura delata sit communitati Federatorum (non sine cautione tamen aliqua, ut ostendunt manda-

ta senatus modo allegata) cæterum civile regimen earum quæ in federe sunt nationum manserit penes procures quidem cuiusque summo loco, deinceps vero penes oppidorum ac locorum magistratus, consequens est geminam apud nos esse militum obligationem, alteram ratione sui muneris cuius respectu subiiciuntur vniuersitati Federatæ, alteram territorii ratione in quo degunt: sicut iure proditum est posse eundem hominem duabus iurisdictionibus subesse, alteri ex munere quo fungitur, alteri ex domicilii sui loco. Distinctæ obligationes istæ etiam peculiari- bus sacramentis discerni solebant, ut videre est in septimo capite Federis Trajectini, quod sic habet: *Hoc sensu tamen, ut centuriones ac milites præter commune sacramentum etiam peculiare sacramentum dicant nationi, urbi, oppido ve ubi moraturi sunt.*

Cum vero post hæc tempora Comes Licestrius, ut Præfectus vniuersalis, negotia omnia ita ad vniuersitatem federis trahe- ret, ut nationes singule id ad suam iniuriam pertinere censerent, ipsi Federati procures die tricesimo Augusti mēsis anno LXXXVII postularunt: *Ut omnes nationum singularum præfecti, duces maiores minoresque caterique milites seu cum imperia essent, seu gregarij, sa-*

ramento adigeretur fidem & obedientiam præstare nationibus in commune, Comiti Lices trio, ut universali præfecto, tum vero nationibus singulis oppidis ac partibus ubi opera ipsorum futura esset usus. Cui postulato à Comite Lices trio responsum est: non rectum sibi videri, ut sacramentum præstetur nationi alicui, aut oppido, eorumve præfectis aut vicariis: quod ea res nova esset & in periculum patens, ipsaque sacramentorum diuersitas turbis, & contemptui causas esset datura. placere tamen, ut milites præsidio venientes in oppida, supra sacramentum quo sibi Comiti & nationum universitati obstricti essent, iurent ea oppida ac loca se rectè custodituros in fide procerum Federatorum, & præfecti universalis, neque se quicquam tentaturos eis locis noxium. Quod responsum cum ipso postulato si diligenter conferatur, intellectu facile est Comitis Lices trij eam fuisse sententiam, ut neque nationibus singulis, neque oppidis quicquam iuris in milites tributum velleret, etiam in negotiis civilis imperij, nisi quod Federatorum universitati subesset, ipsorum autem procerum Federatorum contrariam super hac re fuisse sententiam. At verò nationum singulorum primores in proposito perstiterunt, ut videre est in edicto procerum Hollandiæ quod vulgatum est die decimosexto

Octobris anni c10 10 CLXXXVII vbi aiunt;
*Cum viderent errationem subortam super sa-
 cramento, postulare se, ut ex pactorum præscripto
 milites fidem suam iureiurando addiceret uni-
 versitati nationum, & Comiti Liceserio, ut præ-
 fecto universali: item nationibus singulis oppi-
 dis ac partibus ubi usus esset ipsorum opera, ubi ve
 præsidium agitarent.*

Duas res insuper notari convenit, quas
 nationum singularum proceres defende-
 runt, & in usum perduxerunt, quo magis
 iuri suo caverent adversus omnes in con-
 trarium ausus: prius est, quod distributio-
 nem militis in præsidia ita voluerunt esse
 penes Federatorum universitatem, & præ-
 fectum universalem, ut tamen peragi ea
 non posset nisi per præfectos peculiares
 consocijs proceribus nationis, aut in ea rei-
 publicæ curatoribus. Per præfectos pecu-
 liares disponi præsidia debere proceres
 tum Federati, tum Hollandiæ asserunt in
 utroque illo libello cuius verba citavimus.
 Ipsos autem peculiares præfectos ea in re
 nihil facere potuisse nisi de consilio pro-
 cerum nationis, aut in ea natione reipubli-
 cæ curatorum apertissimum fiet ex decre-
 to quod iam recitabitur.

Alterum vero quo nationes singulæ ad
 iuris sui munimentum usæ sunt, est partitio

militis in diversas federis nationes. Voluerūt enim certo numero milites præfecto cuiusque nationis tanquam militum magistro suppositos à proceribus eius nationis petere pittacium, cuius præscripto ex peculiari nationis ærario stipendium acciperent, non autem pittacio communi Federatorum aut ex eorum ærario, ut milites, qui plerunque stipendij datores respiciūt, hoc quoque vinculo nationum singularum proceribus validius adstringerentur. mens enim hæc erat, ut quantum eius fieri posset intra nationis cuiusque fines illi locarentur, qui indidem stipendium acciperent.

Quod dictum iam est de obligatione & sacramento duplici, de disponendis præfidiis ex consilio procerum nationis cuiusque aut in ea reipublicæ curatorum, de dispartiendis etiam copiis, inter cætera docetur decreto quod Hollandiæ proceres cum Zelandiæ legatis fecerunt anno MDLXXXVII die sexto Februarii quod quidem tale est.

Proceres Hollandiæ cum Vveſtfrisia, simulque procerum Zelandiæ legati, accuratè expenso præſente reipublicæ ſtatu, atque iis quæ ad eius ſalutem, & peculiaris præſecturæ per dictas nationes adminiſtrationem factò opus eſt, bene

consultato negotio, ita decreverunt. Quando antiquitus, etiam Imperatoris Caroli temporibus, prefecto ac magistro militum Hollandia, Zelandia ac Frisia hac cura incubuit, ut oppida ac castella Hollandia, Zelandia & Frisia tuta ac defendi idonea haberentur: inter capita vero mandatorum quae data sunt super pactationibus cum Anglia Regina ineundis de offerendo ipsi principatu, diseretè cautum exstat, ut penes nationis cuiusque praefectos una cum eius nationis proceribus reive publica in ea curatoribus maneat cura oppidis ac castellis quae inibi essent consulendi per fida praesidia: Principi vero Mauritio iam ante Comitis Licesstrij huc adventum à proceribus Hollandiae cum Vestfrisia ac Zelandia delata sit praefectura, magisteriumque militum per Hollandiam, Zelandiam ac Frisiam, prout habet eius potestatis codicilli ac mandata: quae potestatis delatio ut vim plenam habeat Comes Licesstrius pati tenetur: utetur proinde Princeps Mauritius, iure sibi concesso iuxta dictos codicillos ac mandata: Comes vero Hohenloius retinebit honorem vicarij per Hollandiam, Zelandiam ac Frisiam: Curam vero belli per Hollandiam ac Zelandiam, & militis in praesidia distributionem idem Princeps Mauritius administrabit de consilio procerum ibidem aut reipublica curatorum. Praefecti vero militares, tribuni, duces, centuriones qui per oppida ac castella Hollandiae,

Zelandia & Frisia in praesidium missi sunt, aut mittentur, ac nominatim tribuni & praefecti qui adhuc constituendi sunt in partibus Hollandiae Septentrionalibus, & in Zelandia, à Principe Mauritio accipient codicillos sui muneris ipsique proceribus Hollandiae & Zelandiae ac Principi Mauritio sacramentum dicent fidei atque obedientiae. atque id quam poterit primum per Hollandiam & Zeladiam effectum dabitur, discingenturque si qui nec parentes erunt. Mutabuntur, augebuntur, minuentur praesidia per oppida, & castella Hollandiae, Zelandiae & Frisiae (exceptis oppidis, & castellis quae Regina Anglia accepit pignori) imperio Principis Mauritiij, aut Comitum Hohenloij, ut vicarij: Neque verò per agros Hollandiae, Zelandiae ac Frisiae metari aut transire eques pedesve poterunt, nisi ex pittacio dato à Principe aut vicario eius de consilio procerum nationis reive publicae curatorum. Ac proinde quicquid in posterum Comes Licestrius, ut praefectus universalis Federatarum nationum, aut Senatus de custodiendis oppidis ac castellis Hollandiae, Zelandiae ac Frisiae, de mutandis praesidiis, de metatura aut transitu per Hollandiam, Zelandiam ac Frisiam agendum censebunt id Principi Mauritio significabunt, ut per ipsum de consilio procerum nationis reive publicae curatorum effectum detur. Ad praefecturae verò huius administrationem, tutelamque terra-

rum ac finium illico magisterio militum Principis Mauritiij supponentur octuaginta militum centuria aut tanto amplius quantum necessitas exiget. Petunt vero procures Hollandia cum Vvestfrisia, & procerum Zelandia legati, ut hac mandata singuli ad securitatem ac tutelam earum nationum recipiant, & ut alij sequantur, efficiant. Ipsi vero procures simul ac seorsim, tum vero partes, oppida atque habitatores eorum Principi Mauritio ac Comiti Hohenloio hac in re opem atque auxilium ferent, quoties aut interpellabuntur, aut res postulabit. Ita perrogatum decretumque est à proceribus Hollandia, & à procerum Zelandia legatis secundum potestatem ipsis datam. Atque in eius rei testimonium nomine procerum Hollandia cum Vvestfrisia Scriba eorum publicus, nomine vero procerum Zelandia legati decreto huic subscripsere sexto Februarij die anno CIO IO LXXXVII. Subscriptum erat, mandatu procerum Hollandia C. Rechterius. B. Roessius. Adrianus Nopperus: Caspar Vosbergius.

Post abitum Comitis Licestrij nemo creatus est præfectus vniversalis, cuius rei ignorantia multos fefellit: sed Princeps Mauritius à proceribus Geldriae, Hollandiae & Vvestfrisiae, Zelandiae, Traiectinae & Transalanae factus est earum nationum præfectus: at Comes Vvillhelmus Nassau-

vius à proceribus Cislavicanis, & Translavicanis præfecturæ potestatem accepit. Sacramentum quod Princeps Mauritius, ut Hollandiæ præfectus, præstitit, tale est.

Polliceor aciuro me proceribus Federate Belgicogermaniæ, qui in federe & tutela Reformatæ religionis perstituri sunt, nominatim vero nobilitati majoris ac minoris gradus, & rectoribus oppidorum Hollandiæ & Westfrisiæ, qui earundem nationum ordines referunt, fidelem atque obsequentem futurum: Legibus atque imperatis in commune quidem Federatorum procerum, & senatus qui ad regimen commune institutus est, aut postmodum instituetur, peculiariter vero procerum Hollandiæ pariturum, effecturumque ut à præfectis militaribus ac centurionibus & alijs nostre imperio suppositis pareatur.

Qua occasione Reformatæ religionis hîc facta sit mentio, & quomodo eius interpretatio sit penes nationis cuiusq; proceres antea attigimus. Ceterum patet hinc ipsum quoque Hollandiæ præfectum duplici teneri obligatione, altera Federatis proceribus, ut eis pareat in rebus communis regiminis (id est belli administratione ex federis præscripto) altera vero Hollandiæ proceribus, nobilibus, & rectoribus oppidorum, ut ipsis fidem ac obedientiam

præstet, & eorum leges ac decreta peculiariter sequatur, efficiatq; ut sequantur alij: unde manifestum est proceres Hollandiæ hic non spectari quia pars sunt conventus Federatorum (nam eo sensu peculiariter eos nominari nihil attinebat, imò inutile ac noxium fuerat) sed ut qui extra vniuersitatem Federatorum ius habent proprium iubendi atque imperandi in negotijs suæ nationis.

In mandatis quæ eidem Principi Mauritio data sunt, ut præfecto & magistro militum Hollandiæ, præcipitur ei, *ut custodiat, tueatur ac promoveat iura publicæ potestatis, leges ac salutem eius nationis*, post quæ sequitur, *usus quoque Christianæ religionis*, cum nulla alia notione strictiore. De præsidij autem caput tale est.

*Præfectus cum reipublicæ curatoribus dispi-
ciet de præsidij, securitate, ac tutela terrarum,
oppidorum, castellorum, portuum, amnium, aqua-
rumque eius.*

Cui convenit caput xxxi mandatorum quæ proceres Hollandiæ, & Vestfrisiæ reipublicæ curatoribus dedere iubens, *current diligenter, ut præsidia sæpe mutantur, neq; minus tertio quoque mense*. Frisij ut intelligo proceres in hunc usque diem sollicitè caverunt nequa ibi præsidia mutantur nisi de

qui Hollandia præfuerunt. 221

consilio curatorum reipublicæ qui apud ipsos sunt. In Zelandia idem antehac, & ius esse creditum & factitatum est.

Quod militum sacramentum attinet tum quo Federatorum communitati, tum quo singularum nationum proceribus magistratibusque devinciuntur, ex Federe Trajectino, ut ex contentione cum Comitè Licestrio apparet, antiquitus duplex iusiurandū ab ipsis exactum. Postea videtur in Federatorum conventu instituta formula iurisiurandi quæ utramque obligationem pariter complecteretur, addita & mentione eorum qui stipendia præbent. Verba hæc sunt.

Promittimus ac iuramus nos proceribus Federatis Belgicogermania qui in Federe ac defensione Reformatæ religionis perstabunt, & nominatim nobilitati maioris ac minoris gradus, & rectoribus oppidorum Comitatus & nationis Hollandia ac Vvestfrisie, qui referunt eius nationis ordines, sed & proceribus nationum apud quas nostri usus erit, rectoribusque oppidorum tam intra quam extra Hollandiam & Vvestfrisiā ubicunque præsidium agitaturi sumus, fidos & parentes fore: iisdem sub ductu Principis Mauritiij, præfecti eiusdem nationis, nos probe ac strenue militaturos: sed & reverentiam atque obsequium, ut par est, præbituros nos tum Federa-

tis, tum nationis cuiusque proceribus, atque aliis nationum singularum apud quas præsidium agitabimus, aut operam nostram navabimus præfētis, aliisque ductoribus qui nobis prepositi sunt, aut preponentur in his quæ nobis imperaturi sunt pro tempore quo apud easdem nationes, & in earum oppidis usus nostri erit.

Hac sub lege usurpari cœpit, ut codicilli potestatis ductoribus dentur à Federato conventu, quod tamen principes Frisiæ Cislavicanæ noluerunt locum habere in centuriis suæ partitionis.

Sed quanquam postrema hæc formula omnes obligationes satis in se complecti videbatur nūquam tamen, aut nationum singularum proceres, aut oppidorum magistratus ius abdicarunt centurias apud se morantes adigendi peculiari sacramento ad sui obsequium.

Inter cæteros rectores oppidi Goudani à belli initio ad inducias usque, & post eas factas, huic mori ac iuri institerunt, ut discere est ex hac formula antiqua, quæ adhuc anno c10 10 cxv in usu erat, ac proinde ab optione Altirivij ibidem præsidium agentis iurata est.

SACRAMENTVM

CENTVRIONVM QVI

cum suis centurijs Goudam
veniunt præsidium acturi.

I.

Promittet per sacramenti fidem centurio, se
cum militibus suis huius oppidi magistra-
tus fidelem, ac parentem fore.

II.

*Habiturum se modeste ac sub disciplina mi-
litem: ac proinde effecturum, ut post signum no-
cturna quieti datum omnes se intra tecta conti-
neant, cum pœna in contumaces.*

III.

*Neque se, neque milites ingesturos se negotijs
ad oppidum, municipes, & habitatores pertinen-
tibus.*

IV.

*Si quid ad notitiam ipsius pervenerit quod op-
pido, aut magistratibus damno esse possit, se id il-
lico ad magistratum notitiam perlaturum, ut ij
constituant quod ex usu erit.*

V.

*Centurio, militesque alij tum promoti tum
gregarij sibi domicilium querent, cōtenti doma-*

rio ad eam rem destinato: ita ut magistratibus ea aliave de causa negotium non facessant, neque hospitibus iniuriæ sint.

VI.

Neque se neque milites magistratibus, aut municipibus graves fore stipendiorum ergo, sed ea petituros ab his quibus merent.

VII.

Curaturum se ut milites agro abstineant, ne ibi populabundi agant; contra si fiat animadversurum ni. faciat, ipsos magistratus animadversuros.

VIII.

Neque vero passurum, ut milites in pometa, aut olera municipum involent, aut damnum cuiquam inferant corporis bonorumve.

IX.

Militibus ne liceat extra mœnia prodire alijs cum armis, qualiacunq; ea sint, nisi quæ lateri accinguntur.

X.

Neminem introducturum se quæ oppido sit re-legatus, aut quem consules negent se ferre posse: si quem habeat eiusmodi, curaturum ut exeat.

XI.

Militibus dum in oppido erunt, neque gregatim procedere, neque excubias habere liceat nisi consulum iussu.

XII.

XII.

Si quid paccauerint milites, neque id vindicet centurio, magistratus id vindicaturos.

XIII.

Neque militibus, neque eorum uxoribus liberum sit, lixarum titulo vinum, faculam aut cerevisiam cauponari, aut aliunde in domos suas perferre perferriue curare, ut à militibus, aut municipibus per contubernia bibatur. Secus si fiat, centurionem missione, aut alio modo, ut res exiget, pœnas sumpturum.

XIV.

Secundum in præsidio hic erit milites non adscripturum numeris, nisi consulibus apparuerit de Principis Mauritiij ipsorumve procerum iussu, ac sic quoque se indicium facturum metatoribus, ut nomina diemque annotent.

Sacramentum hoc præstitum est ab optione centuriæ tribunalis toparchæ Altirivij xv Septembris anni CIO IO CXVI. Et in eius rei documentum huic charta ab ipso subscriptum est. Engonnes.

Rectores oppidi Rotterodami qui antehac fuerunt moris semper apud se fuisse affirmarunt mihi, ut centurias ad se missas habendo præsidio portis intercluderent, donec centurio, & qui alij cum imperio militari erant ipsis rectoribus sacramentum dixissent: Idem ex aliorum oppidorum

reſtoribus intelligere memini.

Vnde perſpicuum eſt milites in notitia comprehenſos in rebus belli (quæ ipſæ tamen quantum præſidia attinet adminiſtrari debent de conſilio procerum nationis, curatorumve rei publicæ) obedientiam debere proceribus Federatis & Senatui, ac deinceps præſectis ductoribusque. At in negotijs nationis cuiusque obedientiam ab ipſis deberi proceribus nationis à qua ſtipendia accipiunt, ſi in eius finibus verſentur, aut alioqui eius nationis in cuius finibus degūt, ac porro reſtoribus oppidorum locorumque ubi in præſidio agunt: ac poſſe eos ubi id expedire iudicatur ad eam fidem etiam peculiari ſacramento adigi.

CAPVT XII.

*De his controverſiis quæ cum iudicium
confeſſibus inciderunt.*

COLLIDI inter ſe confeſſus eos quibus reſpublica, & eos quibus iudicia commiſſa ſunt ſuper poteſtatis ſuæ finibus haud novum eſt, ſed omnibus ferme temporibus, & apud gentes omnes uſita-

tum. Sed hoc mirari subit partes quasdam conventus Hollandiæ de sacris certamine eousque abreptas, vt iudiciorum perturbationem interpretatæ sint id quod, & olim, & nuper fecerant, & tãquam factum pro tutandis legibus ac procerum potestate defenderant.

Principio notandum est ante belli tempora confessum iudicum Hollandiæ non iudicijs solis præfuisse, sed & consilium fuisse Vicario Comitis additum ad curandas res præfecturæ, vt ex mandatis ei confessui datis, & multis edictis ab eodem confessu olim factis super civilibus negotiis videre est. Sed post sumpta arma placuit ob negotiorum multitudinem confessum erigere peculiarem ad res præfecturæ, quos reipublice curatores vocamus: sicut & ad res maris regendas instituti sunt confessus maritimi.

Sacrorum notio ante belli tempora partim erat penes antistitem Trajectinum, & eius ministros, partim penes iudicum Hollandiæ confessum, vt qui & in Ecclesiasticos, & in alterius ordinis homines reipublicæ seruandæ causa inspectionem haberent. At bello exorto in mandatis reipublicæ curatorum positum est, *darent operam vt procerum decreta effectum acciperent*, & in

mandatis adfessorum Principis Vvilhelmi, quod collegium postea cum reipublicæ curatoribus in vnum coaluit, *curam haberent Ecclesiastica gubernationis*. In appendice mandatorum confessus veteris iudicum, & in mandatis confessus iudicum superioris, quæ vtraque post belli exortum facta sunt, neutri eorum notionem vllam de religione rebusque annexis tributam legimus. Imo id tantum abest, vt superiori confessui iudicum per mandata interdictum sit, ne in rebus civile imperium spectantibus provocari ad se patiatur, nisi gravis causa aliud suaserit. Evenit olim, vt seniores quidam Ecclesiæ Lugdunensis à rectoribus oppidi demoti rem pertulerint ad cognitionem Principis Vvilhelmi procerumque Hollandiæ, qui quosdam etiam cognoscendæ causæ delegarunt. Verum quidem est eum oppidani iudices Lugdunenses postea de ea causa pronuntiasent, appellatum à senioribus confessum iudicum Hollandiæ: sed acta causæ nos docet accusatum ab ipsis iudicium, vt vitio latum ea de causa quod deliberante Principe ac proceribus nihil innovare licuisset. Quod si quando super negotijs Ecclesiasticis aliqua iudicum confessui cognitio attributa est, id non ex vi perpetuæ iurisdictionis, sed

ex delegatione ortum censeretur. Illud certe constat antequam hæc disputatio cæteris se immiscuit confessum veterem iudicum Hollandiæ, quoties proceres id se velle significaverant, causis huiusmodi se exemisse.

Quod si etiam controversum esset ius de rebus Ecclesiasticis cognoscendi, illud tamen negari non posset, in procerum Hollandiæ potestate esse controversiam talem inter iudices, & reipublicæ curatores dirimere, cum iidem proceres iudicia de indictionibus publicis soli curatorum reipublicæ confessui attribuerint, sicut & cognitionem de prædis mari actis collegiis maritimis, & iudicia de seditioe rebusque alijs dicto confessui curatorum reipublicæ si ipsi causam cognoscere occupassent. A proceribus autem Hollandiæ constitui id posse intra fines suos etiam citra assensum procerum Zelandiæ, primum probatur exemplis aliquot noviter attributæ iurisdictionis quæ à iudicum cōfessionibus in quæstionem non vocantur : deinde capite secundo primæ pactionis initæ super iurisdictione confessus superioris ubi hæc leguntur verba, *Ne proceres Hollandia quantum ad proceres, membra, ac habitatores Zelandia pertinet, ac vicissim proceres Zelandia quantum ad*

proceres, oppida, membra, ac habitatores Hollandiæ universos aut singulos pertinet, quicquam superiori confessui imperent, aut ut imperent curent, quod spectare possit ad mutanda aut imminuenda iudicia eius confessus: Nec quicquam inbeant, iuberive curent quod proceribus, membris, oppidis aut habitatoribus nationis alterius damnum esse possit: at si iudiciorum ordo aut celeritas, aut utilitas tranquillitasque publica novari aliquid exigat id communi consilio consensuque fiat. Secus factum si quid fuerit procerum alterius nationis iussu, id vim nullam habeat adversus proceres, membra, oppida atque habitatores nationis alterius qui sua id interesse existimaverint. Vnde irrefragabiliter sequitur talia imperata vim habere adversus subditos eius nationis, cuius nomine mutatio instituitur. Neque aliter hac de re scripserunt confessus uterque iudicium anno crio 10 xci, cum in scripto quod adversus eius anni decretum Hollandicum exhibuere non id decretum accusant, ut vitio factum quod Zelandiæ proceres non assensissent, sed hoc tantum aiunt observari non posse adversum Zelandos, ut qui ea super re auditi non essent.

Decreta verò confessibus iudicium significata parem habere vim atque edicta, & conventus Hollandiæ, & nominatim Am-

Amstelodamenses sensere quo tempore decretum illud anni c15 15 xci de quo & infra agemus factum est. Idem apparet ex federe quod inter Hollandos & Zelandos iustum est anno c15 15 lxxvi vetante, *ne quæ citationes fiant, neu quid iudiciale exerceatur adversus leges & decreta procerum, & ex secundo capite posteriorum pactio- num iu- bente, ut superior confessus sequatur imperata, decreta & edicta tum huius quam illius nationis.* Atque hic obiter observandum decreta quæ generalem negotijs formam præscribunt, multum differre ab epistolis quæ sæpe super peculiaribus causis importuna flagitatione, aut per gratiam eliciuntur.

Neque vero ratione carebat, quod Hollandiæ procures, qui ut æquum erat decretis suis cupiebant pareri, potius reipublicæ curatoribus hanc cognitionem assignabant, quam iudicum confessibus, non modo quia iudicum pars erat ex natione altera, Zelanda scilicet, verum etiam quod eorum multi secessionem ab Ecclesia publica exemplo suo probabant, ac proinde damnabant decreta quibus pax mutua imperabatur. Accedebat quod spoliatio illa quæ Amstelodami contigerat cum iam ab eo tempore annus iudicibus maioribus cognitionis aperiens viam transisset, dissimu-

labatur à iudicibus , quodque superioris confessus iudices decretis procerum Hollandiæ factis ad postulata Enchusanorum (cum tamen ea in causa dignitatem suam atrociter læsam cōquererentur) parebant, decretis autem quæ aliis oppidis postulanti-
 bus facta erant, non item parebant : vt nunc prætereamus epistolas in ius vocantes à iudicibus missas quæ in præcepto inhibente manifeste pugnabant cum mandatis de ipsorum iurisdictione. Ad hæc apud confessus iudicum longæ sunt litium sufflaminationes, cum res civiles (quibus semper publicum religionis statum annu-
 mero) exigua mora sæpe in deterius prolabantur: tum vero iudiciorum rigidæ sunt regulæ , cum negotia civilia rectius sæpe flexu quodam ac moderatione transigan-
 tur.

Hæc quanquam ita se habebant, tamen quo inter diversos confessus æmulatio vitaretur, maiori parti conventus placuit, cognitionem de rebus sacrorum primum oppidis permittere , deinde ipsis Hollandiæ proceribus, vt summæ potestati.

Atque adeo tota cum iudicum confessibus cōtentio ad duo maximè capita rediit.

Prius horum est, quod in Hollandia distinctum semper fuit ius imperandi id quod

salus publica exigit à iudicum potestate. Ipsi procures edicto quo ius suum Licestrianis temporibus asserebant, sic aiunt. *Penes hos cæterus solos (ordinis scilicet oppidani) est ius deliberandi, decernendi, imperandi de rebus omnibus quæ statum reipublicæ atq; oppidi tangunt. Consulum autem officio continetur quotidiana administratio & imperium circa negotia publica, tum quæ ad curam bonorum oppidi & obventionum, tum quæ ad eius salutem atque securitatem pertinent. At confessus iudicum oppidi in iudicijs occupatur tam circa crimina quam lites exercetque omne iurisdictionis genus, summum, infimum, medium. Inter ea quæ statum remque publicam tangunt antiquitus annumerata fuit potestas temporibus turbidis cõstituendi de domicilio habitatorum sine famæ aut bonorum dispendio, sive ex sua regione oppidi in alteram migrare iuberentur (quod vetus constitutio Rotterodamensis vocat præcipere cuiquam, vt extra suum oppidi quadrantem moretur) sive etiã oppido toto ipsis interdiceretur, quod & Dordrecht & Amstelodami factum est pridem adversum viros insignes & honoratos qui ad iudicium rem perducere permitti non sunt. Eiusdemque moris documenta tum testium, tum actorum fide producta memini ab Harlemonensibus, Lugdu-*

nensibus atq; aliis. Exercetur hæc potestas aut à cōsulibus solis, aut cum oppidi confilio, eamq; potestatem legitimam esse agnovit ipse Princeps V vilhelmus Arausionensis anno c10 10 LXXXIV cum oppidorū magistratibus præciperet *supra ius* (hæc verba epistolæ) *quod ipsis muneris ratione competeret, acriter advertere homines suspectos, atque eis illico sine mora præcipere oppido ut excedant, sine existimationis damno & salvis rebus.* Secutum est hanc epistolam anno c10 10 LXXXV decretum procerum Hollandiæ, quo specialiter iubentur Consules id exsequi sine litis aut iudicij forma, addito quod cum in modū Consules constituerent, id effectum haberet, quantumvis contradiceretur, intercederetur, provocaretur. Etiam edictū sub idem tempus vulgatum est, prohibens ita interdictis in oppidum regredi sine procerum venia. Sed & anno c10 10 LXXXVI inter motus Licestricos simile decretum à proceribus Hollandiæ factum est, & anno c10 10 xcviij publicatum est edictum in eandem sententiam, factumq; denuo decretum de servando diligenter edicto. Sic & post inducias anno c10 10 cxiii à conventu concorditer declaratum est durare eam potestatem. Neque iudicum confessus ante postrema hæc tempora huic pote-

stati controversiam movere. Mens autem fuit ipsius conventus non exercendam eam potestatem nisi ubi necessitas flagitaret: sicut & paratos se semper ostenderunt proceres si quis sine causa tali imperio læsum se quereretur eum audire, & comiter transigere negotium incolumi dignitate magistratum & oppidorum quiete. Sed videntur qui se querelas hac de re habere existimabant maluisse contemta hac via inusitatam in negotijs eiusmodi iudiciorum viam inire, ut legitimis rectoribus invidiam crearent.

Alterum caput est, quod in Hollandia ea quæ iudicata sunt à iudicibus criminalem in modum, id est causa non ordinata ad formam civilium litium, vim habent postremæ sententiæ, neque ulli provocationi sunt obnoxia, congruenter mori aliorum populorum tum in Belgicogermania, tum in Germania. Minime vero hoc novum est, sed antiquitus affirmatum ab ipsis Hollandiæ proceribus, ut in lite adversum Brabantos, quæ dijudicata est anno c10 10 XLIX, ab ipsis quoque Hollandiæ totius iudicibus ut videre est in eorum epistola scripta anno c10 10 XLV ad confessum iudicum Machliniensem. Facta quoque huius rei mentio in beneficio quod proceres Hollandiæ à

dam.
houd
in pra
xi
crim.
cap.
121.
Gail.
lib. 1.
obf. 1.
num.
27.

Rege Philippo impetrarunt anno 612 19
 LXII: post quod tempus confessus iudicum
 Hollandiæ anno 615 15 LXII iterum scribēs
 confessui Machliniensi tale mori isti testi-
 monium præbet: *in causis criminum tam apud
 primos iudices quam apud nos dijudicatis ubi
 corporis membrorumve res agitur, tamen anti-
 quitus in Hollandia provocationem non conces-
 sam.* Post bellum susceptum cum iudicum
 confessus inciperent contra hunc morem
 de causis cognoscere, relatione facta ab
 Amstelodamenſibus anno 615 15 XCI de-
 cretum est: *ne superior aut alter iudicum con-
 fessus literas vocata ad se causa emittat rogatu
 eorum adversus quos criminaliter atque extra
 ordinem & ex ipsorum confessione actum erit:
 sed quicquid in causis eiusmodi pronuntiatum
 fuerit, effectum habeat, nulla appellatione aliave
 provocatione permissa.* Verum quidem est
 contra eum morem etiam tum dictum à iu-
 dicum confessibus licere sibi provocatio-
 nem admittere etiam cum inhibendi præ-
 cepto adversus sententias pronūtiatas su-
 per causis criminaliter tractatis, additum
 quoq; se decreto non parituros, sed à pro-
 ceribus iam tum eo tempore rescriptū est,
*factum id decretum re percognita, & post relatio-
 nem ad oppida factam consultata; quapropter spe-
 rasse procures iudices ei decreto sine ulla tergiver-*

*satione fuisse parituros. Quod si tamen ea inre
difficiles forent, causas scripto complecterentur,
ut procures rem quomodo oporteret expendere:
interea vero iudices observarent id quod decre-
tum esset donec aliter constitueretur. Post id li-
bello quodam à principe aliisque confes-
soribus superioris auditorij conscripto,
(ut & nuper factum est) tunc quoque non
minus quam nuper eis imperatum est pa-
rere decreto. Zelandiæ vero procures ad
munimentum antiquissimi moris eius
etiam apud se vsitati in pactione anni c10
10 xcv1 clare ponendum curarunt, Oppidis
Zelandiæ ab omni ævo ius fuisse de criminum
causis postremo loco pronuntiandi: ne proinde
iudices confessus superioris in causis eiusmodi
appellationem provocationemve ullam admitte-
rent: neque id tantum ubi super reorum confes-
sione extra ordinem iudicatum erit, verum
etiam ubi pronuntiatum erit super iudicijs à
quæstore collectis. In pactione quoque tem-
poraria quæ postea inter Hollandiæ cum
Westfrisia & Zelandiæ primores inita est,
dictum est: De cognitione confessus iudicum
veteris super criminum causis, ne plus iuris is
confessus haberet, quam quod iam memorata pa-
ctione priori superiori confessui tributum esset.
Amplius dicam: ipsi veteris confessus iu-
dices, in controversia quæ inter ipsos & su-*

periolem cōfessum de Iacobi Wittij causa incidit, moris illius & decreti quod citavimus p̄fidio vsi sunt. Ne verò sub nomine causarum criminaliter actarum aliæ civilem in modum instructæ occultarentur, receptum semper fuit, vt proceres ad querelas oppidorum acta causæ ad se perferri curarent, vt iis visis per homines idoneos constaret quis in cognitione ordo fuisset servatus: quod idem nuper quoque factum est. Certumque habeo, si summi confessus iudices in postremis causis non minus quam in illa Enchusana & aliis antehac multis reveriti fuissent procerum iussa & cognitionem suspendissent donec acta perspecta fuissent, si quas causas apparuisset ordinatas fuisse in civilem modum, futurum fuisse vt eæ confessui superiori aut alteri remitterentur: atque etiam si paruisset rem tractatam in criminalem modum, tamen operam daturus fuisse proceres placidè componendo negotio.

Quare mirum est legatos Amstelodamenses, Enchusanos, Edamenses & Purmerendanos dixisse apud iudicum confessus: *Suis oppidis probari id non posse vt noxa qua habitatoribus inferretur per modum agendi extraordinarium sive criminalem à cognitione confessuum iudicialium prohiberetur;*

cum illo ipso tempore apud eos ipsos confessus ipsi faterentur : *Quædam causarum genera procerum conventui & oppidorum magistratibus excepta de quibus per edicta publica & concorditer facta decreta satis appareret.* Nam inter ea decreta haud dubie est decretum anni cix io xci quod confessibus iudicum omnem interdicit cognitionē de his quæ super actis criminales in modū institutis iudicata erunt : cuius decreti, vt iam diximus, præcipui suasores ipsi Amstelodamenses fuerant : sed nec Enchusanis tam subito excidere potuerat , quid ipsi in Blauhulciana causa fecissent, & vt rite factum defendissent : cum pati nollent vt iudicum confessus cognosceret de noxa quam Blauhulcius sibi factam querebatur, eo quod oppidi ordine motus esset.

Dicere iudicia claudi non debuisse hominibus reformatæ religionis, per absurdum est : cum iudiciorum ordo communis sit omnibus terras nostras habitantibus, cuiuscunque tandem sint de religione familiæ, quod & ipsa poscit communis libertatis ratio : ita vt Reformatæ religio hac quidem in re nihil cuiquam aut obstare aut præcipuum largiri potuerit.

De me vt loquar, facile patiar vt iudicum confessibus tanta concedatur pote-

stas quantam similes confessus habent apud populos qui rectè gubernantur. sed & ipsorum æquitas hoc postulat ne succenseant, si qui oppidis iureiurandi fide obstricti sunt oppidorum iura tueantur. Simul opto ne vnquam in exercendo suo munere magis impediuntur, quam impediti fuere ab illis qui proxime fuerunt reipublicæ rectoribus.

CAPVT XIII.

*De his quæ vitio aut inique gesta sunt
circa nostri capturam.*

AVdivimus supra conquerentes proceres Federatos anno CIO IO LXXXVII de his quæ iniuste essent acta adversum vindices legum ac libertatis, publicæ salutis ac quietis imprimis studiosos, auctoribus maxime peregrinis, sed qui tunc quoque indigenarum abuterentur opera sub religionis prætextu. Vetustior historia, temporum scilicet sub Albano, nos docet ipsius imperio, captos adseffores tum nationum tum oppidorum in Flandria, Machliniensi ac Namsurcensi terra, in quos novis modis, imo crudeliter

qui Hollandia præfuerunt. 241

crudeliter & inique actum sit: & quanquam cognati, & affines atque insuper ipsi nationum oppidorumque legati ad eam rem missi crebros instarent detentos tamen in carcere per menses multos antequam de eis quicquam pronuntiaretur: ac postremo vix quicquam eis crimini datum præter negotia quæ eorum gessissent imperio quibus operam suam fidemque addixerant. Idem & nunc, externorum maximè impulsu gradum sibi ad honores facientium, fieri vidimus. Oldenbarneveldius procerum adseffor, Hogerbetius oppidi Lugdunensis, ego Rotterodamensis capti sumus, non ordine neque ex legibus: diuque detenti in carcere, ampliata semper cognitione: postremo quid tandem nobis crimini datum? Quod nobis agendum, scribendum, dicendum aut à proceribus Hollandiæ summis potestatibus nostris aut ab oppidis nostra opera utentibus erat imperatum. At docent iura eum qui sub alterius est potestate non teneri earum rerum nomine quas facere iussus est, nisi res ipsæ manifestum in se delictum contineant. Quæ autem nos fecimus ea per se extra controversiam illicita fuisse nullo colore dici potest, cum nostrorum temporum rectores quibus in nos imperium fuit ita ab honoribus sint destituti, ut fama ipsis integra servata sit,

L. ad ea
L. is dā
nū, De
reg. iur.
ris L. is
qui §.
an igno
scatur
D. unde
vi L. ser
vus D.
de obli.
& act.
L. Sed si
vnū §.
plane
D. de
iniuriis
Iul.
Clar §.
vlt qu.
§. o. nū.
15. post
Iaf. nos
suum &
alios.

tanquam nullius delicti compertis. Cum ergo ipsi mandatores nullius criminis rei agantur, quomodo æquum est ministros conveniri? Quod egimus omne intra naturalem tutelam constitit, quæ non modo licita est, sed & favorem meretur. Certè quicquid à nobis actum est, id sui natura & extra controversiam in delicti causam incidere dici non potest, cum legitimum id, an illegitimum esset, penderet à summi imperij quæstione, de qua id quod nos sensimus, cum plurimis sapientibus idem placuerit, saltem probabile quin sit negari non potest, quod vnum sufficit, ut nos in mandatis exequendis à crimine vindicet. Alioqui dissolveretur ius omnes imperij, si qui in parendi conditione est præstare tenebatur etiam in controversi iuris negotiis ius stetisse ab eo cui parebitur, aut alioqui in pœnas incidere. Cum Sophocle dicere liceat.

*Non ulla maior pestis imparentia est:
Hac & domos evertit & claras diu
Prosternit urbes: ordines turpi fuga
Conturbat.*

Si quis dicat consilium à nobis datum, respondebo consilium dare nostri fuisse officij: eius enim rei ergo advocati ad munus, eius ergo iuramento adacti eramus, ea

de causa salarium accipiebamus. At consilij non fraudulentum nulla est obligatio, ut notissimi est iuris. Fraudis animo datum à nobis consilium non apparet. Mentium inspector Deus est, qui de me scit, propositum mihi fuisse Hollandiæ patriæ meæ & oppido Rotterodamo fidelem operam navare iuxta receptas in usu leges. Addā sæpe remissiora fuisse mea consilia quam quæ facta sunt decreta, quæ tamen decreta, cum secundum ius patrium ab his quibus parendum habebam, facta essent, mihi erant enuntianda.

His generaliter præstructis, peculiari-ter iam commemorabimus quæ vitio ac per iniuriam adversum nos acta sunt: atque ea primo loco quæ ad capturam nostri pertinent: quo in negotio considerandum est qui fecerint, in quos, ubi, quomodo.

Qui capturam decreverunt, mere fuere privati qui neque ius, neque potestatem habebant quenquam capiendi.

Iidem erant pars altera in hoc negotio. Nam ut omittam inimicitias quas adversum nos gerebant, multa que certamina ac contentiones, hi ipsi erant qui Trajecti ausi fuerant, iniussu procerum Federatorum, custodias procerum Trajectinorum eorundem ingratia discingere. Iniussu inquam

procerum Federatorum. Nam decretum
 XXIII Iulij die anno MDXVIII factum
 non aliud continebat ; quam *ex conventu*
quosdam nominandos, ut eis legatis Trajectum
proceres Trajectini ratione quam posset optima,
aptissima & benignissima moverentur ad dimit-
tendas quas conscripserant custodias. Quæ cer-
 tē verba nullo modo trahi possunt eouſq;
 ut liceret ipsis dimittere militem invitis
 proceribus Trajectinis, eoque minus quia
 addebatur , *peragendum hoc negotium con-*
gruenter decreto quod factum erat die XII, ac
consilio quod die XVIII Princeps Mauritius, Co-
mes Vwilhelmus ac Senatus dederant: Nam de-
 cretum illud diei XII sic habebat : *ut perge-*
retur in cæpta opera ad benigne dimittendas cu-
stodias. Benigne autem non fiunt quæ no-
 lente quoquam fiūt. Consilium vero Prin-
 cipis, & Comitum & Senatus erat : *ut Proce-*
res Federati Hollandos & Trajectinos proceres
atque oppida amice persuaderent per literas aut
legatione missa, ad dimittendas eas custodias.
 Hi ergo homines qui citra & contra man-
 datum Federati conventus in terra Traje-
 ctina rem tanti momenti peregerūt, cuius
 nomine ipsi accusari poterāt, violasse sum-
 mam potestatem nationis Trajectinæ, ex
 iure & æquo non aliter censendi erant,
 quam ut adversarij eorum qui ipsis con-

tradixerant, quorum ex condemnatione ipsis absolutio quærebatur: ita ut omnino in hac causa rem suam egerint.

Multo autem magis captores isti infestum nobis animum prodiderunt, cum statim à nobis captis programma ediderunt signatum à nemine cōtra quam fieri oportuit, quo nos inauditos, indefensos, atroci præiudicio confodiebant tanquam multorum malorum, & adductæ rei in plurimi sanguinis fundendi periculum auctores, addentes Trajecti detectas res inmaximi ad rempublicam momēti de quibus antehac suspicio exstitisset, quæ omnia à vero erant alienissima. Nam mala quæ ex Ecclesiasticarum quæstionum minus æqua decisione metui par fuerat, vitare nobis propositum fuerat pace mutua inter dissentientes, atque oppida, ex mandato eorum qui nobis præerāt, tuta habere adversus omnem vim quæ ad sanguinem posset erumpere. Neque Trajecti detectū est quicquam, quod non ante cognitum esset, quippe cum palam optimaque fide gesta essent omnia. In ipsa sententia adversum nos lata nihil plane reperire est, quod dici posset antea in suspicionem venisse, postea vero esse detectum: ita ut apertissimum sit hoc programme id actum, ut plebs falsis rumoribus imbueretur.

Obtendunt homines illi mandatum Federati conventus: sed frustra. Nam in actis nihil tale conspicitur. Quid ipsi in arcana charta conscripserint, mihi ignotum est. sed qui conventui adfuerunt, scire possunt nihil datum mandati, nisi forte generaliter videndi quid ad publicam quietem faceret: sub quo ambitu certe res momenti tanti, tam nova & exemplo carens comprehensa censeri nullatenus potest, ut quæ mandato speciali opus habuerit. Si quæ enim res insolita & incogitata dici potest, hæc illa erat, quod septem, octo homines eos auderent capere qui certe dignitate nihil ipsis cedebant, idque contempto tam Hollandiæ conventu, quam iudicibus legitimis.

Dicat hic aliquis quod factum erat probatum postea, actis etiam gratijs. credo equidem. metuebant enim quisque vestigia, specum leonis

— *advorsum spectantia, nulla retrorsum.*

Sed præterquam quod approbatio talis metum magis præ se fert, quam consensus libertatem, notum & hoc est, quod ab initio non valuit ex post facto convalescere non posse: quod enim factum est, infectum fieri nequit: Et speciatim iure proditum est, quod non antecedente iussu publico

L. au-
ctori-
tatē
C vn-
de vi
& ibi
Dd.

factum est id publicum fieri ratum habendo non posse.

Fac tamen mandatum, etiam speciale, à proceribus Federatis datum fuisse, non tamen desineret vitiosus esse actus defectu iurisdictionis. Nam proceribus Federatis L. III.
de iurisdictione
omnium
iudicum. nulla est iurisdictione in nationis cuiusque subditos, multò minus in ministros nationis partiumque eius, quod hîc breviter dictum infra quantum satis est commonstrabitur, ubi de iudicum datione agendum erit. Certum autem est capturam consistere non posse, nisi subsit iurisdictione. Adde iam factam hanc capturam non tantum sine consensu, sed & invitis Hollandiæ primoribus, quorum summum in nos imperium erat: Cui consequens est, si proceres Federati capi nos mandassent (quod ita se non habet) hunc quoque actum futurum fuisse, non privatum modo, sed & federis adversum, cum federe caveatur, ne focij alij aliorum iura imminuant, sub qua generalitate haud dubie nationis cuiusque iurisdictione comprehenditur: sed ut teneantur alij aliis ea in re auxilio esse. Imò quod amplius est, fuisset is actus hostilis, quandoquidem Oldenbarneveldius Hollandiæ assessor, propter libellos ac minas quibus contra ius & æquum quotidie

impetebatur, ab Hollandiæ proceribus in fidem eorum ac tutelam erat receptus: ac nos quoque, ut consiliarij non oppidorum tantum nostrorum, sed & reipublicæ Hollandicæ, & pars eo tempore Hollan-

L. quis-
quis, &
ibi Dd.
C. ad L.
Iul. ma-
iest. Iul.
Clarus
§. Læfæ
Maieft.
crim.
num. 5.
vbi alle-
gat Par.
de Pu-
teo &
a iet

dici conventus, ipso iure intelligi debebamus in fide ac præsidio esse procerum Hollandiæ. Apertissimum vero est inter actus manifeste hostiles numerari, si quis adversus summæ potestatis fidem publicam quicquam attentaverit. Præterea (quod cum reverentiæ præfatione dictum volo) ne potuissent quidem iure Federati proceres capturam hanc decernere, eo quod ipsi in hoc negotio partis personam sustineret, ipsorumque adeo res ageretur: quo impedimento iurisdictionis exercitio tollitur, cum nemini liceat sibi ius dicere: apud nos vero antiquitus hæc regula etiam adversum Principem valuerit. Quod dico rem ipsorum actam evidens est. nam aliarum nationum legati (qui ex maiori parte sententiarum nomen totius corporis, id est procerum Federatorum, sibi imponunt) adversus nos, & nos adversus ipsos disputavimus de iure procerum Hollandiæ, tum in ordinandis Ecclesiæ controversiis, tum in tuenda magistratuum securitate. Natio-

nes aliæ , à quibus legati illi potestatem suam acceperant, commodum expectare poterant ex hac supremi imperij contributione, quia Hollandia cum Westfrisia ranti est, quanti aliæ nationes coniunctim sumptæ. Ac proinde aliæ illæ nationes earumque legati in hac disputatione integri æquique non erant.

Hi qui capti sunt, crāt eo tempore membra conventus Hollandiæ. Atqui etiam apud populos qui regnantur conventus ordinum eo advenientibus præstant securitatem: quanto magis in ea republica vbi penes conventus eiusmodi summa est imperij, adde vbi ne in speciem quidem dici potest quicquam à nobis durante conventu potuisse metui. In Hollandia habet concursus hominum ad alluviones aliave locorum stagnantia siccanda & aggeribus claudenda , quoties publicè id concessum est fieri, ius tutelæ publicæ, & conventus procerum id ius non habebit? Accedat, quod nec subditi eramus procerum Federatorum , atque insuper legum beneficio eramus exempti ab omni alia iurisdictione præterquam oppidorum nostrorum, quod infra commonstrabitur: quodque fides publica, sive expressa vt quæ Oldenbarneveldio erat data,

sive tacita ut quæ nobis competebat, efficiebat nos à captura immunes, nisi præcessisset eorum consensus sub quorum fide eramus, id est procerum Hollandiæ.

Locus ipse in quo capti sumus non modo in territorio erat Hollandiæ, sed in ipso Hollandiæ palatio, in fundo fiscali Hollandiæ, ubi nemo iurisdictionem habet nisi Comitatus Hollandiæ, & qui eam Comitatus nomine exercent. Sollicitos pro eo loco fuisse Comites Hollandiæ apparet, cum is vnus in omni Hollandia exemptus sit omni alij iurisdictioni, solisque subsit iudicibus Comitatus, id est confessui iudicum Hollandiæ. Ut vero Federati proceres, qui ne pedem quidem ibi proprium habent, sed ibi morantur beneficio procerum Hollandiæ, in ea parte quam proceres Hollandiæ suo vsui receperunt ius dicere possent inconcessu procerum Hollandiæ, à iuris ratione manifeste abhorret. Neque vero sanari hoc vitium potest multo post secuta ratihabitio, tum ob causas quas ante diximus, tum quia ea ratihabitio non obtenta est nisi per mutationem rectorum contra leges factam, qua de re & actum est supra, & infra iterum loquendi erit

locus, Sed enim ante hanc mutationem, etiam ipso illo die quo decreta erat captura, conqueſti ſunt proceres Hollandiæ ſuam iuriſdictionem violari: ſicut & rectores oppidorum Lugduni ac Rotterodami poſtea à Principe poſtularunt, vt Hogerbetius & ego iſtis traderemur, quorum mandatu ac nomine Trajectum profeſti eramus.

Enormis eſt & ipſe capiendi modus. Ego ex curatorum reipublicæ exedra, qui & ipſe locus proprius eſt procerum Hollandiæ, Oldenbarneveldius ex ipſo veſtibulo, Hogerbetius quoq; ferme indidem, & cum iam in conventum iturus eſſet, exciti ſumus falſo nūtio, velle Principem nos conventos, quomodo olim Comes Boſſuius Iacobum Endium Hollandici conventus eo tempore adſeſſorem ceperat. Iuriſdictionis actus per dolum expediri non deet, imo ſentiunt iuriſprudentes ſiquis verbis dolosis ex tuto loco elicitus fuerit, eum eximendum vinculis & reddendum priſtinæ libertati. Princeps qui in Hollandia nullum ius habet niſi Vicarij, & magiſtri militum ex codicillis procerum Hollandiæ, non autem ex codicillis procerum Federatorum, qui promiſit nobilitati maiori ac minori, & oppidorum rectoribus fidum

se & obsequentem fore, qui ex mandatorum formula neque in rebus iuris dicundi quicquam agere potest nisi præsente iudicum Hollandiæ confesso, neque in negotijs ad rempublicam spectantibus, nisi cum proceribus Hollandiæ, reipublicæve eorum curatoribus, rite atque ex legibus huic negotio impendi non poterat.

Ad modum illud quoque pertinet, quod capti sumus cum nulla inquisitio præcessisset. Notū autē est ex antiquissimo semperque observato per Hollandiā iure, neminē criminis causa detineri capive posse sine inquisitionis antecessu, extra quam si quis in ipso delicto fuerit deprehensus, aut si aliter quispiam de eo questus apud iudicem fuerit. In delicto nos deprehensos nemo dixerit: veniebamus enim ad conventum, cum mandato pacis causa quidvis concedendi. Questum quenquam de nobis ne id quidem verum est: ni quis proceres Federatos conquestos dicat, qui, si ita sit, ipsi de captura cognoscere non potuerūt. nam nemo apud se querelam adversus quenquam instituere potest. Inquisitio vero fieri demum cœpit post nos captos: neque per questitores aut iudices publice constitutos, sed per eos ipsos qui contra leges nos capiendos decreverant. Iam vero ab Hol-

landiæ iudicibus semper iudicatum est, capturam quæ non prægrediente inquisitione facta sit adeo ipso iure nullam esse, ut per sequentem inquisitionem confirmari nequeat, sed semper ea rei specie iussi sint in libertatem restitui qui capti fuerant. Si capturæ causa petatur ex his quæ nota erant omnibus, ut de auctis custodijs, Synodo recusata, & similibus negotijs; ea vero nos nihilo magis quam alios spectant, imo minus nos, ut qui alijs ministerium debebamus, ac proinde non poterat captura nostri, aliis in libertate relictis, huic fundamento inædificari. Hoc ius, neminem sine inquisitione antecedente capiendum, tanti habitum est à nationum nostrarum proceribus, ut inter reipublicæ fundamenta allegatum sit in omnibus orationibus ac libellis factis contra Hispaniensem inquisitionis modum, qui suspicione perstrictos capi permittit, & in captos inquire.

CAPVT XIV.

De his quæ vitio aut inique gesta sunt post nos captos ante datos indices.

Postquam capti eramus, diu in vasta solitudine relictī sumus, antequam nos

quisquam conveniret, quanquam multæ ad promovendum negotium interpellationes à nobis factæ sunt: post semel atque iterum auditi, rursusque per dies plurimos ampliati sumus, & interclusi interim ab omni amicorum commercio consilioque. Atque ita tracta res est ultra mensem sextum antequam iudices in nos darentur, ac proinde antequam iudicio cum nobis agi inciperet, contra leges & mores antiquissimos, qui & Margaritæ Augustæ Principis Hollandiæ lege tam Septentrionalibus quam Austrinis Hollandis concessa firmati sunt. Ea lex sic habet. *Quisquis nostro nomine capitis arcessitur, convenitor intra sesquimestre tempus postquam delatus est, aut reatui eximitur, nisi classis procincta sit, tum fiat id intra tertium mensem aut reatui eximitur.* Vnde apparet, quanti maiores nostri hoc ius fecerint, qui nullam exceptionem admittere voluerunt nisi publicæ expeditionis, & hanc quoque non ultra quam, ut tempus duplicaretur prohibita mora longiore. Consentit huic legi usus perpetuus, & si quando quæsitores voluerunt captos diutius detinere aut trahere quæstionem, semper confessus iudicium Hollandiæ iussit captos sisti iudicio, aut vinculis solvi. Par consuetudo apud finitimos, & nomi-

qui Hollandia præfuerunt. 255

natim apud Traiectinos in quorum per-
scriptis moribus caput hoc reperitur. *Illico
postquam captus quis erit, instituitor quæstio: nec
ante eam factam cuiquam propinquorum aut
alteri colloquium, aut aditus ad captivum dator,
nisi in conspectu eorum quos quæstor & indices
ad eam rem delegassint.* Longa captivorum
ampliatio vnum est inter gravissima in
quibus Dux Albanus leges patrias perru-
pisse arguebatur. Neque negari potest,
quin quod contra leges publicas adeoque
notas committitur ipso iure nullū sit cum
omnibus consequentiis.

Qui medio hoc tempore quæstionem
exercuerūt, non habebant iudicum pote-
statem: ac proinde quod coram illis actum
est, pro legitima quæstione haberi non po-
test. Nam quæstio, ut quæ vim habeat litis
contestatæ, nisi apud iudicem peragi non
potest. Neque vero ad interrogata respon-
sum à nobis est, nisi interposita testatione,
ne fraudi id nobis esset in his quæ super
competenti iurisdictione dicenda arbitra-
bamur. Hinc sequitur, super his interro-
gationibus atque responsionibus non po-
tuisse à iudicibus ius reddi, nisi coram ip-
sis iudicibus ex interrogationes atque res-
ponsiones relectæ essent, quod nos, citra
detrimentum præscriptionis adversus iu-

dices, fieri debere diximus, neque tamen factum est: atque nihilominus inferta sententiæ sunt multa, de quibus sedentibus iudicibus nulla vnquam mentio facta fuerat. Verè profiteor me super decima parte eorum quæ sententia continet post datos iudices non interrogatum: cum tamen dixerim prius interrogatorum atque responderum rationem haberi non posse, nisi eadem mihi præsentibus iudicibus prælegerentur, copiaque mihi daretur sensa mea vberius explicandi: quod eo erat magis necessarium, quia in illa ante constitutū iudicium quæstione, sæpe cū defensionis meæ causas dictare vellem, prohibitus fueram, edictumque ne nisi nude ajendo aut negando responderem: sed cum promisso postea dandum mihi tempus ac facultatem me super singulis defendendi, quod tamen factum nūquam est. Noti autem iuris est super confessione extra iudicium facta, aut etiam facta coram alio iudice, à negotij iudice ferri sententiam non posse, nisi quæstione apud ipsum repetita.

Iul.
Cla-
rus §.
fin.
quæst
lv.
num.
1. &
2.

Ex illa quæ extra iudicium in nos habitata erat quæstione eo minus iudicari de nobis poterat; quia pars maior eorum qui quæstioni adfuerant (paucos enim exemptos volo, qui pravam hoc institutum conspici

spicati tempestive se negotio subduxerunt, professi apud complures nolle se ea re animi sui religionem offendere) adversarij nostri erant. Prima in me & Hogerbetium quæstio habita est cum ex Hollandia nemo adesset: quod à iuris & æqui specie manifeste declinabat. Tum vero qui huic & cæteris quæstionibus adfuere, eisdem ferme erant qui Trajecti custodias iniussu Federatorum procerum, & nolentibus primoribus Trajectinis discinxerant: qui clandestina coitione capiendos nos decreverant: qui nos falsò criminati erant in programme cui nomina sua ipsos subscribere pudebat: quibus illi se postea addiderunt qui contra voluntatem ac decretum procerum Hollandiæ; summam in nos atque ipsos potestatem habentium, se Trajecti adiunxerant legatis aliarum nationum, ut eos in proposito adversus proceres Hollandos ac Trajectinos obfirmarent: qui & inaudito ad id tempus exemplo effecerant, ut oppida Hollandiæ contra id quod pars maior conventus Hollandici constituerat in ipso Federatorum conventu suam sententiam dicerent. Hi ipsi tum ex Hollandia, tum ex alijs nationibus, in ipsa quæstione non delegatorum æquitatem prætulerunt, sed partis adversæ

studium, sæpius obtundendo atque interpellando, non sine turbulentis clamoribus, ita ut loquendi libertas non esset, aliisque modis infestum animum nudantibus, per quæ factum est ut postea relegi quæstionem noluerint, eos reveriti qui minus iniqui ad numerum accesserant.

Et cum non satis infensi nobis crederentur hi quibus publice munus accusandi iniunctum erat, speciatim in nos delecti sunt unus è Traiecto, (qui à Ledenbergio læsum se existimabat) alter ex Geldria qui ex nostro exitio profectum suum sperabat & reperit, tertius ex Hollandia præcipuus Oldenbarneveldij inimicus, cui & mortui spoliū, adfessoris Hollandiæ dignitas, obtrigit.

Et hoc iure proditum est, nec iudicibus nec quæstitoribus fas esse capto tormenta comminari nisi ex iudiciali decreto, cum ipse tormentorum metus tormentum sit quoddam. Contra hoc certissimum ius, sine decreto Federatorum procerum, ante iudices constitutos, ne ex eorum quidem communi consilio qui præerant quæstioni, imo nonnullis insciis, comminatio talis non semel & acribus verbis adhibita est. Cumque dubitari nequeat quin Ledenbergio idem incussus sit metus, facile

hinc intelligi potest quis mortis eius causam dedisse censi debeat : neque illud iuris ambigui est, quod ab animi minus robusti hominibus in manu inimicorum positus post illegitimas minas ipsis adhibitas perpetratur ad crimen probandum non sufficere.

Paucis diebus post me captum vxor libellum obtulit, vt adesse mihi permitteretur, & mecum in custodia manere ad causæ definitionem, sed repulsam tulit. Post id in graves & periculosos morbos incidit : nunquam tamen coniugi permissum est me aut videre, aut alloqui, ne quidem arbitris custodibus. Cum secunda in nos quaestio est habita, charta nobis, & atramentum subducta sunt, atque ita detenti sumus per menses sex, nec omissum quicquam eorum quæ ad nos vltius vexandos spectare posse videbantur.

CAPVT XV.

*De his quæ vitio aut inique acta sunt in
dandis iudiciis.*

VEntum est ad eorum qui se iudices vocant dationem : circa quam duo

spectanda, qui dederint, quique dati sint.

Dederunt Federati proceres, quibus ius dandi non fuit.

Cum enim iurisdictio omnis fluat ex iure summæ potestatis, idque ius semper fuerit, & post fedus manserit penes nationes singulas, non potest Federatis proceribus vlla esse iurisdictio in nationis cuiusque subditos. Federis naturam habet vinculum illud quo nationes inter se connectuntur. Fedus autem per se iurisdictionem non tribuit, ni diserte cautum id sit, aut per consequentiam manifestam, ut cum alter alterius maiestatem observare tenetur, ac proinde in federe superior alter, alter verò inferior est. Hoc vero nostrum fedus æquale esse apertum est: neque vero communitati Federatorum in nationes singulas earumve cives iurisdictio vlla attributa invenitur. Verum quidem est communitati Federatorum coercionem esse in nationes non implentes ea quæ sunt federis, sed ea coercitio non ex superiore quodam imperio oritur, sed ex naturali libertate quæ omnibus summis potestatibus in æque summas id iuris concedit. Et hanc coercionem habet Federatorum vniuersitas in nationes ipsas cum quibus contractum est, non in cives natio-

Bodin
de rep.
lib. I. c.
VII lib.
v. c. VI.
Me-
noch.
de arb.
iud. qu-
lib. I.
quæst.
100.
Vvarā.
ab E-
remb.
de Fe-
deribus
parte I.
c. 311.
nu. 44
& cap.
IV. nu.
16.

num singularum, quibus sufficere debet, si suæ nationis potestatibus parent atque earum imperata exsequuntur. Exemplum sumamus à subditis Principum Federatorum Germaniæ. obedientiam debent suo quisque Principi. At si quis Principum desit implendis quæ fedus exigit, potest is à Principibus aliis ad fidem servandam cogi. Aliter si accipiatur negotium, per fedus re ipsa damnum fecissent nationes singulæ libertatis iuris & legum, quæ tamen tam anxie sancteque salva fore stipulatæ sunt. Nam leges ipsæ vocem non habent. Quod si qui eis vocem suam commodant suæ nationis imperio atque vtilitati, rationem actus sui aliis quam suæ nationes reddere tenebuntur, neque nationes ministros neque leges patronos invenient. In hoc sita est vis imperii, ne ratio alii quam imperium habenti reddatur. Secus si esset, ministri ac cives nationum iureiurando adstringi debuerant, non in verba procerum suæ nationis, sed in verba procerum Federatorum. Ita cognitum cuique fuisset quid sequi deberet. Sed ut iuramento fides, & obedientia nationis proceribus addicatur, deinde verò quod eius summæ potestatis imperio factum est, de eo ut causa sit dicenda apud potestates alias, perquam est

absurdum & in se sibi mutuò adversantia continet, & subditos omnes in periculum adducit aut periurii, aut malæ tractationis. Si Federatis proceribus ius est summi imperii in cives & ministros nationum, id omnibus clarè significatum oportuit, ne per ignorantiam iuris vitam amitterent aut libertatem. Si non habent, tutus esse debet qui suæ nationis primoribus paruit, ita tamen ut sociis ius sit conveniendi eosdem nationis primores unversos siquid adversum fedus factum existimant.

Federis tabulæ, in quibus omnis potestas procerum Federatorum fundata est; ipsis Federatis proceribus nullam attribuunt iurisdictionem, aut in nationes, aut in subditos eius. Nam capite primo non modò nationibus servantur iura sua atque libertas, (in quibus certe etiam comprehensa est iurisdictione ipsis solis in cives suos competens) sed & hoc dicitur: *ne socij se immisceant controversiis quæ inter nationes diversas super legibus, iure, libertate, constitutionibus, moribusque ipsorum nascuntur, nisi conciliationis faciendæ causa se velint interponere.* Atque ita ius habitum, ita usurpatum fuit, orta contentione inter proceres Geldros & Hollandos de Dalemo, & in ea controversia quæ Hollandis cum Frisiis & Transila-

lanis incidit de sinus Austrini piscatu. Decimo vero septimo dicti Federis capite dicitur, *nationes singulas tam externis quam civibus ius æquabile dicturas: ni fiat, socios comiter operam duros ut fiat.* Quod si etiam hoc pactione comprehensum non foret, satis esse debebat quod in contrariam partem nihil pactum esset, cum, si absint novæ cōventiones, res censeretur debeat manere in statu quo fuerat. Amplius dicitur nono federis capite, res induciarum, pacis, belli, indictio- num & tributorum ab vniversitate federis regendas ex cōsensu communi nationum: *demto si forte nationes de rebus induciarum, pacis, belli, aut tributorum inter se consentire non possint, ea controversia ut pro hoc tempore referatur ad præfectos, inque eos compromittatur.* Decimo sexto autem capite cavetur. *Si inter nationes cōtroversie, dissensionis, aut litis aliquid oriatur, qua de re inter ipsas convenire nō possit, id, si peculiariter nationes aliquas tangat, componitor ac transfigitor opera ceterarum nationum, aut quibus ea nationes id negotij dabunt: quod si res nationes omnes spectet opera præfectorum, ita ut nono capite dictum est.* Rursum capite xxi. *Si quid in his ambiguum aut obscurum reperiatur, unde contentiones ac lites oriri possent, ius interpretandi penes socios federis esto, qui communi consilio atque consensu constituent quod fa-*

Et uopius existimabunt: quod si inter ipsos conuenire nequeat, consulant præfectos in modum ante commemoratum. Si communitati Federatorum vera iurisdictionio data esset, nihil attinebat monstrari vias transactionis, & si ea non succederet, compromissi. Nationes mediæ & si eæ desint præfecti (nimirum si ipsorum quoque nihil intersit quomodo finiatur controversia, quam exceptionem & rationis paritas & æquitas naturalis satis indicant) commonstrantur, ut conciliatores, aut arbitri rerum inter nationes litigiosarum: non ut iudices impositi nationibus, multo minus civibus nationum, tantum abest ut criminum sint cognitores.

Post fedus nihil specialius inter nationes de iurisdictione convenit. Neque usus etiam si probaretur (qui tamen non probabitur) ius faceret, cum legati nationum sine particulari ipsarum mandatum summum earum imperium neque transcribere neque imminuere potuerint. Quod plus est, multa Federis capita, ut quintum & sextum de tributis, octavum de censu agendo omnium qui militaris essent ætatis; vicesimum quartum de iurando in fedus, vi sua caruerunt, quia post fedus conceptum, nationes eam in rem non

assenferunt. Sed enimvero multum abest, ut probari vsus possit intra eos fines qui negotio nostro aptari possint. Nam in quos antehac ius à proceribus Federatis dictum fuit, aut externi fuerunt peregre primum adventantes, aut hi qui operam Federatorum communitati addixerant, ut milites similesque alij, aut subditi partium Brabantiæ & Flandriæ, in quas partes communitas Federatorum omnes summi imperii actus exercet, quomodo nationum proceres in suas nationes, tam in conden- dis legibus, quam in exigendis tributis: quod ius Federati proceres in ullâ septem nationum exercere ne conati sunt qui- dem. Sed ut primores Federati pro sui imperij potestate ius dicant in subditos cuiusquam septem nationum, atque adeo in ministros eius publicos, & de negotiis gestis auctore natione ipsa, novum plane est, & antehac inauditum. Dicitur Hou- flinus quondam imperio Federatorum procerum captus: sed dimissus suæ natio- nis postulatu. Trajecti anno cix cx iu- dicium expeditum est per delegatos pro- cerum Federatorum, procerumque Tra- iectinorum & per iudices urbicos. Sed ibi iudex ordinarius, quo magis extra suspi- cionem ageret, opem ac præsentiam socio-

rum depoposcerat, sine fraude legitimæ iurisdictionis : quomodo & Delphis olim iudices oppidani aliquos ex confesso iudicum Hollandiæ sibi adiunctos habuere.

Præter vero quod proceribus Federatis ius non fuit iudices dandi, etiam nationes ius habebant contrarium, quod locum haberet etiam si proceres Federati in ius Principum successissent, quod ita se non habet. Nam ab omni ævo nationes ius habuerunt de causis non evocandis, id est de non avertenda cognitione à legitimis nationis cuiusque iudicibus ad ipsum Principem. Philippus anno c10 cccc LII proceribus Hollandiæ necesse habuit promittere neque se, neque senatum suum causas evocaturū nisi eius generis quæ domi expediri non possent, quales quæ sint ibidem explicatur : Post anno c10 cccc LXXVI Maria Dux Burgundiæ pro se & successoribus suis pollicita est mansuros proceres singulorum in iure non evocādarum causarū. Ac serius anno nempe c10 cccc LXXX eadem Princeps fæmina cū marito Archiduce Maximiliano sponpondit, *causas omnes atque lites in Hollandia nascentes, & quæ ad cognitionē quæstionū maiorū minorumque, aut his similibus non pertinerent, desinitum iri à Vicario & confesso iudicum Hollandiæ qui quoque tem-*

qui Hollandiæ præfuerunt. 267
pore futuri essent, prout veteres leges imperarent.
Quod si quæ lites causæve per evocationem, aut
aliter pertractæ fuissent, postmodumve pertraherentur ad Principem aut senatum eius, in iis ne
procederetur: sed remissio fieret ad Vicarium &
confessum iudicem Hollandiæ, ut per eos primi-
tus definirentur ex dictarum legum præscripto.
Oppidum Amstelodamum, ut & alia Hol-
landiæ oppida, cum anno CIO IO XLIX iube-
retur mores suos perscriptos exhibere, hu-
ius iuris tanquam intet Hollandica præci-
pui mentionem non omisit. Qui conven-
tui Federatorum procerum interfuerunt,
sciūt à nationibus diversis, ac nuper etiam
à Translavicana, ius simile de causis non
evocandis allegatum fuisse, & locum ei à
proceribus Federatis datum. Neque omit-
tendum leges has adversus proceres Fede-
ratos multo magis esse necessarias, quam
olim adversus Principes fuerint. Nam Co-
mes Hollandiæ iureiurādo obstrictus erat,
omnes Hollandiæ leges tueri, ita ut in cau-
sis etiam ad Principem excitis civis Hol-
landus retineret iura cætera ad defensio-
nem sui spectantia: cum Federati Proceres
nunquam iurarint in leges Hollandiæ, ac
proinde per causæ evocationem civis Hol-
landus, non vnum illud ius duntaxat, sed
alia quoque iura amitteret.

Federati proceres cum & deliquium hoc iurisdictionis penes se, & nationum leges contrarias non ignorarent, dari à se iudices professi sunt, *sine fraude iuris quod aut communiter, aut speciatim nationibus competeret, ut conspiciere est in decreto quod fecerunt die XIX Novembris anni CIO IO CXVIII. Quæ adiectio tacitam quidem continet confessionem rei novæ & illegitimæ, cæterum non aufert noxam in re sitam, quia ipsa actus natura verbis reluctatur.*

Sed & Hollandiæ proceres facile viderunt quantum hæc res à iure deflecteret, atque ideo decreto suo facto fine Ianuarij mensis anno CIO IO CXIX constituerunt, *ne ea res perduceretur ad consequentias, aut exemplum fieret in fraudem legum, summique imperij ac libertatis Hollandiæ, atque cum in finem ut cautio conciperetur quæ esset optima & Actis inderetur.* Quæ poterat evidentior haberi confessio qua pateret rem hanc legibus congruentem non fuisse?

Nec est quod quisquam existimet, tali consensu convaluisse iudicium dationem, nam proceres Hollandiæ antequam mutati essent agi contra nos cœptis contradicere: atque ipsi postea, ut & hic consensus atque alia obtinerentur, mutati fuerunt. Non potest vitiosus actus alter

alterum sanare. nec quisquam conditionem suam meliorem facit contra leges faciendo.

Quod si etiam sine mutatione proceres iidem mansissent, adhuc illud esset considerandum, summum imperium non posse alienari ab eo qui id imperium habeat. Iudices confessus superioris paulo antequam hæc fierent in libello ad proceres Hollandiæ liberaliter disseruerant, exceptiones quas ostenderet lex Philippi Ducis posteriori lege Maximiliani ac Mariæ fuisse sublatas, ac proinde omnem simpliciter causarum evocationem interdictam, quod ipsum eousque extendebat, ut ne proceribus quidem Hollandiæ permissum vellent cognoscere de civiū causis, aut qui cognoscerent delegare, etiam ubi duntaxat de arcendis oppido quibusdam ageretur sine famæ bonorumve iactura. Hic verò non de oppidi vnius interdictione agebatur, sed de vita, de libertate, de fortunis hominum, non de plebe, sed qui publicis honoribus eximiis fungerentur: neque illud quærebatur an ipsi proceres Hollandiæ aut ab ipsis dati iudices eiusmodi causas cognoscere possent, sed an ea cognitio ad Federatos posset transferri. Quid ergo de hoc negotio iu-

dices illi dicere poterunt, siquidem stabūt suis pronuntiatis, nisi apertam hīc esse legum perruptionem, & rem eiusmodi in quam procures Hollandiæ consensum præbere legitimum non potuerunt?

Supra legem hanc nationis communem, sunt & propriæ oppidorum: sicuti municipibus Lugduni concessum est, ne de criminibus iudicem alium habeāt quam oppidanum: cumque Dux Albanus erecto novo tribunali sub Maiestatis nomine hanc legem eversum iret, oppidi istius, ut & aliorum nomine, denuntiationes sunt interpositæ. Lex similis est apud Rotterodamenses, etiam hoc adiecto valituram legem etiam si quis municeps alio in loco deliquisset dummodo inde abiret non accusatus. Ego vero Rotterodami: Lugduni Hogerbetius omne ius municipum consecuti eramus.

Si dicat quispiam in nostra causa huic iuri fuisse renuntiatum ab oppidi ordine, primum id non liquet. Imo notum contra est paucis post nos captos diebus ad has leges apud Principem ab oppidorum Lugduni & Rotterodami legatis fuisse provocatum, ipsumque, ut Vicarium Hollandiæ, interpellatum, curaret ut nos earum legum effectu frueremur. Hinc pa-

et quæ voluntas oppidorum fuerit, non ex eo quod postea mutatis rectoribus effectum est. In maximum certè periculum adducuntur, & civitatû rectores & ministri, si rebus contra leges novatis ministris subducentur mandatores, & aliis immisitius in ipsos potestas dabitur. Grave est, aiebat Cato, apud alios causam dicere cum inter alios vixeris. Sed ne poterat quidem oppidi ordo huic iuri renunciare in fraudem nostri qui adseffores eorum eramus: quia legum ius ad nos devenerat ex contractu, quem cum decurionibus oppidi inieramus quando operam nostram deposcebant. Præterea ordo oppidi tenebatur nobis ex mandato, quod & speciali instrumento procuratorio munitum fuerat. Nam quicquid Hagæ egimus, id egimus vi specialis aut generalis mandati ab oppidis accepti: quod autem iussu conventus Hollandiæ fecimus, ut de Trajectina profectione, haberi itidem debet quasi ab oppidis mandatum, quia oppidorum legati oppidi sustinentes personam sua sententia id probaverant.

Tam notæ leges ad ius publicum pertinentes efficiunt, ut nullum sit quod contra sit, quod & leges multæ, ac nominatim illa Mariæ Burgundicæ exprimunt. Sic &

postrema pactione inter Hollandos & Zelandos inita super iudiciis communibus dicitur, nullas literas in ius vocacionis emittendas quæ notis patriæ legibus adversentur: secus factum si sit, non proceres tantum nationis, sed oppida quoque satis officio fecisse videantur, si legem significant tantum. Ea vero significatio in causa nostra ab oppidis Lugduno & Rotterodamo apud Principem, & per eum apud proceres Federatos facta est. Sic Princeps Wilhelmus in ius vocatus à regio procuratore dixit, non teneri se ad exceptiones in iudicio allegandas, quando vini nullam haberent quæ contra leges nationum, ac proinde contra ius publicum fierent. quod ipsum late defensum videre est in recognitione Synodi Tridentinæ libro I. cap. XII. At quanquam opus non fuit, legum tamen auxilium imploravimus. Oldenbarneveldius in quæstione prima causas dictavit, cur Federatis proceribus in se iudicium non cōpeteret, etiam precibus poscens eas ut causas scripto complecti sineretur: quod negatum ipsi est. Post datos iudices adversum eam dationem per tres dies dictavit quæ ex re putabat, iterum postulans, ut ad ipsos proceres Federatos iusta sua perscripta dare & mutationem

qui Hollandia præfuerunt. 273

mutationē pōscere permetteretur. Quod cum non obtineret, à datione iudicum appellavit ad Federatos proceres, & nationes à quibus ipsi missi essent. Cumque eo nihilominus pergerēt iudices, repetijt appellationem. Ego in quæstione prima antequam responderem ad interrogata dixi natum me Hollandum, ministrum oppidi Hollandiæ, captum in solo Hollandico, iudices nullos nisi Hollandos agnoscere. paratum tamen me apud quosvis defendere quæ egissem. Post datos iudices dixi proceres Federatos in me impetium summum nō habere, ac proinde iudices in me ab eis dari non posse: vsus etiam sum lege Rotterodamensi & iure quod iuxta municipes habebam: precatus sum quoque ut hæc cū suis causis ac rationibus proceribus tum Hollandiæ tū Federatis sineret commonstrare, sed impetrare hoc non potui. Post conditionem tuli, cognitionem super exceptione mea deferri duobus per Hollandiam iudicum confessibus, aut iis qui iudicum munere apud nos aut nationes alias fungentes ad hanc causam iuxta cæteros delegati erant, ut quos cæteris æquiores censerem. Cum iuberer sine horū detrimento ad interrogata respondere, facturum dixi vi maiore compulsus. Puto

ambitu vlllo , sine prensatione pervenimus , non rogantes sed impense rogati; atque ea munera abunde nobis satis arbitrabamur) accusamur privata consilia promovisse : (cum nihil à nobis factum sit, nisi eorum mandato quibus parendum habebamus) quibus superadditur periculum imminuisse , ne tota religio (quam certe secundum divinæ legis præscripta ex animo fideque optima colere studuimus) per nos everfa funditus periret, ipsaque respublica (quæ nobis vnice cordi fuit) ruinam daret: ac proinde in nos vt reipublicæ turbatores propediem legitimum iudicium ac sententiam expectandam. Quas quidem tam atroces litteras pij probique pastores nonnulli populo recitare recusarunt, potius habentes munera publica deferere, quam tantæ iniquitatis ministerio semet attaminare. Rursum postea in responso quod Bossizio & Maurerio regis Galliæ legatis datum est xxiii Martij anni cix id cxiix: in quo non tantum vt facinorosi turbulenti-que traducimur, sed additur expressius gravium criminum nos teneri, palam ac summo periculo conspirasse nos adversus rempublicam, propositum nobis fuisse per factiones & clancularios ductus sine

causa, sine accepta potestate evertere fedus, religionem, iudicia totamque vim præfecturæ, & quæ summa est, totam rempublicam perdere, ad satiandam ambitionem immoderatam pravumque consilium exsequendum. Qui ita loquuntur ante rem cognitam in miseros captivos talium ignaros, ac iudicibus (qui eo ipso tempore cœtum suum agebant) præscribunt quid de nobis sentire, quid in nos statuere deberent, credibile ne est eos in dandis iudicibus æquos nobis fuisse? Adde iam immanem licentiam quæ more pessimo & in publicum pernicioso libellis & carminibus famosis mendaciorum & calumniarum plenis vagari permissa est in nos seclusos, & ut dixi, ad objecta, quippe ignorata nobis, respondere non valentes, tantum irritadæ in nos plebi: quæ evidentia signa sunt acerbi atque implacabilis in nos animi. Qui inde quoque apparuit, quod Moersbergius vi equitum abductus est ex solo pacato Monasteriensi in quo nullam iurisdictionem Federati proceres arrogare sibi poterant. Dignum quoque notatu, iudicum quemque à Federatis proceribus sumpsisse cautionē signatā, ne quis ipsos huius rei ergo verbo aut factis

impeteret : quod si quis impetisset, id Federati proceres ut in se factum acciperent ac vindicarent. Qui legitime datos se iudices credunt, non solent tam custodite agere.

Veniamus ad vitia spectantia ipsos qui iudices dati sunt : qua in re primo considerandum est iudices eos ordinarios sive legitimos non fuisse. Fac ius dandi iudices competisse proceribus Federatis, cur non cognitionem mandarunt alteri ex consensibus iudicum Hollandiæ, quorum opera, ut quæ proximè ad manum sit, uti frequenter solent etiam ad res suæ communitatis? Cur non Senatui federis permissum est iudicium, qui potestate ordinaria ius dicit, nomine procerum Federatorum? In omni libera republica odiosum est de capite ac fortunis civium alios dare quam legitimos iudices, præsertim si qui dantur (ut horum pars maxima) non in ullo iudiciali munere, sed in civilibus consultationibus versentur. Inter cætera quæ Dux Albanus à legibus aliena fecit, etiam in causas Majestatis iudices dedit extra ordinem lectos, & metuens ne quæsitores legitimi supplicia exigere nollent, usus ad ea est speculatoribus quod in nostro quoque negotio factum vidimus. Maiores nostri conquesti

olim sunt hac re violari leges, quæ caverent ne quis in re criminum alios quam ordinarios iudices experiretur. Multi etiam armorum nostrorum ius ex hac potissimum causa defenderunt.

Iam vero præterea dati iudices partem maximam (quod sine fraude paucorum dictum volo, qui destinatum à cæteris in nos ictum neque consiliis neque rationibus ullis avertere potuerunt, sed tantum in hoc fervierunt, ut actui splendorem de suo nomine adderent) infesti nobis erant per inimicitias qua publicas qua priyatas. Nam ex nationibus aliis iidem erant qui Trajecti custodias dissolverant, & à nobis eo nomine incusabantur, qui nos capiendos non iure decreverant, quorum opus erat ipsum illud programma de quo diximus, responsum ad Bossizium, literæ iustitium indicentes, atque ipsa iudicum datio: qui audientibus multis mortem Oldenbarneveldij prædixerant: ex Hollandia vero illi qui se ab Hollandiæ proceribus segregaverant, imo cum aliis nationibus adversus Hollandiam coierant, qui Trajectum venerant, ut sui præsentia alios confirmarent: qui & Oldenbarneveldio & nobis malum minati sæpe fuerant; qui de nobis capiendis consilium dederant multo ante profectio-

nem Trajectinam. Iudices alij etiam ordinarij quoties reformidari se vident, quam levibus de causis, vltro à se abdicant cognitionem. *Probi & modesti iudices*, inquit Cicero, *se solent excusare, quando manifestum est alteram apud eos partem gratia prævalere.* Hi cum ab vxore & liberis Oldenbarneveldij in conventu Hollandiæ recusati essent, cum in ipsa quæstione dictum à nobis esset, graves nobis videri nonnullos atque eos nominatim qui Trajectum ivissent, & quorum res agebatur eo quod nostra damnatione absolutionem suam quærerent, tum vero præcipue eos qui tot in nos præiudiciis latis iudicio se integros non servaverant, quique comminatione animum inimicum nudaverant, negotio religioni ipsorum à nobis permissio, volunt esse ac manere iudices de capite fortunisque civium tantis de causis ipsos perhorrescentium. vbi hoc auditum antehac?

Inter Hollandos duo fuere quæsitores, id quoque contra ius patrium. Nam quæsitore & iudicis officia apud maiores nostros adeo infociabilia fuere, vt more generali, quæsitores rerum minorum iudicare non potuerint in quæsitorem maiorem tribunali, etiamsi minores illi essent aut Feudorum possessores, aut de familijs me-

C.
quod
suspe-
cti 3.
qu. v.
Lib.
de
Ora-
tore.

lioribus, qui omnes alioqui ad iudicia idonei habentur, quod obtinuit etiam in causis ipsos nullo modo contingentibus. Sic & cum in Hollandia aut Zelandia Comes ius diceret quæsitores maiores affidere ei non permittebantur.

Perfuasum vulgo est, quo minus Hollandiæ decederet inter iudices qui numero erant xxiv Hollandos fore duodecim: sed implendo numero inter eos duo fuere Zelandi qui suffragio Zelandiæ in confessum iudicum Hollandiæ simul & Zeladiæ pervenerant.

In eodem Hollandorum iudicum numero erat, qui occasione mutatæ reipublicæ in confessum nobilitatis penetravit: alij consulum, decurionatum, locum inter curatores reipublicæ, in senatu Federis, in conventu Federatorum honoresve alios adepti, quorum omnium intererat tueri ceptam mutationem, quod ut fieret nobis damnatis opus erat.

Præter magnam pecuniæ summam quam ex hoc iudicio iudices abstulerunt, (nam novum hoc tribunal amplius LXX florenorum millibus stetit) etiam post id tempus non caruerunt sua aut pacta, aut sperata mercede, sive ipsi perducti ad dignitates eximias, & legationes, sive prove-

etis liberis, ita ut in omnibus appareat hos cæteris fuisse prælatos, ne rem talem fecissent sine operæpretio.

Multi inter iudices rudes erant admodum, nulla imbuti iuris scientia, quidam nullius nisi patrij sermonis gnari, sine vlla rerum gerendarum peritia. Quo verò tandem modo homines tales apti esse poterāt qui iudicarent de summi imperij partibus ac signis, quæ tota hæc quæstio redibat, quæ res à legum ac negotiorum peritissimis plane difficiles habentur, & subtilis admodum disquisitionis?

Quamquam vero non omnes causæ ob quas à nobis iudices reformidabātur, quæque alię nunc certo iudicio ad tempus subtrahuntur aperiendæ si posthac res id exegerit, speciatim à nobis additis nominibus expressæ sunt, satis erat causas illas iudicibus non esse incognitas. Nam ubi ita se res habet, tenetur iudex à se cognitionem relegare: quod si pergat acta omnia deinceps ipso iure nulla sunt: quia scilicet qui plane medius non est, eius modestiæ convenit semet excusare: ut inter alia videre est locis quos supra allegavimus ex recognitione Concilij Tridentini. Neque vero à nobis eierari iudices directe poterant, cum ipsam iudicum dationem vitij argueremus.

Gl. in
c. vlc.
causâ
III.
qu. 3.

Sed neque ob stare nobis in hoc negotio potest, quod in quæstione ad interrogata respondimus: cum id non factum à nobis sponte sit: nec animo iudicem agnoscendi, sed compulsu ac desiderio semel exeundi carceris tædium, interposita etiam testatione cuius ante meminimus.

CAPVT XVI.

*De his quæ vitio aut inique sunt acta
post datos iudices.*

QUod modum agendi attinet, primum iustissimam habemus conquere-
rendi rationem, quod in formam civilis
negotij causa nostra recepta non est. Est
quidem mos ille ordinandæ causæ, qui ex-
traordinarius dicitur, apud nos moribus
receptus, sed in quo causarum genere? In
eo scilicet ubi ipsum facti nomen omnino
delictum involvit, & pœnam postulat, ita
ut facto confesso pœna ex vi legum neces-
sario sequatur. Sed ubi ambigua est facti
qualitas, exempli causa si quærat^r qui ho-
minem interfecerit, idne fecerit sui tuendi
causa an dolo malo, tam apud superiores
quam inferiores iudices moris est ad mo-

dum civilis negotij causam expedire. Si
usquam id locum habet, hic certe habere
debit. Nam causæ nostræ iudicatio pen-
debat partim à iuris quæstione, partim à
facti qualitate quæ erat inquirenda: puta,
an quod factum à nobis erat, cum Federe
pugnaret, quousque milites proceribus
nationum singularum tenerentur, quæ no-
bis mandata ab his qui imperare nobis po-
terant, essent data, pluribusque aliis eius-
modi. Non satis est si pauci aliquot in re-
bus eiusmodi dicant situm esse delictum,
cum multa hominum millia aliter iudicet:
quare id diligenter & palam atque adeo in
modum litis civilis disquirendum est. Quod
si in re nostra factum esset, tum sane popu-
lus, cuius id maxime intererat, scire potuif-
set iure an per iniuriam damnaremur. Ale-
xandro regi obiectum olim est, quod vox
Callisthenis carcere clauderetur. In ne-
gotiis rempublicam spectantibus, non pa-
lam auditi, non palam defensi, quasi inno-
centes pereunt aut damnantur. Quibus-
cunque aliquid est sensus, facile iudicabūt
tum istum agendi modum, tum quæ secu-
ta sunt omnia eo directæ ne genus huma-
num vnquam ad negotij veritatem perve-
niret: quo pertinuit & novi moris iura-
mentum quo iudices semet obstrinxere

nequid rerum apud se gestarum etiam post rem iudicatam propalarent. Modus hic extra ordinem, ut vocant, agendi adversus integræ famæ homines, super rebus de quibus non omnes idem solent censere, quales sunt res religionem aut reipublicæ gubernationem cōtingentes, est illa ipsa inquisitio, adversus quam tot querelæ tempore Caroli Imperatoris & Philippi regis institutæ sunt: quod intolerabile onus habitum est inter præcipuas belli causas. Orationes eo tempore habitæ à diversarum nationum proceribus manifeste ostendunt non tantum à proceribus improbatum genus illud causarum super quibus adversus captos per meram inquisitionem agebatur, sed ipsum quoque illum agendi modum, ut libertati ac moribus avitis repugnantem. Adde modum extra ordinem agendi introductum apud nos quo celerius causæ dijudicarentur, quæ civilis litis instar ordinatæ in longum duci solent. In negotio nostro ostendit novem mensium tempus non hoc spectatum: ac proinde nullam posse confingi causam honestam, cur clancularia ista agendi ratio placuerit.

Quod si omnino fixum stabat causam nostram ad modum civilis negotij non

dirigere, (quod tamen nobis debebatur & mos habet in negotiis etiam neutiquam adeo obscuris) certe ad repetitas toties à nobis ac nostris preces aditus & consilia amicorum substrahi nobis non oportuit. Omnes iurisperiti qui de publicis iudiciis scripserunt, aiunt post quæstionem habitam indulgendum captivo locum laxiorem ubi cum advocatis & procuratoribus consultare possit, & ea componere quæ ad causam tuendam pertinent. In nostris terris quenquam per octo aut novem menses intercludere commercio vxoris, liberum ac necessariorum inauditum est extra tempora Albanicæ præfecturæ.

Mar-
tilius,
Fol-
lerus
Strac-
cha,
Bajar-
dus.

Si ne hoc quidem concedere nobis placebat, (quod nisi iniquissime & novo plane exemplo negari nobis non poterat) certe danda nobis fuit plena libertas nosmet defendendi tum voce tum scripto. Scriptores de iudiciis criminum docent, damnari neminem posse, nisi cui tempus se defendendi sit datum: ac dādum ei hoc tempus etiamsi non postulet, etiamsi delictum fassus sit. Quod ipsum, ut non modo iuri civili, sed & patriæ nostræ moribus consentaneum à confessu iudicum superiore apud nos proceribus Zelandiæ commendatum memini. In oppidis quibusdam ne-

stris receptum est, ut etiam illis qui res confessi sunt manifeste delictum in se continentes potestas fiat, antequam pronuntietur, dicendi pro se publice apud tribunal adstante populo. Alibi iudices oppidani morem habent interrogandi reum, numquid habeat pro se dicendum. Quanto magis hic illud obtinere debuit, ubi facta quædam nobis imputata nunquam à nobis confessa sunt, alia diximus iure facta, neque salva iurisiurandi religione aliter à nobis potuisse fieri? De factis quæ inficiati eramus negari nobis non poterat indiciorum inspectio & potestas refellendi compendio testes. De his quæ facta fatebamur, sed in quibus delictum inesse negabamus, admittendi eramus ad probandum legitima ea fuisse, productis decretis, alijsque instrumentis eam ad rem spectantibus, etiam testibus si opus esset. In confessibus iudicum maioribus ac minoribus ubi æquitas aliqua locum habet & hoc & illud usitatum est, etiam cum extra ordinem res peragitur: merito sane: cum ni id fiat iudex dici nequeat de re plene edoctus fuisse.

Si quis dicat defensos nos satis cum ad interrogata responderemus, frivolum id est: Nam præterquam quod sæpe prohibitum est nobis nos defendere, sed nude

Clarus
d. quæst
49. nu.
4. & qu.
53. &
utrobi-
que Ba-
iardus
cum
alleg.

Clarus
d. § fin
qu 56.
& Fari-
nac qu.
8. num.
14. Bart
in l. nū-
quam
plura
num 4.
de pri-
vatis
deli-
ctis.

aiendō aut negando respondere iussi sumus : quod dictare scribenda nobis sæpe permissum nō est : neque perscripta omnia quæ nos ad causam pertinere arbitrabamur : nemo est homo tam firmi cerebri, cui in tali necessitate constituto ita de subito occurrant omnia quæ ad causam spectant. Longa carceris solitudo etiam valetudinem nobis corruperat, & cum maxime ægro essemus corpore, tempus ad quæstionem captatum est ab iis qui norant satis nos, præ libertatis desiderio non vsuros causaria excusatione. Sedebant adversum nos accusatores tres & iudicum plerique non minus accusatoribus infesti, qui sæpe loquendi libertatem nobis non permittebant, sed clamoribus ac minis nos interpellabant, obturbabantque. Innumeræ interrogationes nec cohærentes & verbis fallacibus conceptæ in nos struebantur, ut alicubi per incogitātiā captaremur. Subsidia memoriæ adempta nobis tanto tempore fuere subtractis calamis, charta, atramento. De rebus pridem gestis, de circumstantiarum minutiis, de vocum apicibus vno momento erat respondendum. Multa erant quæ vberius defensa à nobis fuissent, nisi in mentem venire nobis non potuisset in iis crimen ab aliquo posse mente

concipi. Gnarum nobis erat quæ feceramus ex mandato à nobis facta, tum qui mandaverant, quique mandata nobiscum executi fuerant eos ne compelli quidem: ac propterea existimabamus quæ à nobis acta essent nihil magnopere defensionis egere. Vbi quæso auditum tandem est antehac, captivis id orantibus negari potestatem recognoscendi quæ dicta sunt, ut si necesse sit, fusius sensa sua exponant? At hoc negatum est nobis. Iam ante probavimus maiorem quæstionis partem peractam ante iudices datos: cui consequens est quod tum responsum est defensionis locum habere non posse, cum defensio institui nequeat, nisi apud iudicem. Quare cum responsa ista nunquam nobis præsentibus relecta sint, neque potestas nobis data largius mentem explicandi, his sane in rebus superest indefensos nos esse. Adde multa quæ dictaturi pridem fueramus omissa à nobis, eo quod fides facta nobis esset postmodum defensionis pro arbitrio faciendæ copiam fore: quod cum secutum non sit, non hac in re iniuria tantum affecti, sed & dolo circumventi sumus. Quod iam ea quæ à nobis dictata sunt attinet, quæ plerunque consistebant in factis defensionem continentibus, aut iudices ea

vera

vera putabant, aut secus. Si vera, non poterant quod his erat contrarium sententiæ inferere. Si ut vera non acceptabant, certe tempus ac facultatem ea probandi concedere nobis tenebantur, quod ipsum à me speciatim postulatum est. Fuit etiam cum dicerem apud iudices non eam vim fuisse memoriæ meæ & per morbos & per carcerem labefactatæ, ut ad singula ex tempore quod opus erat potuerim respondere: interdum dictandi quoque libertatem aut ademptam mihi aut accisam: quapropter rogare me ut relegerentur acta quæstionis prioris, & ut ad probanda quæ pro me allegaveram aut allegaturus eram facta admitterer: præcipuè circa insumtam à me operam ad componendum quicquid in Ecclesia aut republica disconveniebat: & circa decreta facta à rectoribus oppidi Rotterodami de rebus plurimis. Cum nihil impetrarem, rursus petij ut scripto quædam complecti liceret: & cum longum per tempus ei postulato institissem, non amplius temporis indultum est mihi horis quinque pomeridianis, & chartæ folium vnum, quanquam etiam atque etiam roganti ut & tempus largius & chartæ plus paulo mihi concederetur: verum ne quicquam. In hac char-

ta perſcripſi quæ mea fuiſſent conſilia, quæ mens, facta defenſionem continentia breviter indicavi, (quæ talia erant ut certo norim iudicium quosdam dixiſſe, ſi de iis conſtaret, optimo iure me niti) petij ut ea probandi mihi poteſtas fieret: qua petitione nec reiecta nec admiſſa, (quorum tamen alterum ut fieret iuris ratio exigebat) in me, ne compellatum quidem amplius, pronūtiata eſt cauſā terminans ſententia.

Quomodo vero talis agendi ratio à vitio, iniquitate, imo ab immanitate barbara purgari poteſt? Hiſpaniēſis illa inquiſitio, adeo à maioribus noſtris tantoque iure exagitata, permittit reo colloquium & opem patroni, & ius probandi facta quæ defendendi ſui cauſa profert. Comitibus Egmondano. & Hornano Albanicæ præfecturæ temporibus tradita ſunt accuſationis capita: temporis quantum ſatis datum conſcribendæ defenſioni, quæ hodieque legitur. Permiſſum iſſis exhibere libellos atque inſtrumēta culpæ amoliendæ, quod & diſerte narrat ſententia: quæ omnia nobis negata ſunt. Et tamen conqueſtæ ſunt Belgicogermanicæ nationes omnes de modo agendi adverſus eos Comites, præſertim circa res duas, nempe quod procuratores & advocati iſſis non eſſent auxilio

dari, & quod testium adversus se productorum notitiam non habuerint, ut eos possent refellere. Princeps Wilhelmus Arausionensis in responso suo cum à procuratore regio dies ipsi dictus esset, ait *captivitatem eorum Comitum rigidiorum esse quam ius permittat, secundum cuius regulas carcer custodiendis reus repertus sit, non adimendo eis hominem aspectui, commercio, consilioque, quæ si desint fieri nequeat ut gravis aliqua causa rectè regatur ac defendatur.* Exclamare libet:

Cernis ne hæc Amphiarac sub terram abdite?
Dum hæc peraguntur omnia, sed maxime postquam Oldenbarneveldio vita erat adempta, harum rerum artifices nulli percerunt labori, qua pollicendo, qua minando, servato etiam ad terrorem per dies aliquot pegmate in quo Oldenbarneveldius erat occisus, & carnificibus tribus Hagæ retentis, nempe ut his modis coniuges ac propinquos tum meos tum eorum qui præterea capti erant adigerent ad culpæ deprecationem, & fidem dandam silentij nostro nomine, quomodo effecturos se sperabant, ut morte unius & aliorum oppressa voce veritas æterna nocte obrueretur: sed aliter Deo omnipotenti visum est. Quamquam enim Moersbergius, magno vir animo non minus quam ortu, cum primum

hoc consilio intellecto commotus valde fuisset ad innocentiam suam confugiens, tandem tamen vxoris miseratione & amicorum suasu impelli se passus erat, vt morem illis gereret, (quod quidem cum per illegitimos agendi modos extortum ipsi sit eis qui extorserunt prodesse non debet) tamen & mea & Hogerbetij vxor omnia potius perpeti decreverunt, quæ aliis collibitum esset facere, quam vt nulla postulatione honori nostro aut veritati iniuriam facerent. Gratia Deo agendæ sunt sine cuius præsentis auxilio fieri non poterat, vt tot ac tam gravia tentamenta vinceremus.

CAPVT XVII.

De his quæ vitio aut inique gesta sunt circa ipsam sententiam.

Vbi captura, iudicum datio & agendi ordo omnia sunt instituta condemnationis ergo quæ ante omnem causæ cognitionem decreto peremptorio atque irrevocabili erat decreta, nō potest plus in cōdemnatione esse iustitiæ & æquitatis, quā in captura, iudicum datione & agendi ordine.

Anteloquium sententiæ ita ait, *quando reus confessus est, ac præterea indicibus apparuit.* His verbis falluntur multi, existimantes quicquid in sententia legitur, ut provectas à nobis opiniones novas, nostro facto in republica & Ecclesia res ubique motas, exhaustum ærarium, & sumtus factos ad sæpe decies, passim dissidia, & diffidentiam inter Federatos & cives satam, fedus ruptum, rempublicam sibi tuendæ factam imparem, & in periculum adductam aut patitionis inhonestæ, aut pleni exitii, aliaque eiusmodi confessa à nobis: cum non illa tantum sed & multa alia capita partim ex nobis perquisita nunquam sint, partim diserte negata. An in causa extra ordinem pertractata sententia ferri possit nisi super rebus confessis, apud multos iuris nostri patrii consultos ambigitur, nec immerito, cum in actis veteribus passim videamus pro vno eodemque sumi, sententias latas super causa extra ordinem tractata, & super confessione. Certe memini superioris confessus iudices ita sentire & apud Zelandiæ procures proloqui: sicut & illud recordor, vnum è præcipuis huius adversus nos negotij gubernatoribus vitio dedisse oppidi Harlemi magistratibus, quod quæ egissent, dicerent extra ordinem acta, cum

amen sententia confessionem excederet. Verum hic multo plus à recta via deflexum est. Nam primum in sententia obiiciuntur nobis multa per illationem, qualia in libellis accusatorum poni solebant, non in sententia iudicum, cuius generis sunt nonnulla quæ supra protulimus, item cōsiliū nostrum fuisse imperare militibus, ut parent magistratibus etiam contra Federatos proceres & Principem: & eosdem milites sacramento adstringendos magistratibus apud quos præsidium agerent, de ipsis tuendis etiam si quid ab ipsis iuberetur quod aut causam, aut prætextum sumeret ex religione, similiaque plura. Etiam facta inserta sunt de quibus nihil unquam iudicibus paruit, ut propositum fuisse custodias oppidorum referre in expensas communes Federatorum: me ea nocte quæ dimissionem custodiarum Trajecti antecessit cum oppidi præfecto consilia sociasse, quomodo prohiberi posset ne plus militis à Principe Mauritio in urbem induceretur, ac de excubiis eam ob rem locandis ad portam Amersfordiensem. Quibus de rebus certus sum nihil ipsis apparuisse, cum sciam ea omnia falsa esse, ut in notis ad sententiam singulatim dicetur. Verum fac etiam aliqua eos habuisse rerum istarum indicia

(quod ita non esse plane persuasum habeo) tamen non posset dici apparuisse id, super quo nec defensio nostra erat audita, neque facta nobis testes reiiciendi copia.

Præterea vero in sententiæ contextu de industria multa facta omittuntur quæ ad defensionem nostram pertinent, ut mandatum procerum Hollandiæ & oppidorum nostrorum: repetitum mandatum & auctus delegatorum numerus in negotio Traiectino, pluraque alia quæ infra memorabuntur, contra iura quæ dictant non licere iudici qualitates confessioni annexas ab ipsa confessione divellere.

Damnati sumus tum Hogerbetius, tum ego ad perpetuos carceres, quam pœnam passim Iurisperiti, ut inconcessam reiiciunt. Nobilis scriptor de publicis iudiciis ait etiamsi lege aliqua potestas iudici esset facta pœnas pro arbitrio statuendi, tamen liberum ei non fore damnare ad carceres perpetuos, quia libertas illa intelligi deberet intra pœnas iure concessas. Solent Præfides, ait vetus Romani iuris consultus, in carcere continendos damnare, aut ut in vinculis contineantur: sed id eos facere non oportet, nam huiusmodi pœne interdictæ sunt. Carcere enim ad continendos homines, non ad puniendos haberi debet. Alius: mandatis principalibus quæ

Bart in
l. Aure-
lius §.
idem
quæ sit
nu. 2 ff.
de lib.
leg.
Clarus
§. Ho-
micidiū
nu. 35.
Boss. in
tit. de
defens.
reor.
nu. 4.
Mc-
noch.
qu. 89.
nu. 9.
Baia-
rus qu.
70.
L. aut
damnū
§. solēt
D. de
pœnis.
L. man-
datis ff.
de pœn.

L. In-
cre-
dibi-
le ff.
de poe-
nis.

*præsidibus dantur, cavetur nequis perpetuis vin-
culis damnetur, idque etiam Divus Adrianus
rescripsit. Imperatorum vnus: Incredibile est
quod allegas liberum hominem, ut vinculis per-
petuis contineretur esse damnatum. Hoc enim
vix in sola servili conditione procedere potest.
In Italia quidem & Hispania aliter ut fie-
ret invaluit: at in nostris liberis terris inau-
ditum id est, nisi quis eò referre velit, quod
nuper bello flagrante cœptum est institui,
ut ad remos ducendos damnentur, non
alij tamen quam erronei atque nebulones:
aut etiam quod ergastulo includuntur qui-
dam, neque tamen in perpetuum, sed in
spem resipiscendi, ac ferme ipsis propin-
quis id postulantibus. Notandum insuper
Iurisconsultos qui existimant ab ordinariis
iudicibus in causis quibusdam pœnas ordi-
narias posse excedi, ita tamen ut non vsur-
pentur pœnæ legibus vetitæ, hanc ipsam
potestatem tamen non indulgere delega-
tis, quales nostri fuere. nam à talibus iudi-
cibus negant pœnas posse irrogari, nisi quæ
diserte legibus præscriptæ sunt: ita ut bis
hic sit peccatum, primum quia delegati
iudices exierunt pœnas legibus cognitæ,
deinde quia pœna vsi sunt diserte legibus
vetita.*

Res quoque est observatione non indi-

gna, quod cum nomina etiam ordinario-
rum iudicum poni soleant in sententiis
quæ eduntur, idemque multo magis in de-
legatis iudicibus locum habere debeat, hi
tamen iudices, cum etiam per typogra-
phos sententiam publicarint, pepercerint
tamen nomina sua ascribere. Causam
coniecturis assequi facile est.

CAPVT XVIII.

*De his quæ vitio aut inique in nos acta
sunt post sententiam.*

SI ius & æquum fuit aditum ad nos ne-
cessariis dari statim ab habita quæstio-
ne ante rem iudicatam, multo magis post
rem iudicatam id factum oportuit, cum
carcer duntaxat nobis custodiendis servi-
ret, quod ipsa etiam sententiæ verba præ-
ferunt. Proinde ex propinquis nostris ali-
quot post latam sententiam ad nos admis-
si sunt, Hagæ dum fuimus: sed postea præ-
cipui huius negotij auctores, cum viderent
non sufficere carcerem solum, vt nos con-
tra animi nostri sententiam acta ipsorum
adversum nos probare cogeret, partim pa-
lam, partim clam (quia publice in ipso pro-

cerum Federatorum conventu res peragi ob summam iniquitatem sine multorum contradictione non poterat) intenderunt vexationem in nostra corpora, existimationem, bona, amicos, tantum (quod & inter ipsos nonnulli fatebantur) vt nos ad deprecandam culpam adigerent, atque ita se domi ac peregre purgarent.

Bona quod attinet, quanquam oppida in quibus nati eramus aut quibus operam addixeramus, ac proinde ius omne municipum eramus consecuti, antiquis legibus obtinuerunt, vt coniuges ac liberi damnatorum bonorum publicationem certa pecunia redimere possent, eæque leges ab oppidis etiam sub Albanica præfectura magno studio defensæ fuerant nullorum criminum admissa exceptione, ac à nobis ad eas leges sæpe provocatum erat, tamen vxoribus nostris liberisque legum earum beneficio frui permissum non est, sed necessitas illis imposita est aduersus fiscum, durum aduersarium, inchoandi litem, de qua ne super momento quidem iudicatum est. Quin & vxorum bonis manus à fisco iniecta est. Tum mihi peculiaris querendi causa data est, quod chartæ meæ ex tablino meo abreptæ sunt, ne factò quidem inventario, quanquam poscente id

mea vxore , quod ipsi , vtpote ius ad eas chartas aut partem earum habenti , nullo colore negari poterat.

Postquam Lupistenum Haga abducti sumus seni patri meo nunquam mei videndi facta est copia ; sicut & Hogerbetij filius multis atque indefessis precibus vix tandem extorsit, vt patrem convenire posset, à quo deinde rursus longissimo tempore absentus fuit.

Iam vero bonis nostris publicatis, ac nobis per carcerem adempta omni rem facienda libertate , attributi ad alimenta nostra sunt viceni quatuor asses in diem. Qui sensu communi non carent iudicare facile possunt an satis id fuerit sustentandis nobis quos familiæ onus non leve vrgebat. Sed coniuges nostræ non gravatæ nos de eo quod ipsis restabat alere nunquam eam pecuniam accipere voluerūt. Per tempus aliquod custodibus nostris mandatum erat cibos nobis dare : sed ultro institimus, vt ea molestia & quod ultra suspicari non abs re erat, liberaremur.

Vxores vero ac liberi nostri primum vsi sunt libertate adeundi nos atque à nobis recedendi.

Sed paulo post arcano ductu decretum longe aliud cūsum est , vxores nobiscum

carceri includendas quamdiu adesse nobis vellent, neque vero abire permittendas ni veniam expressam eius rei impetrassent. Ex hoc decreto vxor mea, quanquam & hoc multum abnuente Daventrio qui iam imperium in custodiam acceperat, vix obtinuit, vt Hagam proficisci liceret: ibique ostendit quam grave & iniquum esset cogi se aut in ea calamitate maritum deferere, aut ipsam quoque damno valetudinis manere captivam, proiectis extra curam suam liberis natu minimis valde infantibus, quos secum in carcerem adducere non posset.

Re sæpe negata, sæpe dilata, tandem vxorum nostrarum libertas ita coarctata est, vt manendum haberent intra arcem Lupisteni, neque inde progredi, nisi quod bis intra dies septem comparando victui aut ire possent, aut aliquem mittere: quod ita mansit per tempus aliquod.

Cum vero interim ab vxore ac liberis Oldenbarneveldij, item à propinquis nostris impense laboraretur ad obtinendam bonorum restitutionem, beneficio legum redemptionem, vt diximus, indulgentium, neque id effugiendi species vlla occurreret, nisi in Maiestatem deliquisse argueremur, quod sententiæ verbis non contine-

batur, anno post eam latam à delegatis iudicibus pronuntiatum est, mentem suam in iudicando fuisse peccatum à nobis in Maiestatem. Quam circa rem advertendum est, si quo tempore lata fuit sententia ea mens fuisset iudicium, etiam exprimi id secundum mores nostros debuisse: tum vero huic declarationi non omnes eosdem iudices adfuisse, sed præter quosdam aut morte absumptos aut alioqui factos ad iudicia inidoneos, aliquammultos fuisse absentes qui perscriptam super hac re sententiam suam miserant, contra ius ac mores, cum omnes quibus in iudicio censendi ius est, vno in loco præsentibus esse debeant, ut alius aliorum rationes intelligant. Præterea quod tertio notandum venit, mos est in patria nostra antequam sententiæ interpretatio fiat summario iudicio partes audiri: nos vero neque auditi, neque compellati sumus, quin illo ipso tempore arctissimo carceri inclusæ sunt vxores nostræ, nequid dicere possent adversus id quod agere penitus erat constitutum, ut iam mox narrabitur. Repetitum hîc volo quod dixi ante paucos iudicum peritos iuris fuisse, multos adeo illiteratos ut vocem ipsam Maiestatis ignorarent, tantum abest ut vim eius vocis ac criminis intelligerent. Nos

vero habemus quod nos solemur multis veteribus novisque exemplis. Pætus Thrasea, quantus senator, virique alij spectatæ probitatis Romanorum Imperatorû tempore procubuerunt in reatu læsæ Maiestatis. Nostra quoq; ætate libertatis Belgico-germanicæ vindices, Princeps Wilhelmus Arausionensis, Comites Egmundanus & Hornanus, aliique damnati sunt eodem titulo. Hinc nobilis inter Romanos scriptor ausus est dicere: *Crimen Maiestatis singulare & unicum crimen eorum qui crimine vacant.* Bonus Imperator aiebat crimen Maiestatis suo sæculo cessare: admonentque

L. 1.
C. ad
I. Iul.
Ma. Iurisconsulti veteres, *crimen hoc non habendum in occasionem ob Maiestatis venerationem: personam spectandam an potuerit facere & an ante quid fecerit.* Nos ex notissimo sensu, atque mandato eorum quibus parendum nobis erat, credidimus atq; affirmavimus, Maiestatem id est summum imperium penes singulas esse nationes. Fac errasse nos: (quod ita se non habere supra demonstratum est) tamen negari non poterat sententiam nostram multis sapientibus ac doctis placuisse, quod quidem sufficere debebat ut crimini, præsertim tam gravi, eximcremur. Inter Romani iuris consultos egregius, *in civilibus, inquit, dissensionibus quam-*

vis sæpe per eas respublica ledatur, non tamen in exitium reipublica contenditur, quique in alternas partes discedunt vice hostium non sunt. De sui temporis dissidio ita loquitur M. Tullius Cicero ; *Erat obscuritas quadam : erat certamen inter clarissimos duces : multi dubitabant quid optimum esset , multi quid sibi expediret , multi quid deceret , nonnulli etiam quid liceret.* Neque raro locum habet Phocionis illud:

mea meliora etiamsi hæc feliciora. Nostro ævo qui de iure scripserunt , aiunt, civiles dissensiones trahi ad crimen Maiestatis non debere : imo ubi alia suppetit coniectura, nunquam censi commissum id crimen.

Ad id quod dicere cœperam redeo, id nempe quod vxoribus nostris istius pronuntiationis tempore contra ius ac iuris speciem evenit. dixit custodiæ præfectus mandatum sibi vxores ac liberos qui nobiscum erant captivos detinere : Rogatus documentum mandati ostendere, recusavit. cum quæreretur ex eo, an non discedere ipsis liceret, ita vt non redirent, nisi impetrata redeundi venia , negavit licere.

Oratus iterum vt ad Federatos proceres scriberet, peti, vt matronarum alteri abire liberum esset, præsertim Hogerbetij vxori, quæ magna natu & iam anno toto non digressa à captivo marito ultra ferendo car-

Ruin.
conf. 1.
num. 5.
Dec.
conf.
102. nu.
17. T6.
1. conf.
crim.
Ceph.
conf. 75
num. 9.
& alij
allegati
per
Bapt.
Baïardum
in tract.
crim. 5.
Læfæ
Maïest.

ceri non erat, hoc quoque abnuit. Ac ne illud quidem concedere voluit, ut vxores per amicos cibos sibi emi curarent, cupiens ipse eos emere & pretium ab vxoribus nostris persolvi. Interrogatus an ea quoque de re mandatum haberet, dixit, si non haberet facturum se ut adipisceretur. Hæc cum rescivissent propinqui nostri, multis libellis conquesti sunt de iniuria quæ vxoribus liberisque nostris fieret: neque tamen aliud impetrarunt, quam ut per amicos cibos emi & in arcem perferri curarent. Sed hoc ipsum ab ipsis proceribus Federatis decretum cum esset, præfectus custodiæ sequi noluit, gnarum sibi dicens quæ mandata accepisset. Vetabat quoque ne quis hominum vxorem aut qui in ministerio nostro erant, verbo compellaret, ne quidem si quæreretur quota esset hora: ac ne prætereuntes vlla salutandi signa ipsis exhiberent: permittens interim famosa ac plena calumniarum carmina apud fenestras nostras in nostri iniuriam cani. Interea Hogerbetij vxor, singulare probitatis ac pietatis exemplum, non satis tolerans tam severi carceris, inclinante magis magisque valetudine, tandem cum nova hæc vexatio cxi ferme dies durasset, in mariti cubiculo atque oculis mortem obiit. Ægro-
tam

ram adhuc vxor mea officij causa adire vt posset, rogauerat, sed negatum id quoque: Ne corpus quidem exanime dimittere volebat præfectus custodiæ, ni prius Hagam scripsisset: ac postea quoque dicere cum non puduit, si non dimisisset rectè se facturum fuisse. Paulo ante huius obitum vxor mea obtinuerat veniam abeundi Lupisteno, sed non eò redeundi. Hagæ cum esset tum voce tum scripto paratam se ostendit refellendis omnibus quæ ipsi aut alij cuiquam obijci possent, vnde huius novæ maletractationis causa peteretur. Sed nemo repertus est qui causam redderet, nisi quod quidam hanc dixerunt, à me atque Hogerbetio responsum de iure super controversia feudali. Trium aut quatuor mensium interpellatione assidua vix tandem expressit vxor, vt, non bis vt ante, sed semel in septem diebus victus cocmendi causa arce exire sineretur.

Cùm hunc in modum Hagæ ante sententiam per menses novem, post eam aliquam multis diebus, Lupisteni vero per annum & menses decem in summa mœstitia ac solitudine vixissem de eo quod nobis restabat, sine vlllo quæstu, sine vlllo necessitatis subsidio, tandem Deus mei misertus est, atque eo ipso tempore quo nova

in me atque uxorem mala intendebantur, sparso rumore falso de funibus ab uxore coemtis & in arcem perlatis (cui mendacio refutando cum veritatis testimonium à custodiæ præfecto posceremus, obtentum ne id quidem est) viam mihi monstravit recuperandæ libertatis. Nam fortitudine atque industria vxoris arcæ inclusus, in qua libri ferri solebant, Gormchemum portatus sum, atque inde perveni Walovicum, & porro Antuerpiam : vbi ut calumniæ materiam præciderem intra domum Nicolai Grevinchovij pastoris quondam Ecclesiæ Rotterodamensis me continui, numquam inde egrediens: atque hic cum essem, animi mei integritatem Federatis significavi hac epistola ad ipsos missa.

Sublimes ac potentes Domini.

Exspectavi iamdiu ut vestro iussu ex gravissima custodia, quæ non me tantum, sed partim quoque uxorem & liberos detinebat, eximerer. Sed comperto, quosdam mihi peculiariter infestos novos querere obtectus, ut calamitatem meam intenderent, in eam rem iactatis etiam rumoribus, rationem ipse recuperandæ nativæ libertatis & excogitavi, & Deo iuvante, ad exitum, sine vi, sine largitione perduxi. Cum nullum viderem receptum propiorem, Antuerpiam me contuli, dispecturus ubi potissimum sedem quieti meæ & literarum

qui Hollandiæ præfuerunt. 307

studiis simpositurus. Valde mihi grave est, Domini, quod tam dura pati, libertatis simul & bonorum dispendio, coactus sum hætenus; & cogor etiamnum; intra intimos animi recessus mihi conscius, integerrimo affectu consilia à me suppedita quæ iudicare potui utilissima medendis difficultatibus enatis antequam ego ad rempublicam vocarer, sumpta cum fide erga magistratus Rotterodamenses qui ministerio meo utebantur parique obedientia erga Ordines Hollandiæ & Westfrisiæ quorum sub imperio eram. Sed nec tolerata hætenus mala, nec quicquid ultra mihi eventurum est, unquam id in me habebunt iuris, ut amorem patriæ mihi excutiant, quem semper corde gessi, & quantum mearum fuit virium; quas exiguas agnosco, opere ostendi. Pro eiusdem patriæ libertate, tranquillitate ac prosperitate Deum semper orabo, atque adeo ut in eum finem vobis;

Sublimes ac potentes Domini, bonum ac felix regimen largiatur. xxx Martij cio id xxi Antuerpiæ.

V. D. addictissimus

HUGO GROTIUS.

Antuerpiæ cum essem multis ab amicis admonitus sum, facturum me rectius si in Galliam irem; cui consilio morem gessi. Lutetiam cum pervenissem; Rege eius

que confistorio ad urbem non reperto, apud Bossizium primo, deinde apud Vicum, qui nunc sigilli custos est, post apud Ianinum, quorum omnium consiliis de republica Rex uti solebat, innocentiae meae reddidi rationem, simulque testatus sum constantem meum in patriam amorem, ipsos rogans ut quantum possent apud Regem laborarent ut Rex quam pater ipsius aeterna memoria dignissimus atque ipse semper ostenderant benevolentiam erga patriam meam eam nunc quoque retineret, salutemque ac tranquillitatem eius cordi sibi esse ostenderet. Ab ipsis vero amice admodum exceptus sum. Ne tum quidem cessarunt inimicorum malae artes: quibus effectum est ut ad proceres Federatos scriberetur dixisse me apud Regis consiliarios suppliciter à me oratos Federatos proceres ut quod carcere elapsus libertati me reddidissem id ignoscerent, meque posthac curaturum qua verbis qua factis ut ipsis placerem: eamque in rem serio admonitum me ab iisdem regis consiliariis, qui & hoc addidissent alioqui non passurum regem ut in regno eius viverem: quod si me componerem ad procerum Federatorum sententiam fore ut à Rege congiarium acciperem.

Qui rumor me iam tunc coegit rei ve-

ritatem ita vt nunc à me commemorata est publici iuris facere, atque ostendere quantum semper, etiam cum in malis summis versarer, abfuissem à culpæ deprecatione, conscius quippe mihi integri propositi & legitimarum actionum.

Ne post id quidē tempus desitum est me extorrem, bonis spoliatum, egentem amicorum calumniis insequi, quasi obtentu controversiarum de religione aut hostibus patriæ navassem operam, aut res novas quæsissem. Deus, cui percognitum est quam non affinis sim ei culpæ, patientiam mihi suppeditet, & huic & si quid malorum restat ferēdo. Eidem grates ago quod innocentiam meam magis magisque cognitam facit, & apud Regem eiusque consilium gratiam mihi conciliavit, ita vt non tantum Rex optimus ad salutationis officium admissum me benignissime exceperit, sed & annuo donativo honestaverit: atque etiam me apprecante sublevaverit alios qui ob animi sui religionem in eodem exilio versantur.

Manet interim in durissimo carcere Hogerbetius vir eximie probitatis & quocandidiorem animam Hollandia non tulit, atque ibi suam senectutem & liberum florem conterit: non impetrato levamen-

to vlllo ad tot totiesque admotas preces. quin ad hoc vsque tempus liberis eius cum paternis bonis etiam materna subtrahuntur, neque illis aut beneficio legum datur frui (quas Hollandi proceres sub Carolo Quinto ac Philippo tutati sunt etiam eorum in vsus quorum parentes perduellionis damnati erant) aut ius etiam redditur

CAPVT XIX.

*Nota ad sententiam in me pronuntiatam
cum indicatione multorum quæ ibi
dicta contra rei veritatem.*

QVæ dicta sunt hætenus, si recte intelligantur, valent ad solutionem præcipuarum rerum quæ sententia in me lata continet, cum inde facile collectu sit quæ facta à me sunt non privato nomine facta, sed vt à ministro tum magistratuum Rotterodamensium, tum Procerum Hollandiæ: præterea vero quicquid eius factum est ab his qui in me imperium habebant, id optimo animo & pro iure suæ potestatis factum ab ipsis. sed nequid intactum maneat, etiam particulares ad sen-

sententiam notas addam, & quid in ea verum, quid non sit, indicabo & quoties ita usus feret reiiciam lectorem ad ea quæ suprà dicta sunt.

Quando Hugo Grotius) Huius nominis non est quod me pudeat. Gessi id nomen omni vitæ meæ tempore ac nunc etiam gero non in dedecus aut familiæ, aut patriæ meæ. At iudices nomina sua sententiæ subscribere pudicum est, ut iam ante diximus.

Qui antehac assessor fuit magistratuum Rotterodamensium) commendatione vtriusque iudicum confessus & curatorum rei fiscalis nominatus ab Hollandiæ conventu & à Principe Mauritio lectus sum ad fisci Hollandiæ, Zelandiæ & Vvestfrisæ advocacy, quanquam valde iuvenis. Cum in eo munere aliquandiu & proceribus Hollandiæ & illis confessibus fecissem satis, atque in testimonium bene navatæ operæ auctum mihi esset salarium, & in superiore iudicum confesso promissus ultro locus, serio admodum à Consulibus & decurionibus oppidi Rotterodamensis rogatus sum accipere vacantem tunc adsecuram, nullo meo ambitu neque vlllo modo oblata opera. Re in consilium missa cum amicis, accepi tandem munus, con-

sultis prius Hollandiæ primoribus, eoque munere functus sum bona cum gratia & rectorum oppidi & municipum. Neque eo munere legitime sum destitutus: atque hoc ipso sententiæ tempore ne à novis quidem magistratibus renuntiatum mihi fuerat. Neque vero potestatem habent abdicandi me munere, cum in pactis conventis cum oppido factis ius mihi perpetuum quamdiu ego eo vti vellem quæsitum sit, egoque per omnia pactorum legibus steterim.

Nunc captivus habetur) Captus scilicet ab his quibus capiendi ius non erat, nulla præcedente inquisitione, contra manifestas leges & iura Hollandiæ. Vide supra caput XIII.

Apud delegatos sublimium ac præpotentium procerum Federatorum, quibus datum erat in ipsum habendæ quæstionis negotium) Hi delegati, iudices non erant, ac proinde ab ipsis habita quæstio pro iudiciali valere non potest: cumque ea ipsa à datis iudicibus repetita non sit, sequitur quicquid huic quæstioni inædificatum est, nullarum esse virium. Vide caput supra XIV & XVI. Tum vero proceribus Federatis in nos iurisdic-tio non compete-bat, ac proinde non poterat ab illis iure mandatum dari habendæ

in nos quæstionis. Vide ad hanc rem caput xv. Præterea qui delegati sunt, iniqui nobis erant & rem suam agebant vt xiv capite demonstratum est.

Ac postea apud iudices) Ambigua locutio. Id enim ita posset accipi, quasi quicquid in sententia sequitur id confitendo dictum fuisset tum apud delegatos priores, tum apud iudices, quod tantum abest vt multis de rebus apud iudices ne interrogati quidem simus. Vide ad hanc rem caput xvi. Hos autem iudices partem maximam aduersarios fuisse nostros indicatum est capite xv.

Ab eisdem proceribus Federatis datos ad rem ultra cognoscendam atque dijudicandam) Hæc iudicandi potestatem secundum ius legesque publicas dari à proceribus Federatis non potuisse clare ostensum est supra capite xv.

Extra tormenta ac ferrea vincula confessus est, ac de cætero ipsis iudicibus paruit) Etiam hoc ambiguum est, cum de plebe homines id ita accipiant, quasi capita singula quæ sententia continentur, non tantum probationibus, sed & mea confessione iudicibus constitissent, cum multa sint à me diserte negata, adeo non confessa, & quæ confessus sum posita sint in hac pronuntiatione

omissis qualitatibus necessariis, adiectisq; illationibus nulla ratione subnixis: præterea vero ibidem posita sint alia de quibus nunquam fui interrogatus: multa insuper quæ parere iudicibus non potuerunt, cum falsa omnino sint; ut mox singulatim indicabitur: cumque ego me adversum ea defendendi, & refellendi quæ contra me adferri poterant aut testimonia, aut indicia potestatem non habuerim: qua de re vide caput XVI & XVII. Nihil hic me extra verum dicere toti humano generi constabit, si quando obtinere potero, ut quæ in quæstione respondi plena edantur.

Cum licitum nemini sit, vinculum ac leges in quibus respublica Federatarum nationum Belgico-germania fundata est, ac per quas Deo aspirante ea respublica contra vim artesque hostium ac malevolorum hætenus stetit violare atque perfringere:) Lex summa legum omnium est, lex summi imperij quod semper fuit penes nationes singulas. Vinculum vero nationum inter se est Fedus Trajectinum, quo summum illud quod penes nationes singulas fuerat imperium, non tollitur, sed confirmatur, obliganturque sibi mutuo nationes, ut in eo tuendo alia alij opem ferant. Ad hunc modum tum ante id fedus, tum post id factum feliciter respublica gu-

bernata est, ut solet favere Deus his qui sine dolo ac cavillatione bona fide pacta implent. Hanc legem, fundamentum imperij, hoc vinculum procures Hollandiæ, quorum summa in nos potestas erat, rectores oppidorum qui opera nostra utebatur, ac nos, ut eorum subditi ac ministri, non violare, non perfringere studuimus, sed pie colere ac tueri. Vide hac de re caput primum.

Ipsum tamen ausum religionis statum concutere) Hoc vetus illud crimen est, quo probissimus quisque appeti est solitus. Vere dictum est à Vvilhelmo Principe Arausionensi eo libello quo ad diem sibi dictum à procuratore Regio respondit: *innocentissimum quemque non in suspicionem tantum vocari, sed & odio obijci posse, procurato ut hereticus censeatur. Nam eo confecto* (inquit ibidem Princeps ille) *experietur non tantum oblivione sepulta sua bene facta ac merita, sed & aqua omnia indicia, & quæ pro ipso facere possunt præsumptiones sibi subtrahi, ita ut ab eis nudatus in periculo sit causam dicendi de perduellione, ac seditione: ac breviter de omnibus criminibus atque delictis quæ comprehendi possunt sub nomine lesæ Maiestatis. Rursum vero cum de religione accusationes valde invidiosæ sint hoc præsertim tempore, necessarium ferme est, si quis pœnas à*

quoquam ea de causa exigere velit, neque tamen offendere aliorum animos quorum opera uti cupiat, ei accusationi velum obducere contextum ex criminibus violata maiestatis : quorum tamen reus frustra se purget apud eos qui suspectum se habent adulterata religionis. Nam cum illa maiestatis quae dicuntur crimina vera causa non sint ob quam conquiritur, impetitur, capitur, accusatur, absolutionem sane sperare non potest, etiam si certissima afferat innocentiae documenta, sed expectandum habet ut eorum criminum titulo atque prae-textu damnetur, aut si nimium manifesta sit innocentia, ut sine fine tracto negotio perpetuam atque miserrimam sentiat captivitatem.

O vera verba & vaticinium ferme eius quod nobis evenit. Idem ille Princeps, & Hollandiae proceres multis libris ostenderunt sub obtentu tuendae maiorum religionis hoc actum, ut libertati publicae, & legitimae regendi formae fraus fieret. Similia conquesti sunt Electores & Principes Germaniae, etiam Galliae megistanes. Me quod attinet, accusatio haec in me intentata non tantum a vero abit, sed ne verisimilis quidem est. Sciunt omnes, antequam Rotterodamensibus operam meam addixi, cavisse me ne vlllo modo controversiis de religione me infererem, cum satis haberem ornare Spartam quam eram nactus, perfe-

cutionem criminum & fisci patrocinium. Sciunt & hoc omnes, antequam Rotterodamum immigravi, pastores Remonstrantium sententiæ ibi fuisse in publico munere atque vsos pro sententia sua docendi libertate: quod & in aliis oppidis locisque Hollandiæ fiebat. Colloquia apud superiorem iudicum confessum, & in ipso Hollandiæ conventu habita pridem erant: notæ ubique controversiæ: de ferenda opinionum diversitate decreta facta. quid ab eo tempore factum quo vel in speciem dici possit concussus religionis status? Nihil sane, nisi quod æquitas ferendi se mutuo observata non est, secessio Ecclesiastica primum per artes impulsæ, deinde iniquis iudiciis confirmata, quorum omnium in culpa ego certè non sum. Quæ dedi consilia ea omnia congruentia fuerunt eis quæ magistratus Rotterodamenses ante ministerij mei tempus senserant dixerantque. Fac non sapientissima fuisse ea consilia: idne mihi præstandum est qui secutus sum imperia publica, & mādāta eorum in quorum eram potestate, neque vero eorum consiliorum repertor dici possum vlllo modo? At contra ita sentio, meliora consilia pro temporum ratione dari non potuisse, atque ea pertinuisse ad pacandum, non ad

concutiendum religionis statum : quod multis argumētis atque exemplis evictum est capite supra quarto & sexto : vnde & hoc discere est, quantopere assiduo laboraverim, vt ad sententiam à nobis in conventu Hollandiæ discrepantium propius ac propius accederetur, omniaque aggrefferim per quæ citra condemnationem & manente Ecclesiarum vnitatem transigi negotium poterat. Ibidem videre est & à superiore iudicum confessu, & à Rege Britanniarum datum hoc consilium, vt ferrent se mutuo dissidentes : tum vero & à pastoribus quibusdam Contraremonstrantibus quos vocant, & ab oppidi Dordrechtani rectoribus probata decreta, & quæ meo tempore pacis causa in medium allata fuerunt, quos proinde omnes oportet culpam sustinere perturbati status religionis si ego, eam sustineo. Quæ mens mea fuerit, aperte conspicere est in oratione quam cum quæsitore Dordrechtano atque aliis habui apud rectores Amstelodamenses : ex qua liquet studium meum fuisse, vt status religionis quietem acciperet, ac turbamenta omnia orta tollerentur, & quæ metui adhuc poterant, prævenirentur in tempore.

Deique Ecclesiam graviter premere ac contristare) Imo vero sublevare Ecclesiam ab

imminente divortio, & æqua pace exhilarare studui, ut videre est capitibus iam iam allegatis. Audio quosdam malevolos mihi in hanc rem abuti locis quibusdam ex libro quo piam mentem procerum Hollandiæ contra calumnias defendi, quasi ibi contra Ecclesiam constitissem. Editus est is liber probantibus reipublicæ Hollandiæ curatoribus, ab eruditis viris compluribus domi forisque lectus & utilis fore iudicatus. Propositum mihi fuit ostendere, immerito accusari proceres Hollandiæ quasi qui damnatis antiquitus erroribus faverent: ut ferrent se super ortis apud nos controversiis dissidentes, neque ratione carere, neque exemplo: neque vero novum esse quod summa potestas se componendis Ecclesiæ dissidiis interponeret: neque vero decreta convenientia cum lege divina, & usu Ecclesiæ veteris sola potestatis æmulatione sugillanda. Ut ostenderem summis potestatibus non minus iuris esse, quam illis senioribus qui apud nos assidere pastoribus solent, ostendi (verè quantum arbitror) tale seniorum genus, qui ad tempus constituerentur, neque aliam in rem quam ut presbyterio interessent, nulla de cætero functioni Ecclesiastica ipsis imposita, venire ab hominum instituto (quod

tamen ego nec damnem nec reijciam) non ex vlla divina præceptione. Sane dixi etiã pastores (qui sæpe magistratuum vitia solent quantum possunt exaggerare) ne ipsos quidem semper extra eadem aut similia vitia esse positos : esse inter eos qui se non contineant intra muneris sui fines, sed negotijs civilibus & magistratuum electioni se immisceant. An hac in re verum excesserim, sciunt plerarumque apud nos nationum atque oppidorum rectores qui iudicio valent. Et tamen addidi neque ordinem totum, neque maiorem eius partem à me incusari. Reges ac Principes effugere non possunt quominus in annalibus librisque aliis spectandi exhibeantur cum suis vitiis: Quo ergo iure Ecclesiastici ordinis homines ab hac censura immunes sint? Multi ægre ferunt quod ibi dicitur, pastores in Flandria adversos se obiecisse Vvilhelmi Principis consiliis, pastoresque Hollandiæ à proceribus monitos ne æstu inconsiderato causam darent exitio Hollandiæ, quomodo exitio Flandriæ iam dederant. Sed non à me hæc in lucem protracta sunt. Libelli adversus Vvilhelmum Principem, quibus acerbè traducitur ob pacem religionis ex pactorum fide à se cultam, & ob Galliæ amicitiam, Gandavi publicati

publicati sunt. Etiam illa procerum Hollandiæ ad pastores admonitio Licestrianæ præfecturæ temporibus facta, tum seorsim vulgata est, tum in historiis legitur. Narraui rem, ut erat gesta, tum ut pastores caverent sibi ne per imprudentiam se atque alios læderent, tum ut cives cæteri intelligerent, non semper sibi ac sine discrimine sequenda pastorum consilia præ consiliis ac decretis potestatum, unde multa sæpe sequuntur incommoda. De Ecclesia & ipso pastorum munere (quod sciam) nisi qua oportet reverentia locutus non sum.

Cui fini asseruerit, & in rem contulerit enormia & perniciosâ in reipublicam effata:) Docent nos iura non esse vagandum cum periculo alienæ existimationis, sed facta singulatim exprimendâ. Quare & hic effata illa nominata oportuit. nam quæ sint de quibus loquantur iudices, scire me nego. An illud forte quod dixi summæ potestati curam in res Ecclesiasticas competere? Assertum hoc, & usu probatum est ab Imperatoribus quorum nomina exstant in Codice Iustiniano, à Iustiniano in constitutionibus novellis quas vocant, à Catolo Magno eiusque successoribus in Capitularibus. Omnes qui de republi-

ca scripserunt, hanc cūram ponunt inter
præcipuas imperij partes, vt videre est
apud Bodinum, Tolosanum, Arniseum,
Lipsium, Keckermannum, Althusium.
Inter professores divinarum rerum Mar-
silius Patavinus, Bucerus, Musculus, Pa-
ræus & Anglorum doctissimus quisque
idem mecum dicunt. Qui certus ea de re
esse volet, videat testimonia quæ ad pro-
pugnandum decretum anni c15 10 cxiv
pro pace Ecclesiarum factum ad sectio-
nem primam allata sunt. Prudenter ad-
didi cautiones duas: quarum prior est, se-
quendam potestatibus Dei legem, ac ra-
tionem quoque habendam eius quod ve-
tus Christianitas crediderit, docuerit, fe-
cerit: & in his quæ ad salutem æternam
plane necessaria non sunt, vergendum
ipsis ad moderata & pacata consilia qui-
bus vnitas quamvis inter dissidentes con-
tineatur. Posterior, agere me de ordinan-
do publico Ecclesiarum statu, neque vl-
lo modo me probare morem sæviendi in
quenquam ob id quod animus ipsi bona
fide de rebus sacris dicat. Hæc effata exi-
stimo non esse enormia, sed æqua: non
pernitiosa, sed salutaria tum aliis civitati-
bus tum nostræ. Sed effata contraria quæ

in rebus sacrorum simpliciter id sequi iū-
bent, quod proxime factitatum est, aut
quod à Synodis sæpe iniquis pronuntia-
tum est, aut quod maiori plebis parti pla-
cet, enormia sunt ac pernicioſa, & à Re-
formatis fortiter oppugnata ſub imperio
Regis Hiſpaniæ libris editis, habitisque
orationibus.

*Atque inter cætera potenter aſſeruerit, aliorum-
que animis inſiſſerit, in publicis quoque conven-
tibus, per ſcripta, orationes atque alios modos
ubique ut aſſereretur atque inſiſgeretur animis
allaborarit, nationi cuique intra ſuos fines ſoli
ius eſſe de religione ſtatuerendi, neque licere aliis
nationibus ſe ei negotio immiſcere:)* Primum
hoc factum mihi imputari non poteſt.
Nam quod eius aſſerui in Hollandiæ con-
ventu; feci id mandato magiſtratum
Rotterdamenſium: & quod aſſerui in
conventu Federatorum, factum id man-
dato atque decreto procerum Hollandiæ.
Neque vero quicquam hac de re aſſerui,
quod non aſſeruerint mecum alij com-
plures qui ne compellantur quidem. Hoc
amplius, antequam ad rem publicam vo-
catus ſum, hoc ipſum deſenſum & facto
probatum eſt ab Hollandiæ conventu, ut
in quo ante meæ functionis tempora de
rebus religionis complura facta erant de-

creta vicinis nationibus inconsultis. Imo supra capite II. ostensum est in eadem sententia fuisse proceres Federatos, proceres Hollandiæ & Principem Mauritium anno cio io xc, quin & post has enatas controversias falsos esse primores Zelendorum Hollandis ius esse de religione imperandi intra fines suos: neque alias nationes ius habere se ei negotio interponendi, nisi per amica consilia: sicut ibidem quoque probatum est Geldros, Traiectinos, Transisalanos de religionis controversiis constituisse quod ex usu videretur: tum vero ius leges faciendi de gubernatione Ecclesiæ, quod semper penes nationes fuerit singulas, cum religionis imperio coherere. Non ergo ego cum aliis idem sentientibus, mandatu eorum quibus operam addixeram, rem novam asserui, sed quod semper creditum assertumque fuerat à novis & inauditis commentis vindicavi, potenter sane, quia ut cum Sophocleo Tiresia loquar

—*stat à me veritas, res præpotens.*

Neque ego id aliorum infixi animis, sed quod & Dordrechtani & Amstelodamenses prius nobiscum senserant, id defendi contra obiectiones noviter quæsitæ, neque iure aut vero subnixas. Si qua ad

hanc rem argumenta attuli, nihil ea in re à meo officio alienum feci. nam ideo oppidorum magistratus adseffores sibi adsciscunt, ut quod illis visum est, hi additis rationibus proferant: neque aliò spectabat hæc assertio, quam, ut pace inter dissentientes constituta consuleretur tranquillitati publicæ, adversum eos qui per iniuriam cogere nos volebant ut eo consilio abisteremus.

Probasse quoque ipsum & scriptis editis fuisse adiutorem, ut multa opiniones novæ pugnantes cum formulis Ecclesiastica consensionis, ante in reformatis Ecclesiis non recepta, neque legitime expensa, non ordine neque ex more Ecclesiæ in Ecclesias harum terrarum importarentur atque defenderentur:) De hoc capite interrogatus non sum, tantum abest ut fassus sim quod hic dicitur. Quin id quod hic dicitur, aperte repugnat notæ veritati. Nam si hic agitur de opinionibus extra quinque capita Remonstrantium, semper quantum in me fuit obstiti, ne eæ introducerentur defenderenturve, atque hoc egi, ut staretur formulis Ecclesiastici consensus, quod decreta facta cum ego in republica essem, tum anno 1619 tum postea, oratio à me habita Amstelodami, labor meus contra Socinum, omnesque cæteræ actiones meæ

restantur. Sin de sententia agitur conve-
niente cum dictis quinque capitibus, ea
publice defensa erat ab Arminio coram
superiore iudicum cōfessu, deinde in con-
ventu Hollandiæ: postea à pastoribus Re-
monstrantibus colloquio habito in eodem
conventu. Et vt ferrent se mutuo dissen-
tientes, iam superior iudicum confessus
suaserat, iam procures Hollandiæ decre-
verant, antequam ego rempublicam attin-
gerem, ita vt me adiutore facta dici non
possint quæ sine me iam facta erant. Tan-
tum decreta ante mea tempora sine me fa-
cta rectis (ni fallor) rationibus defendi, si-
mulque operam dedi, vt illa mutuo se fe-
rendi benignitas certis limitibus include-
retur vitandis omnibus quæ modum exce-
derent. Neque verò sententia Remon-
strantium nova dici potest: primum res-
pectu vniversæ Christianitatis, cum Christia-
ni prope omnes primis quatuor sæculis,
multi etiam serius idem senserint: etiam
eorum doctores eum in modū docuerint,
qua voce, qua scripto: sed nec ratione ha-
bita Reformationis, cum eandem senten-
tiam Melanchthon atque alij defenderint,
imo nunc quoque in Anglia antistites sint
qui ita sentiant, vt hæc ipsa sententia mox
dictura est, cum tamen fedus olim cum

Anglia initum dicat eam quæ est in Anglia quæque apud nos viget vnam esse religionem: sed neque dici id potest, si peculiariter patriæ nostræ res spectetur, quando ea sententia tolerata est in Holtmanno, Hermanno Herberti, Clemente Martini, Tacone Sibrandi apud Hollâdos, in Huberto apud Trajectinos, in Gellio Snecano apud Frisios. Receptæ ergo sententiæ si intelligantur eum in modum, ut pastores omnes ad illas adstringerentur, id verò ut fieret non egerunt Hollandiæ procures: neque ego eam ad rem adiutor fui. Sin recipi intelliguntur quæ feruntur in Ecclesia, dico sententiam hæc pridem receptam esse, etiam in Arminio Amstelodami. Pug-nare autem hanc sententiam cum formulis consensionem testâtibus, id vero à Remonstrantibus negatum est constanter; qui ultro provocarunt sæpe ad caput xvi Symboli Belgicogermaniæ, etiam ad illud in Catechesi, Christum peccata portasse totius humani generis, & quod verba solemnia excommunicationis & restitutionis in communionem insinuant, posse aliquem scilicet per crimina atrocia excidere à participatione beneficiorum Christi, atque ea recipi interveniente pœnitentia, quæ omnia illi aiunt cum sua sententia ad

amissim congruere. Addiderunt iidem Remonstrantes symbolum illud Belgico-germanicum explicandum ex concentu symbolorum quæ aliæ Ecclesiæ ediderunt, in quibus sunt quæ plane aiunt à se stare. Certe illud negari non potest hoc ipsum fuisse controversum, an Remonstrantium sententia cum illis formulis pugnaret, ac consequenter sub colore talis pugnae, quæ negabatur, æquum non fuisse hanc sententiam repudiari. Legitima vero exploratio ad hanc rem non ultra erat necessaria, quam ut cognosceretur an hæc sententia religionis fundamenta subverteret, quod satis perquisitum erat in Hagiensi colloquio, compertumque etiam partium confessione non subvertere. Hoc quod actum est, perperam dici non ordine neque ex more Ecclesiastico actum, primum inde apparet, quia in Reformatis Ecclesiis, ac nominatim apud nos de hisce controversiis consensum nunquam fuit, ne inter eos quidem qui à Remonstrantibus dissentiunt: atque etiam quia nemo reperitur antehac eo duntaxat nomine exclusus ab Ecclesia quod ea senserit ac docuerit quæ nunc Remonstrantes: imo vero Ecclesia Goudana (in qua & sententia hæc & docendi libertas pridem viguit) semper membrum

habita est Reformatæ Ecclesiæ in patria nostra. Vide hac super re caput supra III & IV. Non ergo in Ecclesias importata est hæc sententia, sed in Ecclesiis retenta: neque defensa, nisi quia erat oppugnata, pastoribus quibusdam probare aggressis, pugnare hanc opinionem cum divinis oraculis & formulis consensionem testantibus. Me quod attinet, dici non potest per me controversias has aliquò pervenisse ubi ante non erant. Imo vero ad pastorale munus commendavi homines modestos, monuique pastores ut quantum eius fieri posset in publicis allocutionibus harum controversiarum tractationem defugerent, cuius rei multos Rotterodami testes habeo. Et hæc quidem dicta sint quod ad facti attinet quæstionem. Nunc ad ius ut veniam, si peccatum est in Ecclesiam importare opiniones pugnantibus cum formulis consensionem testantibus, quomodo insones haberi possunt Electores ac Principes qui Reformatorum de Eucharistia sententiam in possessionem miserunt pugnantem certè cum consensionis testimonio, id est cum symbolo Augustano? Respondent Electores illi & Principes, Augustanum symbolum exponendum, & si opus sit emendandum quoque ex divinis oraculis.

Tum vero ipsum in his rebus consueque per-
uectum) Quod hic sequitur de edicto Scia-
 no præstare non est meum, neque mihi im-
 putari potest citra iniquitatem maximam.
 Verum enim est (cui etiam probando me
 obtuli) mihi ut adfessori à consulibus Rot-
 terodamensibus (qui oppidi sui nomine
 acquisiverunt potestatem quæsitariam in
 agrum Scianum quæ proinde mandatu ip-
 forum exercetur) iniunctum fuisse, ut con-
 ciperem aliquid in sensum quem continet
 illud edictum, ut id ipsum postea à quæsi-
 tore, eximiis & iudicibus agri Sciani ex-
 penderetur: à me vero diu id excusatum,
 ut qui semper ad mitissima quæq; & quam
 minimum iritantia prono fuisssem animo:
 tandem vero, cum & specialiter & sæpius
 præceptum id mihi esset, fecisse me impe-
 ratum. Mens vero Consulum (quam ta-
 men ut dixi præstare meum non est) fue-
 rat, sola comminatione prævenire tumult-
 um & cedis etiam periculum quod à non-
 nullis metuebatur. Sozomenus in Histo-
 ria Ecclesiastica de Theodosio narrat, le-
 ges quidem satis severas ab eo factas ad-
 versus temerarias Ecclesiæ divulsiones,
 non tamen secundum eas leges actum in
 eos qui deliquerant: quia non gravis esse
 subditis volebat, sed metu eos continere.
 Testium fide constabat qui in agro Sciano

cum in modū coibant non fuisse eorum ex numero qui larem ibi habebant, (extra quindecim aut sedecim qui alio modo desiderium suum implere poterant, vt infra ostēdetur) sed quosdam à Lugduno Flandros ortu, alios à Scidamo, alios ab Amstelodamo, quibus cur illuc procurrerent nihil erat causæ, cum domi aut in proximo pastores audire possent secum sentientes. Sed & hi excursores immodestis sermonibus alios eis locis habitātes irritabant, aientes missum sibi à rectoribus Amstelodamensibus pastorem: illos facti auctoritatem præstituros: ac si qua mulcta eo nomine penderetur, id de publicis vectigalibus deducturos: sibi proinde decretum perseverare in cœpto cum bona seu mala gratia quorumvis: neque multum se anxios etiam si id vnius, aut alterius vita constaret. Quæ iactantia verborum in magnum malum proruptura timebatur. Hæc vero in sententia fide non optima dissimulantur, cum tamen iudices hæc ita se habere scirent, certe scire possent, cum & ego apud illos hæc asseverassem & probationi me obtulissem. Sed & hoc subticetur quod æque probaturum me susceperam, quamvis publicatum esset hoc edictum (de quo decretum à iudicibus & eximiis agri Sciani

factum erat me neque præsente , neque
suasore) operam in hoc posuisse, vt nemini
ob istam minime necessariam & periculo
haud vacuam secessionem , imo nec ob
perfractum horreum quod publico impe-
rio obsignatum fuerat, noceretur: sed con-
tra vt vitandis cædibus aliisque incommo-
dis quæ metui poterant hi ipsi qui segreges
cœtus habebant non minus quàm alij reci-
perentur in fidei publicæ tutelam : Sed &
hoc insuper verum est , cum postea à qui-
busdam consulibus verba facta essent , vt
in Bleisvicensi agro, in quem iurisdictio ad
oppidum Rotterodamum ex emto perve-
nerat , & separatim à iurisditione agri
Sciani exercebatur , similis publicatio fie-
ret, id à me dissuasum. Præterea vero non
sine magna difficultate me annitente effe-
ctum, vt qui Rotterodami ab Ecclesia pu-
blica diverterant (quanquam in collatio-
ne ob eam rem instituta à decurionibus op-
pidi causas eius divortij satis graves nullas
attulerant , multasque satis æquas ad re-
conciliationem cōditiones reiecerant) in-
tra ipsum oppidum cœtus suos habere sine-
rentur, quia ita mihi persuadebam, acribus
remediis interdum aliquid profici circa ip-
sa secessionis temerariæ primordia, at ean-
dem temporis auctu adultam tutius diffi-

mulari. Tam multa consilia subinde à me data ad constituendam vnitatem & rependienda remedia, quibus omnium animi possent acquiescere eousq; , vt etiam conditio ferretur Nicolaum Grevinchovium, (qui maxime quibusdam invisus esse credebatur) sponte sua à muneris sui functione cessaturum, satis ostendunt quam à rigore alienus mihi animus fuerit. Hæc quoque probanda suscepi, sed facta mihi non est eius rei copia.

Vt cum satis sciret non esse in potestate eximiorum agri Sciani constitutiones ullas facere:)
De hac re interrogatus non sum: ac proinde contra ius & æquum sententiæ inserta est, tam non percognito negotio, vt hic soli eximij nominentur, cum tamen tam civilium rerum procuratio quam iudicia agri Sciani sint penes quæsitorem, iudices & eximios. Constitutiones stricto significato leges sunt communiter Hollandiam totam obligantes, quas facere se posse quæsitores iudices & eximij illi non ita amentes sunt, vt asserant. neque vero edictum, vt ab ipsis editum est, eo titulo inscribitur. At iura quæ in agro Sciano valeant, ab omni ævo facta sunt à quæsitore, iudicibus & eximiis agri Sciani, non minus quam à quæsitore & ingenuis agri Rhenani ac

Delphici quibuscum illi pari conditione censentur. Manifesta eius rei documenta præbent actorum libri, ubi & repertum iri-puto leges Comitum Hollandiæ quibus Scianis potestas intra suos fines ius faciendi datur. Hoc certe scio, fisci procuratorem in lite adversus Limmanos & alios Canemarios hæc verba posuisse. *Sic & quæstor ac feudorum possessores in agro Vorenensi, Putteno & Strideno, quæsttores etiam agri Sciani, Rhenani, Delphici, Canemarij cum suis aut feudorum possessoribus, aut ingenuis quæ faciunt leges non faciunt vi sue iurisdictionis, sed permissu Principis id est ex indultu ac privilegio dato à Comitibus Hollandiæ.* In hanc rem perquisitum certe oportuit, aut ex me intellecta quæ docere iudices poteram, antequam pro certo in sententia scriberent quæstori iudicibus & eximiis agri Sciani ius non esse edicta faciendi, ac mihi id fuisse cognitum, quod omnino falsum est. Fac tamē quæsitorem, iudices & eximios vi ordinariæ potestatis edicta condendi ius non habuisse (quanquam res ipsa aliter se habet) tamen hac in re ab ipsis Hollandiæ proceribus acceperant potestatem decreto quod xviii Martij die, & xxviii Aprilis eius anni quo gesta hæc sunt, factum erat: quo decreto etiam curatores reipublicæ

Hollandicæ iubentur magistratibus, honoratis & iudicibus auxilio esse ad secessionem prohibendas, ac nominatim ne quid ex aliis oppidis, aut locis fieret, quod alibi pacem ac tranquillitatem plebi excuteret. Paulo ante decretum quod pro pace Ecclesiarum factum erat mense Ianuario anni MD CXIV, cum parte legis conceptæ anno MD XCI de negotiis Ecclesiasticis, missum erat non tantum ad oppidorum magistratus, sed & ad quæsitores agrarios, ac speciatim ad Scianum, quo facto haud dubiè agri rectores potestatem acceperant in suo constituendi quod interna quies exigeret.

Eorum tamen nomine fecerit atque conceperis rigidam constitutionem) Iam dixi non meum hoc esse factum, sed Consulum nisi quod ego scripsi. An vero qui alieno iussu scribunt aliquid, eo nomine causam dicturi sunt?

Quod editum est die XXI Iunii anni MD CXV titulo quæsitoris, iudicum & eximiorum agri Sciani) Multo minus hoc ad me pertinet, cum decretum factum sit me neque præsentem, neque suadente, ut dicere occupavi.

Qui cum non ignorarent omnes Ecclesias publicas eius territorij insideri à pastoribus infectis

monstrantes , vt & in vicis contiguis ad agrum Rhenanum pertinentibus. Horum publicis allocutionibus contenti esse poterāt , certè donec tranquillandis omnium animis (quod vnice tum agebant proceres Hollandiæ) propius aliquid esset reperi- tum, ac non interim, dum id expectatur , novos cœtus constituere. Iudicent æqui omnes cum in templis publicis religio expleri potest, an tum rectum sit alios facere conventus, præsertim cum experimentis constet vix sanari vnquam adultum divortium. Hæc ratio Zelandos proceres impulit , vt legatis suis imperarent Hollandiæ proceribus consilium dare ne Ecclesias contra Ecclesias, presbyteria contra presbyteria erigi paterentur : quod tamen mandatum legati illi, aliorum instigatu, exsequi neglexerunt. Magnus ille in agrum Scianum à Scidamo , Lugduno, Amstelodamo concursus satis ostendebat aliud quam meræ pietatis negotium agi.

Tamen ea constitutione vetuerunt omnes cœtus vera Reformatæ religionis ergo alibi quam intra eas Ecclesias :) Quod in templis publicis ex animi sententia haberi potest, id extra quæri non debet.

Iubentes publicari domum, horreum, fœnile, navem, cymbam, campum locare alia ubi aliter

sacra fierent:) Convenit hoc communi iuri. Augustinus contra epistolas Parmeniani libro VII. *Imperatorum autem iustitiam legesque quæ vehementes adversus eos lata sunt quis ignorat? in quibus una generalis adversus omnes qui se Christianos dici volunt, & Ecclesia Catholica non communicant, sed in suis separatim conventiculis congregantur, id continet, ut vel ordinator clerici, vel ipse ordinatus clericus denis libris auri mulèntur. locus vero ipse quo impia separatio congregatur, redigatur in fiscum.*

L. Cō Constitutio Arcadij & Honorij quæ in
vêti- Codice exstat Iustiniano sic habet: Con-
cula
C. de ventricula illicita etiam extra Ecclesiam in pri-
Epif. vatis cætibus celebrari prohibemus, proscriptionis
& cler. domus periculo imminente si dominus eius in ea
clericos nova ac tumultuosa conventicula extra
Ecclesiam celebrantes suscepit. Inter postre-
mas Iustiniani constitutiones una sic ha-
No. bet: *Siquis in sua domo aut in suburbano eccle-*
vell. *siasticum ministerium præsumserit, aut aliis ce-*
de Ec lebrare concesserit, sine clericis sanctissimo loco-
elef. citu- rum episcopo subiacentibus, iubemus hæc domum
lis c. siquis aut suburbanum aut prædium, ubi tale aliquid
delinquitur, loci illius sanctissimæ ecclesiæ vin-
dicari. Altera hunc in modum: *Et priscis*
Nov. *sancitum est legibus nullis penitus esse licentiam*
vri- *domi quæ sacratissima sunt agere: sed publice*
priva *sinere procedere in credulitatem & Dei culturam,*
tis do
mi-
bus.

qui Hollandia præfuerunt. 339

secundum sanctionem de his sacratis actibus traditam. Et nos etiam hanc in presenti ponimus legem: quam etiam omni cautela tenere volumus. Omnibus enim interdiciamus magna huius civitatis habitatoribus: magis autem totius etiam nostra ditionis, in domibus suis habere quasdam quasi orationis domos, & in his sacra celebrare mysteria. Has leges exerceri ego sane nolim, ubi sunt qui in templis publicis religionem animi sui explere non possunt. Sed, ut iam patuit, de eius generis hominibus hic non agebatur. Multo gravior poena est carcer perpetuus in quem nunc damnantur pastores qui inviti protrusi è templis publicis aiunt, à se plebem suam pietate illæsa non posse deferri.

Etiam si loci dominus consensum non præbuisset, cui duntaxat actio servatur in conductorem, aut eum qui cætum convocarit: Verba hæc: etiam si loci dominus consensum non præbuisset in Sciano edicto non apparent: sed illud ibi legitur: ut salva sit domino loci actio quod intelligendum est valere, si dominus loci rem sciverit, etiam si non expresse consensum testatus sit. Nam verba generaliter concepta ad materiam idoneam restringenda sunt: & quæ in municipalibus legibus indefinita leguntur, trahenda sunt ad ea quæ ius civile constituit. Mos est in edi-

L. r.
C. de
sacro
san.
Eccl.
& ibi
gl.

Iul.
Cla-
rus 9.
fin.
qu.
86.
nu 2.
& 4.

etis magistratum poni ut parentes ex facto filiorum, heri ex familiae facto teneantur, etiam nulla addita exceptione, quo maior legi sit reverentia: sed & ratio & ius commune docent, edicta talia vim suam ita demum obtinere si scientia aut lata culpa intervenerit. Idem si opus esset evidenter posset probari exemplis edictorum quæ à concessu iudicum Hollandiæ aut ab oppidorum magistratibus fiunt. Quæsitur, iudices & eximij Sciani cum intelligerent ex odio sua verba sinistrorsum rapi, edicto posteriore significarunt: *nunquam sibi in animo fuisse, ut qui coitionis ignari essent in penas inciderent.* Vbi vero conscius fuit loci dominus, ibi domus aut locus publicatur ex iuris communis præscripto.

Adscripta insuper trecentorum florenorum mulcta in eos qui populum allocuti essent, qui mysteria distribuissent, aut aliud quicquam sacri actus fecissent: qui ve conventum convocassent quique habitarent ibidem quo coitum esset.) Multo maior, ut referentem audivimus Augustinum, erat Romanarum legum mulcta, decem scilicet auri librarum. Iterum in memoriam revocandum est, territos hac mulcta qui in locis publicis pastores habebant suæ sententiæ: cum hi qui nunc rempublicam tenent, postquam ex publicis templis ubique deiecti sunt Remonstran-

tes, in eos qui domum locumve conven-
tui locant, vtendumve dant, qui cœtum
convocant, qui ibi docent aut explicant
præleguntve quicquam, quive se gerunt
pro senioribus aut diaconis, collectasve fa-
ciunt, pœnam constituerint ccc floreno-
rum, cum amissione munerum publico-
rumprivatorumque, congiariorum, stipen-
diorumque, ac præterea maiori animad-
versione pro iudicis arbitrio : inque eos
qui pastores acceptant, aut stipem ad eo-
rum necessitates colligunt mulctam ccc
florenorum. omitto iam quod extra con-
stitutionis verba, qui cœtus adeunt mili-
tum telis conficiuntur.

*Cuius mulctæ ergo reus illico duci possit, neque
emitti antequam mulctam sub fiducia exsolvis-
set :*) Apud nos mos est communiter re-
ceptus, vt mulctarum ergo manus iniectio
sit : Et cum quis in ipso facto deprehensus
est, vt sub fiducia solvere cogatur. At no-
vissimum edictum quod in eos factum est
qui in templis publicis religioni suæ satis-
facere non possunt, longè vltius procedit.
iubet enim mulctas omnes ipso facto
exigi, quanquam interposita est querela
aut provocatio, idque sine earum fraude.

*Cum inusitatis appendicibus de agendi modo
recusationem respondendi pro confessione valitu-*

L. de
etate
§. qui
tacuit
ff. de
In-
terr.
act.

ram :) Hoc vero non inusitatum est, sed iuri civili congruens. In Traiectinis legibus sub rubrica x sectione xvi reperio, si quis vocatus sit, ut ad interrogationes certas respondeat, idque non faciat cōdicto die, iterum ei diem dici: cum comminatione, ni pareat, quod interrogatur pro confesso habitum iri. Caput vero cxxviii mandatorum quæ data sunt confessui iudicum Hollandiæ ait, si qui ad respondendum vocatus est adsit, neque velit respondere, tum id quod interrogatur, sive vnum sit, sive plura haberi pro confesso. Idemque præcipitur capite clxxxvii mandatorum quæ data sunt confessui iudicum superiori. Hoc ergo novum non est: sed illud magis quod nunc vsurpatur, & quidem ex decreto confessus iudicum per Hollandiam antiquioris factō die 11 Septembris anni c10 10 cxix cuius verba sic habent. *Magistratus oppidorum, tractuum agri, vicorumque ubi ta'es (Remonstrantium scilicet) conventus habebuntur, aut sponte pro officio suo, aut etiam quasitore interpellante possunt, ac debent eos qui conventibus interfuerunt, aut qui argumentis probabilibus ibi fuisse dicuntur, aut qui sub id tempus eo versus ex oppidis processerunt, ad se vocare, interrogare, ac iubere ut iuramento se purgent, an talibus conventibus interfuerint.*

nec ne : qui iurare recusant in eos manum injicere, ac captos eos impensis suis ipsorum detinere, ut eomodo sine litis figura adversus eos agatur ex edicto quod contra id genus conventiculi proceres Federati fecerunt. Vile oportet sit iusiurandum ubi quis tam levibus indiciis ad iurandum compellitur.

Et ius dicendum super dictis testium :) Edictum Scianum ait si quis confiteri nolit audiendos testes, & eo facto pronuntiandum sine alia litis forma : id est ita, ut opus non sit litis acta perscribi : sed ex dictis instruat iudicis religio : quomodo plerumque in oppidis iudicari solet, etiam ubi nulla est contumacia, quæ hîc adesse ponitur. Quid ergo horum abit à iure aut moribus ? Sed ut clarius pateat appendices quæ hic in odium recitantur non esse inusitatas, exhibebo hîc alterum ac serius decretum confessus iudicum *Hollandiæ*, quod factum est nonnullis eorum præsentibus qui inter iudices nostros sederant : ynde simul illud apparebit quantum id quod nunc facto peragitur, excedat nostri temporis meras comminationes, cum tamen, ut iam monuimus, in quos nûc ita agitur divortium non ut illi concupiverint.

Confessus iudicum Hollandiæ, consultato quis agendi modus observari debeat adversus peccan-

qui *Hollandia* præfuerunt. 347

iurādi negationem accedentem ad testimonia aut indicia indices vicani ingenuive pro confessione accipere poterunt: ac quasi confessos damnare in pœnas edictorum. Quod si reorum ulli adeo sint re tenui, ut omnino solvendo multas non sint, tum ut multas earumve partem mutare liceat in pœnam aliquot per dies pane & aqua victitandi, nimirum ut partem multa quantum posunt in pecunia pendant, & quod reliquum est, aut totam etiam multam, ubi summa est inopia, erumnabilis victus necessitate luant, prout res exiget, & habita ipsorum hominum accurata ratione.

Ipsū quoque captivum, ut impediret ne adversus ista:) Videntur hæc verba referri ad edictum Scianum, adversus quod nullo opus erat remedio, cū nunquam vlla ex parte ad effectum sit perductum, quod fide non bona hīc subticetur.

Adversusque nova istius opinionis invectionem illegitimam remedium adferretur & quod factū opus erat, fieret:) Opinionem non fuisse novam probatum est suprā. Proinde querendum erat remedium non contra opinionem, sed contra secessionem ob opinionem nondum damnatam.

Perpetuo obstitisse quominus communis Synodus Federatarum nationum haberetur, indicere- turve:) Hoc vero non modo factus non

sum, sed negavi diserte, & falso dici probaturum me recepi. Revincitur hæc criminatio ex edicto procerum Hollandiæ, in quo componendo mei quoque usus fuit: quo edicto aiunt proceres, non displicere sibi, ut pro tempore inita reconciliandæ unitatis via, si qua capita definitionis egere comperirentur, ea ut per Synodum communem è nationibus ad maiorem generalioremque alteram perferrentur, ut ibi tum veritas, tum necessitas eorum capitum ad divinas regulas expenderetur. Præterea revincitur ex consilio quod postremis temporibus Principi Mauritio à me datum est, quod memoratum est supra capite sexto. Verum quidem est, priusquam ego rempublicam attingerem, ita existimasse Hollandiæ proceres, absque Synodo negotium omne tranquillari posse, quod & ego credidi, motus exemplis & rationibus quæ supra eodem capite sexto videre est: sicut etiam arbitratus sum, Hollandiæ Synodum recte gubernatam ad eum finem satis idoneam fore ob rationes eodem loco commemoratas. Sed & hoc verum est nihilominus, tantam fuisse æquitatem tum magistratum Rotterodamensium quibus operam addixeram, tum procerum Holladiæ, quorum supremum in me ius erat, ut ad

spem quoque faciendam communis è nationibus Synodi aliorum desideriis se accommodarent, si modo placuisset illis aliis dirigere negotium, non ad damnationem & auctoritatem addendam occupatæ secessioni, (quorsum eam Synodum tendere pastorum quidam diserte affirmaverant) sed ad conciliandas partes. Sed quomodocunque id se habeat, quæ tandem ratio patitur, mihi imputari sententiam mihi imperantium quam sum elocutus, & quam illis placuisse ante me rebus suis adhibitum, satis liquido constat? Dudum erat, cum Synodum communem Amstelodamenses (nescio an quenquam eo tempore in conventu habuerint idem censentem) suaferant, cumque ea à proceribus repudiata erat, iniquioris iudicii metu.

Cum tamen Rex Britanniarum:) Hic primum cum Hollandiæ proceribus senserat, publico imperio continendos pastores, ut se mutuo ferrent, ut docet ipsius epistola. Verum postea non ex vero edoctus à quibusdam est, id agi ut prodigiosa ac pridem damnata dogmata in Ecclesiam inducerentur, ut sexto capite à nobis superius indicatum est: ita ut in hac causa provocare nobis merito liceat à Rege male edocto ad Regem eundem de rebus nostris me-

ter dissentientes suo exemplo confirmaverat, non tantum publice Iohannem Vtenbogardum audiēs, sed & cum ipso Eucharisticum mysterium participans, cū is pridem iam Remonstrantibus accessisset. Etiam postquam idem Vtenbogardus cognitus erat eius esse sententiæ, Princeps anno 1610 CX & 1610 CXIV ipsius tanquam domestici sui pastoris opera usus erat in expeditionibus Resana ac Iuliacensi, & anno 1610 CXIV, cū Traiectini proceres ius sibi quoddam in Vtenbogardum asserentes enixe contenderent ut is sibi concederetur, Princeps rogare perstitit ut eum sibi & Hagienſi Ecclesiæ relinquerent. Mansitque in Vtenbogardi communione Princeps usque ad invasionem Ecclesiæ claustralis. Idem Princeps tot decreta pro pace Ecclesiarum facta silentio transmisit, neque vnquam monuit proceres peccari in eo, aut publico Ecclesiarumve bono aliam viam esse ineundam. At vero non fuisse pietatis momenta quæ impulerint postea quosdam, ut Principi auctores essent, se decretis procerum obiiciendi, nimis apud nos notum est.

Ac pars nationum maior:) De septem nationibus quatuor tolerandos dissentientes censuerunt Geldri, Hollandi, Traiectini,

Transisalani. Cæteras res non tangebatur quod has controversias non haberent. Inducti quidem sunt postea Geldri & Transisalani ut communi Synodō indicendæ assensionem præberent : sed mens ipsis erat , ibi sumendum laborem ad pacem componendam, non ad definiendam causam. Vide supra caput quintum.

Cum multis insignibus Hollandiæ membris:)

Dordrechtani diu nobiscum eiusdē sententiæ fuerunt, publico imperio & pace inter pastores medendum controversiis. Amstelodamum & Enchusa magni sane momenti sunt, sed non ut contra pendant ordini nobilium, oppidis Harlemo, Lugduno, Goudæ, Rotterodamo , Alcmariæ, Hornæ ac tot aliis, quæ simul iuncta plus multo duobus illis oppidis inferūt in Hollandiæ ærarium. Edami & Purmerendæ ratio haberi nulla potest si magnitudo spectetur. alioqui censendi ius habent: sed in eo nihil exstant cæteris : ita ut vere dicere liceat insignia maxime Hollandiæ membra à nobis stetisse, & in ipso oppido Amstelodami insignes multos decuriones qui in consilio publico eius oppidi partem ferme alteram faciebant. Quid si verò non membra maxime insignia, sed pars membrorum maior nostræ fuisset sententiæ,

nonne ea iure prævalere debuit ? Quid si etiam Rotterodamenses, quorum eram in ministerio, propriam & ab aliis omnibus separatam habuissent sententiam ? nonne ea tamen mihi fuerat enuntianda ? Fac amplius, me auctorem fuisse Rotterdamensibus, ut consilium à Synodo communi diversum proponerent, quia ita factum optimum mihi videretur, siue rectè siue etiam errore quodam, id ne mihi ut crimen erit expiandum ? Deerunt suasores, si suasisse periculum erit.

Indicarent id ipsum certum ac necessarium esse remedium sanandis malis quæ in religione erant suscitata :) Remedium hoc primo certum non fuit: nam exitu compertum est, divortium ea ratione a deo non sanatum, ut potius factum sit insanabile ; quæ de re vide quæ superius dicta sunt capite quinto. At nec necessarium : nam & alia erant remedia, ut pax æqua ferentibus se mutuo pastoribus, procurata vel imperio publico, vel conciliatoribus ex sacro & profano ordine, vel per Synodum Hollandicam gubernatam potestate procerum Hollandiæ, & instructam fidei vicinorum consilio. Vide hac de re & quartum & sextum caput. Ex his multa sæpe idonea

de eis iudicio, id vero iuri potestatum esse contrarium. Puto ab omnibus reipublicæ administrandæ gnaris id agnosci. Etiam hoc dixi in oratione ad ordinem Amstelodamensem, sæpe Ecclesiasticos homines ubi in vnum locum collectos se vident ea facere decreta de gubernatione Ecclesiæ quæ iuri summarum potestatum damno-
sa sint. Verè id dictum apparet ex Synodo communi Hagæ habita temporibus præfecturæ Licestrianæ quæ eiusmodi decreta fecit de electione ad munera pastoralia, vt Hollandiæ procures necessarium iudicauerint sua contraria decreta iis opponere. Imo hæc ipsa Synodus tanto ambitu expetita, cui quod occursum voluimus nobis pro crimine imputatur, hæc ipsa manifestè ostendit verum esse quod dixi, quandoquidem non vnius nationis procures in eius actis non vnum caput deprehenderunt suo imperio ac potestati noxium, atque ea de causa acta nude confirmare abnuerunt.

In re Synodi neque censeri neque sententias numerandi ius esse:) Hæc non mea sunt verba, sed procerum Hollandiæ cum frequentes in Federatorum conventum venissent, voce quidem enuntiata die xxviii Iunij cio id cxviii, Iulij vero iii die tra-

dita scripto, quod quidem scriptum non à me (vt huius sententię auctores sibi videntur persuasisse, cum tamen ea de re interrogatus nō sim, multoque minus rem falsus) sed ab Oldenbarneveldio erat compositum. Rem quod attinet, cum sc. sus idem sit qui verborum sequentium, quod ibi respondebitur, hīc quoque responsum putator. Alioqui posse & censerī de Synodo & Synodum etiam communem convocari consentientibus nationibus, semper à nobis extra controversiam positum est.

Ac pugnaturum cum iure atque imperio Hollandiæ, si communis Synodus invito Hollandiæ conventui aut parti eius maiori obtrudetur:) Maior pars Hollandiæ ius habet ipsius Hollandiæ, præsertim vbi negotio adhuc agendo intercedit. Vide hac de re caput VIII Arbitrium de publico religionis statu, præsertim ad pacem constituendam super controversiis huiusmodi, penes nationes est singulas, vt in secundo capite videre est, vbi & illud fuit discere non aliam fuisse hac de re sententiam procerum Federatorum, procerum Hollandiæ, procerum Traiectinorum, & Principis Mauritiij anno c10 10 xc, post quod tempus nulla mutatio proferri potest. Cū verò in his

quæ nationum singularum sunt propria; nulli nationi invitæ obtrudi quicquam iure possit, sequitur id quod à nobis dictum est manifesto iure niti. Neque reperiatur antehac vlla communis Synodus convocata, nisi de communi nationum sententia. Ad me ut veniam, quicquid huius dixi in conventu Hollandiæ, id dixi mandatu ordinis Rotterodamensis, præsentibus atque ita faciendum censentibus aliis eius oppidi legatis. Quod autem dixi in conventu Federatorum, id dixi mandatu procerum Hollandiæ. Quæ ergo æquitas patitur, ut id ego præstem?

Eundem nunc captivum quo magis id impediret cum legatis oppidorum quorundam separatos cœtus habuisse, ut ibi explorarent alij aliorum sententias, eas conciliarent, atque ita coitione facta sententias in Hollandiæ conventum perferrent:) Falsum est conventus oppidorum quorundam Hollandiæ peculiare in id habitos ut communis Synodi indictio impediretur. Nam multo antequam oppida nostra inter se convenirent, proceres Hollandiæ Synodum talem negaverant, atque alias inierant vias, ita ut peculiare isti conventus ad hanc rem neque necessarij fuerint, neque usum potuerint habere. Sed verum est aliquam multo tempore postea-

quam Amstelodamenses, Enchusani, Edamenses & Purmerendani inter se, quibus & Dordrechtani deinde accesserunt, conventus habuerant peculiares ut coitione facta decreta procerum Hollandiæ oppugnarent, alia oppida, & in eo numero nostra, legatis suis mandasse ut inter se de negotio conferrent, non ad coitionem faciendam, sed ut decreta procerum secundum leges facta argumentis communibus defenderentur: simulque ad consultandum quousque dissentientibus Hollandiæ membris concedi à nobis posset, sine patriæ & oppidorum gravi detrimento. Legati oppidorum non quæ sibi privatim sed quæ oppidi cuiusque ordini visa erant contulere, oppidorum rectoribus rem retulerunt, rationesque & consilia sua sine ulla dissimulatione palam conventui patefecerunt. De me vere testari possum, dixique iudicibus & probaturum me recepi, neque auctorem me neque suasorem fuisse eiusmodi colloquiorum, neque aliud quam obedientiam præbuisse eorum imperiis quibus operam addixeram, ac proinde nihil esse cur ego hoc præstare debeam. Attamen dicam ut fidelis minister eorum quibus in me potestas fuit, expropositi diver-

sitate conventus tales bonos malosve censeri: ac bonos haberi qui ad tuendum ius ac salutem publicam fiunt. Lex magna data Hollandiæ à Maria Burgunda sic ait: *Liberum esto oppidis Hollandiæ inter se aut etiã cum aliarum nationum proceribus convenire, & quotiescunque visum ipsis fuerit conventum indicere in quemcunque visum fuerit locum, ut ibi colloquantur de negotiis ad patriam, aut oppida communiter aut scorsim pertinentia: neque opus habento eam ad rem venia Comitum: neque eo facto in Comitem peccasse censentor, aut ulli calumnia subjacento.* Mandata quæ ab universis nationibus Senatui Federis data sũt, sic habent: *Ne Senatores de decretis, consiliis ac deliberationibus confessus sui conferant extra confessum, nisi forte cum collegis, extra alios arbitros.* Scimus quomodo oppida quæ compendio navigationis per Hollandiam lædi se arbitrabantur inter se consilia participaverint, atque etiam pactis conventis se obstrinxerint, cum tamen res ageretur privata ipsorum, non patriæ publica. Princeps Wilhelmus Arausionensis Apologetico suo primo agēs de cōventu nobiliũ anni MD LXVI ait: *Non posse à se cōventus eiusmodi pro coitionibus haberi, cū qui se federe obstrinxerant, in eo perstarent, nihil sibi pro-*

positum facere, aut attentare contra utilitatē publicam. Deinde: si, ait, in hac re coitionis, aut perduellionis crimen commissum dicitur, aut id in eo positum est quod federati nobiles orabant rationem haberi eorum quæ admonebant, aut quod eadem de re vellent proceres Belgicogermaniæ consuli, aut quod generaliter ac sine ullo discrimine conventus omnes ei crimini sint affines: quorum trium nihil est (inquit) quod mihi se probet. Confer iam illam consiliorum participationem cum nostra. Illi qui tum participabant privati erant, non oppida, nec mandata, ut nos, ab oppidis habentes: illorum participatio nitebatur peculiari quodam ac novo federe: nostra veteri vinculo membrorum Hollandiæ, quo obligantur conservare ius corporis, peculiari pactione nulla interveniente: illi quod convenerāt, factum erat nolente Rege Hispaniæ tum Principe Belgicogermaniæ & contra eius edicta: quod nos, id congruebat cum voluntate procerum Hollandiæ, quæ summa erat potestas apud nos, & ad eorum decretuenda spectabat. Et tamen illa conventio à Principe Arausionensi Vvilhelmo probatur, nostra damnatur à xxiv conquistis iudicibus.

Deinde ipsum nunc captivum iniussu proce-

rum Hollandiæ:) Verum hoc non est, si modo iussus intelligatur ut iura præcipiunt. Nam procuratori aut patrono, cui causa mandata est, simul mandatum censi debet ea expedire quæ ad causam vtilissima iudicat, in quibus est, & nuntiationibus uti adversus actus iuri eius, cuius res agitur, damnosos. Qui à nationibus singulis ad conventum Federatorum mittuntur, generale mandatum habent tuendi ius mittentium, ac proinde etiam interponendi nuntiationes contra actus ipsis nocituros. Antequam à nobis nuntiatio interposita est die IV Augusti anni CIO IO XVIII decretum fuerat ab Hollandiæ proceribus, non posse cõsentiri in Synodi communis indiëtionem, tum ne, quod secundum leges procerum Hollandiæ erat proprium, cum aliis communicaretur, tum ob alias graves admodum causas. Die vero V Augusti in responso dato Zelandiæ legatis dictum erat: De habenda Synodo sapius in hoc conventu consultatum est: sed maiori parti visum est plerosque pastorum nimis studiis teneri huius aut illius sententiæ, partim etiam decretis quibusdam ac conventionibus obstrictos esse, tum ad oppugnandum ius summarum potestatum, tum ad tuendam hanc vel illam sententiam: quibus de causis non potuisse sibi persuadere proceres Hollandiæ, hoc animorum estus à Sy-

nodo cōmuni cōtroverſias æquo iudicio diſceptari & bono Eccleſiarum definiri poſſe. En mandatum & non aſſentiendi in talis Synodi indictionem, &, ſi tentaretur indiçtio, ius Hollandiæ defendendi.

Cumque ipſi de iuſſu procerum Traieçtinorum & Tranſſalananorum non conſtaret:) Quemq; de ſuo mandato ſollicitum eſſe par erat. Cum mihi conſtaret de mandato eorum quibus parere debebam, meum non erat de aliorum mādatis curioſum eſſe. Tamen firme credo cæteros quoque mandatum habuiſſe. Nam Traieçtini proceres ab anno cio io cvii Synodum indicendam negaverant, ſimulque affirmaverant ius de rebus Eccleſiaſticis atque etiam de religione imperandi ſibi intra ſuas terras deberi: Poſtquam nuntiatio, cuius hîc mentio fit, à nobis interpoſita eſt, perſtiterunt proceres Traieçti in vetere ſentētia, etiam cum Princeps Mauritius Traieçtum veniſſet. Neque minus nobilitas & oppida Tranſſalananorum nuntiationem à ſuis legatis interpoſitam iudicarunt ſuæ ſententiæ ac voluntati congruere, ac proinde poſt hāc nūtiationem die xii Octobris ab aliis legatis dictum eſt in conventu Federatorum, quod à Daventrienſibus & Haſſelanis tum ore, tum ſcripto poſtulatū erat

qui Hollandiæ præfuerunt. 361

de Synodo communi nationum, idiuri ac legibus nationis Transisalanæ adversari.

Ausum in domo Iohannis Oldenbarneveldij:)

Oldenbarneveldius eo tempore affecta erat valetudine, ac proinde solebant qui in ministerio erant Hollandiæ, nec minus legati nationum qui Federatorum conventui intererant, ad ipsum domum visere & consilium eius exposcere. Idemque non minus quam ego fecerunt cæteri quibus perspecta viri peritia in civilibus negotiis. Consilium audire eius cuius potissimum consiliis Hollandia utebatur, aut etiam concipere aliquid collegis ostendendum, estne illud illicitum? Legati nationum qui Synodum communem deposcebant, multo fecerunt amplius; cum ea quæ pro instituto suo videbantur scripto conciperent, in peculiaribus suis cœtibus, ubi & oppidorum quorundam Hollandiæ legati aderāt, quæ oppida cum in modum contra ius ab Hollandiæ corpore divellebantur.

Nomine nationum Hollandiæ, Traiectinæ & Transisalanæ coniunctim:) Imo nomine legatorum ab illis nationibus. Id vero à legatis vna ne charta an pluribus fieret, nihil intererat. Etiam legati Cislavici & Tráslavici cōiunctim verba fecerunt in conventu procerum Hollandiæ & Vestfrisiæ

cum Synodum è nationibus communem commendarent. Notandum quoque nationes singulas ex primo capite Federis Trajectini teneri auxilio esse aliam alij ad tuenda imperij iura, quod si nationes nonnullæ in officio negligentes sint, aut ipsæ in aliena iura involent, non eo tamen tolli obligationem inter cæteras volentes stare pactis conventis.

Prescribere nuntiationem:) vbi auditum vnquam est nudum scribendi ministerium dictante altero crimen esse, præsertim cùm id eo fit animo, vt scriptura ostendatur confessui, ac deinde id fiat quod confessui visum fuerit?

Quam etiam in conventum Federatorum Procerum intulerunt, qua pariter atque coniunctim adversus morem in eo conventu usitatum in modum coitionis adversus aliarum nationum legatos testationem interponebāt:) Quibus idem jus est, hi communiter causam agere non prohibentur, vt leges Romanæ nos docent: neque id vlla specie coitionis nomine accusari potest. Pugnare hoc cum conventus Federatorum aut legibus aut moribus, mihi non liquet: At vero Synodum communem vna natione, nedum pluribus refragantibus, indicare, neque vllis amicis compellationibus (quales factæ sunt

complures) inde abduci, cum more conuentus plane pugnat, quando vſitatum fuit hætenus, vt etiam in minoribus negotijs, & quæ nationes ſingulæ non tam aperte ſibi exceperunt, alij alijs obſecundarent, & ad communem gratiam cuncta dirigerent.

Fore eos auctores & cauſas malorum atque incommodorum per promotionem Synodi communis :) Dolendum eſt quod eventus oſtendit, vt Caſſandræ vaticinia, ita noſtra tam vera fuiſſe quam non credita. Similes denuntiationes interpoſitæ olim ſunt à Principibus multis aduerſus ſtudia Synodi Tridentinæ : à nonnullis etiam pariter atque coniunctim, quod hic immerito percoitionem vocatur. Sed quia eiufmodi nuntiationum ratio non eſt habita, ideo immedicabile factum eſſe vulnus Eccleſiæ aiunt Proteſtantes.

Quam nuntiationem etiam modo inſolito antea in confeſſum curatorum reipublicæ Hollandiæ intulerat, & prælegerat, non expectata perrogatione qua rite atque ordine feret :) Prælecta eſt in confeſſu legitimè coacto : & aut concordibus aut pluribus ſententijs, vt lex habet confeſſus, perrogatum eſt. Atque ideo nescio quid hic ſit quod factum dicatur modo inſolito. Neque ante, neque

post captivitatem meam quicquam memini afferri quod eo pertineret, nisi quod à quibusdam dictum est non in sedilibus, sed ad focum perquisitas sententias. At lex confessus nostros sedilibus non adstringit. Totus ille locus negotiis publicis destinatus est: & ut hyeme ad focum consuleretur, solet fieri, licet denique. Qui confesui interfuerunt, eorum id nemo ignorat. Siquid aliud de insolito hoc modo dici poterat, id expressum oportuit, non ita positum indefinite, ut refelli nequeat. Quod dicitur non ordine ac rite perrogatum, à vero abit: à me confessum non est: sed negatum rotunde, oblata etiam in cōtrarium probatione, ad quam admissus non sum. Et tamen hoc sententiæ inseritur. Quis iniquiorem vnquam vidit agendi modum? Qui contra decreta procerum Hollandiæ & confessus reipublicæ curatorum separatim suorum oppidorum sententias tentarunt perferre in conventum Federatorum, hi sunt qui fecerunt quod nec rite nec ordine fieri poterat. At iidem non impune tantum id ferunt, sed gratiam & mercedem reportant.

Ipsum quoque assensisse, & cum ceteris octo oppidorum legatis perpulisse, & quo effectum daretur adiutorem fuisse, ut magno faciorum contemptu

epistola procerum Federatorum ad convocationem Synodi communis scripta ad proceres Hollandiæ non resignata remitteretur:) Non habebam ego hac in re ius dicendæ sententiæ: Sed oppidum Rotterodamense cuius tum frequentes legati Hollandiæ conventui intererant, quibus hoc duntaxat visum est, accedere sententijs prioribus, quod à me ipsorum iussu enuntiatum est verbo vno atque altero, nulla mea apud legatos Rotterodamenses eam ad rem suasionem aut consilio: ita ut hic accuser tantum ob prolatam legatorum Rotterodamensium sententiam. Octo oppida hac de re nunquam consilia sociarunt. Neque ipsorum magis res agebatur quam nobilium & oppidorum extra illa octo, quibus idem visum est: nihil ergo hic perpulsum: nihil est quod ego effectum dederim: quapropter hæc narratio non modo confessionem meam excedit, sed simul pugnat cum manifesta veritate. Qui consilium remittendæ epistolæ dederunt, ab his consideratum est legatos aliarum nationum insuper habitis argumentis, orationibus atque nuntiationibus, ipso facto ire in possessionem iuris quod non ipsis, sed nationibus singulis intra fines proprios competeret: atque ea quoque in re extra controversiam imperium Hollan-

diæ ab ipsis invadi, quod litteris suis locum Synodi designarent Dordrecht intra Hollandiam impermissu procerum Hollandiæ quorum eo loco summa potestas erat. Refutare tam noxiam scriptionem supervacuum erat, cum quæ eo facerent argumenta & sæpè & quantum satis erat prolata essent, neque vnquam ad ea directe responsum. Recipi literas & taceri perniciosum fuerat iuri Hollandiæ, quod tuendum omnino iudicabant hi quorum sub potestate nos eramus. Ut remittantur epistolæ per quas ius aut imperium arrogatur novum non est, sed in Hollandia factitatum antiquitus etiam ab inferioribus adversus superiores, sicut videmus eius naturæ epistolas in ius vocantes à confesso Hollandiæ iudicium ad Machliniensem confessum remissas. Sed iniquitatem vide. Quod à tot hominibus pleno conventu factum est duobus aut tribus imputatur, cum cæteri ne appellentur quidem, quidam horum etiam in republica retineantur.

Ipsius quoque opera auxiliante conceptas litteras nomine procerum Hollandiæ ad Gallia Regē:)
Verum est à me iussu conventus Hollandiæ conceptas epistolas diversas ad regem Gallia, ad Regem Britannie, ad alios Principes ac ciuitates, ad quos omnes aliarum

nationum legati nomine Federatorum procerum scripserant, ut legatos Ecclesiasticos inde acciperent ad Synodi communis augmentum, & quanquam multum rogati ab Hollandis atque aliis, desistere ab eo instituto noluerant: quapropter conventui Hollandiæ visum est necessarium eos Reges Principes ac civitates edocere rerum gestarum veritatem & ius nationum singularum. Literæ ad Regem Galliæ ita ut à me conceptæ erant, quarum archetypum servavi, sic habebant.

Ex quo arma pro libertate ac iure publico sumpta primum à nobis sunt, Rex potentissime, dno præcipua mala nos exercuerunt. primum horum est, quod multi pastorum nobis nobilibusque & oppidorum rectoribus non permisissent uti eo iure quo maiores nostri circa electiones ad munera pastoralia, resque alias usi antiquitus fuerant nemine contradicente: alterum quod, orta per Ecclesias nostras contentione de subtilibus rerum divinarum controuersis puta de Prædestinatione & quæ ei adherent, pastorum multi alios à se dissidentes ferre placide non potuerunt, cum nos iudicemus id genus controuersias rectius arceri à cathedra, ac posse charitatem coli etiam inter diuersa placita in eiusmodi rebus sequentes. Spes nobis fuerat, postquam beneficio Regis in æternum memorandi parentis tui bello tam graui eramus liberati, tem-

pus nobis & occasionem non defuturam mala ista superandi stabilito inter cives recto ordine atque unitate. Sed contra evenit, ut pastorum nonnulli magis magisque sibi indulgentes non tantum Ecclesias miserabiliter disciderint, verum etiam causam dederint quibusdam de plebe; externis præcipuè, ne in ea quiete atque obedientia se continerent qualis desiderari ab ipsis merito posset. Et quomodo id hominum genus antehac in Synodis communibus, quas Nationales vocant, sæpè conati sunt munire sese contra ius illud rectoribus reipublicæ circa electionem ad pastoralia munera ac res alias debitum, atque etiam suos collegas in illis controuersis aliter sentientes censuris vexare, sic nunc etiam id agunt ut maiori cum pompa propositum vetus effectum dent.

Quamquam vero nationes quædam nostri federis quas ista incommoda minus urgent, ad indiétionem talis Synodi permoueri se passæ sunt, etiã nomine utentes in litteris indiétitijs procerum Federatorum, nos tamen gnari alium esse apud nos quam apud ipsas Ecclesiæ statum, tum vero federe quodcum aliis nationibus pepigimus, ius constituendi de publico Ecclesiarum statu nobis reservatũ, ita ut nullius imperijs ea in re teneamur, alia ostendimus remedia meliora, quæ incolumi libertate ac iure nostro ad res tranquille componendas valerent, ut videre est in oratione quæ has litteras comitatur. Quare conscj summa benevolentæ,

lentia, qua pater tuus nunquam satis laudatus, tuque paternis insistentes vestigiis rempublicam Hollandicam prosecuti semper estis; plane confidimus non permissuram tuam Maiestatem, ut subditorum suorum opera quisquam confirmetur in eo instituto quod iuri nostro adversum est, sed potius perstantem te in summa nostri caritate omni occasione laboraturum, ut legitima potestas nostra, te quoque sustentante, salva sit adversus factiones ac tumultus, cunctaque dirigantur ad maximam concordiam; cuius pats magna sita est in iuris cuique proprii libertatisque tutela. Quod nos super tot alia accepta à te beneficia grato addictoque animo semper prosequemur; Deumque venerabimur, Rex potentissime; ut solum tue Maiestatis stabiliat, tibiue largiatur firmam valetudinem & florens imperium. Tuae Maiestati addictissimi proceres Hollandiæ ac Westfrisiæ.

Oratio, cuius in literis istis mentio apparet, eadem est quæ habita erat ab Hollandiæ proceribus in conventu procerum Federatorum die xxviii Iunij & die Iulij iii scripto tradita, comprehendens conditiones satis commodas ad pacem constituendam etiam per Synodos & auxilia tum domesticæ tum externæ eruditionis, cuius orationis meminimus supra capite sexto. Me postea Rotterodamum digresso

formula ista literarum, primum per eos qui id negotij acceperant, deinde à conventu recognita est, meque absente nonnihil mutatum: quantum & quibus in partibus certo affirmare nequeam: confido factum id qua oportet prudentia, cæterum id præstare non est meum.

Quibus hoc agitur ut contra rei veritatem Regi persuadeatur Synodi communis indictionem hoc habere propositum ut summis potestatibus, nobilibus, ac insignibus vasallis adimeretur ius collationis sive Ecclesiastici patronatus:) Contra rei veritatem procedit ista narratio. Placuerat enim Regi Galliæ, Regi Britanniarum ac Principibus aliis commonstrari, non indictionis Synodi hoc esse propositum, quod perinde est quasi legati nationum eò contendissent, verum, non omnes quidem, sed aliquos pastores per communes Synodos sæpius id conatos: quod sane verum est, & verum esse apparet ex actis omnium antecedentium Synodorum, præcipue illius quæ habita anno CIO IO LXXXII Middelburgi, quæ circa electionem ad pastoralia munera nullam magistratuum facit mentionem: tū vero & eius quæ auctore Comite Licestrio habita est anno CIO IO LXXXVI, contra quam procures Hollandiæ speciali decreto ius potestatis suæ servaverant, ut

qui Hollandiæ præfuerunt. 371

suprà capite VII narratum est. Dictum præterea est in literis iisdem etiam nunc quorundam pastorum conatus eo tendere. Hoc vero ita esse non soli Hollandiæ procures iudicarunt, sed & Translavitici, qui propterea denuntiarunt nolle se pati ut ius patronatus apud se moribus receptum in controversiam vocaretur, ut eodem capite VII annotavimus. Ibidem commemoratum à nobis est, quomodo huius indicationis impulsores (de Ecclesiastici ordinis hominibus intelligi me volo) libros scripserint quibus rectores reipublicæ ab eo iure deiciuntur, quomodo eo solo nomine cætus segreget inceptaverint, & ad simile divortium alios arcanis promissionibus obstrinxerint. Quis potest ergo de eorum animo dubitari? Neque vero acta Synodi ab horum hominum mente nimium discedere apparet ex decretis Synodi compluribus, in quibus mutationem esse necessariam gravibus de causis nationes aliquot iudicarunt. Verum in illis ad Regem literis præter hoc incommodum, aliud quoque nihilo levius indicatur; nempe, *propositum pastoribus nonnullis collegas suos de Prædestinatione & rebus annexis aliter sentientes censuris vexare.* Cur hoc silentio dissimulatur, cum

etiam sine altero hoc solum suffecerit, vt sapientes viros omnes à Synodo eum in modum indicenda absterret?

Federatos proceres in eius Synodi epistolis indictitijs nomen Federatorum procerum usurpare:) Dici debuit, *quaſdam nationes nomen sibi aſcribere Federatorum procerum.* nam quod sententia hîc loquitur, commodum sensum non habet. Res ita habet. Nominè Federatorum procerum legitime prescribuntur acta omnia, etiam quæ ex partis maioris sententia decreta sunt, in rebus quæ legibus federis ad conventum Federatorum delatæ sunt: in rebus aliis idem non licet, nisi de communi nationum consensu. Proinde merito proceres Hollandiæ & alij censuerunt, si vellent Geldri, Zelandi & Frisij cis atque vls Lavicam Synodum convocare citra consensum quarundam ex nationibus sociis, licere id ipsis, sed proprio ipsorum nomine præscripto, non nomine conventus Federatorum, quia ea res ad vniuersitatem socialem non pertinebat, vt secundo capite ostensum est.

Quibusque Rex oratur non permittere vt suorum subditorum quisquam ad Synodum veniat) Verba habent *Confidere Hollandos Regem fidẽ ad Principes alios scribebatur)* non per-

missurū ut subditorum suorum opera quisquam confirmetur in eo instituto quod iuri Hollandia adversum esset. In epistolis ad Evangelicos Principes hoc amplius erat additum: *sed potius operamcos daturus, ut unitati Ecclesiasticæ, qua plerunque ex gravium controuersiarum definitionibus periclitari solet, consulatur per vias molliores, nimirum per Christianam moderatorem & ferendi se mutuo equitatem.* Etiam alia epistola concepta erat ad reformatarum Ecclesiarum legatos qui Regi Galliarum adsunt, qua rogantur Ecclesiarum suarum consilia ad pacem dirigere. Ego vero & apud Maurerium sæpè & apud Bossizium postea, Regis Galliarum legatos, precibus institi ut idonei viri rerum sacrarum periti ex Gallia mitterentur, qui pacis spem promouerent, & quæ eo facerent reperire iuxta alios allaborarēt. Vnde promptum est intelligi, non id egisse nostros, ne periti sacrarum rerum aliunde huc mitterentur, sed ne mitterentur cum definiendi mandato, & ad conventum eo modo ac forma indictum. Cæteroqui ut externi tum Principes civitatumque rectores, tum rerum sacrarum interpretes rem totam rectius perspicerent, eoque paratiores essent ad suggerenda salutaria consilia; placuerat cum literis Holladiæ simul ad eos transmitti capita

Remonstrantium, etiam illa capita quæ in colloquio Hagienſi deprehenſa fuerant inter partes convenire; decreta à proceribus Hollandiſ, Trajectiniſ, ac Tranſſalanniſ facta pacis ergo, exemplum conciliationis olim factæ in Polonia cum parte literarum quas ſimilem in finem Elector Palatinus ad noſtros ſcripſiſſet. In epiſtola vero ad Regem Britanniarum multæ aliæ rationes & exempla vetera producta erant eodem facientia, ex quibus omnibus conſtare poteſt de animo procerum Hollandiæ cum literæ iſtæ ſcriberentur.

Sed potius ut Hollandiſ aduerſus aliarum nationum factionem (ut ibi appellatur) eſſet auxilio:) Maniſteſta detorſio. Epiſtola agit, de legitima procerum Hollandorum poteſtate aduerſus factiones ac tumultus ſuſtentanda. Quæ ſint illæ factiones ex his quæ in eadem epiſtola præceſſerant, facile erat intellectu, vbi dictum erat, *paſtorum nonnullos magis magisque ſibi indulgentes non tantum Eccleſias miſerabiliter diſciſſiſſe, verum etiam cauſam dediſſe quibusdam de plebe, externiſ præcipuè, ne in ea quiete atque obedientia ſe continerent, qualis deſiderari ab iſſis merito poſſet.* Hæ factiones (Licetſtrianiſ illiſ non multum diſſimileſ) palam viſitatae erant Veteribuſ aquis, Harlemi, Lugduni, Huſdæ, etiam Hagæ. An ve-

ro etiam arcana decreta de indicanda Synodo communi facta à legatis quarundam nationum, adhibitis in consilium quibusdam legatis oppidorum Hollandiæ, atque eorum perpulsio ingratia Holladiæ & nationum aliarum contra ius antiquum, factionis nomine appellari possit, hîc non disputo, quando apertum est epistolæ verba non eo respicere. Beneficium quod his literis à Galliæ rege erat postulatum, idem placuerat postulari ab aliis Principibus civitatumque rectoribus, ad quos procerum Federatorum nomine destinatæ fuerant literæ. Epistola ad regem Britanniarum circa hæc verba desinit. *His quæ sincere, prout ipsa se res habet, Maiestati tue significantur, rogatur Maiestas tua animum advertere, summissæ suis in hanc rem publicam beneficiis hoc adiungere, ut legitimos eius rectores in coercendis conatibus seditiosis & tuendo imperij iure adiuvet: tum vero auctoritate sua, qua merito pollet maxima, doctorumque Theologorum consiliis à secessionis precipitate proposito eos avertat, qui ob controversias ad salutem non necessarias, difficiles præterea & vix explicabiles, etiam legitimis Evangelicarum monitionum gradibus non observatis, mutuas congregationes deserunt, & corpus Ecclesiæ lacerant. De Ordinibus vicissim certo sponderi potest epi in suo officio segnes non*

fore, ac praesertim diligentiam adhibituros, ut adversantia recepta veritati dogmata iudiciis Ecclesiasticis, & publica, si eam opus sit accedere, anima & versione ex Ecclesia exterminentur, omniaque fiant quae aut salutaris veritas, aut Christiana charitas exposcant.

Quae omnia eo pertinebant, ut communis Synodus & medicina malis in religione enatis impediretur:) Mens procerum Hollandiae, quorum eram subditus, & rectorum Rotterodamensium, quorum eram minister, fuit impedire talem Synodum qualis tum agitabatur, unde nihil expectandum erat, nisi definitio parum aequa, maior divulsio, & reipublicae rectorum mutatio. At alia multa meliora remedia ab Hollandiae proceribus non semel commonstrata fuerant. Vide supra caput sextum. Proinde ex vero dictum fuit in literis ad Regem Galliae conceptis: alia ostendimus remedia meliora quae incolumi libertate ac iure nostro ad res placide componendas valerent: Et in literis ad Principes Evangelicos: alia remedia monstravimus quae salvo iure nostro ac publicis legibus ad resarciendam Ecclesiae pacem rectius ducerent.

Ipsam quoque nunc captivum in Anglia eo fini monitu Iohannis Oldenbarneveldij animos tentasse Episcoporum, ut, si eo omnino deveniendum esset, aliqui ad Synodum adhiberentur qui

nova opinioni non essent contrarij :) Primum apparet hinc verum non esse quod dictum est supra, me Synodo semper obstitisse. Nam obstare Synodo & aliquos tentare, ut eos ad Synodum adhibeas, res sunt pugnautes adversis frontibus. Deinde patet hinc in Anglia, cuius religio cum nostræ patriæ publica religione una atque eadem censetur, in dignitatibus Ecclesiasticis, imo in eximiis dignitatibus, esse nonnullos Remonstrantium dogmati consentientes, quod dogma immerito hic iterum novitatis accusatur, cum ab antiquissimis Christianis magno cōsensu creditum traditumque sit, atque in Protestantium grege non paucos habuerit propugnatores. Cur ergo apud nos tantæ sunt excitatæ turbæ, ut eiicerentur ex Ecclesia & ex patriæ finibus qui illud adeo in Anglia non damnatum dogma defendunt? Tertio hinc discimus qua æquitate illa Synodus sit indicta, in quam nemo admitti potuit, nisi qui Remonstrantium sententiæ esset contrarius. Ad rem ut veniamus, quod hic dicitur non est verum, neque à me confessum, quamquam si esset nihil in eo peccati agnoscerem. Miscuerunt hic iudices duas diversi temporis narrationes, tam præcipientes in ferenda sententia quam in nobis in-

terrogandis cunctabundi fuerant. Dixi anno c10 10 cxiii, cum missus in Angliam essem ob Indicana negotia, conciliante Casaubono amicitiam mihi partam cum antistitibus Anglis, meque monitu Oldenbarneveldij ipsis aperuisse quæ essent apud nos controversiæ, vt intelligerem quid ipsi auctores essent ea in re faciendi ad tranquillandas Ecclesias: ipsorum autem consilia congruentia fuisse menti procerum Hollandiæ, optimam scilicet medicinam fore, si dissentientes se mutuo ferrent. Hoc est illud tentare animos. Verum itidem est anno c10 10 cxvii literas à me scriptas ad Marcum Antonium de Dominis Archiepiscopum Spalatensem conquerentes de his quæ non vt oportebat apud nos gerebantur, in quibus & hæc erant verba: *Vtinam is cuius in manu sunt corda regum Serenissimi regis animam inflecteret, vt missis viris idoneis ad disceptandas huius generis controversias rerum nostrarum statum certius exploraret, cognito malo facile aptissima remedia inventurus.* Mea autem mens, cum id scriberem, non hæc erat, vt ad communem è nationibus Synodum aliqui inde mitteretur (nam eo adhuc tempore spes erat Synodum talem argumentorum pondere & conditionum æquitate posse declinari) sed vt mit-

teret rex rerum sacrarum peritos vnum atque alterum , qui habito cum doctissimis partis vtriusque colloquio & controversiarum naturam & proposita remedia intelligerent atque ea renunciarent , vt Rex Britanniarum deinde ex illorum atque aliorum qui apud ipsum essent consilio excogitaret rationes quæ essent optimæ ad pacem ac tranquillitatem firmandam sine veri ad salutem necessarij detrimento.

Cum tamen univærsæ nationes Federatæ multis relationibus :) Relationes fiunt ad deliberandum ac proinde vim non habent obstringendi nationes.

Federibus :) Federa quæ in hanc rem producuntur, non inter ipsas facta sunt nationes, vt alias aliis obligarent, sed cum externis quos in religionem apud nos nullum habere imperium res manifestissima est. Quare illa federa ad præsentem de iure imperij circa sacra quæstionem nihil pertinent.

Pactiõibus :) Nullæ reperientur pactiõnes factæ inter nationes nostras hac de re. Postrema pactio est Trajectinum fedus.

Decretis :) Sed nec decreta reperientur quæ mutuam inter nationes obligationem pariant. Imo contra anno c10 10 xc à Trajectinis proceribus decretum , & à primo-

ribus tum Federatis, tum Hollandiæ probatum est, arbitrium religionis esse penes nationis cuiusque conventum. Vide ad hæc omnia caput II supra.

Alia aliis promiserint capita fortunaſque ſe obiecturas pro tutela Reſormata Evangelice religionis :) Nullo vnquam tempore probari poterit talem promiſſionem eſſe factam. Videntur tralata verba ex relatione facta anno CIO IO LXXXIII, ſed quam nulla nationum obligatio ſecuta eſt. Hollandis quidem placuit : *Vt Evangelica Reſormata religio, cuius publice uſus fuerat permiſſus receptuſque & qua tum publice in uſu eſſet, ubique intra Federatorum fines deſenderetur, neque publice docendi aut ſacra faciendi ſecundum religionem aliam ius permitteretur.* Sed hæc ſententiæ dictio obligationem non peperit, cum de eo nihil inter nationes contractum ſit. Tum vero nihil ad rem hoc facit : neque enim aut Hollandi, aut Trajeſtini proceres aliam religionem à reſormata publice deſenderunt aut deſendere voluerunt, ſed contra ſenſerunt congruenter peritiſſimis ſacrorum interpretibus controverſias quales hîc diſputabantur non efficere, ut alia atque alia ſit religio. Vide hæc de re caput III.

Vbiſque per hæſ terras recepta :) Ergo & in

oppido Goudæ & in Ecclesia Iacobina vrbis Trajecti, vbi illo ipso anno CIO IO LXXXI: I dogma Remonstrantium palam docebatur, aliis nationibus nihil contradicentibus. Minime vero procerum Hollandiæ, quorum pars Goudani sunt, ea fuit sententia, vt decreto huiusmodi sibi adimerēt potestatem illius quod nunc Remonstrantium dicitur dogmatis pastores in imperij sui Ecclesiis tolerandi.

*Neque ullam mutationem in ea facturæ, si-
rive se passuræ:)* Non debebant ergo pastores Remonstrantium sententiæ ex Ecclesiis eliminari. nam ea magna erat mutatio. Omitto nunc ne possē quidem summam potestatem se obstringere, nequid mutare ipsi in religione fas sit, si religionis nomine quævis dogmatum capita intelligantur, nisi intra animum suum certa sit summa potestas omnia illa capita nullo excepto divinis oraculis consentire. Hac vero de re certos fuisse proceres Hollandiæ anno CIO IO LXXXIII, si ratio habeatur eorum capitum quæ dicantur cum Remonstrantium dogmate pugnare, ne ab ipsis quidem iudicibus nostris credi credo.

Et his consequenter anno CIO IO LXXX sacramentum omnium præfectorum, ducum, centurionum & militum ita conceptum:) Sacramen-

tum præstantes obligat, non eos quibus præstatum.

Decretumque fuerit :) Non docebitur de hac re à nationibus rite deliberatum factumque decretum. Certe inter nationes ea super re contractum non est. Neque tamen hoc sacramentum attingit præsentem quæstionem, ut iam subiicietur.

Vt fidem iurarent proceribus communibus qui in federe & tutela vera Evāgelicæ religionis essent perstituri :) Ad discrimen communium procerum partis alterius, ut indicatum supra est secundo capite. Respicitur ergo hîc ad conspicuas notas quibus illa religio à Romanensi dignoscitur. De dogmatibus Reformatæ religionis iudiciū neutiquam permittitur his qui in hæc verba adiguntur. imo id cōfingere nihil esset aliud quam obsequium militare dissolvere & illudere reverentiam iurisiurandi. Iam diximus ea quæ rerum sacrarum periti ex principiis certis porro per argumentationem hinc inde inferunt, non eam habere vim, ut religionis diversitatem pariant. Ita olim sentiebant proceres non aliquarum duntaxat, sed omnium, ni fallor, nationum.

Et leges in quas dedita sunt oppida diserte contineant, ut ab eis reciperetur usus eiusdem religionis :) Iure victoriæ, quod ius certe ob-

tendi non potest adversus procures Hollandiæ & eorum membra, quorum opera simulque Zelandorum cæteræ nationes libertati sunt restitutæ. At ne illa quidem oppida quæ ad leges accipiendas armis coacta sunt, vnquam adstricta sunt, vt super agitatæ inter nos sacrorum controversiis partem alterutram amplecterentur. Multoque minus is sensus fuit nationum vt sese obligarent ad recipienda ac tuenda ea omnia quæ pastoribus in Synodis visa essent. Ea enim intoleranda esset servitus. Adde iam quod ne Synodo quidem definitæ erant controversiæ istæ quo tempore nos in republica fuimus.

Quomodo ea à sociis ubique recepta erat:)

Etiam Goudæ, vt dixi: etiam Trajecti in Iacobina Ecclesia. nam & hi inter socios erant. Evangelicam vero religionem cum tali libertate intellectam optima fide tueri propositum nobis fuit, multaq; bona consilia dedimus, vt ea libertas cum modo & sine offensa exerceretur.

Neque intra hæc stetisse captivum, sed ausum etiam reipublicæ statum turbare, et in ea quoque omnia ex sua suorumque libidine agerentur:)

Deus mentium cognitor. scit neutiquam mihi fuisse propositum turbare rempublicam, non magis quàm Ecclesiam. Æqui

omnes qui me noverunt antehac, ex rebus atque actionibus meis multo aliter iudicabunt quam hæc fert sententia. Res meas quod attinet, ex perturbata aut mutata republica nihil commodi sperare poteram. Hollandus eram, natus oppido Delphis, cuius maiores nuncupati Grotio & Cornetsio nomine per sæcula aliquot ei oppido cum laude præfuerant. Eadem Grotiorum domus iam olim & Hollandiæ iudicum confessui, & adsessioni magistratuum Dordrechtanorum viros eximios dedit. Per aviam paternam genus trahebam ab Hemskerckiiis quæ domus antiquitus inter nobilissimas Hollandiæ habita est, cui & Iacobum Hemskerckium patria debet, qui ad Calpen fortiter faciendo occubuit. Qui me sanguine contingebant proximè, affinitatem contraxerant cum familiis valde nobilibus, qualis est Almondana veniens ex Toparchis Stridenis, & Renessia atque Vtenengana apud Traiectinos. Propinquos habebam in republica non Delphis modo, sed Lugduni quoque, Amstelodami & in oppidis aliis, atque in honoratissimis patriæ confessibus. Per uxorem filiam Petri Reigersbergij, Veriani sæpe cōsulis, qui & Zelandiæ & Nassaviæ dōmo non inutilem operam navaverat, eamque ob cau-

bb causam Liceſtrianis tēporibus ab inimica factione eiectus oppido exulaverat, Zelandorum potissimis eram innexus, & ibi quoque in oppidorum regimine atque cōfessibus, habebam meas necessitudines. Tum vero literarū studia & vitæ tenor honestam mihi famam circumdederant. Iam in ministerio eram præclari in Hollandia oppidi, & quod, si ratio ineatur tam maritimorum vectigalium quam aliorum; publico ærario plurimum infert secundum Amstelodamum. In eo oppido amabar tenerè nec à magistratibus tantum, sed & à municipibus vniversis. Neque tantum ad Hollandiæ mittebar conventus, sed & pars eram confessus cūratorum reipublicæ Hollandicæ, à quibus mos est Federatorum quoque conventum frequentari. Quos inter honores is erat honos maximus, quod benigna hominū iūdicia his honoribus non imparē mē existimabant. Facultates meas reipublicæ credideram, vt fortunas meas vndique cum patriæ fortunis sociarē. Nemo gratuito malus est. Ergo vbi in suspicionē delicti vocatur aliquis, succurrit sapientibus Cassianum illud, Cui bono? Quid mihi tandem ex perturbata república maius his

quæ habebam poterat accedere? Rumor quidam, invito me ortus, Oldenbarnevel-
dio me successorem in grave illud & peri-
culosum onus destinabat. Vere testor, &
norunt propinqui, non modo doluisse me
hoc rumore, sed ita iudicasse, supra alia
multa ad id munus necessaria quæ in me
desiderabantur, valetudinem quoque
meam imbecilliorē esse, quam ut onus
illud laboris perpetui, neque recreatio-
nem ullam animo indulgentis toleraret.
quod si etiam eò pervenissem, nihilo me-
liore loco res mea futura fuerat, quam iam
erat. neque vero reipublicæ perturbatio
via erat quæ eò duceret. Imo si hac ten-
tatus fuisset ambitione, iudicio commu-
ni non ego ab ea spe longius quam cæteri
aberam. Quomodo igitur credibile cui-
quam fiat studuisse me rebus novis? Si
actiones meæ inspiciuntur, ne eæ quidem
ullam præbebunt ei rei suspensionem. Ab
ætate prima sectatus sum honestissimas
consuetudines, & honestissimis negotiis
me dedidi: cum cura legens & divina ora-
cula & quæ alia bene formandis moribus
valent. Vita probro caruit. Postquam tra-
dita est mihi fisci advocatio, qua fide ac ca-
stitate in ea me gesserim confessus iudi-
cum, fisci curatores & quotquot actionum

meorum inspectores fuere testes compello. Amor meus in patriam & præsentem reipublicæ statum, inclitamque domum Nassaviam ex omnibus libris meis cognoscitur. Pro navigatione Indicana; pro servanda apud nos pannorum politura laboravi quantum alius quisquam. Pro libero vero piscatu in Oceano tantum, ut Carletonus regis Britanniarum legatus, cum ab inimicis meis incitatus esset, ut contra me iam captum aliquid publice diceret, nihil quod diceret aliud invenerit, quam me principium fecisse sermonum de ea libertate, ut quæ & iure gentium & omnem memoriam excedente usu niteretur, cum tamen à me in eo argumento nihil dictum scriptumve fuerit diversum ab iis quæ anno ciro 1565 Federatorum procerum legati in Britannia defenderant, atque antehac maiores nostri etiam ante sæcula aliquot. Et tamen aiebat is legatus, mei infortunij exemplo terreri alios debere, ne eam sententiam tuerentur. Consilia omnia mea quæ dedi aut Rotterodami, aut in conventu Hollandiæ, aut in conventu Federatorum ad egregium publicum tendebant, quod attestari possunt quicumque adfuerunt. Sancte & illud asseram, me ex

quo reipublicæ admotus sum à Principibus potestatibusve externis nec teruncium accepisse : à civibus autem quibus gratum feceram tantillum ut negare superbum fuerit. Qua specie de eo qui sic vitam suam instituerit, cogitari potest tam immane consilium quale hîc mihi exprobratur? Tantum vero absit ab hac culpa, ut & Principi & aliis significaverim, si quenquam offenderem ego aut actiones meæ (quæ omnes ad oppidi Rotterodami & Hollandiæ salutem dirigebantur) ac proinde crederentur turbæ aliquæ mei occasione posse oriri, libenter me ab omnibus honoribus exiturum : quod si id satis non esset, etiam sponte patria excessurum si vel eo modo tranquillitas publica posset redimi. Rogo omnes qui hæc lecturi sunt ne, quæ verè iam dixi, ea in iactantiæ partem accipiant, sed ut extorta defensionis necessitate.

Eundem nunc captivum adiutorem fuisse talis in republica gubernationis, ut diversi tum Ecclesiastici tum profani ordinis homines qui per injuriam se laesos, exsules actos, excedere iussos aut aliter oppressos querebantur in iure audiri aut effectum iudiciorum consequi non potuerint, sed oppidorum magistratus obfirmati sint, ne preceptis quæ

ſebant ab ordinariis iudicum conſeſſibus parere:) Si quis fuit in omni Hollandia qui honorem habuerit iudicum conſeſſibus, eorumque auctoritatem deſenſam voluerit, eum me dicere audeo. Dum ſiſci patronum egi, id ipſum oſtendi, quantum mearum fuit virium, neque id ipſos iudices latet. Ad rempublicam vocatus in eodem animo perſtiti, omneſque arripui occaſiones gratum ipſis faciendi. neque id ſine cauſa. nam præterquam quod, vt id fieret, reipublicę intereſſe credidi, ipſi iudices multis modis me ornaverāt: ſuperior conſeſſus etiam me commédaverat, vt in ſuum cœtum allegerer. Inter ipſos iudices multi mihi erant amicitia iuncti, quidam etiam propinquitate: ita vt manifeſta ratio credi cogat quicquid à me aſſertum fuit contra ipſorum aſſertiones, nō aliter à me factum quam ex officiij neceſſitate. Ad rem vt veniam, primū hęc diſputatio quæ nos cum iudicibus commiſit, ad proceres Federatos pertinere neutiquam poteſt, cum conſeſſus illi neque in miniſterio ſint Federatorum procerum, neque illis fidem iuraverint, ſed natio vnaquæque curet ius reddi ſuo nomine, niſi quod Hollandia & Zelandia conſeſſus communes habent. Ne-

que vero aut dixi, aut feci quicquam privatim, sed expresso iussu decurionum Rotterodamensium, aut procerum Hollandiæ: quantumque eius à me dictum factumve est, tantundem fecerunt oppidorum adseffores alij, qui ne appellantur quidem. In componenda demonstratione iuris, quod nos contra ea quæ à iudicibus asserebantur tum conventui procerum, tum oppidis competere existimavimus, non meæ tantum operæ usus fuit, sed iuxta me adsefforum Dordrecht, Harlemi, Lugduni & scribæ Alcmariani. Quod de ea re perscriptum, id primum à nobis vniversis, deinde ab ipso conventu approbatum est. Nec novi quicquam defensum est à nobis, sed quod oppida antiquitus defenderāt, quodque decretis multis ante mea tempora factis erat confirmatum. Ipsi Amstelodamenses, Enchusani, Edamenses & Purmerendani in allocutione ad confessus iudicum aiunt, causarum genera quædam tum procerum conventui, tum oppidorum magistratibus præcipuo iure esse attributa. De huiusmodi causis non de aliis nos agebamus. Certusque sum, si se occasio dederit, novos reipublicæ rectores non aliud dicturos quam tum à nobis dictum est: quod quale sit quibusque rationibus nitatur hîc

non exsequar, cum præstitum id sit suprà capite XII. Quæ vero æquitas patitur, vt privatim nos luamus quod nos privatim non fecimus, sed vt ministri oppidorum, aut vt negotium habentes à cōventu mandatum, neque vero soli, sed pariter cum aliis quorum nemo convenitur. Multo speciosius illi conveniri poterant qui in causâ Blauhulciana missos ad se iudices prohibuerunt mandata superioris confessus implere. Atqui etiam inter iudices nostros sedit, qui fixa ab illis quos missos tum dixi programmata refixit. Excusat se mandato eorum quos superiores habebat, negatque à se id privatim præstandum. Mementote ergo, ò isti, non aliter in causâ alterius iudicare quàm quod in vestra æquum censeatis. Et tamen multum interest inter causam vtramque: Nam cum Enchusæ illud gereretur, nondum procerum Hollandiæ auctoritas se negotio interposuerat. Addam apud nos non tantum duobus illis notis confessibus, sed & confessui curatorum reipublicæ Hollandicæ ordinariam esse de rebus multis iurisdictionem, ac proinde qui ibi audiuntur, iis iudicium negatum dici non posse. Quantum attinet causam quorundam municipum Harlempjesium (nam ad eam præcipuè respicere vi-

dentur hæc sententiæ verba) Rotterodamenses ita de ea censuerunt , præcipiendum confessui iudicum superiori (quomodo factitatum antehac sæpe fuerat) acta ut transmitterent accurate expendenda , ut cognosceretur in modumne litis civilis, quod ordinarie dicitur , an ad formam publicorum iudiciorum, quod extra ordinem vocant, causa processisset: Si ad modum litis civilis aut alio quidem modo, sed non legitime actum appareret, tum ut cognitio superiori iudicum confessui redderetur: sin criminaliter & legitime fuisset actum, indicaretur id ipsum dicto iudicum confessui, neque eo minus daretur opera , ut commodis rationibus municipes illi magistratibus suis reconciliarentur. Quod vero pertinet ad municipes Lugdunenses , qui homines privati adversus magistratum coitionem fecerant , hi neque a confesso iudicum ad provocationem admissi sunt, nec quominus id fieret interdictum : sed conventui placuit, siquid postulandum haberent , faciendum id ipsis non in modum corporis (nam corporis constituendi qualitatem non habebant) sed viritim. Quoties vero iudicum confessus egressi potestatis suæ fines in ius vocarunt quenquam de causis quæ secundum leges veteres appellatio-

ni non faciebant locum, semper oppidorum magistratus censuerunt non esse cur obtemperarent. Imo decretum anni cio 10 xci diserte continet hanc sanctionem, *ut epistola citatoria contra eius decreti præcepta emissæ, & secuta diei dictio ipso iure pro nullis haberentur, ac proinde ne quis teneretur eis morem gerere.*

Vtque alijs alios hac in re confirmarent:) Rotterodamensibus eo opus non erat. semper laboravi, ut cum iudicum confessibus pax nobis esset. Semel literæ citatoriæ satis enormes in eos emissæ sed revocatæ sunt.

Atque procerum auctoritate totum hoc consilium velarent:) Nihil opus erat eam in rem quicquam operæ sumi, cum pridem edicta vulgata, decretaque facta essent idem iubentia quod nos postea censuimus, ut conspiciere est capite XII.

Ipsum captivum de eo aliisque negotiis cum dictorum oppidorum legatis, monitu Oldenbarneveldij, cætus peculiares ac conventicula habuisse:) Nūquam huius rei ergo legati oppidorum in vnum convenerunt: sed verum est à pleno conventu quibusdam & eos inter mihi id datum negotij, ut contra libellos confessuum iudicialium conciperemus scripto quæ ex mente erant procerum atque oppidanorum magistratuum. Id conceptum

cum esset exhibitum est conventui, & à conventu ad oppida missum, ut si qui decepti hac in re erant vera edocerentur. Res ceteras quod attinet de quibus oppidorum legati inter se contulerunt (quod ipsum maxima ex parte factum est me absente) & qua occasione id evenerit, de eo actum supra est. Quoties iuxta tam multos alios, quibus nulla lis eo nomine intenditur, his conventibus interfui, non monitum Oldenbarneveldij ego respexi, qui officij sui existimabat monere membra, ut ius corporis salvum præstarent, sed iussa ordinis Rotterodamensis cuius eram in potestate.

Ut etiam ea de re alij alios audirent, atque ita coitione facta sententias in conventum Hollandie perferrent, ac decreta formarent è re sua:) Imo res est, antequam oppidorum legati peculiariter convenirent, atque adeo ante diem IV Augusti anni CIO IO CXVII multa decreta facta contra id quod confessus iudicum asserebant. Et ut prætereamus tam edicta quam decreta quæ facta fuerant annis CIO IO LXXXV, CIO IO LXXXVI, CIO IO LXXXVII, simulque decretum factum quidem anno CIO IO XCI, confirmatum vero anno CIO IO XCII (quorum omnium facta est mentio capite XII) multo ante dictum diem IV Augusti anni CIO IO CXVII præce-

ptum fuerat confessui iudicum antiquiori,
ne cognosceret de lite quæ de Ecclesia
Vvarmenhusiæ exorta erat. Mense Iunio
anni cio 10 cxiii concordibus sententiis
conventus decretum & ad eundem con-
fessum perscriptum fuerat è re nata (Abra-
hamus Vivenius quidam Rotterodamo
exire iussus erat) ne de ea similibusque cau-
sis cognoscere vellent. Post id die xxiii
Martij anni cio 10 cxvii ad superiorem
confessum ab Holladiæ conventu scriptæ
erant literæ, quibus & illi vetabantur pari
se appellari à pastoribus ministerio exau-
ctoratis, aut ab his quos consules, rectores
& ordo oppidorum oppidis migrare iussis-
sent, neque itidem citationes decernere
contraregulam præscriptam decreto anni
cio 10 xci. Cumque adversus hæc libellus
à superiore confessu exhibitus conventui
& ab altero cōfessu epistola ad conventum
scripta esset, die xxvii Aprilis anni cio 10
cxvii placuerat, *adversarium libellum com-
poni, quo iura ac libertas publica, itemque iura ac
leges oppidorum defenderentur cumque iungi iu-
dicum scriptis, ut simul à magistratibus ac decu-
rionibus expendereetur: pendente vero hac delibe-
ratione imperari confisibus iudicum, ut parerent
his quæ die xxiii Martij ad ipsos perscripta
fuerant. Quæ omnia pluraque alia decreta*

facta, literæque perscriptæ erāt, priusquam oppidorum legati mittentium mandatu consilia sociarunt ad tuendum ius publicum factaq; decreta. Quare ut multæ aliæ, ita & hæc sententiæ pars aliud dicit quam res habet.

Vbi etiam summatim repetita sunt capita de quibus subinde ad proceres relatum fuerat, ut de illis perrogatio generalis fieret:) Hæc cum videntur sensum continere quasi sæpius instituta sit talis repetitio, cum me quidem conscio tale nihil factum sit nisi sub id tempus quo factum est decretum dici iv mensis Augusti anno c10 10 cxvii. Perverse & hoc dicitur, relatum duntaxat de capitibus ad conventum fuisse, cum ex vero dixerim capita eius decreti omnia singulatim in conventu perrogata iam fuisse: legatos vero oppidorum collocutos, ut illa singula alij aliis in memoriam revocarent, nihil autem novi ab ipsis constitutum decretumve, deinde vero in ipso conventu capita illa vniuersa in vnum collecta, voce pariter perrogata, & ab Oldenbarneveldio presentibus è conventu plurimis qui à conventu id negotij acceperant perscripta. Huic consultationi tum oppidorum seorsim, tum apud Oldenbarneveldium interfuerunt non tantum quidam de oppidis

oſto, Harleſmo ſcilicet, Lugduno, Gouda, Rotterodamo, Brila, Schonhovia, Alcmaria, Horna, ſed & de Delphis, Gorichemo, Medemelaca, puto & aliis. Scribundo adfuerunt etiam è nobilitatis ordine nonnulli, qui pro ſe ſententiam dixerunt, non cuiuſquam mandatu, vt ego & adſeſſores cæteri. Tamen horum nemini negotium exhibetur, ſed ſoli mihi, qui neque voce, neque ſcripto quicquam feci præter cæteros, & quantum feci, id feci primum mandatu & in præſentia legatorum Rotterodamenſium ex iuſſu ac mente ordinis oppidani, deinde ex imperio conventus. En vt vndique in me conquiruntur crimina.

*Quod factum quoq; eſt & ab Oldenbarnevel-
dio perſcriptum, ac collectim voce ipſius pronun-
tatum*) Prius pronuntiatum, deinde perſcriptum ab his quibus à conventu id erat mandatum.

*Acce illud decretum diei iv menſis Auguſti
anni cio 10 cxvii:)* Morbi acres quales ſunt
motus plebis temerarij adverſum magiſtra-
tus acribus interdum remediis egent.. At
quiſquis cum hoc decretum alterum con-
feret factum die vi Februarij anni cio 10
Lxxxvii, ſupra capite vndecimo recitatum,
multo illud reperiet acrius. Fateor alium
tunc fuiſſe exitum ſed

----- *nanquam successu crescit honestum.*

Neque vero tantum est fortunæ regnum; ut ex iure iniuriam, aut ex iniuria ius facere possit.

Quo præcepta ordinariorum iudicum cum ipsorum instituto pugnancia pronuntiantur ipso iure nulla, magistratusque oppidorum confirmantur, ne iis pareant:) Iam à belli initio interdictum iudicibus fuerat in ius vocare quemquam contra decreta procerum: unde sequitur, si quid tale fiat, censendum esse vitio factum & sine iuris effectû, ac proinde vires non adesse ad obediendum quemquam obligandi: quod ipsum diserte definitum fuerat decreto anni cio lxxci. Neque novum ergo hoc erat, neque præter ius. Vide caput xii.

Potestatemque accipiunt muniendi se novis hominibus armatis quos oppidatim conscriberent; atque in sua propria verba adigerent extra commune Federatorum sacramentum:) Ait decretum, rectoribus oppidorum potestatem fieri etiam plures conducendi homines armatos, si consules & decuriones oppidorum hoc ad suam securitatem & vim arcendam necessarium indicarent. Oppidis per se antiquitus ius fuit homines quosdam armatos habendi sub suo imperio; ut capite decimo demonstratum est. Atque adeo ante id decretum quod hîc memora-

tur oppida complura iam habebant homines armatos. Cuius gratia id fiebat & honestum & iustum erat, ut contra seditiones tuti essent magistratus, ut arceretur vis omnis in deiiciendis magistratibus, in extorquendis edictis, in domibus expilandis, in locis publicis invadendis & quæ alia sunt ad eum modum. Nihil hoc socios tangit. nam sicut de rebus civilibus imperium mansit penes nationes singulas, ita & imperij eius tutela, & ipsius accessio. Ex federe tenentur quidem nationum singularum proceres auxilio esse alij aliis contra hostem externum, etiam contra vim internam, quoties interpellantur. Sed non eo proceres aut oppidorum rectores suæ tutelæ per se consulendi libertatem abdicarunt. Iuramentum quod attinet, nusquam ea lex invenietur, ne magistratibus custodias in sua verba adactas habere liceat: neque vero hinc quicquam absurdi aut quod cum federe pugnet, sequitur. Nanque homines isti armati iureiurando obstringuntur magistratibus oppidanis, magistratus oppidani proceribus suæ nationis ad facienda imperata, proceres vero nationum sociis suis ad præstanda quæ habet fedus. Idem usu venit in municipibus armatis oppidorum: nam & hi oppidis peculiariter iurant, non

autem Federatis, quia non tenentur operam præstare in bello quod commune est, quâquam etiam ad eam rem illorum opera vsui esse potest, volentibus oppidi rectoribus: quemadmodum tum de his municipibus, tum de conductis custodibus conspectum sæpe est, adiutos eorum opera socios extra obligationis necessitatem: quod officium nostra quoque oppida, si res id exegisset atque ab ipsis id postulatum fuisset, lociis non fuerant negatura. Censuisse ipsos proceres Federatos illicitum hoc non esse, capite decimo probatum est, vbi & hoc apparuit, tum olim, tum anno ciro foci à Lugdunensibus editas leges quas præscripserant propriis suis custodibus, qui fidem iurabant Consulibus oppidique rectoribus, non autem fociis, nulla cum sociorum querela.

Quoque honorati; iudices & quicumque Hollandiæ fidem iurassent ut eius iuramenti adstringuntur anniti ut decretum illud ad rem conferretur:) Ait decretum: Teneri unumquemque eorum qui fidem iuravit; operamve addixerit, aut proceribus Hollandiæ, aut oppidis, interpellatione facta, ita ut oportet usum sui præbere pro negotij conditione, tum ad defendendam potestatem procerum & oppidanorum magistratuum, tum ad vim propulsandam. Certe arbitror superiores

periores inferioresque potestates omnes ita censere, quicumque iuramento aut ad dicta opera ipsis subiacent, eos ad talem obedientiam opemque obligari.

Præcipiturque præterea ut præfectis omnibus, tribunis, centurionibus ac gregariis ordinaria militia serio, mandetur atque imperetur, ut nationum singularum proceribus quibus mereant:) Illud *quibus mereant* in decreto non apparet. Nam milites proceribus nationis intra cuius fines degunt in paganicis negotiis omnibus obedientiam debent, etiamsi ab illis stipendium non accipiant: multoque magis si intra fines degant eorum à quibus æs ipsis numeratur.

Magistratibusque oppidorum in quibus præsidium agitent:) Suo gradu scilicet, id est quatenus magistratus illi muniebantur decretis procerum suæ nationis, atque ea decreta sequebantur: non ut adversus ea quicquam attentare ipsis fas sit.

Non habita ratione eius quod alij quilibet imperarent:) Procerum nationis cuiusque summo loco, ac secundum illos magistratuum ius est curam gerere rei civilis, ut primo capite aperte demonstratum est. Sicut ergo alij qui intra nationis alicuius fines degunt, obedientiam debent summis primum, deinde & cæteris qui ibi sunt recto-

ribus, ita & milites: qui etiam speciali sacramento eam in rem adigi possunt, ex Federe Traiectino & usu subsecuto, vbicunque id expedire iudicatur. Etiam generalis iuramenti formula intellecta vt oportet & ad reipublicæ nostræ formam, id ipsum exigit, vt capite vndecimo explicatum est. Hoc iuramento & obligatione nemo est qui solvere milites possit. Non proceres Federati, quibus nō modo iura nationum singularum primoribus debita invadere non licet, sed id etiam incumbit, vt interpellati eosdem primores in iure quod ipsis competit tueantur. Sed neque præfectus, vt qui pollicitus sit: *Se nobilitati & rectoribus oppidorum Hollandiæ & Westfrisiæ, qui earundem nationum ordines referunt, fidelem atque obsequentem futurum*: atque etiam legibus atque imperatis procerum Hollandiæ peculiari-ter (id est in negotiis eam nationem spectantibus) *se pariturum*. Quod quidam in sensum contrarium urgent verborum ordinem, quia prius Federati proceres, deinde proceres Hollandiæ nominentur, subtilitatis est nullo iure subnixæ. Docent enim nos iura speciale generali præstare, quoties generali subiungitur: quod tunc imprimis locum habet cum specialitati

Id in
l. quo-
ties C.
famil.
ercisc.
& in l.
siervo
manu-
misso
ff. de

additur vox aliqua gravidæ significatio-
 nis, qualis hic est vox *nominatim*. Secun-
 do pugnat hoc ipsum cum reipublicæ
 nostræ natura, quandoquidem nationis
 cuiusque proceres in rebus regiminis ci-
 vilis (sub quibus omnino comprehensa
 quoque est magistratuum securitas) non
 subijciuntur Federatis proceribus, sed vt
 sociis pares sunt. Tertio pugnat idem in-
 tellectus cum vsu perpetuo, & mente Fe-
 deratorum procerum, qui tum in edicto
 quo Regis Hispani imperium eiuratur,
 tum in oratione habita anno cio io lxxxvii
 ius suum & ius nationum singularum ita
 distinguunt, vt illud pertineat ad negotia
 quæ nationes communiter contingunt;
 hoc ad negotia quæ nationes singulatim
 spectant.

Fidem atque obedientiam præstent) Omit-
 titur hic quod est in decreto & ad expli-
 candam mentem procerum Hollandiæ
 summopere pertinet: & promittant vim om-
 nem se vt dictum ante est sine vlla exceptione
 propulsauros..

*Addita sanctione vt non parentes missionem
 acciperent*) Decretum memoratum antea,
 quod factum fuit vi Februarij anni cio io
 lxxxvii, sic ait: *Præfecti verò militares, tri-
 buni, ductores, centuriones, qui per oppida ac*

castella Hollandia Zelandia & Frisia in praesidium missi sunt aut mittentur, Hollandia & Zelandiae proceribus sacramentum dicent fidei atque obedientiae: atque id quam poteris primum effectum dabitur, discingenturque qui nec parentes erunt. Missio talis sine ullo fit periculo publico, cum in locum missorum alij surrogentur implendis numeris. Notumque apud nos missionem militum decerni tam à proceribus nationum singularum earumve reipublice curatoribus, quam à primoribus Federatis aut Senatu federis, ita ut inter eos ius sit occupandi: ut & hoc, electionem eorum qui militibus praesunt, quod distributas centurias attinet, esse penes nationes singulas.

Ex quibus consecutum est ut amplius iudicij resistere tur:) Rotterodami factum id non est. Ideoque res haec neque me tangit, neque eos qui proprie mihi imperabant. Alibi vero iudicum confessibus (qui tamen apud nos non soli iudicia exercent) negatam obedientiam (quod hic resistere appellatur) in negotiis quae secundum leges, mores & summarum potestatum decreta ad ipsos pertinebant, ne id quidem probatur.

Ac nomine magistratuum Harlemensium publicato edicto quod captivo conscio factum &

qui Hollandiæ præfuerunt. 405

ab ipso relectum fuerat) Non optima fide hæc res narratur, quasi ego edicti, ita uti publicatum est, tenorem totum approbassem. At contra interrogatus dixi, meque probaturum suscepi, multa loca à me annotata quæ meo iudicio aliter rectius poni potuerant, cuius etiam rei quosdam legatorum Harlempjesium à me monitos. Addidi semper, ita sensisse me, rectores oppidorum debere quidem iusta sua tueri contra iudicum confessus, sed comiter ac modeste. Sed rursus id quoque sensi semper, iudicum esse officium, ut procerum Hollandiæ subditos ac ministros se agnoscant, & ut tales se gerant.

Iudices superioris in Hollandia confessus ipsi quidem tanquam immorigeri & qui contra iurata fidem & honesti regulam fecissent) Hæc verba in Harlempjesi edicto non reperio. sed hoc, si iudices proceribus Hollandiæ paruisent, aut reiiciendo aut inhibendo cognitionem causarum quæ ibi commemorantur, quæque asseruntur moribus antiquis & ex multis decretis provocationem non recipere, id ipsum officio iurataeque ab ipsis fidei non contrarium, sed consonas futurum fuisse. Id vero ipsum ea occasione ibi dicitur, quod iudices iuramenti religionem pro se adferrent: quod tamen iu-

ramentum ex mente perpetua & procerum & oppidanorum magistratum, neque obligabat ipsos neque potestatem ipsis dabat, ut iurisdictionem exercerēt cōtra procerum decreta. Iuris manifesti est quod quis dicit iuris sui defendēdi gratia, etiam si id pugnet cum alterius cuiusquam dignitate, aut existimatione iniuriæ non teneri: tātum abest ut liceat cuiquam ex eo quod defendendo oppidorum iuri dictum est per illationem derivare quæ in partem iniuriæ interpretetur. Multo iustius tempestate eadem Hollandiæ proceres ipsos iudices accusare potuerant, tanquam qui scriptis suis ipsos traducerent, ut plebis oppressores & perturbatores iudiciorū, quod tamen proceres non fecerunt, sed rationem obiecerunt rationi.

Ipsorumque sententia ut ipso iure nulle notantur) Congruebat hoc decreto anni ciro 10 xci aliisque multis quæ capite duodecimo indicata sunt.

Ideo quod ins dixissent quibusdam qui se contra ins lesos queribantur) Si queri sufficit, semper competens erit cōfessuum istorum iurisdictione, nec quicquam reperietur quod à provocatione exceptum sit. Quæ sententiā oppidi Rotterodami nomine in conventu dicta sit super negotio municipum

Harlemensium, dictum supra est. Certè mihi videntur in hoc negotio iudices superioris confessus ad præceptum conventus Hollandici tam potuisse suspendere cognitionem, vsquedum acta visa fuissent, quam in causa Blauhulciana eam suspenderant.

Cui consequens fuit ut magistratus dictorum octo oppidorum) Ne hoc quidem verum est. nam nec Brillæ nec Alcmariæ armati vlli conducti sunt. Rotterodami vero ex iure ac possessione antiqua auctus fuerat custodum numerus iam antequam decretum dici iv mensis Augusti fieret: ac proinde non quadrant in eius oppidi causam verba illa *cui consequens fuit*. Adeo supine concepta fuit sententia, quia res omnis ita composita putabatur ut nemo vnquam futurus esset qui adversus eam hiscere auderet. Sed & hoc notandum, captiose hæc verba cum superioribus necti, cum vulgo qui hæc legunt aliter ea accipere vix possint, quam ut eorum quæ continenter narrantur ego credar auctor fuisse, aut adsuasor, cum ad conducendos in aliis oppidis homines armatos neque opem, neq; consilium dederim, neque ei negotio me immiscuerim. Nam Rotterodamensis causa me quatenus tangat, quando ea de re ca-

put proprium in sententia factum est, proprio quoque loco explanabitur.

Sape moniti ab Iohanne Oldenbarneveldio, ut sibi caverent suæque securitati consulerent) Nimirum adversus tumultus, expilationes, & vim aliam postquam earum rerum exempla Veteribus aquis, Amstelodami pluribusque in locis visitata erant: postquam etiam rectores passim famosis scriptis inusti erant, neque vero aut Federati proceres per edicta, aut per iudicia confessus iudicum & oppidorum quorundam magistratus ei malo occurrerant ita ut ius & rei magnitudo exigebant.

Novos homines armatos & sub vexillo ordinatos conduxerint) Quid tandem ad hanc rem vexilla? Tamen memini cum primum ea de re verba fierent, monitos à me consules Rotterodamenses omitti vexillum posse declinandæ invidiæ. Sed ipsi responderunt velle se perstare in more veteri, & antiquitus suis armatis hominibus vexillum fuisse quod in basilica suspensum mihi ostentabant. Nonne & armati municipes sua habent vexilla? Qui minus conductis custodibus habere ea liceat?

Aut ante conductos mutaverint, auxerintque) Vel hinc appareat rem fuisse, non novam. Ius numerum augendi pro temporum usu

semper in arbitrio fuerat eorum qui oppidis præerant. Vere autem dici potest, vix vnquam maiorem incubuisse necessitatem.

In sua propria ac peculiaria verba adactos)
Nec hoc fuisse nouum neque incommodis obnoxium demonstratum ante est.

Exclusa Federatorum communitate & Principe Mauritio, ut magistro militum) Aliud est non nominare, aliud excludere. Vt exclusio inferatur, primum poni debet ius tum Federatorum, tum magistri militis quod ius non extenditur nisi in milites quos communis Notitia continet, non autem in oppidorum custodes conductos, non magis quam in municipes armatos. Cur hac de re conquesti non sunt proceres Federati anno CIO IO LXXXVII & anno CIO IO CI, cum rectores Lugdunenses homines armatos conduxerunt & sacramentum ab eis exegerunt, neque tamen eos sacramento vlllo, aut proceribus Federatis devinxerunt, aut Principi Mauritio? Alienum ab hoc argumēto non est quod iuris magistri nos docent, quicquid potestatis ab eo qui summum imperium habet cuiquam conceditur, id concessum censi communi-
cando alteri, non adimendo sibi, id est penes summo imperio vtentem manere ius

Chaff.
ad cō-
sti. bur.
rubr.
II. §. I.
in glos.
vlt nu.
30. Bal.
in pro-
cem.
feud.
verf.
expe-
dito
nu 32.

id per se exercendi quod alteri permittit.

Iussosque suorum magistratuum imperiis solis obsequi) Ego vero id vsquam factum haud scio: imo quod hic dicitur alienum à vero arbitror. Contra Rotterodami custodes, primo ac præcipuo loco adstricti sunt in obsequium procerum Hollandiæ, ut mos antiquus ibi habebat. quod si etiam expressum id non fuisset, tamen aperta erat mens magistratuum, ut qui nihil agerent nisi virtute decreti publici, & ad ius procerum atque eorum decreta tuenda. Sed odio concitatio posita hoc eum in modum in sententia est, ut persuaderetur lectoribus id actum, ut cuiusque oppidi magistratibus summum imperium ascriberetur: quod planè pugnat tum cum mente, tum cum sæpe dictis eorundem magistratuum,

Etiam contra communitatem federis & Principem Mauritiū) Verba hæc à vero abeunt. Oppidorum magistratibus nihil propositum erat extra tutelam sui & potestatis publicæ procerum Hollandiæ: non ut in Federatos proceres, Principemve Mauritiū quicquam molirentur, aut ipsorum iura involarent. Quanquam vero confido, tum Federatos proceres, tum Principem, de re omni edoctos, facile intellecturos suum non esse in negotiis peculiaribus reipubli-

cæ Hollandiæ imperare quicquam contra decreta procerum Hollandiæ, tamen custodibus conductis nihil eius indicatum est, neque ea de re mandatum quicquam, quia cum primum facta conscriptio est, ad vulgi tumultus spectabatur: ac postea etiâ, subortis maioribus dissidiis, in spem pacis intenti erant nostrorum animi, cui conciliandæ æqua multa sunt allata. Hoc amplius dicam, ex animo me credere, si ita exegisset rerum necessitas, libenter oppidanos magistratus concessuros fuisse, ut custodes sui pro finibus excubarent, bono Federatorum & sub ductu Principis.

Quoties dicti magistratus existimarent ab illis attentari quicquam quod ipsi suo iuri libertatiq; adversum crederent) Et hoc extra verum ponitur. Nam primum nunquam datum est mandatum eiusmodi, sed & quod dicitur alienum est à mente magistratum, qui in negotiis nullis (ne dum in illis in quibus aut Federatos proceres, aut Principem Mauritium haberet sibi adversantes) quicquam agere voluissent, nisi quod forte Hollandiæ proceres servandi iuris certi minimeque controversi, ac possessionis suæ causa rite erant decreturi, idque intra fines necessariæ tutelæ: qua etiam specie custodes conducti in nihil amplius obligantur

quam antiquitus obligati erant municipes armati. Iam vero tanta fuit magistratuum æquitas, ut etiam necessaria tutela uti perpercerint, qua si uti voluissent, quantum coniecturis est assequi,

Troiaq; nunc staret, Priamiq; arx alta maneret.
Sed illi, quod suæ administrationis temporibus libertatem sustentassent, putabant.

Sat Troja Priamoque datum:

At cum eo iam esset ventum ut

Non ex iure manu consertum sed mago ferro
res ageretur, maluerunt aliis permittere rempublicam quam eam adductam videre in maius periculum per motus civiles. Et hi viri optimi hic traducuntur, tanquam si aliquid moliti essent aut contra Federatos procures, aut contra Principem Mauritium.

Ab ipso quoque captivo monitam illud Iohannis Oldenbarneveldij acceptum) Auditum à me verum est: nec quicquam ultra: ita ut hic iterum à vero discedatur.

Assensumque ut Rotterodami talis conscriptio fieret) Assentiri meum non erat. nam adseffores magistratuum ius sententiæ dicendæ non habent. Relatio ea de re facta est ab vno Consulium, me non præmonito. Collegio consulum primo, deinde ordini placuit custodiam in melius reformari. Qui

hoc decreverunt, eorum existimatio illæsa servatur, quidam eorum etiam in republica habentur. Ego qui ius sententiæ non habebam, qui auctor non fui, tantis malis obruor. Quis non videat quæsitæ vndique pigmenta sævitæ?

Vtque vi dicti decreti Brilam legati è conventu mitterentur) Nihil ego huius intellexeram antequam in conventu agi de eo cœpit, verba facientibus rectoribus Brilanis, qui deferebant querelas de sermonibus turbidis ac minis auditis ex quibusdam præsidium ibi agitantibus. Nec quicquam ea de re locutus sum, nisi quod mandatu Rotterodamensium qui ad conventum missi aderant dixi, nos accedere sententiis ante nos dictis. Quæ tandem ratio patitur mihi id imputari?

Ignaro Principe Mauricio, militum magistro) An præmonitus fuerit de ea re Princeps Mauritijs equidem nescio. præmonitum tamen arbitror. Hoc scio, decretum ipsum per legatos è conventu aliquam multos ipsi significatum, additis quæ eo facerent rationibus. Edoctus quoque sum Principem Mauritijs iam ante, dum conventus habebatur, conventu inconfcio, præcepta dedisse centurionibus quibusdam, quid agendum haberent si qua vis fieret ex oc-

casione controversiarum de religione:
quod gravis erat exempli.

*Ad cogendos in dictum iuramentum milites
ibi praesidium habentes aut militia mittendos)*
Non memini aliud ab eo milite exactum
quam pollicationem parendi proceribus
Hollandiae & tuendi contra vim Brilanos
magistratus, quæ pollicitatio generali sa-
cramento congruebat. Quanquam etiam-
si peculiare eo nomine sacramentum ex-
actum ab eis esset, iure fieri id quoque pote-
rat ex lege Federis Traiectini & secundum
morem locis multis observatum, vt supra
capite vndecimo discere licuit.

*Satis vero cognitum ipsi captivo fuisse novos
hos milites non cōductos dūtaxat adversus vulgi
motus)* Ergo inter cætera etiam adversus
vulgi motus conducti erāt, quod vnū suffi-
cit, vt iusta sit hæc sive cōductio sive potius
adauctio custodiarum. Dico insuper primi-
tivum propositum non alio spectasse: Sed
cum postea exceptæ essent passim voces
ordinarij militis quæ ad magistratus con-
temnendos pertinebant, accessit alterum,
vt custodum novorum respectu impedire-
tur si quid ordinarius miles attentare alio-
qui vellet contra ius procerum aut oppi-
danorum magistratuum.

Tum quia conducti sunt etiam Goudæ) non

principio sed sero admodum , cum magistratus causas datas sibi crederent diffidendi ordinario militi. Sed me res ista non tangit: neque inde evincitur à Rotterodamenſibus auctam custodiam alia de causa quam reprimendis vulgi motibus.

Et Hornæ ubi non erat quod vulgi motus metuerentur) Hac de re interrogatus non sum: nec eam cognitam habui, credo tamen ab eius oppidi rectoribus nihil factum nisi gravibus de causis. Et quantum de rebus Hornanis ego intellexi, satis comprehendere nequeo, quo argumento dicatur vulgi motus ibi metuendi non fuisse , præsertim post tot alibi exempla, quæ concitare solent etiam sponte quieturos. Notandumque hic est , Hornanos postremos fuisse qui custodias adauxerint , cum iam clare appareret , non casu sed de composito ac conspirato impeti magistratus qui pacem Ecclesiæ tutandam censerent , actum ob animi sui religionem , tum boni publici causa adduci non possent ad proculcandos Remonstrantes.

Ac Traiecti etiam quæ vrbs ab anno c10 10 cx ad comprimendos vulgi motus valido presidio tenebatur) Hac quoque de re interrogatus non sum. neque vero ad me pertinet, cum quicquid eius factum est a primoribus

Trajectinis me non consulto factum sit. Tamen illud vere profiteor ita existimare me Trajectinis proceribus easdem fuisse ita faciendi causas quæ nostris rectoribus fuerant. Agnosco post seditionem anni c10 10 cx res Trajectinas satis tranquillas fuisse, quam ad rem Oldenbarneveldij apud Federatos proceres consilia non parum momenti attulerant. sed propinquum à Veteribus aquis exemplum Trajectinos adverterat, ut crederent si quid motum fuisset à plebe quæ se ab Ecclesia publica subduxerat, adversus eam, utpote puræ religionis titulo conspicuam, nihil rectoribus futurum fuisse subsidij in Principe & multis qui eum sectabantur. Docuit autem exitus, sub religionis nomine non tantum rectores legitimos ab honoribus deiectos, sed resuscitatas quoque partes quæ anno c10 10 cx repressæ fuerant, multosque è præcipuis signiferis tum istius, tum Licestrianæ olim factionis ad rempublicam aliaque munera provectos. Quid vero frequentius est, quam ut qui in locum legitimum reipublicæ præsidium irrumpere volunt, puriora dogmata & religionis studium acrius venditent? Sed ut intelligantur causæ conductorum apud Trajectinos custodum, vide epistolam à proceribus Trajectinis

Trajectinis scriptam ad procetes Federatos & hic supra recitatam capite decimo. Verum insuper est Trajectinis proceribus etiam à proceribus Federatis, quanquam opus id non erat, post annum c1010 ex potestatem attributam militem proprium conscribendi si tempora id exigent.

A Rotterodamensibus quoque ac Traiectinis novos milites suos trāmissos, ut oppidum Schonhoviam, ubi duæ Centuriæ Federatorum præsidium agebant, in factionis suæ potestatem redigerent) Quid Traiectini fecerint neque me tangit neque mihi satis cognitum est. Rotterodamenses non milites sibi addictos Schonhoviam miserunt; sed quibusdam militum suorum missionem dederunt, qui deinde Schonhoviam se contulerunt: idque ipsum me factum est inconsulto. Fac vero fecisse eos quod hic dicitur. Quæ lex obstat, quominus aut eiusdem nationis, aut eiusdem federis magistratus aut municipes armatos, aut custodes à se conductos vicinis commovent quo vis à magistratibus propulsetur? Quod duas illas centurias attinet, quæ in oppido Schonhoviae præsidium agebant, magistratus oppidani, postquam apparuerat quæ mens esset Principis Mauritij super vi arcenda, causas habebāt cur eum militem metuerent magis,

quam ei se crederent, coque magis quia ignaris magistratibus nitrato & glandibus se armaverant. Verbum factionis quod attinet eo perverse notantur magistratus lecti secundum leges, quibus neminem munere suo aut possessione deicere, sed publica decreta tueri & vim omnem arcere propositum fuit. Qui contra agunt, his nomen factionis iustius debetur, etiamsi religionis personam sibi induant.

Sicut ipse captivus etiam decurionibus quibusdam Delphicis persuadere conatus est ab ipsis quoque novum militem conducendum) Hac de re interrogatus vere dixi me eius non meminisse: ac ne nunc quidem memini. Siquid cum quoquam ea de re collocutus sum, factum id est differendi occasione, non suasionis modo. Fateor tamen non leves causas datas magistratibus Delphicis, quo sibi suæque tutelæ prospicerent; quia tempore seditionis ibi exortæ ob onera quædam oppidi propria, magistratibus per vim atrocem oppugnatis centuria quæ ibi agebat è militibus ordinariis non succurrerat, cum alioqui in eius potestate esset tumultum reprimere: & quia nonnulli eorum qui centuriæ isti præerant deprehensi erant concitare municipales contra magistratus, & in arcano consilia sociare cum

pastorum vno qui magistratus oppidanos solitus erat apud concionem traducere, & vulgi odiis obiicere : ad quæ accesserat quod homo externus ausus erat municipes armatos convocare inconscio magistratu, iactans id sibi à Principe Mauritio mandatum.

Tam vero ad vulgi tumultus arcendos tanto novi militis numero opus non fuisse) Neque credidi hoc, neque nunc etiam credo. omnes conducti custodes, ni fallor, ad mille octingentos non perveniebant, cum in solis oppidis duobus Harlemo & Lugduno multa essent peregrinorum millia intenta in res novas. Multo maior militum numerus nunc ad Remonstrantium cœtus disturbandos impenditur.

Neque propterea habendos illos fuisse extra sacramentum in verba Federatorum & magistri militum) Hac de re dictum ante est antiquitus custodes oppidorum non minus quam municipes armatos sacramentum nullum aut Federatis, aut magistro militum dixisse, ut qui nō bello quod est commune, sed propriæ tutelæ adhiberentur. Apparet hoc inter alia ex legibus militaribus quas rectores Lugdunenses anno cio 15 ci publicarunt contradicente nemine. Non ergo ratio reddi debet cur nunc

quoque ita factum sit, sed qui aliter fieri oportuisse contendunt ab his ratio exigenda est, quam ex legibus patriæ nūquam reddere poterunt.

Ipsū captivum pariter cum aliis consultasse de impendiis novi militis inter oppida quorum res agebatur distribuendi) Cum audita Harlemensium oratione Dordrechtani, Amstelodamenses atque alij, causas non invenirent quibus ius ipsum oppidorum ad sui tutelam refellerent, tantum de impendiis moverent controversiam ac negarent onerandum illis corpus Hollædiæ, (quamquam Amstelodamensium & septentrionalium oppidorum custodiæ corpori Hollandiæ imputantur) Oldenbarneveldius mecum ea de re agens hunc negotij exitum proposuit, ut oppida quorum res erat alia aliis per pecuniam mutuo datam aut alio modo succurrerent, quod ego ad Rotterodamenses retuli, à quibus nihil ea de re constitutum est. Quod si id decretum etiam foret non video quod in ea re peccatum argui possit, cum omnes oppidorum magistratus teneantur opem inter se præstare, præsertim ubi de tuendis decretis publicis conventus agitur.

Aut etiam referendis in onera communitatis Federatorum) Hoc plane à vero alienum ac

proindea me pernegatum est. neque iudices vlla huius rei documenta habuerunt, sed tantum hoc affirmarunt pro sua lubricitate. Mens eorum quibus in nos ius erat hæc fuit, iure defendi posse impendia hæc, ut quæ subirentur ad publici imperij tutelam, imputanda Hollandiæ, sicut Lugdunenses pari de causa idem defenderant anno cio io lxxxvii. At Federatorum vniuersitatem hoc onere gravare nunquam animus fuit, imo mentem contrariam & nostri rectores & Trajectini Federatis primoribus testatam fecerunt. Verum quidem est, aliquanto prius tempore consultatum fuisse de subsidiario milite conscribendo in locum Gallicarum cohortium quæ tum in Galliam discessuræ putabantur, imperio ac sumtu Federatorum. Sed ea consultatio nihil habet commune cum eo quod serius aliquanto sive ante decretum factum die iv Augusti, siue post id decretum fieri cœpit ad defendenda procerum Hollandiæ & oppidanorum magistratuum iura, ut supra capite decimo annotasse meminimus. Qui affectibus vacât, facile vel ex hoc vno discere possunt quibus artibus grassati sint qui huic sententiæ scribendæ adfuerunt.

Fatente tamen captivo non obligatum fuisse hunc militem Federatis proceribus obedire, se

magistratum oppidanorum imperia repugnant:) Dici debuit, si imperia procerum Hollandiæ ac Westfrisiæ & oppidanorum magistratum repugnarent. Neque id absurdum est, quando isti custodes Hollandiæ sumtibus conducti erant, non in communes belli usus, sed ad internæ quietis tutelam ex eo iure quod nationis cuiusque proceres & oppidani magistratus semper habuissent: ac proinde eodem loco erant quo municipes armati, qui ne ipsi quidem Federatis iurant. Attamen ut dictum antea est non gravatim oppidorum rectores, si ita res exegissent, horum custodum operam sociis commodaturi fuissent.

Ipsam quoque captivum cum aliis consultasse de Gallico milite dimittendo, aut recidendis numeris centuriarum maiorum:) Res ita habet. Cum appareret graviter premi Hollandiam prorogatione stipendiorum quæ Gallicæ cohortes tres & turmæ duæ accipiebant, quia biennium aut triennium erat ex quo pecunia à Gallia non venerat, cæteræque nationes sæpè interpellatæ de restitutione nihil darent nisi verba: unde rationes ærarij Hollandici valde perturbantur, quia nulla vectigalia destinata erant ad prorogationem hanc faciendam, ut

quæ inexpectatò evenisset, consentienter Hollandiæ placuerat, apud Federatos infisti ut in Galliam hæ copiæ remitterentur, ac respublica exoneraretur impèdio quod induciarum tempore vitari posse videbatur, quando gravissimis belli temporibus sæpe minoribus præfidiis fines tuti fuissent. Sed quia nationes quædam persuasæ erant ut huic missioni intercederent, quas secuti sunt postea Amstelodamenses quoque, Enchusani, Edamenses, & Purmerendani, alia consultatio conventui proposita est, an sublevari ærarium posset recisis maiorum centuriarum numeris: quæ de re tamen nihil perrogatum est. Hæc palam in ipso conventu gesta cum sint, hæc tamen ita narrantur quasi in arcano fuerint consultata,

Vt comparsa cum in modum pecunia novus miles aleretur:) Hoc vero & cum his quæ interrogatus dixi & cum rei veritate pugnat: neque vero consentit cum eo quod dictum supra est de consilio distribuendi inter oppida oneris. Vera causa erat, ut respublica Hollandica, cuius rationes magis magisque implicabantur, quia vectigalia, ut dixi, ad has expensas nulla erant destinata, & nova reperire induciis manentibus vix consultum videbatur, eo modo su-

blevaretur, æquatis inter se oneribus atque obventionibus, quod Dordrechtanis non minus quam cæteris placebat. Quod si etiam perstitissent oppidorum rectores in eo quod dixerant, novum militem Hollandiæ corpori imputandum, tamen hoc onus multum à Gallicarum copiarum onere vincebatur. Custodes, ut dicere cœpi, non perveniebant ad mille octingentos. At Gallorum tres erant cohortes, turmæ duæ. Gallicæ copiæ perpetuo adhæsuræ metuebantur: custodes oppidorum non diutius, quam donec pacata essent Ecclesiastica dissidia, aut certe donec Federatorum decreto cautum esset magistratuum securitati. Amplius dicam. Fac proceres Hollandiæ turbidis temporibus pro externo milite, cui nulla reipublicæ ut alienæ cura, & quod genus sæpe ab officio abduci exempla testantur, domesticum maluisse. quid ea in re factum fuisset, aut iuris aut prudentiæ regulis contrarium?

Eundem capitulum vi dicti decreti) non tantum eius decreti vi, sed & antiqui iuris morumque, edicti quoque de eiurato Regis Philippi principatu, orationum quas Federati proceres temporibus Licestricis habuere, postremo ipsius sacramenti militaris.

Eam interpretationem ordinarij militis sacra-

qui *Hollandiæ præfuerunt.* 425
mento datam voluisse & ut daretur fuisse adiu-
tozem) nunquam facto externo : neque
enim cum quoquam ea de re contuli nisi
Trajecti ex publico mandato : sed intra
animum meum ita sacramentum interpre-
ratus sum, ut & paulo ante & capite xi ex-
plicavi : qua de re à iudicibus interrogatus
rotunde promisi quid sentirem. Quod au-
tem sensi & nunc quoque sentio , id non
habui proprium ac peculiare, sed commu-
ne cum omni, ni fallor, conventu Hollan-
diæ, qualis is erat meo tempore.

Teneri eos scilicet præcipuo loco nationum sin-
gularum proceribus quibus mererent) Nempe
si intra fines nationis, unde stipendia acci-
perent, ipsi versarentur, quæ prima causa
videtur fuisse distributi nationatim militis.
Cæteroqui notum est eum qui territorio
imperatius habere validius quam eum qui
æra numerat.

Eorumque decretis parere atque obsequi) In
rebus spectantibus ad nationis regimen
peculiare, non in his quæ ad belli ductum
pertinerent.

Atque etiam magistratibus oppidorum in qui-
bus præsidium agerent) secundum scilicet ip-
sos proceres nationis : quod pertinet ad ea
cōfirmanda quæ de mente procerum Hol-
landiæ super hoc negotio supra dixi, ac re-

fellendæ calumniæ qua rectores quondam nostri traducuntur, quasi plenam nullique obnoxiam potestatem ascripssissent oppidanis magistratibus.

Etiam contra Federatorum universitatem & Principem Mauritium) Dictum id à me non est : sed cum vrgerer à iudicibus, vt quæ hac de re sententia animi mei esset, promerem, dixi conventum Hollandiæ ita sensisse, quantum mihi constaret, neque Federatis proceribus neque Principi Mauritio ius esse in negotiis regimen peculiare nationis alicuius spectantibus iubere quicquam contra iussa procerum eius nationis.

Vt in popularium sue factionis) Perperam hoc vocabulo norantur rectores legitimi. Propositum mihi fuit Rotterodamensibus, quorum eram minister, & proceribus Hollandiæ, quorum eram subditus, fidelem operam navare, quod à factioso studio longissimè abest.

Potestatem redigerent maximam partem militis intra has terræ agentis, tum per istam sacramenti explicationem, tum per conductionem novi militis) Non tantum pars maxima, sed omnes omnino milites, qui intra Hollandiæ fines degebant, tenebantur Hollandiæ proceribus (qui immeritò hîc factio vocantur) obedientiam præstare in negotiis ad

proprium Hollandiæ regimen pertinentibus: ut sæpe iam dictum est. Non ergo in potestatem procerum redigere militem voluerunt eorum temporum rectores, sed retinere in ea potestate unde contra leges ab aliis deiectioni sunt. At tamen, quanquam iure proceribus Hollandiæ hæc potestas in militem suos intra fines agentem debebatur, nemo tamen adeo erat rerum imperitus, ut nesciret quam milites omnes Principi Mauritio essent addicti atque obnoxij. ac proinde sciebant oppidorum rectores eos milites aut partem eorum maximam non ultra sibi parituros quam Principi videretur: quod ipsum, coniunctum cum professione Principis de vi nascente ex negotio religionis, causam dedit conducendis aut augendis peculiaribus oppidorum custodiis, ut eo modo magistratus sibi tutandis sufficerent. Alia mens hic non fuit, neque vlla veri specie fingi potest.

Ipsam captivum in ante dicto segrege conventu assensisse) Huius nihil à me factum nisi ex imperio ordinis Rotterodamensis & præsentibus aliis indidem legatis. Harlemensium legati capita quædam conceperant, quæ iuri consentanea arbitrabantur, ut de illis cæterarum conventus partium sententiam exposcerent. Audire voluerunt quid

nos ea de re sentiremus: nos id negare amicis atque vicinis non potuimus. Quicquid à nobis illis consilij datum est, pertinuit ad molliendum negotium & declinanda quæ in offensas patebant. Interdictumne igitur est oppidorum magistratibus cōsilio adesse aliis alios? Id vero ita se non habere supra est demonstratum.

Vt professio quadam à se Hanio & Hogerbetio perscriberetur) Perscripta fuit ab Harlemensibus: aliorum vero oppidorum legati ipsos id rogantes participes fecerūt eorum quæ sibi videbantur. Et hæc res ita hic narratur, quasi facta esset à solis oppidorum assessoribus, cum & alij qui ab oppidis aderant sibi visa promiserint.

Consilio Iohannis Oldenbarneveldij) Puto ab illo id datum consilij, ut in professione illa quam fieri posset plenissimè testatum fieret, iudicum confessibus paritum iri in negotiis omnibus ad ipsorum notionem spectantibus, idque minuendæ invidiæ.

Ac nomine Harlemensium perferretur in conventum Hollandiæ) Nempe per consultationis modum & rogatis aliis Holladiæ membris, ut aut idem censerent, aut meliora ipsos edocerent, paratos cedere nationi. Hæc amice admodum ac benigne ab Harlemensibus dicta sunt.

qui Hollandia præsuerunt. 429

Et ab aliis suæ factionis popularibus probaretur) Legati oppidorum professionem scriptam acceperunt, retulerunt ad sui oppidi quisque ordinem, & ex mandato eidem professioni, ut æquæ, accesserunt. Ac ut æqua an iniqua fuerit liberum sit omnibus iudicium, ipsam cum subsecuto Rotterodamensium decreto adscribam.

Legati ab oppido Harlemo, cum antehac sapius ante perrogationem de tributis in annum hunc CIO IO CXVIII tum ore tum scripto exposuerint mandata ac mentem rectā eorum à quibus missi adfuerunt, obtulerintque si opus esset, etiam specialius sensa sua exprimere, tum congruenter his quæ dixerunt ante, dicunt nunc quoque Harlempjes in principio astuque saevissimo belli inter primos fuisse qui magno animo ac constantia ferocem atque horribilem hostis communis Hispani exercitum ad mœnia portasque intrepidi exceperint, aduersos se fortiter tulerint, ac Deo aspirante vim cuncta pervasuram stare coegerint, obsidionem tam difficilem ac diuturnam pertulerint, tot ac tanta pro republica perpepsi sint, & qui ad hunc usque diem nullis incommodis, nullis periculis deterriti fuerint, quo minus pro virili iura ac libertatem tuerentur, tum publica Hollandiæ & Westfrisiæ, tum propria partium eius atque habitatorum, ac nominatim libertatem circa ea quæ animi religio cuique dicat: ac nunc

queq; parati sint capita & fortunas obiectare ad
 arcedam dominationem Hispanicam, inquisitionem
 in animos, legum violationem, vimq; aliam:
 atque ei fini agnoscere tributa atque onera quæ
 ad hunc diem exercita fuere. Ab eisdem vero in-
 tra animum suum serio expendi, quam arcto vin-
 culo tum muneris sui, tum præstiti diserte iuris-
 iurandi & ipsi & alij in hac patria magistratus
 obligentur ad tuendas leges, iura, libertatem, le-
 gitimumque reipublicæ regimen, ac nominatim
 potestatem procerum Hollandiæ & oppidanorum
 magistratuum: tum vero ad præstendam bonis ci-
 vibus atque habitatoribus securitatem adversus
 eadem, expilationem & aliam vim, neque pa-
 tiendum ut cuiquam ob sententiam de religione
 iniuria fiat, noxave inferatur, ex præscripto fæ-
 deris inter oppida Hollandiæ & Westfrisiæ initi,
 ac Federis quod Traiecti inter nationes coit. Si-
 mul autem non sine mœrore ab ipsis cogitari, quo-
 modo in contemptum regiminis ac legitimæ pote-
 statis procerum, ab aliquo iam tempore, multa de-
 creta admodum necessaria à maiore parte rite fa-
 cta per calumnias inique traducta sint, fructu-
 que & effectu suo caruerint: libellos quoque dicto
 regimini ac potestati contrarios palam voluisse:
 Epistolas citatorias emissas contra leges & de-
 creta dictorum procerum, etiam contra leges iu-
 ra, moresque oppidorum: Magistratibus oppido-
 rum quorundam alibi minas, alibi vim incussam:

qui *Hollandia* praefuerunt. 431

electionem magistratuum, qua libere ex legum norma faciēda erat, per seditiones, minas & vim extortam: ita ut manifeste appareat quibusdam turbulentis factiosisque hominibus id esse propositum, ut, sub specioso velo pietatis ac sacrorum, optimos ac fidelissimos ciues, qui vite fortunarumque summo cum periculo indubitata dederūt documenta in patriam fidei, variis modis ac viis de republica deiciant: Deinde vero pastores, plebem, bonosque municipes perstantes in religione reformata, sed tantum ab aliis dissentientes in capite de *Prædestinatione* & rebus annexis, per vim aliorum aut minas ecclesiis expelli, per vias publicas ac domi sua terreri, iniuriis vexari ac male tractari, quin etiam aut fortunis spoliari, aut in discrimen adduci vite ac facultatum: qua facinora barbara, atque immania ex odio religionis aut eo obiectu, cum omnium vere Christianorum instituto, & vere *Hollandorum* ingenio directe pugnantia in his terris, ex quo libertas armis repeti cœpit, visitata nunquam fuerant: ad qua accedere, quod inquieti quidam pastores non vereantur se à collegis suis alioqui de *Prædestinatione* & qua adherent idem sentientibus subducere, ac triste diuortium in Ecclesiam invertere ac fovere, hac vna de causa, quod iidem collega ac plebes, ut bonos subditos ex divina legis præscripto facere oportet, in electione ad pastoralia munera, secundum rectorum ac magistratum

suorum praecepta, sequuntur legem Ecclesiasticam
 anni MDXCII, quam ipsi Hollandia procures
 suo nomine atque imperio exerceri voluerunt qui-
 buscumque in locis oppidani aut agrarij magi-
 stratus ita opus factu arbitrarentur: supra qua
 homines diversorum in religione institutorum
 qui in his terris ad haec usque tempora quiete ac
 placide vixerunt, intactos à factionibus ac sedi-
 tionibus, percelli iniecto exsiliij metu, ut ex li-
 bello cui nomen Querela Ecclesiae, aliisque id ge-
 nus turbidis carminibus, libris atque sermoni-
 bus manifestum sit: Quibus omnibus malis ob-
 viam haecenus itum non est pœnas exigendo pro
 meritis aut etiam providendo ne sepius hac fi-
 rent, publicatis edictis, praesidiis dispositis per loca
 seditionibus opportuna, amotis qui causam dede-
 rant, cum tamen serio admodum postulatum id
 esset tum in conventu Hollandiae tum apud Fe-
 deratos idque ad vetera similium temporum ex-
 empla: Imo vero palam apparet eos qui à magi-
 stratibus pro sui imperij potestate exire iussi sunt
 oppidis, quo iisdem oppidis pax & quies consti-
 rent, ab aliis receptari & in turbido proposito con-
 firmari: oppida Hollandiae & Westfrisiae procul
 ab hostico sita praesidiis teneri, quae rectoribus pa-
 riter ac municipibus invisa sint, incerto an non
 is miles sub obtentu controversiarum de sacris
 aliquid sit ausurus contra magistratus & oppi-
 dorum pacem, aut si ab aliis tale quid fiat, an ipse
 ad pacem

qui Hollandiæ præfuerunt. 433

ad pacem servandam magistratibus præsto sit futurus ita ut sacramenti verba & Federis Trajectini leges exigunt. Quæ potestatis publica dissolutione, delictorum impunitate, licentia ac temeritate hominum, quorum facta omnia evincunt nihil ipsis minus quam religionem esse cordi, ciues & qui alij has terras colunt, perpetua formidine tenentur, pars etiam malo publico discessum cogitant ni prompta medicina subveniat. Quapropter Harlemenses solliciti ut cum iure ac libertate simul reditus quoque publici Hollandiæ & Vvestfrisiæ bono publico servantur, ac gnari, sicut subditi tenentur onera ferre quæ legitimo imperio ipsis imponuntur (quod summa cum obedientia ab habitatoribus harum terrarum factum est hætenus) rectorum vicissim esse officium subditos tueri ac defensare: ac proinde dantes operam quo omnes boni ciues atque incola securi de animorum libertate, de existimatione, de vita, deque fortunis tanto letius subeant onera quæ tolerare necesse est, operæpretium arbitrati sunt à se ante pollicitationem tributorum hanc edi professionem.

Principio promptos se paratosque pro viribus defendere ius atque imperium procerum Hollandiæ & Vvestfrisiæ, Principis Mauritiij ut præfecti, curatorum reipublicæ in negotijs ad pacis bellique & ararij regimen spectantibus & quæ alia cum his connexa sunt: confessum iudicialium in com-

Ec

muni iure dicundo, honoratorum ac magistratum per oppida atque agros in his quæ ipsorum sunt muneris, secundum mandata, decreta procerum ac mores: arcere ac prohibere quicquid verbis facti sive contra tentetur: decreta procerum quæ aut concorditer aut extra negotia tributorum, susceptionem belli ac mutationem status publici, maiori parte sententiarum perrogata erunt, effecta dare quantum in se sit.

Neque minus paratos se exsequi federa ac pacta conventa quæ antehac facta sunt, aut inter membra Hollandiæ & Westfrisiæ, aut cum socijs, ac proinde ope consilio adesse illis adversus dominationem Hispanicam, vimque omnem externam & internam, ac rapturam iuris, libertatis legumque tum publicarum tum municipalium, eamque ad rem nec vita nec facultatibus parcere, neque periclitantes deserere.

Eisdem fini rectores oppidorum maiorum minorumque tueri in legitimi imperij potestate, vim ab eis propulsare, neque pati ut ad rem publicam quisquam accedat nisi secundum iura ac leges electis: secus quæ facta sunt adversus eam rem in integrum restituere.

Sacra quod attinet, paratos se publice tueri pro sua parte religionem Evangelicam Reformatam, neque tamen pati ut in cuiusquam animi sententiam inquisitio fiat, aut eo quis nomine damnum, noxam iniuriamve patiatur, utve vicina natio-

qui *Hollandia* præfuerunt. 435

nes invitis proceribus *Hollandia* & *Vestfrisia* ea de re quicquam imperent; quandoquidem id adversum sit iuri atque potestati procerum *Hollandia* & *Vestfrisia* ac federi quod Traiecti initum est. De controversiis vero ortis per Reformatas Ecclesias super divina Prædestinatione & coherentibus rebus; sicut antehac optassent præventum quod ea de re natum est diuortium, ita nunc nihil se malle quam ut ineantur æquabiles viæ quibus id diuortium sanetur: interea vero, quod sine præiudicio in partes dissidentes fiat; templorum possessio maneat penes pastores rite electos & earum plebem: secus facta quæ sint per vim, adversus ea res in integrum restituantur.

Promptos quoque se agnoscere ac revereri confessus iudicum in rebus ad iudicia pertinentibus, eosque confessus tueri secundum mandata & codicillos ipsis date potestatis, hac lege ne citationes decernantur contra edicta decretave procerum; aut manifestas leges moresve oppidorum, ac præsertim adversus morem *Hollandia* antiquissimum, ne à iudiciis oppidanis in causis criminum tractatis criminaliter, sive extra ordinem, ad eos confessus provocatio sit.

Publici redditus ut impendantur tum ad arcendos hostes externos, tum ut tuta sit adversus vim ac turbas vita & fortuna civium atque incolarum, etiamsi vis ea sive turba occasionem aut

prætextum sumant ex odio sententia cuiusquam de religione.

Vt milites qui intra fines Hollandia ac Vvestfrisia degunt, aut etiam qui alibi degunt, sed qui in numeros Hollandia sunt distributi, interpellatione facta teneantur ex VII capite Trajectini fedris supra sacramentum generale etiam peculiare sacramentum præstare nationi, ubi, oppidove ubi agunt, magistratibus se auxilio, municipibus vero atque incolis præsidio futuros adversus vim omnem qua ipsis imminet etiam si ea qua dictum modo est occasione siue prætextu.

Simul profitentur censere se officij esse sui ex præscripto federum ac pactorum qua facta sunt antehac, si cui rerum ante memoratarum nomine noceatur metusve inferatur, eam vel vitam suam bonorumque impendio defendere, & si quid secus fiat id illico demere.

Orant vero legati ab Harlemo eorum nomine à quibus missi adsunt cetera huius conventus membra, ut ante tributorum pollicitationem de rebus ante dictis palam atque aperitè parem edant professionem: ut firmata fide mutua, caritate ac securitate tributa eo letius indicantur, inferanturque. Si quis vero (quod futurum non existimatur) inveniat in illis quod sibi non probetur, is quoque ut simpliciter & fide qua agi oportet inter amicos, federatos & unius corpo-

qui *Hollandia* præfuerunt. 437

ris membra, & ut antehac simili temporum necessitate cum laude ac bono publico factum est, animi sui sensa expromat.

Consules ac decuriones oppidi Rotterodamensis expensa in cætu suo diligenter oratione Harlemensium, quæ supra scripta est, imperant legatis suis ituris ad conventum procerum Hollandiæ & Westfrisiæ, ut in eo conventu huius oppidi nomine parilem edant professionem & in eandem cum Harlemensibus sententiam concedant. Actum ab ordine Rotterodamensi die XI mensis Februarij anno CIO DCCXVIII. Signatum eorum iussu Cornelius Smoutius.

Ad hanc professionem non modo ab oppidis octo, sed & à maiore conventus parte dictum est, nihil se habere quod contradicerent, præsertim cum Harlemenses atque alij dicerent nolle se vrgere restitutionem in integrum nisi quatenus effecta dari sine magno negotio posset. Paucorum oppidorum legati in rebus ecclesiasticis à nobis dissentientes haud rectè, ut quidem nos iudicabamus, idem profiteri recusarunt: neque tamen ab aliis rogati recusationis suæ causas protulerunt, ne aut si aliud dicerent, appareret iniquitas, aut si idem, prohiberentur pridem destinata exsequi.

Qua dicunt non passuros se ut ab aliis Federa-

Ee iij

tis nationibus quicquam fiat in negotio religionis se invitis :) Professio Harlempjes ait: invitis proceribus Hollandiæ & Vvestfrisiæ, atque agit de eo quod per Hollandiam imperetur. Alioqui nemo obstabat quominus intra suum facerent nationes quod visum ipsis esset. Sed ut nationes alię Hollandis hac in re leges darent id vero iniquum erat. Vide caput II.

Contra sua decreta à confessoribus indicum citationes decerni vetant :) Ait professio contra edita ac decreta procerum, quę ipsa sunt verba pactionis initę inter Hollandos & Zelandos. Vide supra caput XII.

Ad ea arcenda impendi volunt redditus publicos :) Manifesta detorsio. nam verba professionis modò recitata, agunt de civibus atque incolis contra vim ac tumultum tuendis. Quis inficiari audeat pecuniam publicam hunc sui usum præcipuè debere?

Ad iurare militem magistratibus apud quos præsidium acturi essent, se ipsis præsto futurum :) Hoc dicitur, militem interpellatum teneri id iurare quod dicunt Trajectini Federis verba. neque tantum agit professio de magistratibus, verum etiam de civibus atque incolis tuendis. imo quod continenter sequitur, id proximè adhæret civium tutelæ. Omnino enim ad id respicitur quod Remo Episcopo ex religionis odio evenerat.

Etiam si quid ipsi imperaretur quod occasionem aut prætextum sumeret ex causa religionis) Om-
nino hoc à vero abit. nam verba professio-
nis hunc sensum non continent, sed lon-
gè alium, vt miles municipibus atque inco-
lis præsidio sit adversus vim omnem quæ
ipsis immineat etiam occasione aut præ-
textu sententiarum de religione. Hæc
quantum distent facilè videbit cui aliquid
est sensus communis. Vis ex causa aut præ-
textu religionis cū ipsa religione pugnat.
Quare Princeps Arausionensis Vvilhel-
mus & eorum temporum Reformatæ Ec-
clesiæ privatos iconoclastarum ausus im-
probarunt, quanto magis improbaturi quæ
nos vidimus, templorum invasionem, deie-
ctionem magistratuum, aut insultū in eos,
domuum direptionem aliaque à pietatis
regula longissimè recedentia.

*Quibus illi conditionibus pollicitationem tri-
butorum novo more adstringebant*) Quicun-
que conventui interfuerunt, sciunt insoli-
tum non esse, vt promissioni tributorum
antecedant stipulationes quædam etiam
tales sæpe quæ non ius publicum, sed oppi-
dorum proprium spectant. Quanquam ve-
ro causa iusta non erat cur Dordrechtani
atque alij parem cum Harlemonsibus pro-
fessionem defugerent, quādo ea iuri com-

muni, federibus compluribus, edictis atq; decretis consonans erat, tamen, vt ante diximus, non omiffa fuit ob eam rem tributorum conditio.

Aliaque oppida & membra reipsa ad novum fedus invitabant) Minime vero ad fedus novum, sed ad implenda federa pridem facta ad quæ ipsa professio digitorum intendit. Nihil huius clam actum est. Dicta sententia in pleno conventu, & vt dictum iam est, oratum si quis contrarias rationes habere se existimaret eas audire vt liceret. Pactio illa quæ inter Hollandos Zelandosque inita olim fuit diserte continet, teneri magistratus alios aliis auxilio subsidioque esse. Quid si iam quidam magistratus hac in recessatores sint? nonne cæteri nihilominus inter se obligati manent ex pactione antiqua, ita vt nova opus non sit?

Quam professionem etiam in Gallicum sermonem transferri & in terras externas mitti curaverunt) Hoc vero nunquam ego sum confessus. neque verum est. Ego illam professionem ad terras externas nūquam misi. neque alium quenquam fecisse id scio. Ex iudiciis intellexi in mensa dixisse quempiam hanc professionem ad externos missam. inde hæc fabula vt videtur in sententiam ingesta est.

qui Hollandiæ præfuerunt. 441

Eaque de re ipsum captivum cum externo legato sermones sociasse) Res ita habet. Cum in sermone dixisset mihi Maurerius Regis Galliæ legatus traduci rectores nostros, quasi tributis intercederent, iudicia opprimerent, Principi Mauritio ius suum demtum irent, dixi certum me falsa hæc esse, & ut ipsum quoque certum facerem exhibui ei professionem Harlemensem Gallicè redditam, quæ arcana non erat, quippe non tantum in conventu magno pronuntiata, sed iam tum typis quoque vulgata. addidi deprehensurum hinc legatum quam falsa esset illa calumnia. Hoc illud est de sermone sociato, nec ultra quicquam. Semper ita credidi, referre publice ut amici omnes præsertim Reges Galliæ & Britaniæ quam optime sentirent de consiliis atque actionibus procerum Hollandicæ nationis, ut quæ potentia & magnitudine tributorum cæteras federis supereminet. Atque ideo amicitia, quam istorum Regum legati, etiam Carletonus, mihi offerebant, usus sum omni occasione in eum finem, sperans ipsorum consilio ac monitis rectius omnia componi posse si de animo nostrorum recte edocti essent. Quæcunque apud me locutus est Maurerius de controversiis nostris, ea omnia ad pacis inveniendæ rationes

spectabant : quod vere apud iudices dixi. Quod ego feci ad tuenda publica conventus decreta, id Amstelodamensium adfessor non omisit etiam apud eundem Maurerium ad suorum magistratuum consilia approbanda quæ cum publicis decretis pugnabant. Viderint alij qui nobis hoc negotium exhibuerunt, quousque ipsorum cum externis commercia se protulerint. Ego hoc rigide inquirere nolo : sed sancte testor nihil mihi propositum fuisse nisi ut maneret respublica in eo statu sub quo eram natus. Neque vero ex quo reipublicæ admotus sum aut dignitatem me aut pecuniam, aut beneficium vllum ab externo quôquam principe accepisse. Honos qui ad me pervenit, vnus hic est, quod legati tum Galliæ, tum Britanniæ me sibi interdum convivam vocarunt, quod commune habui cum multis tum qui supra tum qui infra me erant.

Eundem captivum signa dedisse offensi animi, cum oppidum Brila in seßsum est presidio ordinarij militis Federatorum, ne novus miles ibidem conduceretur) Hac de te interrogatus non sum : atque adeo mirum est poni id in sententia. Res autem ita se habet. Cum nomine presbyterij segregis Brilani confessui iudicum antiquiori libellus esset exhibi-

tus, hoc ferme cōtinens, appariturum brevi vtrius pugni essent duriores, multaque alia turbide gesta essent, ibidem consultatum inter magistratus fuerat de alterutro horum, aut de conducendis custodibus in usum oppidi, aut de accipiendis præsidio centuriis non ingratis, quæ promitterent tutelam magistratuum locorumque publicorum adversus vim omnem. Dum pendet hæc deliberatio, Princeps Mauritius subito itinere nocturno, in salutatis reipublicæ Hollandicæ curatoribus, Brillam contendit, & magistratu frustra connitente ut mora interponeretur, duas centurias immitteri iussit, quarum altera magistratibus multis de causis in visa erat. Idem Princeps rogatus admodum, ut eas centurias patere-tur loco iurisiurandi nude polliceri, magistratibus se parituras & imprimis vim omnem se propulsaturas, ut polliciti erant milites qui ante id oppidum insederant, dixit id sibi non placere, ceterum se provisurum nequid turbarum daretur: neque verò discessurum se oppido antequam centuriæ intrassent. Factum hoc non mihi magis doluit quam cæteris qui mecum in confesso erant reipublicæ curatorum: primum quia Princeps Mauritius & ante eum præfecti non solebant Haga discedere nisi salutatis

Hollandiæ primoribus reive publicæ curatoribus: deinde quia mandata tum Principi, tum curatoribus reipublicæ Hollandicæ data id cōtinent vt de præfidiis Princeps cōstituat de consilio curatorum. Scio defuetudinem quandam huius rei obtēdi: sed Oldenbarneveldius sæpe testatus est solitum Principem de præfidiis mutandis secum conferre. Apud Frisios notum est non passuros reipublicæ curatores de præfidiis imperari quicquam se inconsultis. Puto apud Zelandos idem iuris habitum factitatumque. Tertium erat, quod in re publica nostra, præsertim extra belli tempora & demto obsidionis metu, vsitatum semper fuerat, vt oppidanis magistratibus commodaretur hætenus, ne præsidio acciperent centurias nisi quæ ipsis gratæ essent: quia si secus fiat, non possunt non inde offensæ exoriri. Quartum est, quod magistratus oppidani ius habent à centuriarum ductoribus exigendi peculiare sacramentum ex lege septima federis Traiectini: multoque magis deprecandi nudam pollicitationem obsequij auxiliique. Sed sine tali in sessione videbatur destinata mutatio magistratuum contra leges haud æque facile processura.

Qua de re effecit ipse cum aliis quibusdam rei-

publicæ Hollandicæ curatoribus ut ad Iohannem Oldenbarneveldium literæ conscriberentur in recessu nescio quid occultantes) Ne hac quidem de re interrogatus sum. Id memini de literis ad Oldenbarneveldium scribendis verba primùm facta à Duickio scriba confessus, atque ita missas literas, ut ipse eas conceperat: ita ut ego ad eas literas nihil attulerim nisi nudam assensionem inter cæteros. Quid occultari hac in re suspicio sit quod ad Hollandiæ adfessorem missus est nuntius rei tam palam gestæ, mihi adeo occultum est, ut suspicari id nequeam.

Similiterque ad oppida Hollandiæ) Mos est reipublicæ curatoribus, oppidis significare siquid rei maioris & exempli ad oppida pertinentis gestum est.

Atque ex ipsorum numero legati Brilam mitterentur qui Principi eo in negotio obstarent) Litterę continebant, ut legati consilium Principi præberent secundum mandata confessui curatorum data. Mens hæc erat ut Brilæ rectores, pars fida reipublicæ, æqua omnia obtinerent. opera in hanc rem à legatis data est: sed frustra. Quid vero ea res me magis tangit quam collegas alios?

Ipsam præterea captivum, quo magis ipsorum factio muniretur cum octo oppidorum legatis) Non factiosa fuisse consilia nostra, sed id

vnum vt potestas cui iuramento addicti
eramus salva esset, suprà annotatum est.

*Concepisse actum mandati die XIV Maij anno
CIS IO CXVIII quod oppida legatis suis dede-
runt*) Huius mandati dandi consilium à me
profectum non est. Imo maxima ex parte
conceptum est me absente, cum adessent
alij à Rotterodamo legati. neque memini
vel vnum verbum à me ad eam rem colla-
tum. Nam recorder me ex hoc opere ad
aliud quoddam vniversitatem Federatorū
spectans fuisse evocatum, & cum redirem
vidisse me mandatum conscriptum eodem
ferme tenore quo ante annos triginta le-
gati oppidorum acceperant.

*Cuius vi ac potestate ipsi nulla relatione ad alios
facta constituere possent*) Non hoc dicit actus
mandati: sed permissum hoc erat arbitrio
legatorum pro rerum magnitudine, prout
eæ moram ferrent vel non ferrent, prout
ipsis constaret vel non constaret de mente
eorum qui ipsos miserant. Atque in eum
modum mandata dari solent missis ad con-
ventum.

*Per vias aut iam initas, aut etiam num incun-
das facto ipso resistendum*) Actus mandati sim-
pliciter ait resistendum, quod fieri sæpe
potest argumentis atque aliter. Atque in-
ter cætera ex hoc mandato placuit oratio.

qui *Hollandiæ præfuerunt.* 447
nem scribi tum ad proceres Federatos, tum
ad Principem pro tuendis magistratibus.

*Omibus illis qui Synodum communem vellēt
promovere, aut qui conarentur discingere novum
militem ab ipsis cōductū, quod in neminem alium
directum esse poterat quam in Principem & pro-
ceres Federatos qui utrunque id negotium urge-
bant*) Captiose hoc eam in formam conce-
ptum & cum sequentibus continuatum
est, ut fides plebi fieret propositum fuisse
rektoribus nostris adversus verborum co-
natus vim solidam opponere, quod ab ip-
sorum mente abest longissime: Sed & à ver-
bis actus quæ primo narrant, *cæpta fieri mul-
ta quæ cum summo imperio ac potestate procerum,
cum iure, libertate, legibus publicis oppidorumque
ac partium, cum federibus ac pactiōibus inter
nationes factis pugnarent : quodque esset peius,
surgere rumores de vi Hollandiæ ac Vvestfrisiæ,
ac nominatim oppidis ibi quibusdam inferenda:*
deinde potestas fit resistendi eiusmodi co-
natibus. Revera consilium fuit, ut testari
possunt omnes qui tum conventui inter-
fuerunt, omnia in medium adferre quæ
pertinere possent ad componendas con-
troversias Ecclesiasticas, & tutandos magi-
stratus atque in iis rebus tantum concede-
re nationibus aliis ac Principi quantum
publica salus ferret: cui cōsequenter mul-

tæ conditiones latæ sunt, tum in conventu Holladiæ, tum apud Principem, tum apud Federatos. Quod si nequicquam tentatis istis omnibus ipso facto pergeretur ad destituendos magistratus atque pastores contra procerum decreta, tum ut cōsultaretur, fatiusne esset defensionem aggredi (quæ habita erat legitima in Regem Hispaniæ tunc Principem harum terrarum, ut videre est tum in edicto eiurati principatus; tum in altero edicto quo Hollandiæ proceres anno CIO IO LXXXVII ius suum exponunt) an maioris periculi vitandi causa iniuriam pati, quod tandem prælatum est:

Ipsi que legatis liberum esset alios aliis cavere securitatemque præstare talibus promissis, ope, auxilio, damnorum (susceptione) Non hoc ait actus mandati, sed *promissis opis, auxilij damnorumque susceptionis*. Hæc promissio à legatis fieri poterat, ita tamen ut consultatio de modo auxilij maneret penes eos à quibus legati venerant: Atque adeo hîc rursum res inuertitur:

Qualia ipsi necessaria indicarent) Hæc verba in actu mandati referuntur ad sola promissa, & additur *ad defendenda iura ac libertatem publicam, servandaque federa & pactiones*.

Qui proinde actus vim habebat federis inter ipsos

ipfos initi:) Minime vero: nam eo hic actus pertinebat ut bona fide implerentur ea ad quæ membra Hollandiæ ex præscripto primitivi federis, atque etiam ex præscripto Trajectini federis tenebantur, id est ut tuti essent magistratus contra vim & ut illegitima eorū destitutio prohiberetur. Vide hac de re Harlemensem professionem. Nam actus hic mandati nihil aliud reipsa continet quam illa ipsa professio; multaue decreta ante eum diem in conventu facta. Similis damni communiter suscipiendi promissio facta erat anno c10 10 LXXXVII. Fac etiam novum fedus fuisse. Iam ante Wilhelmum Principem Arausionensem dicentem audivimus, non omnia nova federa illegitima censerī posse, sed ea demum quæ in perniciem iuris publici fierent. Belgicogermanicæ nationes devinctæ inter se erant vinculo pacis Gandavensis. non eo tamen minus liberum sibi iudicarunt nationum nonnullæ fedus inire propius & arctius Trajecti. Et hoc ipsum fedus Trajectinum non impedit, quo minus comprehensæ in eo nationes inter se fedus arctius faciant aut vetera federa renoveant, ut apparet ex decreto facto ab Hollandiæ proceribus die XVII Julij c10 10 LXXXIV quod sic habet: *Cum reipsa compe-*

riant procures Hollandiæ rempublicam Hollandicam eiusque regimen bene ordinari non posse nisi prius nobiles & oppida omnino persistent in federe quod anno CIO IO LXXVII re bene expensa solemniter admodum inter Hollandos Zelandosque factum est: quo vinculo tum in tributis tum in rebus aliis ea nationes concordēs retineri possunt: testati sunt nobiles atque oppida à se dicti federis facti anno CIO IO LXXVII leges singulas probari ac ratas haberi, obligaruntque se denique quod in se est eis legibus staturos easque servaturos, sic tamen ut opera detur ut Zelandi idem faciant atque etiam Traiectini: utque in eo federe confirmando diligenter ratio habeatur eorum quæ in federe Traiectino aut alibi sunt comprehensa, & ex eis augeatur idem fedus peculiare ac corroboretur, negotium datum est principi confessus iudicum ceterisque iudicibus ut cum adfessore conventus Hollandiæ & quos alios ex oppidanis adfessoribus ad se adsumant, relegant capita tum Federis inter Hollandos Zelandosque initi, tum Traiectini atque inde formula instituaturs federis inter dictas iam nationes faciendi.

Cui illigare etiam Traiectinos procures laboratum est :) Nunquam cum proceribus Traiectinis; aut quoquã eorum egi hac de re: nec quicquam huius mihi cognitum fuit. tantum intellexi Moersbergium ab Hogerbetio postulasse exemplum actus mandati

facti à Lugdunensibus non addito quam ob causam. Quare omnino extra verum hoc mihi imputatur. Interim illud verum est, proceres Holladiæ & Traiectinos obligatos fuisse inter se vt legitimum regimen alij aliorum à vi defenderent, primum ex Traiectino federe cuius vinculo solvi non poterant cessatione aut detractione cæterarum nationum, quâdo fedus non tantum vniversas obligat nationes, sed & in solidum singulas ad ea quæ diximus præstanda: tum vero ex aliis etiam pactiõibus quæ antiquatæ non apparent: vt ea quæ facta est, cum profanum omne imperium in Carolum Imperatorem transiret: deinde altera quæ inita est, cum Traiectini post pacem Gandavensem vicinis reconciliarentur, qua proceres Hollandiæ sponderunt se eam ad rem ipsis adiutores fore: postremo ex eo quod proceres Hollandiæ, quo tempore Principi Mauritio mandata præfecturæ Traiectinæ sunt data, promiserunt auxilio se futuros vt leges mandatorum (in quibus prima est de religionis arbitrio) implerentur: vnde liquet opus non fuisse vt nova pactio vlla inter proceres Hollados & Traiectinos iniretur.

Quorum nomine die III Junij anni MDCCXVIII secundum vetus Kalendarum similis actus

mandati editus est: sed magistratus urbis Traiectina, sentientes quorsum exposceretur, assentiri noluerant, nisi certa lege quam sequente die X Junij addiderūt, ne legatus suis uti potestate concessa liceret eum in finem ut ad vim atque extrema veniretur, aut uti extra fedus commune nova pactiones fierent:) De eo quod hīc narratur nihil plane mihi cōpertum est, neque ad causam meam hoc pertinet. Si ita res acta est, male edocti fuerunt magistratus Traiectini de animo eorū qui nobis præerant, cum alioqui satis intellecturi fuissent illa lege adscripta nihil fuisse opus. Nam propositum nostris erat stare federi Traiectino, & si summa necessitas ingrueret, consultare an ad sui tutelam se componerent, ut clare supra commonstratum est.

Cumq; procures Traiectini deprehēderent alendo in longū novo milite ararij sui rationes labare, ac propterea mense Junio anni MD CXVIII legatos de suis aliquam multos Hagam misissent, ut de missione dāda novo militi cum Principe Mauritio agerent, ipsum captivum cum Hanio & Hogerbetio itidem oppidorum adessoribus venisse domum Ioannis Vtenbogardi: atque ibi ea cum Ledenbergio Traiectinorum scriba commentos; argumenta, ac rationes, quibus ceteri à Traiecto legati moverentur non aperire quod ipsis ea de re mandatum fuerat:) In hoc negotio multa de vero subticentur: multa etiā narrantur ex-

tra verū. Ledenbergius me atq; alios duos adseffores conventos voluerat domi Iohannis Vtenbogardi viri conspectæ dudum fidei in Ecclesias, proceres Hollandiæ & ipsum Principem, quicum Ledenbergio vetus notitia intercedebat, cum ego Ledenbergium nunquam vidissem nisi in via publica, aut in conventu Federatorum, neque vllam cum ipso amicitiam contraxissem. In eam domum ventum ubi erat, cœpit quidem Ledenbergius narrare quædam de propensione procerum Trajectinorum ad liberandos se novi militis onere, si nempe id cum securitate ipsorum procerum consistere posset. nam plene illud ad definite decretum fuisse ex eo non didici. Illud simul intellexi, non abs re proceribus Trajectinis videri, si eo de negotio Princeps compellaretur: destitute verò mandatum ne hoc quidem persentire potui. Mens esse hæc videbatur, proponere missionem novi militis hac lege, ut centuriæ militis ordinarij tum Trajecti præsidium agitantes (quæ extra suspicionem non erāt) amoverentur, earumque in locum submitterentur aliæ, quarum stipendia à Trajectinis solvi solerēt. Hac super re obiectæ sunt difficultates non à nobis, sed à Ledenbergio metuente ne Princeps nollet proceri-

bus & magistratibus vrbanis quantum satis
esset cavere, præsertim de tuendo publico
religionis statu secundum procerum con-
stitutiones: tum ne colloquium cum Prin-
cipe, re infecta, tacitum non maneret, atq;
adeo magistratuum infringeret animos, si-
mulque irritaret, tum ordinarium militem
prodita in ipsum suspicione; tum novum
militem missione tentata. Hæ rationes ip-
sius erant, quæ nobis non spernendæ vide-
bantur. nos vero nulla in medium attuli-
mus argumenta aut rationes quæ legatis
aliis exponerentur. Imo cum abiremus à
Ledenbergio, mihi ne in mentem quidem
veniebat futurum, vt legatos Traiectinos
hac de re conveniremus. tantum diximus,
nos negotium omne renuntiuros aliis
qui ab oppidis nostris ad conventum missi
erant: exploraturos quoque consilium Ol-
denbarneveldij vt peritissimi rerum civi-
lium.

Renuntiataque re Iohanni Oldenbarneveldio)
Vt consilium ipsius exploraretur sicut dixi-
mus, qui non multum nobis respondit, sed
Ledenbergij rationes non levis momenti
iudicabat, auctorque nobis erat, cum aliis
oppidorum nostrorum legatis ageremus,
&, si ipsis consultum id videretur, etiam
cum legatis Traiectinis ad consultandum

an res Hollandica & Trajectina, tum in collatione cum Principe, tum in eo quod præterea faciendum restaret, communi consilio atque opera tractari posset, ad implendam fidem earum pactio-
num quas Hollandiæ ac Trajectinis intercedere iam diximus.

Ipsum deinde captivum cum cæteris duobus adfessoribus in iussu eorum quorū in ministerio erat, accessisse ad legatos Traiectinos in ædibus Danielis Treſely) Hic silentio transmittitur Langius, optimus civis & dudum spectatæ virtutis, qui non tantum nobiscum Traiectinos legatos accessit, sed etiam ipse vnà cum illis adfessoribus me compellavit, vt se comitarer, iussu (quantum intelligere memini) legatorum ab oppidis, tum nostris, tum aliis quæ causam eandem tuebantur. nam ego occupatus in consessu reipublicæ Hollandicæ curatorum, conventui legatorum ab oppidis nostris non interfueram. Eos quod attinet quorum eram minister, ordinem scilicet Rotterodamensem, ei sæpe placuerat non dimittendos custodes nisi communiter. Imo ipsi de scribis suis vnum miserant Traiectum, vt ibi rectorum animos pertentaret & offerret consiliorum commercia. Quare hoc in negotio cum certam volūtatem eorum quibus suberani

(quam me probaturum quoque suscepi)
 secutus fuerim, immerito accusor quid-
 L. ad quam iniussus fecisse: Nam iuris notissimi
 rem. est, ministris, præsertim qui absentium ge-
 l. lega runt negotia, non expectandum ad singu-
 tū de las circumstantias mandatum speciale: sed
 pro- eas quæ occurrunt regenda ab ipsis ex man-
 curat. dato generali & mandantium voluntate.
 Rom. 94. Cum ergo Traiectini legati iamiam essent
 conf. discessuri, nostrorum rectorum intererat,
 ut ipsi illorū, illi ipsorum vicissim animum
 intelligerent: cui fini, non ad aliquod ne-
 gotium contrahendum, institutū erat istud
 colloquium. Talia verò amica colloquia
 inter ministros diversorum oppidorum aut
 etiam nationum, ad tutelam legitimæ po-
 testatis factorumque decretorum, illicita
 esse, nulla cum ratione asseri potest: imo ne
 mandato quidem opus est ad colloquia
 eiusmodi. Sed qui huius nos incusant, ipsi
 viderint quomodo æquis iudicibus appro-
 bare possint, arcana illa & secreta consilia,
 quæ nationum aliquot legati sociarūt cum
 oppidis Hollandiæ nonnullis cōtra decre-
 ta procerum Hollandiæ: simulque illa ar-
 cana colloquia, quibus Amstelodamenses
 & alij oppida quædam in suas partes per-
 trahere studuerunt. In eo vero conspectis-
 sima est iniquitas, quod mihi & adfessori-

bus illis hæc res datur crimini, cum Langius, me non invidente, ne conveniatur quidem. atqui nihil dictum est nisi omnium nomine, re communiter consultata, nihil quod non communiter sit approbatum.

In hanc rem proprie congregatos) Nimitum ut nos audirent, quod nostræ dignitatis hominibus negari non solet.

Ibiq; usum acribus perniciosus & in rem ac quietem publicam nocentibus argumentis atque effatis) Iterum hîc vagatur calumniâ famæ nostræ malo. Nam argumenta illa atque effata exprimi debuerât, ut iudicare lector posset, essentne illa acria, perniciofa, ac nocentia, an vero æquâ ac salutaria. Multis in partibus sententiæ iniuria mihi facta est: nusquam vero magis quam in huius colloquij narratione. Captatus est morbus meus ut hæc de re interrogarer: interrogationes conceptæ sunt captiosum in modum: quæ respondi non ut volui perscripta: quamobrem huius præcipue partis recognitionem apud iudices petij, affirmans certo me scire, non huiusmodi fuisse mea verba, qualia mihi imputarentur. Et tamen ne secundum illam quidem extra iudicium factam ac præcipitaram quæstionem cōcepta sunt sententiæ verba: sed partim ex renuntiatione legationis perscripta à legatis Traie-

ctinis, qui forte in largius omnia extendere-
runt, quo facilius eos à quibus missi erant
ad retinendum novum militem permove-
rent, maxima vero ex parte ex privatis an-
notationibus vnius qui ab eo tempore de-
creta omnia se adiuvante facta rescindere,
& proceres Traiectinos deferere consti-
tuerat, vt ex mutatione reipublicæ qua-
stum faceret. Ego contra provocavi ad te-
stimonia non Hanii tantum & Hogerbet-
tii, sed Langii quoque. Vt ergo generali-
ter primum quæ in eo colloquio acta sunt
repetam, postulatu Hanii, Hogerbetii,
Langii, legatos Traiectinos salutavi: expo-
sui quæ in conventu Hollandiæ decreta
erant aut deliberata: etiam sententiã octo
oppidorum, vt exposita erat professione
Harlemensi, ita vt ad eam nihil adderem.
Eo autem tendebat expositio ista, vt legati
Traiectini hac expensa considerarent an
cum bono terræ Traiectinæ & cum men-
te procerum à quibus missi aderant, con-
veniret rem integram servare, donec com-
munis quædam securitatis inita esset ratio:
quæ mens clare apparuit, cum antequam
discessissent Traiectini legati, è conventu
Hollandiæ triginta amplius, cum nobiles,
tum oppidorum magistratus ad Principem
Mauritium missi voce Oldenbarneveldij

ipſi oſtenderunt, nihil aliud armatorum hominum conductione quaſitum, quam ſui tutelam contra vim: ex legatis autem Trajectinis compertum ſibi eius nationis proceribus idem eſſe mentis: Proinde facile componi negotium poſſe, ſi Principi placeret peregrinos quosdam milites quibus haud ſatis fidebatur, amovere, urbemque Trajectum & oppida nonnulla Hollandiæ, ubi id opus eſſet, cuſtodire indigena milite, quod fieri poſſet per centurias viginti magna cum gratia tot oppidorum optime meritorum de republica. Argumenta æ rationes quod attinet, quæ à me prolata dicuntur, perſuadendis legatis ne quæ mandata ipſis erant aperirent, ea vero non id quod dicitur habuerunt propoſitum, ſed demonſtrare quæ facta eſſent hætenus ab Hollandiæ proceribus, ea facta ſecundum leges publicas. Ea verò argumenta atque rationes non aliæ fuerunt, quam illæ ipſæ quæ multis ſcriptis editis in vulgus explicabantur, multisque decretis erant approbatæ: puta nationi cuique ius eſſe imperandi de publico religionis ſtatu ſecundum fedus Traiectinum, & mandata præfecturæ Traiectinæ Principi Mauritio data: ius eſſe nationum atque oppidorum rectoribus ſecuritati ſux proſpicere contra vim

contraque mutationem cum legibus pugnantem. iudicent nunc omnes boni cives hæc argumenta ac rationes an eiusmodi sint, cuiusmodi esse hic dicuntur.

Etiam auxilij pollicitatione) Auxilium plane nullum promissum est, sed dictum generaliter, ita nos confidere, proceres Hollandos adversum Traiectinos functuros officio fidelium sociorum, atque impleturos quæ federibus ac pactionibus contineantur. Imo cum postularent Traiectini, ut à proceribus Hollandiæ, aut oppidis quibusdam mutuam pecuniam acciperent, diximus nihil eius à nobis promitti posse: sed his qui nobis præerant rem renuntiantiam.

Ipsos persuasisse atque induxisse) Quod dictum à nobis est, non est dictum suadendi modo, sed ut legatis ipsis expendere liceret, quid factu optimum esset. Et tamen consilium bona fide dare peccatum non est...

Ne Principi Mauritio aperirent quod mandatum ipsis erat) Imo vero quæ à nobis dicta sunt, eo pertinebant ut communiter res Principi aperiretur.

Sed Traiectum redirent) Id vero fecerunt legati nullo suasu nostro, imo ignaris nobis, ut quæ ex nobis intellexerant, tum quæ

à delegatis è conventu Hollandiæ dicta apud Principem fuerant, & quomodo is difficilem se præbuisset, suis renuntiarent.

Magno periculo ac malo reipublica Traiectina atque urbis) Contra se res habet. nam si accepta fuisset æqua illa conditio de securitate rectoribus præstanda, mutata non esset contra leges respublica Traiectina; neque eversæ leges Ecclesiasticæ quæ magno consensu tum procerum, tum pastorum perrogatæ fuerant.

In iis rationibus proceres Federatos ac Principem ab ipso notatos ut adversarios, aversos, malevolentes) Non ita se res habet. sed de industria ad me traducendum confusa sunt, quæ dicta à me fuerunt de pastoribus nonnullis aliisque è plebe vim ac seditionem contra rectores moventibus, ut Veteribus aquis, Hulsæ, Harlemi; Lugduni: quæque dicta à me fuerunt de proceribus Federatis ac Principe Mauritio, circa negotium indicendæ Synodi nationibus quibusdam invitis, deque exauctorando milite novo. Certus sum, neque proceres Federatos, neque Principem Mauritiū à me nuncupatos aut designatos nomine malevolentium; aut alio tantundem valente: ita ut hac in re insignis mihi facta sit iniuria.

Quibus cordate contra eundem esset atque in

id primo loco impendenda reipublicæ vectigalia)

Rursum hîc connectuntur quæ super diversis rebus prolata à nobis sunt. Fieri potest ut dixerim, pacem ecclesiasticam inter dissentientes super notis controversiis, ut rem Christianos decentem, animose defendi argumentisq; eo pertinentibus muniri iure posse ac debere etiam: neque minus ius nationis cuiusq; in sacra, uti à Traiectinis factum fuerat antehac, tum scriptis literis, tum voce in conventu Federatorum. De vectigalibus nihil dixi, nisi ex professione Harlemensi, oppidorum nostrorum mentem esse, impendenda vectigalia tum ad propulsandos hostes externos, tum ad tuendos magistratus ac municipales contra seditionem ac vim. Quæ ratione etiam Lugdunenses nixi fuerant anno MDLXXXVII, cum similiter dicerent, onus novi militis à se necessario conscripti ab omni Hollandia agnoscendum. Sed captiosum in modum concepta sunt sententiæ verba, ut fides lectoris fieret dictum à me, publica vectigalia præcipuo loco impendenda contra procures Federatos ac Principem, quod neque dictum fuit à me, neque in mentem mihi venit.

Missionem novi militis addituram infestis animos) Dixi hoc præcipue respiciens ad reli-

quias factionis anni c10 10 ex Traiecti, ac secundo ad peregrinos quosdam Harlemi & Lugduni.

Ipforumque factioni inflicturam vulnus insanabile) Satis quivis intelligere potest à me vocem factionis non vsurpata. Dixi missionem novi militis nullo alio reperto ad securitatem præsidio (id quippe diserte additum) inflicturam vulnus insanabile, nimirum quia rectorum mutatio, quantum prudentibus cōiectare licebat, eam sequebatur Traiecti, manaturo longius in Hollandiæ oppida, Harlemum præcipue Lugdunumq; exemplo. Immerito legitimum regimen factionis nomine appellari supra demonstratum est.

Et cum periculo coniunctam ne in discrimen maius res adduceretur) Quod dixi semel, multis hîc verbis repetitur, ex annotationibus diversis quas quisque fecit privatim, vt memoria suppetebat.

Commoturamque animos per alia oppida quorum item res agebatur) Turbaturam oppidi quietem auctu licetiæ. Sensus idem quem iam dixi: ita vt crebra hæc iteratio circumveniendæ plebi sit, quasi aliud quid occultetur quam nobis propositum fuit.

In ordinario milite haud satis certum esse præsidium) Generaliter hoc dictum non est. sed

de quibusdam centuriis, præsertim exter-
nis: quamobrem curam adhibendam in di-
lectu centuriarum, quo rectoribus securi-
tas constaret. Dictum hoc à nobis partim
secundum ea quæ ex Ledenbergio intel-
lexeramus, partim ex periculo facto per
Hollandiam, ubi ordinum ductores nonul-
li ita edocti erant, ut sacramentum de pa-
rendo proceribus perstantibus in reforma-
ta religione extenderent ad excludendos
eos omnes qui pacem Ecclesiasticam super
controversiis de prædestinatione & capi-
tibus cohærentibus tuerentur, quasi ipso-
rum iudicij esset, quid de religione statu-
endum esset à reipublicæ præsidibus, quod re-
vera erat potestatem sibi ascribere in eos
quibus obsequium ex sacramento debe-
bant. Sapientes omnes iudicent, an non
rectores nationum atque oppidorum cau-
sas habuerint cur non satis securitati suæ
cautum putarent, si talia præsidia aut acce-
ptarent aut retinerent.

Ostendendos hac in re animos) Aliis verbis
iterum hic repetitum quod ante positum
fuerat. De ostendendis animis dixi nihil,
nisi eo sensu qui suprà explicatus est.

*Oppida ac membra Hollandiæ, quorum item
res agebatur auxilio ipsis futura*) Hoc vero
neque confessus sum, neque verum est: a

nova est, sed detorta repetitio eius quod iam dictum fuit, confidere nos proceres Hollandos adversum Traiectinos functuros officio fidelium sociorum, atque impleturos quæ federibus ac pactionibus continerentur. Consilium non erat oppidorum nomine quicquam cum Traiectinis agere: sed in ipso conventu dispicere, si de invenienda alia securitatis ratione cum bona omnium gratia non succederet negotium, ecquid Traiectinis commodari posset, pecunia credita, aut interposita fide.

Ac communiter rem exsecutura, & in eo persistura, nihilque omisura quod eò pertineret:) Neque dixi hoc, neque dixisse fassus sum: sed detorta iterum explicatio est eius quod ante dictum est de federibus ac pactionibus implendis.

Hollandos ita ærario suo consulturos ut Traiectinis quoque levamen inde accederet:) Et hoc non rectè narratur. Dixi in convētu Hollandiæ actum de ita ordinandis ærarij rebus, ut eius rei consequentia etiam Traiectinis levamento esse posset. Hoc autem pertinebat ad consultationem in qua tum versabantur de Gallicis copiis dimittendis ut in Galliam irent. Quanquam enim stipendium earum ab Hollandis pro mu-

tuo solvèbatur, tamen nationes cæteræ, & in eis Traiectini, Hollandis pecuniam pro sua parte restituere tenebantur: quo onere levandi posthac erant si processisset abitio earum copiarum, quod consentienter factis toti conventui haud ita multo ante placuerat. Hæc vero mea mens fuit, ut in quæstione respondi.

Eosdem de militibus stipendia à se accipientibus ita constituturos, ut scirent cui fidendum esset, cui nō:) Non id facturos dixi, sed in conventu fuisse qui id faciendum vrgerent, quod verum erat. Multa enim oppida ita censuerant, percunctandum aperte ex militum ductoribus, vellentne proceribus ac magistratibus præsidio esse sine discrimine, tum qui in hanc, tum qui in illam partem de sacrorum controversiis sentirent. Non video quo colore id negari poterit.

Cum tamen captivus ipse fateatur se intra animum ita sensisse, expositionem dicti mandati idoneam fuisse viam qua multa mala vitarentur:) Multo iustius possem dicere, qui hæc ita concepit, fecisse hoc contra animi sui sententiam, cum rem aliter se habere non ignoraret. Ego optima fide testor, mandati eius expositionem mihi videri futuram fuisse non inutilem si res successisset, id

qui Hollandiæ præfuerunt. 467

est si Princeps Mauritius obsecutus hæc-
nus esset proceribus Traiectinis ut cen-
turias illis dedisset acceptas ipsis, easque
obligasset adesse proceribus, ac rectoribus
contra vim omnem, etiam quæ æstum re-
ligionis sibi præscriberet: sed quia metus
erat ne Princeps huic postulato non ac-
cederet, periculum erat in mandato ape-
riendo, quia res procerum Traiectinorum
atque rectorum post detectum infelicitè
mandatum multo futuræ erant loco de-
teriore, ob causas quas iam diximus. Qui-
cunque autem futurus erat eventus, tu-
tius certe & voluntati Rotterodamensi-
um, de qua actum ante est, congruentius
erat, patefieri consilium Hollandorum ac
Traiectinorum communi nomine. Hoc
fensi, hoc dixi: unde promptum est intelli-
gi, quomodo narratio hæc instituta sit
omissis rebus necessariis, meisque verbis
corruptis, quasi id dissuasissimè quod con-
sultum mihi videbatur: quod à vero abest
longissime.

*Cumque Federati proceres à Principe Mauri-
tio petissent, & de suis legassent quosdam ut Tra-
iectum proficiscerentur, ibique disinctionem no-
vi militis, & indictionem Synodi communis è
Federatis nationibus resque alias quosdam pro-
moverent:)* Notandum est, quod proba-

tum manifestissime supra est capite XIII, mandatum à Federatis proceribus datum Principi ac legatis suis de novo milite dimittendo non ultra pertinuisse quam ad amice persuadendos proceres Traiectinos ut ipsi cum militem dimitterent, non autem ut Princeps Mauritius aut Federatorum legati invitis proceribus Traiectinis militem iuberent militia abire.

ipsum captivum à paucis nobilium & trium oppidorum legatis, paucisque è reipublica Hollandica curatoribus, quibus id negotij à suis rectoribus datum non erat, passum se legari ut cum Hogerbetio adsessore atque aliis Traiectum proficisceretur:) Rei veritas dolose hinc tenebris involvitur. ipsa sic habet. Cum Proceres Hollandiæ mense Julio anni cio 10 cxviii convenissent, dieque eius mensis vicesimo quidam oppidorum legati domum abire vellent in dies aliquot, exquisitis sententiis placuit continuari conventum, rediri autem ad negotia die xxiv. Eo autem die xxiv habitus est conventus in loco maiorum, & cum à nonnullis oppidis legati abessent, curatores reipublicæ ex eisdem oppidis missi: quibus mandatum erat absentibus legatis adesse conventui, oppidi quisque sui locum occuparunt, sententiamque dixerunt prout

congruere existimabant ad rectorum sui oppidi mentem, more ante id tempus sæpius usurpato. Vere supra diximus tum secundum leges communes, tum secundum patriæ nostræ consuetudinem, hos qui oppidorum vicem sustinent non debere, neque vero posse peculiari mandato instrui ad negotia singula, quæ sæpe improvisa ingruunt, neque differri se patiuntur: sed ex mandato generali faciendum ab ipsis quod factu optimum censent. Constabat ergo conventus ex nobilitate, ex oppidis Harlemo, Delphis, Lugduno, Amstelodamo, Gouda, Rotterodamo & Alcmaria. Alia oppida quod attinet quæ necdum adveniant, noti iuris est absentes vocatos pro presentibus haberi, & pro subscribentibus parti sententiarum maiori. Sententiæ autem præsentium omnes concordēs fuere demta Amstelodamensi. Perrogatum est legitime ac more maiorum ab adfessore Hollandiæ, literæque confectæ à Duickio procerum scriba, qui pœnam debiturus fuerat eo nomine, si videretur procerum Hollandiæ sigillo ac manus suæ subscriptione ad literas, de quibus scribendis à proceribus decretum factum non esset. Præterea silentio in hac sententia prætereuntur res quædam partim ante gestæ, partim subse-

Gg iij

cutæ, quæ plane ad intelligendam huius legationis qualitatem sunt necessaria. Nam primum legatio hæc nostra conveniebat cum decretis prioribus, quâdo pleno Hollandiæ conventu sæpe placuerat, non esse proceribus Federatis ius imperandi de milite ad nationum oppidorumq; custodiam conducto: tum verò officium esse nationū vt eo in iure tuendo alia alij essent auxilio. Legatio quoque nostra ter postea approbata est. Primum postridie quam digressi eramus, die scilicet xxv cum Moersbergius missus à proceribus Traiectinis ad conventum Hollandiæ iam integriorem postulasset vt ex Hollandia legati mitterentur, qui proceribus Traiectinis adessent: cui responsum à conuentu est, iam missos aliquos ei fini cui id poscebatur. Deinde cum die eodem xxv orationem habuissemus apud proceres Traiectinos, exemplo eius ad Hollandiæ conventum iam auctiorem transmissio, die xxviii ab ipso conventu rescriptum nobis est, quæ significata à nobis erant, atque institutum agendi modum placere, atque ita pergendum nobis ad mandata exsequenda: quod ipsum quo maiore auctoritate ac consilio pleniore fieret, collegæ nobis submittebantur Ruichaverius reipublicæ Holladiæ curator, &

qui *Hollandia* præfuerunt. 471

consularis oppidi *Harlemi*, & *Ioannes Ioannides* Anglus cognomento consularis oppidi *Hornani*. Horum mandatum nostri mandati confirmationem continens sic habebat.

Die xxviij. Iulij anni CIOIOXVIII.

Hollandia & Vvestfrisia proceres legarunt ad negotia obeunda, quo proceres *Traiectini* inuentur in arcenda vi omni quæ ipsorum voluntati decretisque sit contraria, *Vvesselium Boetselarium* toparcham *Asprene*, *Martinum Ruichaverium* curatorem reipublicæ & consularem oppidi *Harlemi*, eos qui legati sunt ante hac *Franconem Torenvulitium*, *Rumbaldum Hobergetium* Iurisconsultum, *Didericum Iacobi Sconhovium* reipublicæ curatorem, *Hugonem Grotium* reipublicæ curatorem, & *Iohannem Iohannidm* Anglum cognomento consularem oppidi *Hornani*: promittuntque ratum à se habitum iri, quicquid ab eisdem legatis ex mandato suo, decretoque aut hodie factò aut posthac faciendo ipsisque transmittendo, aut factum iam est, aut postmodum fiet. Signatum impresso sigillo.

Postremò ab itinere *Traiectino* reversi legationem nostram conuentui renuntiavimus, ac pro opera navata gratiæ nobis actæ sunt: perscriptumque pittacium de solvenda impensa itineris, ac laboris remuneratione. Cùm ergo manifestum sit, ne-

G g iiii

que semel, à conventu ipso testatum, legitime nos legatos, si quis arguere velit excessos mandati fines, id ab his qui nos legaverant, non ab alijs diiudicandum est: sin hoc dicitur, quod mandatum nobis erat id fieri ius non fuisse, non nos eo nomine, sed qui nos miserant appellandi sunt. nam iuraveramus nos cum primum in conventum admissi sumus, *legationes ac mandata nobis à conventu iniuncta à nobis pro viribus atque ingenij facultate fideliter impletum iri, & ut impleantur datum iri operam.* Quandoquidem verò omnis sævitia in nos exercita à multis imputatur profectiōi Traiectinæ (quā defugere per iurisiurandi religionem & necessitatem officij nobis liberum non fuit) quam inique nobiscum actum sit, vel hinc apparet, quod Ruichaverius, Schonhovius, Anglus qui omnia iuxta nos egerunt, non conveniuntur omnino: Torenvličius autem qui ab initio legatus est nobiscum, nobiscum profectus, post mutatos etiam rectores in republica retinetur. Quanquam vero, ob eas quas diximus rationes, sufficere nobis debebat, allegasse mandatum, tamen, Hollandiæ procerum reverentia, demonstrabimus, quod mandatum erat, id iustum & æquum fuisse.

Atque ibi proceribus & urbis magistratibus

opem consiliumque offerrent:) nimirum pro capto nostro qui ferro pugnare non solebamus. Atque huius oblatæ opis pars erat, ut oraretur Princeps Mauritius, nequid iniussu procerum Traiectinorum agere institueret, sed ut gratam haberet communem aliquam iri rationem qua tam Hollandis quam Traiectinis rectoribus securitatis fiducia daretur. ea enim ratione inventa nihil fore quod militis novi missionem moraretur: quæ nos omnia Principi statim ut in urbem venerat, traditis ipsi procerum Hollâdorû literis, comiter significavimus.

Et si Princeps ac legati ab universitate Federatorum conarentur novum militem exauctore ingratia procerum Traiectinorum) quod scilicet extra mandata erat ipsis data, neque vero à proceribus Federatis per leges mandari potuerat, quando cura publicæ securitatis, ut pars præcipua imperij civilis, penes singulas est nationes.

ad id facto ipsa prohibendum adiutores essent:) Noni ta: sed ut centurias Hollandis merentes procerum Hollandiæ nomine admonerent ex federe Traiectino & sacramento militari, ne sui usum præberent ad vim ullâ invititis proceribus Traiectinis, qua æquissima cautione vis omnis præveniri potuit.

Fatente ipso captivo sibi ac collegis suis propositum fuisse Traiectinis proceribus in ipsorum proposito morem gerere:) Nempe ut proceres Traiectini retinerent quæ tum habebant securitatis suæ præsidia, donec alia consensu communi reperta essent.

Et efficere ut ab ordinarijs militibus mos ipsis gereretur:) nempe ne quid contra per vim fieret: sed ut decretis procerum Traiectinorum de negotijs ad imperium civile spectantibus parerent secundum formulam sacramenti,

Cui rei literas secum tulerant ad ductores militis ordinarij Hollandiæ merentis conceptas ab Iohanne Oldenbarneveldio, at non lectas in illo qualicūque Hollandiæ conventu:) At argumentum literarum voce expositum probatumque fuerat: imò hoc ampliùs decem ante mensibus à reipublicæ Hollandicæ curatoribus literæ erant scriptæ ad ductores militum eodem tenore. Et post nos legatos, cum ductores alij cum Principe, aut eius accitu in urbem venissent, similes literæ ad eos scriptæ sunt, lectæ in conventu Hollandiæ, ab eo probatæ, nobisque transmissæ.

Quibus ad eos scribebatur, officium ipsorum esse stipendiorum solutoribus atque etiam proceribus nationum singularam apud quas degerent

qui *Hollandia* præfuerunt. 475

fidem & obedientiam præstare, & auxilium præbere, omnia decreta ipsorum observando & efficiendo ut observentur:) vox omnia extra literarum complexionem addita hic est, cum tamen satis constet non actum hic de decretis ad rem militarem pertinentibus, sed ad imperium publicum, tum in sacra, tum in profana, eiusque tutelam.

ita ut ipsis non liceat contra facere, aut tentare quicquā, pativē ut fiat tentetur ve.) certum est qui decreta alicuius servare tenetur, ei liberum non esse aduersus ea facere, aut quantum in se est ut fiat pati. At verò mandata quæ à Traiectinis proceribus Princeps ipse Mauritius accepit, hoc continent teneri Principem proceribus Traiectinis auxilio esse eorumque edicta decreta & constitutiones tueri, effectaque dare & curare ut effecta dentur. Tum verò militum sacramento hoc inest, ut teneantur fidem atque obsequium præstare proceribus nationum apud quas presidium agitant. Vide hac de re caput xi.

Ipsum captivum cum celeriter Traiectum venisset,) imperatum nobis erat ut iter quantum fieri posset celeraremus.

atque ibi in peculiari conventu cum Eedenbergio consultasset de argumentis ac conditionibus quæ proceribus Traiectinis proponi possent, ut novi militis sine custodis missionem non proba-

rent (sed impedirent,) Neque verum hoc est neque à me confessum. Res sic habet. Traiectum ut veneramus, Ledenbergium oravimus per nuntium, ut ad nos accederet. Cum accessisset, narravimus quorsum missi essemus, ac petimus operam daret ut à proceribus Traiectinis quàm primum audiremur: quod ille recepit, addens gratissimum fore proceribus Traiectinis adventum nostrum. nam & missum iam Moersbergium ut legatos ex Hollandia postularet. Hoc illud omne est quod tunc actum est inter nos. En quid sit quod peculiaris conventus ac consultationis nomine notatur. De argumentis atque conditionibus dictum nihil est: sed tantum de mandatis ita ut data nobis erant. Neque vero mens nostra hæc erat, ut Traiectini proceres indefinite missionem non probarent, aut impedirent: sed omnem amicam ac vicinalem operam ipsis navare ut res integræ manerent, donec rectorum securitati cautum de communi consensu, esset ut iam diximus. Quo clarius appareat meum meorumque collegarum circa hanc rem cōsiliū, sciri oportet antequam Haga Traiectum mitterer, iniunctum mihi & aliis è conventu Hollandiæ nonnullis adire Federatos proceres, eosque orare ut differrent Traiectum

de suis legare, donec rediissent Traiectinorum ad ipsorum Federatorum conventum legati, qui tum abierant domum: quo tempore dixi Federatis proceribus, si placeret ipsis fidem dare rectoribus Hollandis ac Traiectinis de auxilio adversus vim omnem, etiam ea vi non excepta quæ nomine religionis velari posset, nihil obstiturum missioni novi militis. Sed qui aderant à nationibus legati sententiam suam super eâ re promere defugerunt. Traiectum cum venissem, quæsi vi ex Ledemburgio, an non excogitassent proceres Traiectini rationem aliquam quæ Principi & nationum legatis placandis esset. Respondit, se iudice rectius ea de re in Hollandia agi posse quam apud Traiectinos. Etiam hoc proposui, cum ex colloquio cum Principe intellexissem adventum nostrum minus gratum ipsi esse, an proceres Traiectini pati possent nos abire: sed illis hoc inconsultum videbatur. Bis autem cum Principe collocti sumus, ei que memoravimus id quod in conventu Federatorum ad concordiam prolatum fuerat, sed responsum quale optabamus, non retulimus. Contra deprehendebamus plane decretum Principi indictionem communis Synodi, & quæ porro ad eam rem necessaria iudicabat promoveri. In conven-

tum Traiectinorum procerum iterum ingressi, non sponte nostra, sed ipsorum vocatu, retulimus ad ipsos, quando tumor esset, plebi segregis ecclesiæ consilium, esse de templis vnum manu facta invadere; multique ex Hollandia & in eis nonnulli ob turbidum ingenium oppidis exire iussi in urbem venissent, quantum conijcere licebat ad eam molitionem auxilio futuri, an non ex re ipsis videretur custodiæ urbis formam quandam præscribere & de ea cum Principe agere. Quæ omnia valde facientia ad docendum, quam longe meae meorumque collegarum mens abfuerit ab eo quod hic perverse traditur, in quaestione habita asserui, meque probaturum recipi, sed probandi copia mihi facta non est.

cum Hogerbetio alijsque criminis consortibus) Ita hic vocantur hi qui nobiscum legati erant ab Hollandiæ proceribus. Si criminis consortes fuerunt, cur non accusantur? Hoc vero manifestam arguit iniquitatem.

orationem habuisse in conventu procerum Traiectinorum) ita ut mandatum nobis erat. Eadem oratio perscripta est missa ad Hollandiæ proceres, & ab eis probata ut suæ menti conveniens.

Opemque & consilium obtulisse ut dictum an-

te est:) tantum respectu federis & peculiarium pactio-
num, ut iam mox apparebit.

Additis etiam rationibus quæ adversum pro-
ceres Federatos & Principem Mauritium nescio
quid occultabant) Hic iterum vagatur crimi-
natio, neque exprimuntur rationes illæ
quas expressas oportuit. Sed ut constet quā
hoc à vero absit, ipsam orationē ita ut apud
proceres Traiectinos habita est exhibebo.

Hollandia & Westfrisia primores nos, quo-
rum infra scripta nomina apparent, huc legatos
miserunt, ut vobis, nobiles potentesque proceres,
ipsorum nomine omnia offerremus officia quæ à
bonis amicis atque vicinis expectari par est, cum
voto bene feliciterque gerenda reipublica: Certos-
que vos esse volunt, sicut ab ipsis hætenus nihil
omissum est quod ad servandum imperium, salu-
tem, regimenque legitimum nationis Traiectinae
eiusque partium spectans suarum virium esset, ita
nunc quoque se persistere semperque perstituros in
eodem benevolo ac fideli animo.

Qua propter dolori ipsis fuit intelligere, quod
cum mense Septembri anni qui exiit graves ac
valide rationes liberaliter allata à vobis essent
de conducto milite ad tutandum statum nationis
atque urbis Traiectinae per hæc tempora turbida
ac periculosa, nihilominus nuper à quarundam
nationum legatis in conventu Federatorum ste-
rum consultari cæperit, ac decerni etiam procu-

randam eius militis missionem: cum tamen eisdem legatis ab integro Hollandia Vestfrisiaque conuentu demonstratum esset, inter iura summi imperij ad nationem quamque pertinentis contineri etiam ius peculiariter prospiciendi tutelae suae, neque id ius federe Traiectino abdicatum translatumve esse, sed seruatum potius, tum lege federis prima sub iure ac libertate singularum nationum, tum VII & XXXII capite mandatorum quae data sunt senatui, ac proinde fas non esse nationibus quicquam in alias nationes imperare ea de re aut impedimento ipsis esse quominus suo arbitratu agerent: manifestum quoque esse iuris istius seruati usum ante & post belli tempora, cum ante, tum post initum fedus Traiectinum. His vero commonstrandis etiam ex conuentu Hollandiae delegati sunt qui Principem Atrousionensem conuenerent, ac sententia scripto tradita proceribus Federatis: & cum nationum aliarum legati perstantes in proposito senatus consiliū depoposcissent, ab Hollandiae ac Vestfrisiae proceribus litera ad senatum directae sunt, quae ipsos memores facerent tum quod ius esset nationum singularum, tum quid mandata ipsorum ferrent. Iterumque retractato negotio in Federatorum conuentu ab Hollandia & Vestfrisiae legatis, saepe serio admodum ac connixae postulatum est, ne in ea deliberatione pergerent, sed legatos vestros opperirentur, qui tum omnes à conuentu aberant, sperato interim Hollandia

qui *Hollandia* praefuerunt. 481

landia quoque & *Vestfrisia* conventum, qui solutus quidem aut intermissus non erat, imo vero decreto facto continuatus, sed discessu quorundam imminutus, ad suam plenitudinem restitutum, ut negotium illud; quod duas nationes & vicinas & tot inter se vinculis colligatas summo opere spectaret, considerate expendereetur. Sed quia his omnibus posthabitis lecti sunt qui ad vos mitterentur, *Hollandia* & *Vestfrisia* procures consocij quam ipsi non *Trajectino* tantum federe, sed & multis pactiōibus vetustis obligati sint ad defendendam vestram potestatem, vestrumque regimen, simul memoria recolentes amicitiam singularem, ac bonae fidei plenam necessitudinem quae inter se vosque perpetuo fuit exercitata, omittendum non putarunt, quin gnaros vos facerent opera à se hactenus navata, ac dubitare vos vetarent se constanter perseveraturos in proposito fideliter servandi federis *Trajectini*; aliarumque pactiōum, omniaque conferendi quae ipsorum in potestate sunt ad tuendum imperium vestrum, libertatemque, jus ac securitatem vestrae nationis, & partium eius singularem. Tum vero hoc quoque oratos vos volumus, ut hanc legationem ab optimis ac propinquissimis sociis venientem gratam habeatis; ac de nobis ita existimetis, nullam nos occasionem elabi passuros qua opera & obsequium nostrum probari vobis possint.

Hh

*Dictum die xxv Iulij anni c13 13 cxviii secū-
dam novum Kalendarium, perscriptum vero ac
traditum die xxvii.*

Quid vero hic suspectum occultatur?
Sententiam nostram non obscure expref-
simus, ius consulendi suæ securitati à na-
tionum singularum proceribus nunquam
abdicatum diximus: quod verum esse pro-
batum supra est capite x.

*Quæ omnia eò pertinebant ut Traiectinis ad-
derentur animi, ne sine consensu suo discingi no-
vum militem paterentur:)* Nihil ad eam rem
opus erat animis additis. nam satis docet
ipsa natura, nemini ut tale quid sine suo
consensu fiat volenti esse. sed eò tendebat
oratio, quod ipsa præfert, ut secundum im-
perata proceribus Traiectinis operam no-
stram deferremus.

*Cumque eodem venisset Princeps & Federato-
rum legati & orationem ex mandato habuissent,
ipsum captivum usum sui præbuisse in concipien-
da responsione quam darent Proceres Traiectini:)*
Quid autem in hac re peccatum est? venit
ad me Ledenbergius, satisque copiosè sen-
tentiam ac mentem procerum Traiecti-
norum mihi exposuit, meque rogavit ut
eum sēsū scripto complecterer, quando
ipsi nunc id per negotia minus vacaret, eo
consilio, ut quod scripturus eram ipse cum

Trajectinorum procerum adfessore recognosceret, emendaret si opus esset, ac Trajectinis proceribus exhiberet. Morem ei gessi, ac cōceptam formulam collegis meis ostendi, qui eam placere sibi testabantur: deinde eam, si satis memini, adfessori procerum Trajectinorum & Ledembergio tradidi.

In qua ipse legatos noluit agnoscere ut legatos procerum Federatorum, qua tamen qualitate ipsi & literas fidem legationis facientes tradiderant & orationem habuerant:) Nolle aut velle hac in re meum non erat, sed feci quod velle Trajectinos proceres ex Ledembergio didiceram. Responsum tale erat: *Trajectini proceres cum cura expensis qua in conventu suo dicta sunt à Principe Arausionensi, & ab iis qui missi ad se sunt ex numero legatorum ex Geldria cum Zuthphania, ex Zelandia; Frisia Cislavica; Transisalana, Translavica ad conventum Federatorum, primum gratias agūt, & quæ sequuntur.* Apparet hinc ita temperata verba, ut qualitas quam sibi illi adscribebant directè nec tribueretur illis, nec negaretur. Cur vero directè eam qualitatem illis tribuere gravati sint proceres Trajectini, causas has fuisse suspicor. Primum, quia nomen Federatorum procerum iure præscribi posse non arbitrabantur, nisi in

negotiiis ad federis communitatem pertinentibus, in quibus non est aut proprii in quaque natione regiminis tutela ac securitas, aut etiam de sacris imperium. Deinde quia decreta hæc legatio fuerat absentibus legatis Traiectinis qui pars conventus Federatorum erant; ac tum iusta de causa domum iverant, nimirum ut proceres suos edocerent ea quæ gerebantur & propiora mandata acciperent. Quamobrem, præsertim cum res hæc moram ferret (iam enim toto anno novus miles urbem custodierat, neque ullum inde incommodum) debuerant socii aut Traiectinorum reditum ad se opperiri, aut etiam nationem novis literis ad conventum evocare: ut habet lex xix federis Traiectini. Tertio, quia Hollandia, quæ apud Federatos merito magnam habere solet auctoritatem, in hoc decretum non assenserat, sed postulaverat Traiectinorum reditum expectari, quo & Transisalani initio ferri videbantur.

Ipsum captivum Traiecti cum esset operam posuisse in rebus procerum Traiectinorum) Ad id enim missi eramus ut in eorum rebus operam poneremus, offerendo quæ supra diximus, non potestatem arrogando, quod nec factum est à nobis.

qui Hollandiæ præfuerunt. 485

Et in separato conventu assensit ut Harteveldio centurioni imperium in novos milites daretur) Significaverant nobis proceres Traiectini aliquos à se delegatum iri qui nobiscum colloquerentur. Ex eo sæpe ad nos de proceribus Traiectinis aliqui venerunt. is hic dicitur conventus separatus inter sermones dixerunt quid facere constituissent nullo ad hoc nostro impulsu suasuve. id hic assentire dicitur, cum non possemus non audire quod dicere aliis libebat. Inter cætera dixerunt, sibi hoc visum, Harteveldio, ut qui inter centuriones primus ordine esset, ex communi consuetudine & ibi quoque servato hætenus more, in novos milites imperium generale deberi, si quis motus ex templorum invasione aut aliunde oriretur. Id hic dicitur imperium dare. In verbis quam paucis quam multa obtorta? Tum vero quod hac in re meū est factum? adesse & audire non est quicquam facere;

Conatum quoque ipsum privatim uni consulum Traiectinorum persuadere ut novos milites retinendos censeret) Verum est, cum ex proceribus Traiectinis quidam ad nos convivę venissent, atque inter eos cōsul Pollio, quem audiebam anno ciccicx fidum fuisse legitimis rectoribus, sed in hac re ab alijs transversum agi, incidisse inter nos duos sermo-

Hh iij

nes an ex re esset dimittere novum militē,
antequam rectorum securitati aliter satis
cautum esset, quo super negotio quæ con-
sideranda existimabam, congruenter men-
ti procerum Hollandiæ & ordinis Rotte-
rodamensis aperui. sperabam eo tempore
breui omnia compositum iri communi cū
gratia, quia Traiecti cum essem, intellexe-
ram Bossizium è Gallia extra ordinem le-
gatum advenisse, virum cui fama consen-
tiens sapientiæ, experienciæ, probitatis, bo-
nitatisque laudem assignabat, & qui quan-
quam in Romanensi erat communione,
apud Protestātes tamen tam in Germania
quam in Gallia graciosus semper fuisset.
ob quas virtutes simulque ob beneficia
quæ Rex & eius parens, cuius nunquam
interitura est memoria, patriæ nostræ con-
tulerant, plane mihi persuaseram, sicut re-
ctores nostri parati erant accipere omnes
conditiones equas transigendis controver-
siis, ita Principem quoque & aliarum na-
tionum legatos in easdem cōditiones des-
censuros. Simul eidem consuli proposui
quædam quæ ad ecclesiasticas disputatio-
nes sopiendas pertinere mihi videbantur.
Quæ omnia cum sufficiant indicare ani-
mum meum cupidum pacis rerumque ser-
vandarum citra mutationem rectorum il-

legitimam, in quaestione dixi & probaturum me recepi.

Etiam cum præfecto urbis consultasse quid faciendum esset, (si Princeps ipso facto ad militem exarmandum progredieretur) De hac consultatione nihil mihi constat. neque hoc confessus sum. De eo addubito an percunctando dixerim: Quid est quod fieri posset, si Princeps ipso facto peragere exarmationem vellet? Ita enim iudicabam, si Princeps ipse operam in ea re sumeret, impediendi spem nullam ostendi, ob eam qua is apud milites valeret auctoritatem. Sed Principem ad eam rem copiam sui facturum non putabam ob causas multas: Primum, qua consilium datum à senatu, cui tum Princeps interfuerat, tantum hoc habebat, amice permovendos proceres Traiectinos ut militem dimitterent: deinde quia ipsum Federati conventus decretum non ulterius tendebat, quàm ut missio benigne procuraretur. Tertio, quia Princeps Mauritius, ut vicarius ac magister militum in terra Traiectina, obligatus erat proceribus Traiectinis legibus mandati inter quas hæc erat: Princeps Mauritius, terram Traiectinam nemini subijcito, neque semetipsum quantum ad Traiectinam præfecturam pertinet, nisi Federatis proceribus & Senatui, qui pro tempo-

re ad regimen federatarum nationum constitutus est, idque in negotiis bellicis. Iam vero hæc res ad bellum non pertinebat, sed ad propriam rectorum securitatem. Quarto Ledemburgius dixerat certo se didicisse si Principis opera ad exarmandum novum militem posceretur, futurum ut se excusaret allegando quas diximus mandati leges.

Laborasse quoque ipsum ut procures Traiectinos ad vim opponendam permoveret) Verum hoc non est, nec confessus ego hoc sum. Neque vero hoc sequitur ex his quæ proxime connectuntur.

Suadens ut ad portas curarent diligentes custodias agi, utque securitati suæ prospicerent, simulque basilica ibique excubitores ponerent ex municipibus armatis :) Tantum generaliter dixi expedire bene agi custodias ut templorum invasio, seditio adversus rectores visque omnis arceretur. Nam his curatis omnes iudicabamus neminem quicquam per vim cœpturum. De basilica custodienda à me verba facta non sunt: sed è Traiectinis rectoribus quosdam tale quid dixisse puto, memores eorum quæ acta erant anno cix cx.

Et intellecto centurionem Harteveldium difficilem se præbere ad nauandam operam contra procures Federatos & Principem) Perperam

hoc narratur. Dictum tunc est, difficilem præbere se Harteveldium in recipiendo munere agenda custodiæ, quæ ipsi à proceribus Trajectinis aut magistratibus vrbanis mandanda esset: quam custodiâ ad vim arcendam negabam ego adversus Principem quicquam facere. Hæc à me dicta ipsi illi qui præfuerunt quæstioni ex testibus à se auditis compererunt: & tamen ita res hic describitur, quasi miratus essem ab Harteveldio operam negari adversus proceres Federatos & Principem, cum tamen notissimum sit nihil proceribus Trajectinis propositum fuisse extra sui tutelam.

Dixisse captivum, esse hoc flagitium militare ac fidei desertionem qua neque ad decus neque ad bonum publicum pertineret: valdeque de hac re miratum esse) Verba ipsa non memini, sed in quæstione fidei testium rem permisi. Quod si dixi fidei desertionem aut flagitium militare esse, si qui per annum totû à proceribus Trajectinis æra recepissent, nûc operâ denegarent in agenda custodia, quid in ea re à vero abeat, intelligere nequeo.

Eandem captivum ut etiam ordinarium federate communitatis militem ad similem vim opponendam permoveret) Etiam hoc extra confessionem & verumabit. Tam verba nostra quam mens ipsa huc tantum fereban-

tur ut milites ordinarij , qui non minus Hollandiæ (cui merent) quam federatæ communitatis milites dici possunt , moneantur nihil agere adversus decreta procerum Traiectinorum in negotiis quæ non ad rem bellicam, sed ad proprium regimen nationis Traiectinæ eiusque securitatem pertinerent , congruenter mandatis quæ nobis data erant , & epistolis quas adferebamus.

Sacramentum illis suum prælegisse) Adfui cum id à legatis Hollandiæ fieret, ut mandatum ipsis erat. à me peculiariter nihil actum est hac in re.

Quod ipsum ita voluit interpretari) Ego vero sacramenti interpretationem nullam feci. tantum in peregrinorum quorundam gratiam, ut recte intelligere possent quod iuraverant, verbum verbo reddidi. Antequam vero epistolas militum ductoribus traderemus, ipsisque prælegeremus sacramentum, adieramus Principem, atque ei dixeramus distulisse nos hætenus id negotium : sed cum mandata ad nos repetita essent, ac metueremus ne culpæ nobis imputaretur segnitia, non posse rem à nobis ultra proferri. Dixi quoque militum præfectis, neque à Traiectinis, neque ab Hollandis controversiam ullam moveri adver-

fus proceres Federatos aut Principem, sed id tantum ab illis curari ut suam potestatem integram servarent. Neque vero à nobis arrogari ius ullum imperij in ipsos præfectos militum, sed nomine procerum Hollandorum, à quibus stipendia acciperent, voce nostra moneri ipsos, nequid tēterent adversus proceres Traiectinos eorumque decreta in negotiis ad propriam ipsorum rempublicam spectantibus.

Non teneri eos parere communitati Federatorum ac Principi) Hi à nobis nominati hinc non sunt.

In his qua cum procerum Traiectinorum imperatis pugnarent) In negotiis pertinentibus ad proprium regimen nationis Traiectinæ.

Sed contra imperata ac decreta eorum quibus mererent) Nomine eorum quibus merebāt ad nulla eos imperata aut decreta astringimus. neque vero attinebat id fieri. Tantum monuimus nequid in terra Traiectina facerent adversum rectoribus Traiectinis in eo quod diximus negotiorum genere.

Et procerum Traiectinorum ipsis exsequenda, & ut exsequerentur alij dandam operam) Militum officium esse adesse proceribus ad decreta tuenda dicebant epistolæ quas ferebamus. Nos tamen eousque non processimus.

mus, cum satis nobis esset si a vi facienda eos abstinere: quanquam haud dubie ad exsequenda etiam decreta obligabantur in negotiis eiusmodi, ut iam diximus.

Nec quicquam contra agendum ipsis tentandumve) Per vim. nam de eo agebatur.

Aut ut fieret patiendum) Dictum hoc à nobis non est. Et tamen congruebat hoc epistolis, federi, ac sacramento.

Comminatione addita de non persolvendis stipendiis si contra facerent) Ego tali comminatione usus non sum. sed ab aliis collegis meis generaliter dictum puto, quid proceribus Hollandiæ faciendi ius esset, si milites hac in parte sacramento non starent, sed proceribus Traiectinis impedimento essent in exercendo quod ipsorum esset imperio.

Ipsam quoque & criminis consortes) De hac appellatione criminis consortium dictum supra est.

Non veritos præfecto urbis præcipere ne cui nisi ipsis) Nobis parendum non diximus: neque vero opus erat, ut iam indicatum est.

Et proceribus Traiectinis pareret) In negotiis dicti iam generis & de quibus solis hic quærebatur. Nam in belli rebus diserte diximus ipsius esse officium parere Federatis proceribus Principi ac Senatui. Ego vero

nihil hac in re peculiâriter dixi.

Vtque animum suum de vi opponenda plane ostenderet) Non de vi opponenda : sed de vi modis commodis prævenienda, vt dictum ante est sæpius.

Ipsium captivum pridie quam exauctoratus est novus miles literas quas habebant ad militum ordinariorum ductores tradere aggressos) Male cohærens dictio ostendit præcipitatum laborem in concipiendis sententiæ verbis, quod & supra annotatum est. Rem quod attinet ea gesta est eo ipso tempore quo facta est illa ad ductores militum admonitio hætenus memorata , ita vt causa non fuerit cur hoc factum ab illo sejungeretur. Tum vero gestum post repetita mandata , post additos nobis legatos alios, post simpliciter & aperte de mandatis edoctum Principem, quæ omnes circumstantiæ ad rem vel maximè pertinentes non recte hîc subticentur.

Saltem vt quætos se continerent) Mendose hic adscribitur illud saltem cum ulterius, aut aliud quicquam à nobis concupitum non sit.

Quod si fieret , ciebant Ledembergus atque alij facile se voti compotes futuros quippe bene disposito per novos milites negotio) Nihil aliud ipsis in voto erat quam vim omnem evita-

re resque retinere eo in statu quo per annum integrum fuerant, ad conservandum statum civilem & ecclesiasticum.

Ipsū quoque captivum secuta nocte sermonem conseruisse eum præfecto urbis cumque eo consultasse) Hoc & quicquid cohæret extra verum extraque mihi confessa memoratur. Atres sic habet. Cum intellexissent proceres Traiectini ipsum Principem ad exarmandum novum militem accingi, (quod futurum ante non crediderant) expenso periculo constituerant potius iniuriam pati, quam ad extrema descendere. Præfectus urbis, à Principe accitus cum esset, noctu venit ad nos in lectulis cubantes, qua occasione haud satis scio, dixitque nobis iussum se venire ad Principem. Respondimus nos recte facturum si Principem accederet, & quod in se esset, id omne conferret quo res sine sanguine abiret. Deliberatum inter nos extra hæc nihil. confido præfectum urbis Ogleium, virum nobilem, dignitatis equestris, & nostræ reipublicæ fidum, non aliud quam quod dixi dicturum.

Quibus modis prohiberi posset ne Princeps plus militis in urbem induceret) Plane à vero abit quod hac de re cum præfecto consultasse dicimur. Neque vero credibile id est, quā-

do proceres Traiectini constituerant iniuriam perpeti.

Et de eam in rem custodia disponenda ad portam Amersfordianam) Res diversæ confunduntur. Cum præfecto vrbis eo tempore de porta Amersfordiana nihil est actum. Sed, cum primum Traiectum venimus, quibusdam procerum dixeramus videri Oldenbarneveldio, non abs re fore si custodiæ diligenter haberentur ad portam Amersfordianam, ne præsidium in urbem induceretur nisi consciis quos conscios esse oporteret. Quam ad rem notari convenit per Hollandiæ & Traiectinæ oppida, ut quæ in limite posita non sint, moris esse centurias præsidio missas extra portas haberi, donec inspectum sit diploma attributæ sedis. Goudæ, Gorichemi atque alibi insuper portis distinentur milites, donec aut iureiurando, aut pollicitatione fidem suam oppidanis magistratibus adstrinxerint. Tum vero etiam quæ sub Rege Hispaniæ, ac postea sub Archiduce fuerunt oppida, ut Ipera, Ducissilua, atque alia, ab his quoque sæpe recusata præsidia, neque id pro crimine ipsis imputatum. Albanicis temporibus vrbis Traiectina aliaque oppida accusata eo nomine quod custodias auxissent, unde regius procurator inferobat

regium ab ipsis militem pro hoste haberi. Hornano quoque & Egmondano obiectum, quod oppidis quibusdam auctores fuissent ne præsidia admitterent: Verum super his accusationibus & illationibus, ut iniquis admodum, graves tum ortæ sunt querelæ. Adde iam in codicillis, quos Traiectini proceres Principi Mauritio dedere, hæc verba contineri: *Si necesse indicatur ut præsidia aliqua in urbe oppidisve locentur; fieri id nequito nisi diplomate Principis & consensu procerum aut curatorum rei publicæ Traiectinæ si Princeps intra fines Traiectinos erit. Extra eos fines si erit Princeps, tum diploma ad proceres, ratoresve transmittitur, ut ab eis curetur effectumque detur, nisi quid ipsis occurrat cur aliter faciendum sentiant, cuius tum Princeps illico monetur.* Postea: Ipse, Princeps scilicet, generaliter ex consilio & voluntate procerum aut curatorum, urbem, oppida, castella terre Traiectinæ, quæque facta sunt, quæque facienda erunt, custodito, perque homines ex legibus idoneos, quos proceres Principi nominaturi sunt, custodiri facito. Intelligo etiam urbis Traiectinæ nomine specialiter stipulatum ne præsidium recipiat nisi volentibus magistratibus. Ex quibus omnibus liquido apparet, nullum præsidium ignaris rectoribus (præsertim manentibus induciis & cum ab hostico Traiectum

Trajectum longè abesset) secundum leges induci potuisse: at contra licuisse rectoribus excludere militem præsidio missum aut accitum, donec inspectis codicillis de ea re deliberatum esset.

ac vim nominasse Princeps eam ob causam portas aperiri faceret.) Imo verò hoc tum dicebatur, velle Principem invitis proceribus & magistratibus Traiectinis portas malleo perfringere: qua occasione dixi me, si militarem & Proceribus Traiectinis dixissem sacramentum, libentius spectatorem eius rei quam adiutorem futurum. Vim an futuram id dixerim haud satis recordor. Illud scio Hollandis ingenium non esse factum ad aulam, sine circuitione rem signant suo quamque nomine: & scapham non aliter quam scapham vocant.

Quæ actiones tetenderunt omnes) Facta quæ hætenus narrata sunt toties extra verum, nondum tamen sufficiebant concitando in nos plebis odio, nisi adderetur hæc atrox illatio. Si id efficere quod hic sequetur animus nobis fuit, mortem & quidem exquisitissimam eramus commeriti. Cur ea affecti non sumus, quandoquidem ut grãtia nobis fieret non oravimus? Sin hoc dicitur, extra propositum nostrum im-

minuisse tamen ex nostris factis hæc mala; iam imprudentiæ rei sumus, quæ certè nec perpetua captivitate nec bonorum publicatione fuit luenda. Adde jam eadem sensisse rectores nostros ante nos reipublicæ admotos, ita ut huius rei auctores dici non possimus. Sed enim tantum abest ut ex factis nostris mala illa secutura fuerint, ut multo maiori cum ratione adversariis nostris (qui pro iudicibus se venditant) id possit reponi.

Vt non tantum vrbs Traiectina sanguine misceretur :) Verum dixit qui mihi in carcere constituto dixit : *Proceres Federati* (id est homines octo ut dictum est antea :) *te in carcerem compegerunt, voluntque civibus atque exteris causam facti sui approbare:* id est, quando eò iam deventum est aut tibi deprecanda est culpa, aut exspectandum iudicium infame. Captores nostri in illo non signato programme, quod statim à nobis captis prodijt, vulgaverant, futurum fuisse ut facto nostro vrbs Traiectum sanguine misceretur. Dictum hoc erat : probari oportebat. Et ideo hæc verba sententiæ inserta sunt, sed plane contra veritatem. Nam bene ordinare custodias, ut factum erat antehac, & Hollandicas centurias monere nequid adversus legitimum re-

gimen Trajectinæ nationis tentarent, non ad cædes faciendas sed ad eas cavendas pertinebat. Sed ex consilio exarmandi militis invitis primoribus Trajectinis, imo etiam iniussu procerum Federatorum, ut legitimum regimen contra leges mutaretur, ex inductione præsidij in urbem non consentientibus quorum consensus requirebatur, potuerant cædes oriri, nisi bonitas Traiectinorum procerum, ei periculo prævertendo, successisset iniuriæ.

Sed & respublica:) Rempublicam dileximus semper. Ostendunt id apertissime consilia omnia quæ vnquam à me sunt data, & libri editi ad tuendum ornandumque præsentem statum. Salva republica honores, existimatio, gloria, bona, amici salvi mihi esse poterant: ea si in periculum adduceretur, & ipse simul de omnibus quæ in hac vita homines cara habent, periclitabar. Vide de hac re quæ supra ad verba de turbando reipublicæ statu notata à nobis sunt. Maiores nostri ita sunt arbitrati, rempublicam salvam esse posse etiam si nationes aliæ Romanensem, aliæ Reformatam religionem amplexarentur: atque ipse Princeps Mauritius terram

Arausionensem pacatam regit ubi utraque religio colitur. Et nunc respublica constare non potuit, si temperata quædam libertas super istis controversiis adhiberetur; Minusne bene in rempublicam animatum fuit oppidum Goudanum, quàm oppida alia, quia Goudæ Remonstrantium dogma laudabatur & longe aliter Vvिल्helmus Princeps Arausionensis atque eius temporis proceres iudicarunt, nimio rigore in rebus sacrorum, cui nos pares non sumus, rempublicam in discrimen adduci.

Ipseque Princeps in summum adduceretur periculum) Principem colus semper & bona fide dilexi: neque ullam occasionem passus sum elabi qua id testatum facerem. Ostendunt id libri. sed & honos mihi obtigit ut in rebus privatis suis mea opera Princeps uti vellet, quam ipsi non displicuisse confido. Quod proceribus Hollandiæ & magistratibus Rotterodamensibus parui in negotijs de quibus alia erat Principis sententia, non est cur eo nomine mihi Princeps succenseat. Pars hæc est eius pro qua pugnavit libertatis. Potestatem quæ delata ipsi est imminutâ nūquam volui. poterat eam retinere & nationis cu-

iufque proceribus suam relinquere. At qui sui commodi causa Principem negotiis ingesserunt adeo non apud nobiles tantum & rectores sed & apud cives plurimos odiosis, nunc ut novos milites exarmaret, nunc ut legitimos rectores deiiceret, nunc ut pastores pelleret, plebique adimeret Deum ex animi sententia colendi potestatem, hi sunt qui palam fecerunt sibi se studere, non Principi, cuius vitam sine vlla necessitate aut ratione periculis obiecerunt. Nos initio non credidimus Traiecti Principem operæ suæ facturum copiam: cum id facturum intelleximus, ut ipsi cederetur consilium dedimus. Ego peculiariter Rotterodami laborem sumsi, ut contra ius ac possessionem eius oppidi data missione novo militi gratia Principis redimeretur, (scit ipse) idque ne ad extrema truderemur. En vero quod huius facilitatis nostræ pretium reportamus.

Ex quo caterisque ipsius coitionibus ac molitionibus secutum est) Nihil à me non palam factum est. Etiam quæ oppidorum legatis in conventu suo peculiari visa fuerant, perlatæ fuerunt in communem Hollandiæ conventum. ad nullam rem coivi, sed explevi officium obedientiæ quod Hollandiæ proceribus rectoribusq; Rotterodamensibus

debebam, firmo proposito bona fide observandi federa & pactiones pridem factas. Si quid ultra ea quæ obiecta supra sunt & à me refutata obiici potuit, specialiter id expressum oportuit, non iis verbis ad quæ responderi non potest, nisi hoc vnum me neque coitionem neque pravas molitiones mihi conscire, vt qui hoc vnice egerim vt egregio publico per vias quam iustissimas irem consultum. Viderint an coitionis molitionumque immunes sint, qui in cœtibus arcanis constituerunt ecclesiasticum divortium impellere, vt & pacem super controversis quæstionibus & ius magistratum circa pastores eligēdos everterēt: quique in iisdem cœtibus decreverunt Synodum è nationibus communem obtinendam, vt factæ iam secessioni auctoritas circumdaretur: Quique privati cum essent contra magistratus se pactionibus mutuis colligarunt, imo magistratibus quæ vellent extorserunt, vi eos aggressi sunt ac pro libidine mutarunt: quique templa in quæ proceribus potestas erat privato ausu invaserunt.

Vt in procerum corpore procures alij) Non potest hoc nobis imputari, quibus hic semper animus fuit, decreta procerum Hollandiæ de negotiis ad ipsorum rempublicam

ſpectantibus tueri, proceribus federatis fidelem opem præſtare in his omnibus quæ ſecundum federis leges ad ipſos ſpectabāt. Illi viderint an non in procerum corpore proceres alios fecerint, qui primi inſtituerunt, vt oppida quædam peculiariter conuenirent idque ad impugnanda procerum decreta, qui alia oppida in eandem ſocietatem pellexerunt, effeceruntque vt exemplum à procerum corpore membra diſcerpendi in Hollandia cœptum ad Tranſſalanos manaret.

Imperium in imperio) Imo vero in Hollandia vnum ſummum imperium ſecundum leges mores ac fedus retinere conati ſumus, permittentes Federatis arbitrium rerum belli. At vero oppida quædam colligere vt manu facta decretis publicis contra eatur, id vero meo iudicio eſt in imperio imperium ædificare.

Novaque federa in ipſo federe ac contra fedus erigerentur.) Diſſentaneum & hoc à vero eſt. Provocamus ad federa, tum id quod inter Hollādos ac Zelandos primo initum eſt, tum id quod Traiecti factum eſt poſtea, quorum utroque ius ſummum imperij, etiam circa ſacra, cuique nationi ſervatur: Verba à nobis ſtant. Mutatio, quæ quidem aptari poſſit his quæ noſtro tempore cō-

troverſa fieri cœperunt, nulla oftenditur. Hortati ſumus alij alios & rotunde ſententiam expoſuimus ad ea federa obſervanda, non ad nova facienda. Qui federa & vinorum intelligunt, facile iudicaturi ſunt, an non illi contra fedus faciant, qui invitis nationibus leges præſcribunt ex quibus eccleſiam gubernare debeant: qui nationum proceres & oppidanos magiſtratus vetant adverſus vim ac ſeditiones tutelæ ſuæ proſpicere: qui ſociorum in gratiam edictum facere nolunt ſeditioſis vocibus factiſque comprimendis: qui militem ordinarium abducunt ab officio quominus proceribus nationis ac magiſtratibus oppidanis præſto ſit ac pareat in negotiis ad propriam ipſorum rempublicam ſpectantibus: qui edicta faciunt & in Hollandia evulgant proceribus Hollandiæ nolentibus: qui capiendos decernunt eos qui ad Hollandiæ conventum miſſi ſunt, atque in fide publica ſunt Hollandiæ, & ad eam rem præfecti Hollandiæ operam abutuntur: qui nobiles oppidanosque rectores contra leges honoribus deiiciunt, qui oppida procul à limite ſita externis præſidiis inſident invitis magiſtratibus ac municipibus, quæ præſidia militum numero vincunt quatuor illa millia de quibus Philippi I I principa-

tu tanquam palam violato iure publico tam graves querelæ motæ sunt : qui iurisdictionem sibi arripiunt in cives ac ministros Hollandiæ , erecto novo tribunali contra leges & sine vlllo exemplo nisi temporum Albanensis præfecturæ.

Vtique in universum status civilis & ecclesiasticus perturbaretur :) Quominus de rebus divinis alij alia sentiant, sæpe nulla vi nullaque sapientia prohiberi potest. Certè à nobis id præstari nequibat, qui ad rempublicam venimus multo post quam & ortæ erant & celebres factæ controversiæ. Sed ad præveniendas quæ inde nasci possunt turbas valent remedia à nobis indicata : interdictio obtrectandi ad exemplum Palatinatus cum hortamento ad retinendam unitatem inter dissentientes : aut delectorum ex civili & ecclesiastico ordine labor ad transactionem, aut Synodus convocata ad conciliandas partes regente eam summa potestate, aut interpositio hominum sacra intelligentium, quibus moderatum sit ingenium, & qui se controversiis quam minimum immiscuerint. Contra vero turbis causæ datæ sunt dum repudiantur illa remedia, dum permittuntur in allocutionibus ad populum convitia, sæpe & calumniæ, dum infestis animis definitio procudi-

tur. Statum civilem quod attinet, cum imperturbatum haberi posse, quanquam alij alia sentiant super quæstionibus controversis rerum divinarum, & ante hoc ipso capite & superius capite quarto ac sexto demonstratum est. Si regendæ reipublicæ modus aspicitur, observatio federis non mutato aut statu qui per annos quadraginta bene cesserat, aut rectoribus quorum fides longis experimentis erat probata, turbis causam præbere non poterat: sed id poterant præcipites conatus ad ancipitia & ad vim in socios, quæ agendi ratio, ut verum dicam, venenosa est & hostibus in rempublicam nostram occasiones suppeditat. Qui ergo nunc sunt qui contenti suo fuerunt & qui illi qui res novas quæsierunt? Res manifesta est. sed semper habet lupo in agnum iurgij causam.

*Cur, inquit, turbulentam mihi fecisti aquam
Istam bibenti?*

Nec quicquam magno prodest respondere:

Qui possum, queso, facere quod quereris lupo?

At ite decurrit ad meos haustus liquor.

Quidam cum alterum atrociter verberasset in ius eum vocare voluit & dicam scribere, quod caput durum haberet. Si defensu federis convenire non poterat (quanquam aperta erant verba) proximum erat

venire ad amicos communes, vt ad Reges Gallia, Britannia, Sueonum & Principes Evangelicos. Speraueramus nos Bossizij adventu eò res perducendas, neque futurum vt adeo fastidiretur consilium Regis cuius tanta in rempublicam nostram merita exstarent. Sed ad vltima quæque impulsus est negotium, ne amicæ compositioni esset locus. Proinde neque per nos perturbatus est status reipublicæ, neque per nos stetit quominus exorta turbamenta placide sedarentur.

Exhauriretur ærarium ac respublica vsque ad decies non semel sumtus faceret:) Siquis fuit qui pecuniæ publicæ quæsiuit parcere, quique ex ea locupletatus minime est, cum me profiteri audeo: neque metuo testes citare omnes eos qui me noverunt, etiam inimicos. Si vero hoc dicitur, profusionem tamen ex nostro aut (vt dici oportuit) ex eorum qui nobis præerant facto secutam, ne hoc quidem verum est. Impendia novi militis, quæ anno longius non durarunt, tolerata non sunt à communitate federis, sed à republica Traiectina & per Hollandiam ab oppidis, neque possunt, quantum mihi dictat memoria, pertingere ad bis centena millia Florenorum. Multum hoc abest à sæpius decies. Conventus Hollandiæ (nam

& quod hi crebro haberentur, obtreſtatione non caruit) non reipublicæ Hollandicæ ſed propriis oppidorum ſumtibus ſuſtinentur: quodque habiti ſunt tam crebri, illis eſt imputandum quibus nulla decreta unquam potuerunt ſatisfacere. Qui res patriæ noſtræ intelligunt, iudicent an non cauſam potius dicere debeant de exauſto ærario & ſumtibus factis uſque ad decies non ſemel, primum nationes quæ iam per annos multos tributa ut poſtulata erant à præfectis & ſenatu polliceri abnuerunt, & tamen quæ erant pollicitata non pependerunt: tum qui vetuerunt ne copiæ Gallicæ ex quo è Gallia pecunia defecit, cum honore ac gratia ad ſuos ire permitterentur cum id poſtulatum eſſet: oppida præterea quæ centum millia florenorum & amplius reipublicæ Hollandicæ reliquabantur: illi etiam qui auctores fuerunt colligendæ Synodi cuius impendia maxima ultro iactitant, nimirum ad multos cives optimos opprimendos, & qui contra leges tribunal inſtituerunt quod non minus ſeptuaginta millibus ſtetit, ut alia prudens taceam.

Diffenſio ac diffidentia paſſim inter federatos ac populares ſereretur:) Pax eccleſiaſtica inter ſententiis diſcrepantes, & fides de ope

mutua inter rectores, veræ erant rationes non ferendæ sed eradicandæ tum dissensionibus, tum diffidentia. Contra vero & dissensionibus & diffidentia causa data est ex licentia declamandi apud populum etiam in magistratus, & quia obstitum est ne ei malo medicina adhiberetur: quia seditiosa ac famosa scripta vulgare impune licuit: quia de publica spoliatione ac vi alia ius dictum non est: deinde ex legationibus & colloquiis, quibus id actum est ut plura Hollandiæ oppida transirent in eorum partes qui se conventui, conventusque decretis opponebant.

Fedus frangeretur:) Ante ad hoc crimen responsum est. Nationi cuique saluum relinquere ius summum imperij circa sacra ac profana, tutari publicos rectores, hæ vero federis præcipuæ sunt partes. Ut uni conventui paucorum hominum potestas omnis deferatur, federi non convenit, neque vero durabile est. Quod Carolus Burgundiæ Dux, quod ex eadem domo alij, quod Imperator Carolus, quod Rex Philippus effectum dare non potuerunt, ut scilicet per omnes nationes nostras una duntaxat esset respublica vnumque imperium, id si hodie haud satis succedat nihil mirandum est. Amant populi omnes gubernari secun-

dum maiorum instituta.

Patria sibi tuenda impar fieret:) Imo in hoc semper laboravimus ut fines tatis militum copiis custodirentur, quantas necessarias esse animo concipi poterat: utque munimenta omnia firma ac valida haberentur. Id videndum potius, an non patriam sibi tuenda imparem faciant, qui milites tuendis finibus necessarios non in hoc impendunt, sed ut decretis Synodi viam addant, maximo cum dolore multorum millium, qui indicta ad patriam tutandam onera prompto semper animo tulerunt.

Ad dñctaque sit in periculum aut pactionis ignominiose:) Quam procul hoc semper ab animo meo abfuerit, scit omnipotēs Deus. Multos aliud scire arbitror, etiam eorum qui huic sententiæ ferendæ adfuerunt. Summum imperium libertatemq; patriæ in omnibus scriptis meis defendi: omnia mea consilia eò tetenderunt: quicquid ad patriæ rem stabiliendam augendamque pertinebat, id fide optima & animo integro procuravi Ecclesiæ divortium, rectorum mutatio illegitima, bonorum civium oppressio, hæ vero sunt viæ quæ ad tam miserabiles exitus rempublicam solent perducere, non ecclesiæ unitas, publici imperij defensio & in re pietatis moderata libertas.

qui Hollandia præfuerunt. 511

Ant pleni exitij :) Absit hoc à nobis qui incolumitatem nostram in patriæ salute positam habuimus. Qui à prima ætate vitam suam inquinaverunt, hi suspecti esse possunt, ne rem eò perducant, non qui à pueritia honestis studiis ac proborum hominum consuetudini se dediderunt. Deum veneror patriam ut fospitet. Quod si quid ei impendet mali ob cōtemptam veritatem salutiferam, ob ruptas leges iuratas ac fœdera, ob effusum sanguinem innoxium, illos non tenebit culpa qui perseverare voluerunt in statu publico quem Deus tamdiu secundaverat, qui æquissimas ad concordiam conditiones tulerunt, qui nihil fecerunt nisi publico vocatu, postremo qui ut sanguini parceretur, ad ferendam iniuriam se composuerunt.

Ac proinde in bene constituta republica toleranda non sunt, sed punienda ut aliis exemplo sint :) Concedo, imo etiam morte punienda. Hæc enim illatio iure sequeretur, si vera essent quæ proxime antecesserunt. At ea nihil minus quam vera sunt. Iudicabit suo tempore is cui perspecta sunt omnia.

Obeam rem dicti iudices) Adversarij nostri contra leges in nos iudices dati, ut demonstratum supra est.

Ex ætò consilio visis expensisque omnibus qua

dato Synodum Dordrechtanam probare non potuimus. Miltiades qui pro Athenarum libertate tam fortiter fecerat; in carcere exspiravit. Qui vnquam fuerunt viri præclare de patria meriti in liberis præcipue civitatibus (quam tamen gubernationis formam non ideo aspernor gnarus esse & aliis sua incommoda) qui non aut intercepti sunt, aut vincti, aut in exilium eiekti? Publicam libertatem animose tueri quicumque vis, scias minoris id non constare quam tuæ periculo.

Eoque fini deportandum in bene custoditum locum assignandum à proceribus Federatis atque ibi per omne vitæ tempus habendum asservādumque:) Hic adscriptum non est ne pater, frater aliique necessarij ad me adire permitterentur. ita tamen vsurpatum est. Vide caput XVIII.

Bona vero eius publicanda pronuntiant:) Bona certe exigua, quæ aut ex annuo salario meo & reditu vxoriæ dotis comparata sunt, aut magno cum labore operis forensibus quæsitæ. Hoc saltem hinc apparuit quam ego ex publicis muneribus rem non auxissem. Iam pridem peregre oblatis mihi fuerant honores non aspernandi, nec infructuosi. sed patriam semper prætulî. nec eam incuso, quando hæc mala, non patria

514 *Apologeticus eorum*
inferente, sed pro patria & cum patria fe-
ro.

Actum in iudicum cæta) Cætu novo atque
inaudito. Deus similes à patria avertat.

Hagæ Comitatus) Quo in loco illorum,
quibus nos secundum leges parueramus,
summum imperium ac potestas erat.

Pronuntiatumq; die XVIII Maj CIO IO CXIX.)
Seriùs nono mense post me captum: ipso
pervigilio Pentecostes, quo die ante annos
LI à confesso, quem sanguinarium voca-
mus, sententia in Comites Egmondanum
& Hornanum pronuntiata fuerat.

Inssu dictorum iudicum signatum H. Potsius.)
Hoc vnum nomen est quod sententiæ
subscribitur, eius qui tum ad lites procura-
tor erat Principis, sed ad hanc causam scri-
bæ vsum præbebat, atque eo merito factus
deinde est scribe confessus iudicum Hol-
landiæ vetustioris. Iudices nostri (de par-
te maiore loquor) ex hac re plus emolu-
menti quam gloriæ sperarunt, atque ideo
nomina sua, quod fieri solet, sententiæ non
addiderunt. Vide caput XVII.

CAPVT XX.

*De mea notitia cum aliis pariter
damnatis.*

CVm Oldenbarneveldio notitia mihi
caliqua ; non familiaritas intercessit,
antequam in adfessionem Rotterodamen-
sem fratri eius successi. Quicumque in re-
publica erant, sapiente eius consilio uti so-
lebant : præcipue oppidorum adfessores.
Ego quoque oblata occasione vsus sum,
non ut ex eius amicitia quæstum facerem
(neque vero feci) sed ut quod peritiæ per
annos mihi deerat, id supplerem ex insti-
tutione ipsius qui oppido Rotterodamen-
si per annos novem ; reipublicæ vero Hol-
landicæ plus annis xxx in adfessoris officio
operam navarat, in expeditionibus fuerat
sæpe, legationes obierat maximas, reditus
publicos auxerat, societates cum externis
egregias publico nomine contraxerat, do-
mique ac foris magnam prudentiæ famam
erat consecutus. Eo autem cupidior huius
amicitiæ fui ; quod sermones eius omnes
ad potestatem procerum Hollandiæ tu-
tandam pertinebant, cumque animum;

K x ij

quem & in me esse sentiebam , omnibus occasionibus testatum faceret. Credidi eo ipsum melius mihi velle quod ita me animatum conspiceret. Mos agendi quo in conventu utebatur erat admirabilis , tum ob honorem quem habebat conventui, tum ob lenitatem, qua sententias dissidentes audiebat , rationum momenta ponderabat & ad concordiam reducebat : quod & plerunque feliciter ei successit, extra postremas de sacris controversias ob perpetuam adversationem. Quos mecum privatim de iis controversiis sermones habuit, ij à publicis non differebant, de tuendo imperio procerum quibus ministrabat, de ferenda sententiarum diversitate super controversiis, de prædestinatione & cohærentibus , adhibita commoda explicatione ac limitum designatione , de præveniendis aliis rerum divinarum quæstionibus. Sæpe mihi dixit post factum fedus Trajectinum ita passim habitum, ita factitatum, ut nationibus singulis ius esset de sacris non minus quam de aliis negotiis civilibus imperare ad suam quietem : oppidis hætenus non motam controversiam de sui tutela : Semper hanc nationum fuisse sententiam, officium esse militum in rebus ad belli dispositum pertinentibus parere proceribus Fe-

deratis, senatui, præfectis : at in negotiis ad nationis oppidorumque regimen pertinentibus parere proceribus cuiusque nationis & post eos oppidanis magistratibus. Sæpe admodum contulimus inter nos quo potissimum modo exortæ controversiæ transigi possent salva legitima reipublicæ constitutione & ecclesiastici corporis unitate. Vnde etiam ab ipso & à me diversis temporibus varia consilia sunt data , quæ ego intra mentem meam & æqua & temporibus apta fuisse iudico , sed quæ ab aliis perpetuo sunt repudiata. Motum vllum in ipso fuisse animi , quo Hispanis aut iis qui Hispanicarum sunt partium gratum faceret, neque ex actionibus eius neque ex verbis comperire potui. atque ideo valde mihi doluit cum in carcere meo à nonnullis qui tum quæstioni præerant, ac postea inter iudices confederunt, affirmatè admodum mihi diceretur , in manibus se habere documenta earum rerum quæ continerentur libellis nuper in Oldenbarneveldium editis, quibus nomen *Prævia detectio, Dissertatio necessaria, & Hispanici consilij artes*, ac speciatim pecuniæ quam ab Hispanica parte clam accepisset, quo tempore induciæ contrahebantur : cuiusmodi sermones eodem tempore ab aliis quoq; habiti sunt ad Prin-

cipes ac legatos. Quod si ita fuisset, merito sane suspectas reddidisset omnes ei⁹ actiones, quas alioqui benigne interpretari par erat, non modo ob communem æquitatis regulam, verū etiam ob summam caritatem in patriam quam ille etiam privatus, vt Harlemi obsidio solveretur in militiam profectus voluntariam, postea confectis se suatore tot decretis, in corpus vnum redactis Indicanis societatibus, atque in eius corporis negotia prono studio, splendide testatam fecerat. Didici postea, sicut in tractatione causæ nostræ multa per obliquas artes gerebantur, ita & istud repertum vt ad defendendam causam bonam animus mihi excuteretur. Apparuit id primum ex sententia quæ tale nihil ipsi obiicit; deinde epistola post sententiam edita, tantū vt falsus rumor, quo tamdiu circumventa plebs fuerat, post mortem quoque ipsius aleretur: quæ epistola nomen quidem præfert procerum Federatorū, sed opus erat quorundam è iudicibus qui tum convēti Federatorum intererant: neque enim huius rei amplius quicquam scire poterant proceres Federati quam iudices ipsis renuntiaverant. Hæc ergo epistola à maxime infestis Oldenbarneveldio hominibus conscripta non de probationibus repertis lo-

quitur, sed de suspitione, nec quasi hostem respexerit, ut gratū ei faceret (qua etiam in re non addito) sed quasi eum respicere potuerit. Nam quod ascriptum est, tormentis abstentum ob gravem eius ætatem, minime est probabile, cum illi ipsi senectutem eius adeo non sint reveriti, ut paucos annos, qui ei restare poterant ad vitam in ministerio publico detritam, lictoris manu præsciderint, spretis etiam Galliæ regis precibus, cuius amicitia patria nostra tam valde indigebat. Utilitas publica (quæ & ipsa obtenditur) longè aliud exigebat. nam eius vel maximè intererat, ut cum hoste commercia (si qua fuissent) penitus recluderentur. Non leve profecto peccatum est, cui vitam ademeris eidem bonam quoque existimationem adimere falso rumore tam horrendi criminis. At certè si quis iudicio imperturbato rem hæc penitus inspexerit, inveniet ne veri quidem speciem adesse huic calumniæ. Namque Oldenbarneveldius honores maximos, neque mediocres divitias obtinebat. domum quoque suam præclaris affinitatibus fundaverat. Qui ita sunt, hi res novas quærere non solent. Tum vero nationes apud nos plures sunt, oppida multa quæ corpus federis constituunt: in his nonnulla in quibus Oldenbarnevel-

dius neque auctoritatem, neque amicos habebat. Solus rem tantam exsequi non poterat. Eorum qui honoribus nunc demoti sunt (quorum haud dubie opera indiguisset) nemo eo nomine accusatur. imo omnibus sua existimatio illibata relinquitur. Ipsum Oldenbarneveldium sanctè semper asserentem audiui, quod & edita oratione & iamiam moriturus, tum apud pastores, tum apud mortis suæ spectatores testatus est, intactum se plane huius criminis: nihil in arcano sibi cum hoste actum: nulla inde ad se munera pervenisse nisi palam iuxta cum aliis nostrorum legatis quo tempore induciæ fiebant. Quod ipsam induciarum pactionem attinet, ea cum fieret, admodum eram iuvenis: neque me immiscui negotio ad meum munus non pertinenti. Neque vero ita percognitæ mihi sunt opes viresque tum quas Rex Hispaniæ eo tempore, tum quas nostri habebant, ut certo iudicare possim quid in ea re utriusque boni malive situm fuerit. Hoc tantum scio, ex duabus sententiis quæ tum magnis argumentis magnisque auctoribus se tuebantur, eam quæ erat mitior & humano sanguini parcebat, utiliorem etiam visam, non Oldenbarneveldio tantum, sed & summis reipublicæ nostræ sociis Regibus

Galliarum ac Britanniarum , postquam in ipsorum consistorio res erat ampliter tractata. Manifestum & hoc est post factas inducias præclaris societatibus munitam ornatamque rempublicam & oppida exsoluta quæ pignoris nexu tenebantur. Sed & illud Oldenbarneveldio fuisse consilij , vt imperium patriæ externo cuiquam transcriberet , neque comperire neque credere potui : quia sermones ipsius , tam domestici quam publici omnes ad servandum penes procures imperium pertinebant: quibus hoc addebat, si quæ insignes Hollandiæ partes existimarent è re esse publica vt Principi Mauritio potestas maior tribueretur , paratum se ea de re ad conventum referre , vt negotium hoc ritè atque ordine & animis concordibus tractaretur. Verum est , accepta ab ipso munera , non tantum ab Henrico Galliæ Rege, qui operam rebus suis adversis navatam iam regni plene compos regia liberalitate repensare voluit, sed & à Rege Britanniæ, tum per se, tum per liberos suos. sed nondum erant ea de re in republica nostra leges scriptæ: adde quod alij non minora acceperunt. Semper illum dicentem audiui , omnes amicitias ac societates diligenter colendas, præcipue autem Gal-

liæ & Britannia, ut quæ optima ac certissima essent præsidia nostræ libertatis. Propositum ipsi, Principem Mauritium abigere aut adimere ei potestatem legibus delatam, ne hoc quidem aut compertum mihi aut creditum: Contra plurimæ ipsius actiones indicium dederunt singularis studij in inclitam domum Nassaviam, tum Licesbianis temporibus, tum in multis negotiis aliis ipsum Principem fratresve eius aut sorores spectantibus. Quanquam vero ipsius consilium non semper idem fuit quod Principis, præsertim cum de induciis disputatum est, nunquam tamen existimare potui à Principe ipsum haberi inimici loco, multoque minus suspectum eum esse Principi aut de conspiratione cum publicis hostibus, aut de vllis adversus statum publicum consiliis, quia Princeps ubique præclara reddebat testimonia eius meritis, ac post factas etiam inducias filium eius natum majorem saltuarium Hollandiæ fecerat, alterum vero filium, cum iam de sacris controversiæ ad summum venissent, præfectum oppidi Bergarum ad Zomam: quæ ego facturum fuisse Principem minime arbitrabar, si de Oldenbarneveldij in patriam fide sequius sensisset. Atque ideo non est quod ægre Princeps

ferat, si alij amicitia ac consuetudine vñ sunt viri positi in tam excelsò ministerio publico, tum vero ornati Principis testimonio, qua verbis, qua factis. Scio ab aliquo tempore fuisse qui auctoritatem eius obtrectarent. sed simul consideravi ex opera diu fideliter navata & magnis animi dotibus (quas in eo omnes agnoscebant) sequi eam solere, multasque ad res publicè vtilem fuisse eius auctoritatem. Ipsi procures Hollandiæ ita se sentire non semel ostenderunt. Nam cum periculosissimis Licestrianiæ præfecturæ temporibus ad hoc munus enixe postulatus esset, & post multas excusationes tandem id recepisset, iamque res ex turbis maximis ipsius præcipuè fortitudine ac prudentia (quis hoc potest negare?) ad tranquillitatem perductæ beneque ordinatæ essent, ipsi procures ipsum vt missionem acciperet orantem, vicissim orarunt amicè ab eo contenderunt vt id onus perferret. Rursum cum de pace aut induciis ageretur, ac tunc quoque non minus quam olim Licestrianis, ac postea nostris temporibus per libellos famosos minasque impeteretur iterumque otium rogaret, testati sunt procures gratam sibi ipsius operam, & vt in ea pergeret à se postulari: ipsum etiam, quan-

tum eius opus esset, in suam fidem ac tutelam receperunt. Tertiò, post orta sacrorum dissidia similibus malis redardescen-
tibus denuo in fidem publicam receptus
tum eius muneris ergo quo fungebatur,
tum ob diu fideliter navatam operam
consciis non tantum proceribus ipsis sed
vniverſo genere humano, vt habent de-
creti tum facti verba. Neque vero tam
gravis fuit eius auctoritas, vt non & ego &
alij sæpe ab ipso diversum censeremus. Si
quis plenius cognoscere avet res eius ge-
stas atque animum, is interim videat ora-
tionem ad proceres Hollandiæ scriptam
ab ipso, & editam anno c10 10 cxviii, histo-
riam careeris eius vulgatam anno c10 10
cxx cui insertæ etiam sunt literæ ipsius
quas clam diversis temporibus è custodia
emisit, ac de cætero exspectet quod gene-
ri liberique eius, vbi commodum erit, pro
memoria ipsius edendum iudicabunt.

Hanium noscitare primitus cœpi in
Hollandiæ conventu, hoc pluris eius ami-
citiam faciens quod passim testimonium
ei redderetur probitatis testatæ primum
cum confessui curatorum rei maritimæ
in oppido Rotterodamo scribundo adef-
set, ac postea eum magistratibus Harle-
mensibus adſideret, ad id munus ab ipsis

vocatus. Quæ dicta sunt ab eo aut mihi aut in oppidorum colloquio, ea congruebant cum his quæ publice in Hollandiæ conventu Harlempjesium nomine dicere iubebatur, pertinebantque ad pacem Ecclesiasticam retinendam inter pastores & populos vtriusque sententiæ, tuendamque potestatem procerum ac magistratuum. Sed & hoc ex Harlempjesibus missis ad conventum plane intellexi, quicquid huius, aut in conscribendo libro apologetico adversus acta confessus iudicum superioris ab eo factum est, id omne factum mandatis rectorum. Innocentia eius hinc quoque conspicitur, quod & liber iste apologeticus, & professio Harlempjesis & actus mandati datus oppidorum legatis (quæ ferme sunt capita quorum aceusatur) omnibus nota erant, ut quæ typis vulgata essent ante nos captos. Et tamen ipse post nos captos permissus est venire in conventum Hollandiæ: quin post inutatos quoque magistratus per menses duos liber incedere, nemine ipsi negotium exhibente. At postea cum spes esset illam immitem nostri custodiam ad ipsum ne se sisteret terrendum valituram, edicto citari cœpit: quo intellecto ipse ad laudatum exemplum Principis Arausionensis periculo se subduxit, scripto

interim complexus causas quibus ostenderet tum se ad iudicem non suum vocari, tum nullius se criminis teneri, speciatim etiam refellens quæ tum falso spargebantur, de coitione facta, de collegio oppidorum in quibus ipse atque alij vicibus præsiderent, de auxilio Trajectinis promisso, atque alia quæ supra ex vero & ita vt ab ipso factum est à nobis sunt refutata. Addidit solennem testationem nunquam se ab Oldenbarneveldio, nunquam à nobis intellexisse quicquam quod non esset pro iure publico. Tamen effugere non potuit, quin exilio in annos quindecim & bonorum partis dimidiæ publicatione mulctaretur. Et quanquam omnes qui iudicio valent facile intelligunt eam pœnam neutiquam respondere crimini læsæ maiestatis, tamen ipse non minus quam nos anno post comprehensus fuit in ea pronuntiatione qua non Oldenbarneveldius tantum, sed & alij cum eo damnati eius criminis convicti dicebantur: ac nunc cogitur cum vxore, cuius pater olim libertatis ac religionis ergo exsulatum iuit, cumque liberis quieti suæ sedem quærere in locis exteris, ne hoc quidem ipsi concessio vt eo iure fruatur, quod lex notissima Harlemēsis indulget (quæ lex nullo delictorum discrimine etiam Al-

banicis temporibus exercita est) de redimenda bonorum publicatione. Non dubito quin dux Holsatiæ, qui nunc cum in honorato ministerio habet, eandem in ipso fidem ac probitatem sit reperturus quam patriæ oppidoque Harlemo præstitit.

Angor animi cum ad Hogerbetium venio, cuius vincula ac inæror hoc magis me cruciant, quod supra officia multa quæ liber libero fecit, etiam in Lupesteniana custodia, prohibito nobis conspectu mutuo, solatus me sæpe est literis, indubitatis testibus tum probitatis ipsius, tum in Deum pietatis, quas virtutes tum ipse, tum vxor ipsius (quæ captivitati coniugis immortua est) omnibus vitæ suæ partibus ostenderunt, ut usurpare de illis Claudiani illud liceat:

Cen sibi certantes sexus quid posset uterque

Hunc legere thorum.

Digni ambo maioribus suis, quos ille habuit præcipuos ac rectores oppidi Horani, illa verò Dordrechtanorum genere clarissimos. Ipse, postquam causas egerat, adfessor factus est Lugdunensium, deinde in confessu supremo iudicavit per annos viginti, ea sanctitate, ut perfectissimi iudicis exemplum haberetur. Extrema hac reipublicæ necessitate oratus ab oppido

Lugdunensi vt vacuum adfessoris locum iterum impleret, assensu procerum Hollandiæ eò se adduci passus est, neque longius octo mensibus id munus obiit, intra quod tempus iudicio horum hominum, quos affectus sui excæcarunt commeritis est carcerem perpetuum & bonorum publicationem, cum tamen omnibus notum sit res præcipuas quæ ipsi obiiciuntur decretas fuisse antequam ipse ad rempublicam rediret, etiam novos milites Lugduni conductos. Alia gesta quod attinet mihi cum ipso communia, (id vero ego in non exigua laudis parte pono, virum cum iudicans probitate cedentem nemini eorum quos in Hollandia novi) de eis supra responsum est. De tribus rebus quæ ipsi specialiter obiiciuntur tantum est quod intellexi. Actum mandati legatis suis ad Hollandiæ conventum datum à consulibus Lugdunensibus, sed vi decreti antecedentis facti ab ordine, quod eundem sensum continebat quem actus mandati. De negotio Wordano nihil aliud quam dissertatum inter rectores Lugdunenses, si magistratus Wordani impares se crederent ad vim (quæ ipsis speciatim comminata fuerat) propulsandam, rectius facturos si se pro tempore propriis custodibus munirent

ex

ex decreto facto iv Augusti die anni cio
156 xvii, quam si maius præsidium expof-
cerent, quando appareret ordinarios mili-
tes difficiles se præbere in itivandis magi-
stratibus contra vim quæ religionis nomi-
ne velaretur : ei autem sermoni causam
fuisse ex cura quam antiquitus rectores
oppidi Lugdunensis pro oppido Vvorda-
no gessissent ; quod eius quies ob vicinita-
tem ad se quoque pertineret : neque ta-
men ex eo sermone secutum quicquam
aut consilia cum magistratibus Vvordanis
sociata : Super subito neque prius signifi-
cato Principis Mauritij adventu Lugdu-
num, deliberatum quidem inter magistra-
tus Lugdunenses præfente Hogerbetio,
sed antequam ille in ipsorum esset mini-
sterio: sub idem tempus à custodibus exau-
dita verba quorundam minacia, quibus im-
pulsos rectores ad oppidi pacem tutandam
municipum corpus armasse, constituto
etiam, mittendos ad Principem suo de nu-
mero, qui benigna nuntiatione curarent
ne ipse hanc rem acciperet sinisterius. Ve-
rùm quia Princeps non Lugdunum, sed
alio iter deflexit, ideo id non peractum.
qua in re rectores Lugdunenses invenire
non posse quicquam à se peccatum, cum
ex actis publicis discant à maioribus olim

suis Carolum Burgundum Principis filium
& missum à patre qui vice eius rempubli-
cam regeret, porta interclusum, quod me-
tuerent ne præsentia exsulum qui ipsum
comitabantur, oppidi quies turbaretur: ne-
que eos tamen eo nomine reos actos cri-
minis, quia quod in rebus eiusmodi bona-
mente fit, ad cuiusquam contumeliam ac-
cipi non debet. Qualiscunque vero hæc
res habeatur, certe Hogerbetium, vt &
multæ aliæ, non tangit.

Apud Iohannem Vtenbogardum habi-
tavi adolescens per annos aliquot, sollicitis
parentibus meis vt in Dei cultu educarer,
quamobrem Lugduni quidem apud Fran-
ciscum Iunium, Hagæ vero apud Vten-
bogardum me collocarunt. Gratias illi
magnas debeo tum Christianæ institutio-
nis, tum quod vitæ exemplo mihi prælu-
xit. Nec postea desij tum allocutionibus
eius ad populum interesse, tum inchoatam
amicitiam fovere, mirari solitus tum inge-
nium eius, tum eloquentiam quæ à Deo
eximia acceperat, quorumque nomine
iuxta virtutes alias ita placuerat Principi
Mauritio, vt non tantum in aula & castris
illo pastore sibi gratissimo vteretur, sed &
privatis eum rebus suis (vt intellexi) veller
admovere, quod ab ipso comiter excusa-

tum est. Ex sermonibus factisque eius nihil aliud comperi, quam dogmati Remonstrantium ex animo cum esse addictum, ut quod non tantum divinis oraculis consentire crederet, sed & ad promovendam pietatem magni esse momenti: simul tamen paratum fide optima cum pastoribus aliter sentientibus fraternam unitatem servare, ferreque eos & ab eis ferri. De republica ostendit semper se mecum & cum alijs multis credere, procures Hollandiæ sibi colendos ut summam in se potestatem eorumque imperatis parendum secundum divina iussa, quod & perpetuo fecit. Colloquio, quod domi eius Ledembergius nobiscum habuit, non adfuit continenter: sed ingressus & à Ledembergio rogatus nobis adesse quietum se cōtinuit, nihil ad rem quæ agebatur locutus quod ego meminerim. Cæteras res quod attinet quarum accusatur, de ijs se defendit libris edicis, reddito etiam testimonio quid de nostris consiliis ex ore nostro intellexisset. Tamen hic quoque nobiscum damni ac probri consors fuit, multis calumnijs petitus, edicto vocatus ad iudices, actus in exilium, bonis insuper publicatis: quodque plus, secuta post sententiam pronuntiatio ipsum quoque crimini Maiestatis involvit.

Ll ij

Cum alijs multis eiusdem sententiæ pastoribus, qui itidem nunc ob sententiæ suæ professionem coguntur patria carere, aut clam eam usurpare perpetui carceris periculo, notitia mihi intercessit: atque eos inveni viros eruditos, pios & magistratum suorum reverentes. Semper auctor illis fui ut dogma de cuius veritate ac utilitate persuasi in animo suo essent super prædestinatione & rebus cohærentibus ad frugem bonam & semota acerbitate proponerent, atque vltiores controversias declinarent; quo pax ecclesiæ, vbi supererat, retineri, vbi luxari aliquatenus cœperat, hoc facilius restitui posset.

Danielem Treselium, qui primus fuit inter operas scribæ Federatorum, vix novi antequam exilio coniungeremur. Cum hic speciatim exemptus sit ab eorum numero qui in maiestatem deliquisse arguuntur, satis intelligere non possum, quibus rebus vocatio ad iudices & sententia in eum lata (nam causam nō continet, ut nec illa Hanij & Vtenbogardi) nitatur. Quod sermonis ac literarum commercium habuerit cum his qui ad conventum Federatorum missi erant, in quibus erat & Oldenbarneveldius, eosque certos fecerit de his quæ de die in diem gerebantur, id ve-

ro nec scribam Arsenium, nec ceteros eius conventus participes latuit: neque ei interdictum vnquam est. Id scio non adfuisse cum colloquio quod domi ipsius inter nos & legatos Traiectinos habitum est.

Iamque expleto officio quod mihi, quod coniugi, quod liberis, quod aliis debebam, in monumentum & nostræ & venturis ætatibus, Deum optimum precor, vt quicumque in me aut alios peccarunt iis id clemens ignoscat: patriam meam mihi dilectissimam sospitet adversus pernitiem internam externamque: Principi Mauritio indulgeat vt eam patriam feliciter cum civium caritate & gratia gubernet: dogma ad pietatem pertinens intra hominum mentes fœcundet: meque & alios eandem ob causam dura sustinentes aura cœlesti fulciat, vt crucem qua nos honestat non tantum feramus patienter, sed & ea exciti vitam nostram emendemus magis magisque, ac tandem immensa ipsius miseratione ex hoc lachrymoso ergastulo vindicati partem accipiamus eius gloriæ quam Dominus noster, vnicus salutis auctor, nobis peperit.

FINIS.



Summa Privilegij.

LUDOVICI XIII. Galliz & Navar-
ræ Regis, cautum est Privilegio ne
quis intra decennium typis mandet, neve
vendat librum cui titulus est, *Apologeti-
cus eorum qui Hollandia præfuerunt, &c.* Au-
thore HYGONE GROTIUS I. C. præ-
ter Nicolaum Buon Bibliopolam Pari-
siensem, qui secus faxit, pœna multabi-
tur, vti latius patet in ipso Diplomate dato
27. Iulij 1622. subsignato

GOISLARD.

